



Apr. 4736(2)

th. Asiet - 1007.

Con. Select. JESU. Monach. 1637.
LABYRINTHI

AB ÆGYPTIIS POSITI LAVDES,


cum

MVNDI

A DEO CONDITI ENCOMIIS
EXPENSÆ.

Auctore

GEORGIO STENGELIO
SOCIETATIS IESV
THEOLOGO.




PETE AB EO, VT VIAS TVAS DIRIGAT. 1637.

INGOLSTADII, Formis GREGORII HÆNLINI
ANNO M. DC. XXVIII.

ILLVSTRISSIMO
DOMINO, D. VVERNERO
TSERCCLAES, COMITI DE TILLII,
BARONI IN MARBAIS, DOMINO IN BA-
LASTRE, MONTIGNI, NEVILLE, BRAITTENECKH, HOLSTAIN,
Freystat, & Altenburg, Augustissimo Imperatori
Ferdinando II. & Serenissimo Electori Maximi-
liano Bauariæ Duci à Consilijs bellicis, & à cubi-
culis: nec non tam equitum, quam peditum Ma-
gistro ac Duci, Ingolstadiensis Ciuitatis Præ-
fecto dignissimo &c. Domino suo omni
obseruantia colendo.

GEORGIUS STENGELIVS S. P. D.

 *ON epistola, sed alius mi-
hi liber scribendus esset,
Ill.^{me} Domine, si causas
explicare vellem libri istius tibi à
me dedicandi. Colere te cupio no-
minibus multis publicis, multis pri-
uatis. Colere te debeo, quorundam
iussu, quorundam rogatu, omnium
affectu.*

*Primum TILLIVS es. Superi!
uno verbo quantum dixi? Anti-
quus scriptor, cum de Iure belli lo-
):(2 que-*

EPISTOLA

Val. Ma-
xim. lib. 2.
cap. 8.

Ad Phi-
lem. v. 10.

queretur, veniens ad Scipionis & Marcelli mentionem adiecit: quorum ipsa nomina instar æterni sunt triumphi. Hac nostra Martia ætate, Tillium nominasse, est de hostibus triumphasse. Nullus unquam Achilles partem adeò terruit aduersam, nec propria castra tantopere animauit. Achilles inter eos eminuit, qui decennio unam urbem ceperunt: Tillius uno decennio non tantum decem urbes, sed ferè decem etiam regiones subiugauit, ad miraculum usq; victoria aequè, ac bello, continuata: quasi nouus seculi nostri Hercules, natus ad orbem terrarum à monstribus ac rebellibus perpurgandum. Hic tantus, te tantum bellogenuit. Si enim Paulus Onesimum filium vocat, eumq; se in

DEDICATORIA.

se in vinculis genuisse ait, quia in vinculis ad fidem instruxit; cur te filium illius Ducis non fas sit appellare, à quo in bello, atq; ad bella es educatus? Quis igitur non diceret? Benedictio sit tibi, quia boni & Tob. 7. 7. optimi viri filius es; certè sanguis.

Et eo dignior, quia cum tanti Herois sis, non es noxa, nō degener; sed iam dudum ea documenta edidisti, ut scriberetur, te, cuius nomen gereres, illius etiā aliquando vices agere posse: quasi notum illud, Spes altera Martis, tibi accommodaretur.

Ac meritò: neq; enim fervida tantum tua virtus, aut prudentissima ingenij perspicuitas, tam belli, quàm pacis rebus agendis aptissima; verum etiam ipsa quoque tua præclarissima facinora à tot iam annis per

):(3 illius

EPISTOLA.

*illius te vestigia deduxerunt. A
Bohemico iam bello armis fulges,
& ferro clarus es. In Pragensiam
prælio te equitum Ducem hostiles
turmae timuerunt, fugerunt.*

*Et parta tunc victoria, sicut an-
tè ostenderas, tibi Martem esse in
manu, ita mox declarauisti, te Pal-
ladi ingenium consecrauisse. Nam
cum alij alia spolia legerent, cum
aurum, cum argentum, cum su-
pellectilem preciosam conuasarent;
tu Musarum amator Bibliotheca-
cas adiisti, chartas & volumina
inter maxima cimelia sapientum
esse arbitratus. Ita alij, ut libros,
tanquam mercem molestissimam,
fugiant, in bellum eunt; tu libros
ita amas, ut pro ijs, tanquam pro
aureo quodam vellere, nouus Ia-
son*

DEDICATORIA.

son bellare videaris. Talis & Iulius EX VTROQUE CAESAR hinc librum, inde gladium tenebat, robore supra ceteros eminens, & eruditione. Libros itaq; cū tantopere ames, librum offero. Et cur librum unicū tibi non offerrem, qui mihi, immò Collegio potiùs nostro, ex Pragensi illo spolia ferè totam Bibliothecam donauisti? Nimirum libros hæreticos meliùs damnare non poteras, quàm si eos Iesuitis traderes includendos, & calamis cruciandos: quorum tu autores & fautores testis confodisti. Quamobrem etiam Ecclesia tibi nomine gratia debetur, pro qua pugnauisti; & quidem ita, ut omnibus huc usq; prælijs interesses, unico illo Danico excepto, à quo te necessitas domestica sanè quàm

Gabriel
Simeon
in Heroi-
cis Symb.

):(4 inui-

EPISTOLA

*inuitum impediuit. Et si enim Ill.^{ma}
coniugem Franciscam Barbaram
Liechtensteiniam, eo, quo par est,
amore maximo colas, apparuit ta-
men tunc, quanti mens bellica cer-
taminis laudes faceret, cum ex ani-
mo suspirares, te uni illi pugna in-
teresse non potuisse. Nec verò præ-
lijs interesse soles, ut ociosus specta-
tor, aut tanquam is, qui post initia
latet; sed pedem pedi conferre, inter
densa agmina, inter nudos enses, in-
ter vibrantia tela, inter micantes
de fumo ignes, inter crepantia fulmi-
na versari gaudes. Campus tibi est
hortus, prima acies solatium, deniq;*

Catull. de
Nupt. Pe-
lei & The-
tidis.

Hostibus haud tergo, sed forti pectore notus

*esse soles. Cui rei argumenta cū plu-
rima possim commemorare, paucis
contentus ero, ne epistola modum ex-
cedam.*

DEDICATORIA.

cedam. In Durlacensi luculento illo
 prelio, quantus in arma consurgas,
 senserunt hostes. Sed & patuit, te nō
 consistere, ubi sis extra teli iactum.
 Nam globum aduerso pectore ex-
 cepisti. Alio in certamine plaga al-
 tius descendit, ut testareris te ē pro-
 pinquo pugnauisse. Fluius Loen
 urbi nomen dat. Ibi hostes fundi nō
 poterant, nisi tu sanguinem fudisses.
 Octingentos equites ducebas, quo-
 rum rubra vexilla cum exercitum
 maximè decorauissent, nullum ta-
 men maius ornamentū fuit, quàm
 à sanguine tuo rubens terra. Misce-
 batur iam aeri fumus, & inter fu-
 mum, virorum pariter ac tormē-
 torū globi, tu verè per tela, per ignes,
 ad victoriam ruebas. Ruebas, in-
 quam, quia glande plumbea traie-

): (5 ctus

EPISTOLA

*Etus, non solum nō canebas receptui;
 sed vulnere accepto, hosti fortiū in-
 stitisti. Quod ille animaduertēs, in-
 stitit & ipse tibi. Ad te, tanquā ad
 cōmunem quendam scopum, iacu-
 lantium oculi spectabant. Sed nimis
 contra istos validus eras, non pote-
 rant te etiam saucium deicere. Tu
 illos sternebas, illi quā poterant da-
 mna sua vindicabant. Cum ergo te
 non possent, equum tuum deiece-
 runt. Fuit tamen & ille à sessore suo
 generosior. Nam sexies iam traie-
 ctus adhuc dominum suum pugnās
 ferebat. Septimus illi, per caput, &
 prope etiam tibi, ictus fatalis fuit.
 Itaque subito antrorsum in terram
 datus, te iam antè non pugnando,
 sed sanguine plurimo amisso fatiga-
 tum ruina sua inuoluit; itaq; super
 te ce-*

DEDICATORIA.

*te cecidit, ut durante toto reliquo
 praelio, haud exiguo sanè tempore,
 sub cruento equo, cruentus ipse, ac
 propè exanimis iacere cogereris. Vi-
 uus adhuc à iumento tuo moriente
 sepeliebaris, nouo genere tumulan-
 di, immo tutandi. Nam nisi equus
 tuus in hunc modum expirasset; a-
 ctum de te erat, nec nos iam talem
 ducem ampliùs haberemus. Quip-
 pe à tot per te transeuntium equo-
 rum turmis protritussesses, indigno
 virtute tua fato. Sanguinem igitur
 tunc etiam fudisti, ut eo libros
 purpurares: iacuisti in terris, ut in-
 star Antæi fortior surgeres: inuen-
 tus erectusq; es à milite, cui Sanctus
 nomen, clarissimò indicio, tibi San-
 ctos succurrere, quos semper summa
 veneratione coluisti: deniq; sinistro
 bra-*

*brachio sauciatus es, ut omnia post-
 hac non nisi dexterè aggredereris.
 Et planè dexterè, cum etiam nunc
 absens hosti nocere nō desinas. Tria
 enim illa millia peditum, quorum
 tu Tribunus es, virtute sua Osna-
 burgensem Episcopatū receperunt,
 illumq; Principi ac Episcopo suo re-
 stituerunt. Sic per te crescit Ecclesia.
 Cur non & honor cultusq; Virginis
 MARIAE? cuius tu sanctum no-
 men in sauisimo praelio cum tuis, sa-
 lutarem tesseram, toties repetiisti?
 Cuius tu miles, dux, legionarius,
 urbisq; nostrae insuper Praefectus, in-
 ter tot negotia, Sodalitatem adire,
 ornareq; non dedignaris. Ob quas
 res proinde hac Academica nostra
 Congregatio te vicissim voluit ho-
 norare. Quod quidem ego illius no-
 mine*

DEDICATORIA.

mine hoc libro sum conatus prestare. Quamuis id alijs quoq, titulis obstrictus fecissem. Sic enim templi nostri ornatum liberalitate tua auxisti, ut ferè nemo huc Ingolstadium veniat, qui dona tua non velit videre; nemo qui postquam vidit, non debeat admirari. Sed hæc pauca de multis sufficiant, sit amē pauca sunt, quæ dixi. Vale, & ea, quæ erga omnes es humanitate, Labyrinthum hunc accipe. Ingolstadij. Anno 1628. 20. Junij.

APPROBATIO R. P.

Prouincialis.

Labyrinthi laudes, cum Mundi á DEO conditi encomijs expensas, quas P. Georgius Stengelius, Societatis nostræ Theologus, de Periculis vitæ conscripsit, aliquot eiusdem Societatis Theologi legerunt, censuerunt, approbârunt. Quapropter eas Ego Gualterus Mundbröt, Societatis IESV per superiorem Germaniam Præpositus Prouincialis, factâ mihi potestate ab admodum R. P. N. Generali, Mutio Vitellesco, typis excudi concedo. In eam rem meâ manu subscribo, & consuetum Officij sigillum addo.

Gualterus Mundbröt.

PRÆFATIO AD LECTOREM.

Qua Ingolstadtj, ad Academicos Beatissima Virgini Sodales, inter alias varias occupationes, exhortando dixi, ea, sicut primo calamo concepra sunt, sine secundis curis hic affero. Ut afferrem, iussus sum; Et sine secundis curis, vel inuitus afferrem, complura negotia fecerunt. Cur autem iussus sim, causam si quæris, librum ipsum aperi, Et inuenies eadem commodius legentibus scribi, quàm audientibus dici potuisse. Non enim poterat in dicendo natia series Et genuinus semper ordo seruari, alio tempore aliud exigente.

2. Accessit ad hac non paucorū aliorū amica coactio. Ita pī sunt mei Sodales rerumq; diuinarum appetentes, Et eadem legendo repetere voluerint, qua antea dicendo audierunt. Cur non facerem, quod ipsi volunt Et optant; cum eorum in colēda DEI Matre studium tam sit ardens, Et ipsi quoq; faciant, quod ego volo Et opto? Habeant ergo me totum, quos habeo totos. Hoc illorum Virtuti à me cōmercium debetur, Et obedientibus obediam, Et merentes, quibuscunq; modis possum, honorem.

3. Utinam tantis sanguine, tantis eruditione, tantis Virtute, immo tantis Et multitudine par essem gratificando! Nam si stemmati honos debetur, sunt inter eos non pauci genere nobiles, familia generosi, parentibus Et proavis illustres, Et perillustres: quin Et dignitate publica, officijsq; summis, seu domi, seu militia aliquamulti eminentissimè fulgent. Si eruditio in homine colenda; sunt eruditi omnes, Et nullus, qui non in maioribus studijs litterarum versetur: plurimi autem in tantum doctrina excellunt, Et non solum eam ob causam titulū clari, Verum Et cathedris apprimè conspicui habentur. Si Virtus Generatione digna; sunt profectò pleriq; tales, Et ab illis exempla meritò capi possint ad imitandum.

4. Conuentus Marianos ita sedulò frequentant, Et minus sit attendendum a. l. absentes, atq; eos, qui titulo
tenuo

P R Æ F A T I O.

rentes Sodales vocantur, quàm ne sine titulo adsint, quos per leges abesse oporteret. Porro illi ipsi qui adsunt, ea modestia, ea attentione, ea deniq; adsunt pietate, gravitate, & maiestate, ut qui conspiciunt divinam Matrem à tot egregijs cultorib; stipatam, haud absurdè, admirando quærere possit: Quæ est ista, quæ progreditur, quasi aurora confurgens, pulchra ut luna, electa ut Sol, terribilis ut castrorum acies ordinata? & , uno verbo, decora sicut Ierusalem. Sic nimirum & sanguinis nobilitas reginæ Virgini, & scientia litterarum speculo sapientiæ, & ipsa virtus pietatis Magistra servare in dies semper magis magisq; contendit. Sic illa à Sodalibus culta progreditur, & manè, cum sacrificium Missæ audiunt, quasi aurora confurgens; & vespere, cum conscientia examen animarum noctem illuminat, tenebrasq; discutit, pulchra ut luna; & meridie, cum cætus frequentantur, ad audiendos sermones pios, electa ut Sol,; & domi, cum inter parietes laudatur, decora sicut Ierusalem; & foris, quando nocturnis diurnisq; Processionibus eius nomine institutis per plateas & templa decantatur, terribilis, ut castrorū acies ordinata.

Cant. 6.9.

Ibid. v. 3.

5. His rebus fit, ut & ceteri imitationis amore incensitrahantur; & ferè nullus sit, qui se non velit Sodalium numero accenseri; ne inter illos numeretur, quibus virtus displicet, eaq; solum placent, qua deberent displicere. Hinc illo tantus Sodalium numerus, hinc tam conferta multitudo, ut magna illa multaq; misericordia Patrona non à magnis duntaxat, sed à multis etiam clientibus ambiatur. Quidquid igitur vel hi soli mei tot nominibus colendi Sodales optant, propemodum nefas ducerem, si denegarem. Atq; hac sufficiunt, opinor, ad me excusandum, si, qua dixi vix auditu digna, tam pijs tamen Sodalibus non ingrata, etiam scripsi, ut ab iisdem petentibus legi possent. Quanquam & multi lecturi sint, qui non audierunt: fortasse & illi ad istorum Sodalium imitationem, sua virtutis calore fovebunt, qua à

ma frigide dicta inuenient. Ut enim etiam optimi cibi à venenatis animalibus sumti, in virus transeunt; ita saepe pessimi quoque, aut certe non optimi libri à probis & doctis Lectoribus in succum optimum conuertuntur. Et fit plerumque in libris, quod in organis Musicis, ubi idem spiritus aliter in fistulis minoribus, aliter in maioribus sonat.

6. Porro & quod Sodalibus meis iam notum est, etiam tu scias, LECTOR; multa de vitatis & amatis periculis dixi, plura adhuc indicta seruo, suo tempore dicturus & in lucem daturus; & quanta possum opera, mortales ad pericula vitanda excitem, & ab iisdem amandis dehorter. Scio enim quam verum sit illud Paterculi: neminem celerius opprimi, quam qui nihil timet: & frequentissimum initium calamitatis esse securitatem. Sed antè quam de periculis Voluptatum, de periculis Sociorum, de periculis Honorum, de periculis Diuitiarum &c. particularim dicam, quadam prius in genere de vitatis & amatis periculis prolude-re placuit. Ea ergo in tres de Labyrintho libros distribui; quorum primus hic Labyrinthi laudes; alter, Labyrinthi fraudes; tertius Labyrinthi duces describit. In primo Labyrinthi laudes cum Mundi encomijs, in secundo Labyrinthi fraudes cum Mundi periculis, in tertio Labyrinthi duces, cum Mundi, immo DEI auxilijs comparantur. In primo ostenditur, Vbi, & à quibus, & à quam multis, quamque securè pericula sint vitata ac penitus superata? nempe à beatis in calo. In altero docetur, Quanam sint precipua origines & qui fontes periculorum? In tertio docetur, Quanam, & quam multa, inter tot pericula Mundi, benignus DEVS mortalibus auxilia suppeditarit? Hac te, bone LECTOR, in limine libri scire, me admonere par fuit. Vale & ignosce libro, si minor est Labyrintho, quem vel ex libro meo disces tantum fuisse, & septem mundi miraculis meritò potuerit annumerari.

Vell. Pa-
terc.lib 2.



LABYRINTHI AB ÆGYPTIIS

POSITI LAUDES,

cum

MVNDI A DEO CONDI- TI ENCOMIIS EXPENSÆ.

Caput I.

LABYRINTHV M ESSE VERAM MVN-
DI IMAGINEM, PRIMO RATIONE
incerti exitus.

§. I. *Varios, vt in Labyrintho, ita & in Mun-
do esse ambitus & exitus.*



VNDVM istum, in quo mortales immortalesq; tanquam in communi domicilio, degunt, varijs reperio rebus esse comparatum. Sed mihi cum nulla videtur aptius posse comparari, quàm cum *Labyrintho*. *Labyrinthus* locus est ad delicias & insidias idoneus: in quo *Charites* & *Sirenes*, *Gratie* & *Furiæ* regnant. Amœnitas ibi altera super alteram; & admiratio vna aliam excipit. Sed & fallacia alia aliam trudit; ac error errorem ferit. Neq; facilè digno-
ueris, quinam in eo ambulent, aut errent.

A

Via

I.

Via vbiq; est deuia: & cum nusquam non possit rectè iri, nusquam deest periculum seductionis. Quot ianuae, tot officinae; quot ostia, tot retia: perq; tot exitus, paucissimi sunt, qui exierunt; sicut nec multi per tot ingressus intrauerunt, quò voluere. Vbiq; patet iter, & nusquam. Sursum deorsum curritur; & post longos labores multi intelligunt, se more cancrorum retrorsum venisse; quia demum ibi adhuc se reperiunt, vbi currere coeperunt.

II.

Quippe ita in deceptionem fabricati sunt doli, vt per multiplices circuitus, inani fatigatione eodem redeatur, vnde initium fuerat circumeundi. Quid aliud est iste Mundus? cuius vel ipsae elementares partes tam admirabili inter se ordine conferuntur, vt hinc opaci inuiq; saltus, inde fontium altae scaturigines, aliunde curui recuruiq; fluminum lapsus; & saepe etiam ipsa maria terras intercidentia; aestuariaq; pedestre iter, aut saxa araq; nauigationem impredientia, ac murorum instar oppositi itineribus hominum montes verissimam quandam *Labyrinthi* speciem exhibere videantur. Et quod operi coronidem addit, ipsi in his reb. mortales, ita hinc inde

ober-

oberrant; ita per terras, per maria eunt redeuntq; ; ita per valles currūt, per montes recurrunt; ita partim limine in ipso deficiunt, partim in alto pereunt, partim in portu demum impingunt; ita in colubros, dracones, leones, tauros & Minotauros, variaq; monstra & exitia incidunt; ita etiam subinde nec Ariadna sua carent, aut trama, glomerēue lini; vt simillimi sint ijs, qui trlicantur in *Labyrintho*. Utinam multi sese extricarent, neq; tricis istis dies, & annos, & vitam omnem casso labore consumerent! *Cucurrit atas*, ait S. Hieronymus, & *dum ignoramus, grauiter perimus.* *S. Hieron. in psal. 89.* Et hoc ipsum quod loquitur, de morte est, & non intelligimus. Anni nostri sicut aranea (& ipsa in *Labyrintho* quodam hærens) meditantur. Videte, quid dicat. Quo modo aranea, quæ mittit fila, & huc illucq; discurret, & textit tota die, & labor quidem grandis est, sed effectus nullus est: sic & vita hominum huc illucq; discurret. Possessiones querimus: diuitias apparamus: procreamus filios: laboramus: in regna sustollimur, & omnia facimus, & non intelligimus, quia araneæ telam teximus; & velut in *Labyrintho* iter, quod diu confecimus, sæpe tandem frustra retractamus. Si-

III.

Prov. 8.
27.

militudinem ergo exprimimus aranæ per iter aëreum, & in inanes telas se se exhaurientis, aut eorum qui ambulant in circuitu & gyro *Labyrinthi*. Nec ipse Mundus tantum, & qui in eo huc illuc perplexis vijs commeant, similitudinem hanc *Labyrinthi* exprimunt; sed & Deus rerum omnium opifex eandem expresse, *quando certa lege & gyro vallabat abyssos, ludens in orbe terrarum*, non secus atq; Dædala ars in *Labyrintho*. Quocirca etiam homines ita in hunc Mundum immittit, ut nusquam desit ambulator. Alios dextrorsum in Galliam, alios sinistrorsum in Italiam ablegat: alios in Austrum, alios iubet ire in Aquilonem. Quidam in aulas migrant, quidam in castra expaciantur. Nonnulli mercatutam exercent, nonnulli litteraturam. Sunt qui in agris, sunt qui in silvis; sunt qui in campo, sunt qui intra mœnia versantur. In summa diuersi in hoc *Labyrintho* diuersa sequuntur; & quanta viarum, tanta viatorum maiorq; est multitudo ac diuersitas, qui *Labyrinthi* istius *gyrum* more locustarum implent. *Nunquid non scitis*, ait Propheta, *nunquid non audistis? nunquid non annunciatum est vobis ab initio? nunquid non intel-*

Isa. 40.
21.

intellexistis fundamenta terræ? Qui sedet super GYRVM terræ, & habitatores eius sunt quasi locustæ: qui extendit velut nihilum cælos, & expandit eos sicut tabernaculum ad inhabitandum; hic scilicet gyrum terræ ad ambulandum, cælos ad inhabitandum fecit, vultq; nos hinc illuc tendere, & tanquam ad cynosuram nostram in Labyrintho & itinere nostro ad Deum semper respicere. Sic enim mox subiicit: Leuate in excelsum oculos vestros, & videte, quis creauit hæc? Nempe is, qui dat lasso virtutem: & his, qui non sunt, fortitudinem & robur multiplicat. Deficient pueri, & laborabunt, & iuuenes in infirmitate cadent. Qui autem sperant in Domino, mutabunt fortitudinem, assument pennas sicut aquilæ, current & non laborabunt, ambulabunt, & non deficient. Itaque quemadmodum in Labyrintho iisdem vijs alij ducuntur, alij seducuntur; ita in Mundo, (in quo profectò non plures deliciæ, quàm insidiæ, nec pauciora sunt discrimina, quàm compendia) alij inueniunt, quod quærunt; alij & se, & id, quod quærunt, amittunt: & quidem sæpissime in eodem genere negotiorum: vt non facilè sit sine temeritate pronunciare, ad quem tandem


IV.

Matth.
20 6.
Sapient.
57

Luc. 23.
43.

finem quisq; sit peruenturus. Frequenter enim Deus dat *lasso* virtutem: & his, qui non sunt, fortitudinem & robur multiplicat, cum aliquos circa undecimam in vineam suam iam viribus fractis, & in via iniquitatis lassatos conducit, rursusq; alios, puerorum instar, vegetos deficere & laborare, aut tanquam iuvenes, qui sibi robusti videntur, in infirmitate cadere sinit. Multi enim bene incipiunt, qui malè desinunt: & non nulli optimè desinunt, qui pessimè incepterunt. Habet quippe & cælum suos latrones, suasq; Magdalenas. Habet infernus suos Origenes, suosq; Tertullianos, & fortasse ipsos Salomones, quorum scripta cum admiratione volumus & veneramur. Illi ex vitijs ad virtutes: isti de veritate transierunt ad vanitatem. Itaq; ubique ante vitæ metam, vel errori locus est, vel emendationi, quemadmodum in *Labyrintho*, ex quo vndiq; perueniri ad finem potest, & vndiq; ab eodem declinari:

vt nusquam non sit sperandi locus, aut metuendi.



§. II. *Exemplis docetur, quàm sint incerti in
hoc Mundi Labyrintho ambulantium
exitus.*

Nam quod inprimis *Labyrintho* Mun- V.

dum vitamq; humanam reddit parem,

est ipsa viarum fallacia & incertitudo. Mul-

ti in *Labyrintho* sibi exitum promittunt,

quem non adipiscuntur. Itaque se ipsos

sua promissione decipiunt; immo & opi-

nione. Opinantur n. se extra caltem re-

ctum non esse, cum maximè à scopo suo

diuagantur. Sic & in Mundo isto, *est via* Pron. 16.

qua videtur homini recta, & nouissima eius 25.

ducunt ad mortem: immo *spectant in fun-*

dum inferni, vt Septuaginta interpretes

legunt. Vsq; adeò miseri mortales in-

certi sunt, quò vadant, seu cum viuunt,

seu cum moriuntur. Bellissimum eius VI.

rei exemplum nobis reliquit Phryx ille,

à sapienti morum instructione, & ingenio-

sis Apologorum commentis celeberrimus

fabulator. Is, vt in vita eius apud I-

saacum Nicolaum Neueletum legimus,

cum à Xantho herò suo in balneas ali-

quando amitteretur visum, An multa tur-

ba adesset, quæ lauare cupientem impedi-

ret; inter eundem casu obuium habuit

*Isaac Ni-
col. Ne-
ueletus in
vita eius,
quam ex
Bibliothe-
ca Pala-
tina edi-
dit.*

urbis prætorem. Qui cum cum Xanthi esse cognouisset seruum, interrogauit, *Quonam iret?* Curiosa interrogatio dignam retulit responsionem. Siquidem seruus nequaquam seruiliter, sed Philosophica quadam libertate illico respondit: *Nescire se, quò iret.* Hoc tam audaci dicto, immo, ut videbatur mendacio, prætor existimans se contemni, lictoribus, qui eum comitabantur, extemplo mandauit, ut homini peruiacaci manus iniicerent, atque captum ad carceres abducerent. Abducebatur iam nouus & inopinatus captiuus, cumque aliquot passus processisset, subitò constitit, & ad prætorem respectans exclamauit: *Vides, ô prætor, quàm rectè responderim, Nescire me, quò eam?* Quippe qui & non expectaueram, me tibi in via occursum, & nesciueram à te mittendum, ab his autem in carceres trahendum. Eo igitur, quò nesciui. Stupefactus prætor hac promittitudine & argutia respondendi, captum liberum dimitti iussit, quòd ab eo certior factus esset, de incertitudine viarum humanarum. Nimirum hoc est, vniuersi mortales, tanquam in *Labyrintho* incedimus, & sæpe venimus, quò minimè cogitamus; quoque tendimus,

mus, nequaquã attingimus. Occurrunt VII.

& in sacris historiæ multæ, quæ possunt
esse documento. Sic n. & Ionas Prophe- *Iona cap.*
tes in Tharſis, quò nauigare instituit, ad- *1. & 2.*

uerſantibus ventis, & tempeſtate à Deo
immiſſa, non peruenit. In ventrem piſcis
peruenit, de quo nunquam ſomniauit;
tandemque in eam ipſam Niniuen, quam
velis remiſſus fugerat, eſt reportatus. I-
taque inter fluctus & aquarum vortices
ſuum expertus eſt *Labyrinthum*. Ac ne ad
ſimilitudinem quidquam deeſſet, cetus
illi fuit pro Minotauro. Talem *Labyrin-*

VIII.

thum ingreſſus eſt & Pharaon, cum mare in-
gredi auſus eſt. Etenim eo ipſo curru, quo *Exod. 14.*

ſe exiſtimauit ad victoriam atque trium- *24.*
phos vehi, veſtus eſt ad interitum; vt per-
iret, dum perdere cogitaret. Scilicet &

illa erat talis *via*, quæ videtur homini recta, *Prov. 16.*

& nouiſſima eius ducunt ad mortem. Cur non *25.*
viſa fuiſſet via recta, per quam Iſraëlitæ
omnes indemnes præceſſerunt? Sed via

illa recta fuit rectis, Pharaoni *Labyrinthus*
exitit. Diuiſa eſt aqua, & ingreſſi ſunt filij *Exod. 14.*

Iſraël per medium ſicci maris: erat n. aqua qua- *21.*
ſi murus à dextera eorũ & laua: perſequentesq;

Ægyptij ingreſſi ſunt poſt eos, & omnis equita-

tus,

Exod. 15.
8.

tus Pharaonis, currus eius, & equites, per medium maris. Eodem igitur loco alij inter aqueos parietes, alij inter aqueos casses in-
cesserunt: & in spiritu furoris Domini congregata sunt aquæ: Stetit unda fluens, congregata sunt abyssi in medio mari. Dixit inimicus: Persequar & comprehendam, diuidam spolia, implebitur anima mea: enaginabo gladium, interficiet eos manus mea. Flauit spiritus tuus, & operuit eos mare: submersi sunt, quasi plumbum in aquis vehementibus. Non hoc sperârat Pharaon. Igitur
via illi sua videbatur recta, & nouissima eius duxerunt ad mortem, immo & spectarunt in fundum inferni. Nam abyssi operuerunt eos, descenderunt in profundum, quasi lapis; quin & plus quàm lapis, quia infra profundum descenderunt in fundum inferni.

Pron. 16

25.

Exod. 15. 5.

IX.

2. Reg. 15.
& 18.

Absolon quoq; conciliato populari fauore, ad gloriam sibi grassari videbatur, nec ab eius apice procul abesse, cum subito de quercu sublimis pependit, ipsa capillatura, quæ formosè volitans illi pro diademate erat, in restim facta. Forsitan & illa via Absoloni recta videbatur, cuius tamen nouissima illum duxerunt ad mortem; sicut in Labyrintho, vbi illud ipsum iter,

ter, quod ad dexteram videtur tendere, repente deflectit ad sinistram. Quid Aman ille gloriosus *filius Amadathi*, quem rex Assuerus exaltauerat? nonne & ille vtramque in hoc *Labyrintho* fortunam, præter opinionem suam, celeriter est expertus? Euctus erat supra omnes mortales, solo rege inferior. Quàm repentè omnem gradum honoris recalcauit? Teten- X.
Esther.
3.1. derat ad conuiuium reginæ lætus ac plenus gloriarum; quàm tristis & ignominiaë plenus mox recessit? *Intrauit rex & Aman*, ait scriptura, *ut biberent cum regina*. Quàm tum nesciuit Aman, quò intraret? Via illa, via gloriaë, via voluptatis, via recta, atque ex animi sententia videbatur, & *no- uissima eius duxerunt ad mortem*. Itaque dum ciatho inhiauit à Gratijs temperando, bibit poculum furoris. Fortasse & inebriatus est, ne sobrius moreretur. Certè prosperi cum successus inebriauerant, ne animaduerneret fortunæ volubilitatem, & inconstantiam humanæ felicitatis. Aliò igitur Aman in hoc Mundi *Labyrintho* voluit, aliò venit; sicut & plurimi alij vitiorum sectatores. Quin neque ij quidem, quos virtutis schola enutriuit, semper

XI.
Eod. cap.
& seqq.

per prospiciunt, quò in *Labyrintho* isto progrediantur. Mardocheus enim qui Aman lancea in oculis erat, altissimam sibi crucem paratam esse sciebat, iamque nihil aliud expectauerat, quàm vt duceretur. Ecce tibi subito via à patibulo ad honores deflectit; & totius tragoediæ facie repente mutata, nouus Fortunæ pupillus non collum laqueo, sed digitum annulo inferere iubetur, cum quo totius domus accepit potestatem. Vt ergo in eodem *Labyrinthi* orbe alius rectè graditur, alius in errores inuoluitur; ita eodem annulo Aman meruit suspendi, quo Mardocheus triumphauit. Vterque præter expectationem. Quod & alijs contigit. Siquidem castissimum illud lilium & flos innocentiae Iosephus in seruitutem, in vincula, & tantum non in extremam perniciem iuit; ea tamen ipsa via illi ad gloriam fuit. Quapropter cum maximè à felicitate aberrasse crederetur, felicitatem maximam est consecutus. Atque illi ipsi eius fratres, qui antea eum, tanquam domini, commune quoddam mancipium venderunt; postea reflectente se orbita Fortunæ, eundem seruiliter adorauerunt.

Saul

XII.

Gen. 39.
19.

dem castissimum illud lilium & flos innocentiae Iosephus in seruitutem, in vincula, & tantum non in extremam perniciem iuit; ea tamen ipsa via illi ad gloriam fuit. Quapropter cum maximè à felicitate aberrasse crederetur, felicitatem maximam est consecutus. Atque illi ipsi eius fratres, qui antea eum, tanquam domini, commune quoddam mancipium venderunt; postea reflectente se orbita Fortunæ, eundem seruiliter adorauerunt.

Saul quoq; ignorauerat, quò eum pedes XIII.
ferrent, cum totus in eo esset, vt perditas
afinas quæriraret. Iumenta quæsiuit, regna 1. Reg. 9. 3.
inuenit; & cum in re vilissima patri serui-
ret, vniuerso Israël coepit dominari. Sed
etiam alter ille Saulus *spirans minarum* & Act. 9. 1.
cedis in discipulos Domini, accessit ad Princi-
pem sacerdotum, & petijt ab eo epistolas in Da-
mascum ad synagogas: vt si quos inuenisset hu-
ius via viros, ac mulieres, vinc̃tos perduceret
in Ierusalem. Et cum iter faceret, contigit, vt
appropinquaret Damasco, & subito circumful-
sit eum lux de celo. Ita qui exierat vt præda-
tor, præda Christi factus est; & eum ipsum
gregem auxit, quem constituerat depopu-
lari, ex lupo ovis, ex Saulo Paulus, ex
errante talis, qui iam ipse reduceret er-
rantes.

S. III. In omni genere vitæ ac morum varios
esse, tanquam in Labyrintho, flexus
& reflexus.

Hæ viæ sunt *Labyrinthi* in hoc Mun- XIV.
do, immo ipsius Domini, qui vocat ea Rom. 4.
quæ non sunt, tanquam ea, quæ sunt, multos 17.
quæ sæpenumero ex medijs erroribus in
viam atque ad frugem reducit: vt meritò Prov. 16.
inuerti illud possit, & dici: *Est via, quæ vi-*
25.
detur

*detur homini iure mala, & nouissima eius
ducunt ad vitam; non ob conditionem viæ,
quæ alium exitum spectaret, sed ob singu-
larem Dei bonitatem. Qui etiam iustissi-
mis de caussis non rarò alios exerrare si-
nit, & pessum ire, dum præteritæ virtuti
nimium fidentes sibi iam limen videntur
attigisse sanctitatis. Ita in vtramque par-
tem viæ recurrunt. Quàm enim multi
sunt, qui ætate & licentia abusi virtutem,
nomen, famamque suam omnem sub ha-
sta vendiderunt, & publicis etiam passim
sermonibus digitisq; monstrantium, tan-
quam exemplar quoddam habentur impietatis ? immo qui ipsi se, vt publicum
quoddam nequitie prototypum, & velut
vitiorum omnium lenones proiectissimè
exponunt imitandos; ac veluti Saulus ali-
quis *spirans minarum & cædis in discipulos
Domini*, quasi ad id mercede conducti, ita
secundùm bonam legem viuentes, noctes
diesque, domi & foris, lingua & ferro a-
cerrimè persequuntur destinantq; ad cõ-
tumeliam, ad inuidiam, ad lanienam ? Et
tamen hi ipsi quoties de cœlo afflati, & di-
uino lumine percussi Saulum mutant in
Paulum ? quiq; antea vix quatuor digitis
à Rha-*

à Rhadamanti catasta remoti erant, vnico temporis momento lucem de cœlo accipiunt, à qua ex luto in pratum diriguntur; moxque se in via recta reperiunt, quam ipsi non optauerunt? Vt verum sit illud: *Inuenerunt, qui non quaesierunt me. Ecce ego, Isa. 65. 1.* ecce ego, ad gentem, quæ non inuocabat nomen meum. *Expandi manus meas tota die ad populum incredulum, qui graditur in viâ non bona post cogitationes suas.* Quare sicut inter *Labyrinthi* ambages, ex eadem via alij dextrorsum, alij sinistrorsum feruntur, ac rursum alij è diuersis vijs in eodem angulo concurrunt; ita in hac vita ex eodem statu, eodemq; negotio alij ad virtutem, alij in vitia declinant; rursumq; alij è diuersissima occupatione & occasione ad eundem viuendi terminum pertingunt. XV. Similes sumus naui, quæ è portu in Orientẽ soluit, sed à vento reijcitur in Occidentem; aut dum Occidentem petit, à procella vehitur in Orientem. O quoties diuina sapientia *ludit in orbe terrarum*, sicut in Oceano venti? Nam etiam hic *Spiritus ubi* Prou 8. 36. 10. 3. 8. *vult, spirat: & vocem eius audis, sed nescis unde veniat, aut quò vadat.* Quoties itinera hominum in gyrum vertuntur? & qui
fursum

furfum emergere cupiunt, felici infortu-
 nio rapiuntur deorfum ? vt humiles fer-
 uentur, qui in alto periiffent ? Quoties al-
 ta quæruntur, & patibula inueniuntur,
 quæ non quæruntur ? Quàm fæpe, qui cur-
 runt ad folium, incidunt in laqueum ? aut
 qui ambitione tyrannica affectant coro-
 nam, caput amittunt, vt non habeant, vbi
 XVI. coronam imponant ? Quot adolefcen-
 tes fpectato iuuentæ flore, considera-
 tifque vernantis ætatulæ annis, aut ve-
 geti corporis viribus æftimatis, dum secu-
 la cogitant, dum Nestoris canitiem fpe-
 rant, dum securiffimè incedunt, & à nulla
 fe re, quàm à fepulchro remotiores exifti-
 mant; ex improuifo in media fecuritate
 vulnus accipiunt, & viam vniuerfæ carnis
 ingrediuntur ? Quàm multi opum cupidi-
 tate flagrantès, illis ipsis vijs & modis,
 quibus diuitias aucupantur, sentiunt fe ad
 incitas redactos & ad extremam pauper-
 tatem ? Itaque fæpe in hoc Mundo, tan-
 quam in vero *Labyrintho* contingit, vt ab
 itinere virtutis, in latam viam vitiorum;
 ab itinere autem & ianua, quod dicitur
 Charontis, ad Elyfios campos declinetur:
 fæpe, vt qui fe exiftimant ad aureos tende-

re

re montes, ad pontes perueniant, vbi stipem ac panem mendicent: sæpe, vt qui titulos & honores tota ambitione indagant & venantur, illis ipsis technis, quibus extolli cupiunt, ad infamiam, ad dedecus, ad ignominiam sempiternam perducantur. Quid est hoc aliud, quàm in *Labyrinthi* flexibus ire, redire, perire?

S. IV. *Nec luculentæ deceptiones Labyrinthi deesse quibusdam in Mundo, cum falsa persuasione, ambulanti-
bus.*

Non satis est *Labyrintho*, quòd ita sit XVII.
structus, vt in eo versantes nesciant, quò sint peruenturi; aut vt nesciendo errant: multi in eo, etiam dum errant, errorem suum amant, quasi bene ambulent; quod genus errandi est maximè periculosum. Cum enim præstet mutare consilium in melius, quàm in malè institutis pergere, pauci inueniuntur ita excordes, vt agnito errore non iudicent, satius esse recurrere, quàm currere malè. At qui, etiam dum errant, recta se incedere viarbitrantur, rarò possunt, certè vix vnquam volunt emendare errorem, quem errauerunt. Hæc, prò dolor, deceptio in via XVIII.
quoque spiritali reperitur, in qua non
B solùm

Prou. 16.
25.

solùm multi errant nescientes se errare, sed etiam plurimi sunt, qui pertinaci iudicio errorem suum censent esse veritatem. *Est via, quæ videtur homini recta, & nouissima eius ducunt ad mortem.* Quàm verè illi in *Labyrintho* ambulant, qui viam mortis, viam vitæ esse existimant? Tales sunt omnes illi, quorum animus in malum impotenter propendet. Nam amore rei concupitæ excæcati, id quod prauum in ea atque distortum est, videre non possunt. Talis ergo illi videtur, qualis est in affectu illius, per quem eam aspicit: sicut & illis, qui per vitrum cæruleum transpiciunt, omnia cærulescunt. *Nam volunta-*

s. August.
in Serm.
12. de tē-
pore.

tis propensio, vt Sanctus Augustinus scribit, auctoritatem vitij's quærit, & quod malum est, bonum, aut bono proximum esse suadet.

XIX.

Hinc fit vt plurimi sibi de securitate blandiantur, cum in medio sunt periculorum. Plurimi enim habendi cupiditate excæcati persuadent sibi, suas lites esse iustas, suam causam æquam in illis ipsis rebus, quibus lex & æquitas, & ipsa mater Themis vocalissimè reclamationat. Vnde non immeritò

Psalm. 74. 3.

scientissimus iudex minatur: *Ego iustitias iudicabo; illas scilicet, quæ hominum arbitrio*

bitrio iustitiæ, Dei autem iudicio sunt iniquitates. Prouerbum vetus est, *De ligno pulchro etiam strangulari conuenit*, quasi minùs miserum sit suspendium, si ex arbore pendeas insigni: aut quasi bonum sit demergi, si in lucida puraque te aqua demerferis. Pulchrum lignum, est pulchrum in populo habere nomen. Hoc igitur vt conseruetur, quàm multis *via recta* videtur, cuius *nonissima ducunt ad mortem*? Ne enim timidi videantur, morti se temerariæ exponunt; immo sibi inimicitias, rixas, prouocationes, duella, vulnera, funera esse licita & gloriosa affirmant; quasi honestum, aut licitum esse possit, quod Deus, quod natura, quod ratio ipsa interdixit. Sed illis ea via recta videtur, quia de rectitudine æstimanda affectum, non intellectum interrogant. Quemadmodum etiam illi, quos delicata caro, & nimius corporis amor ac philautia fallit. Hi enim imbecillitatem caussantur, dum se à vigilijs, à ieiunijs, à cilicijs, à flagellorum ictibus, à castigatione carnis, atque ab omni opere aspero inanissimè excusant. Quasi illis solis Deus velit, pro spinis, in viam rosas spargere; & qui filium

XX.

Aristoph.
in Rano.

XXI.

Luc. 24.
27.

suum vnigenitum voluit pati, & ita intrare in gloriam suam, istos tales (odio potius, quàm dilectione dignos) à cruce cupiat exemptos. Nisi fortè intellectu adeò sunt Bœotico & crasso, vt putent, ipsas delicias esse rectam ad coelum viam: aut certè nisi censeant illos rectam minimeq; deerrantem viam tenere quibus omnia feliciter in hac vita prospereq; cadunt. Sunt enim homines, qui ex felicitate humana, de viæ vitæque rectitudine iudicant, illosq; ad beatitudinem tendere credunt, quibus omnia ex animi sententia eueniunt; tanquam si malis non queat esse bene, aut bonis malè. Igitur etiam isti in Labyrintho circumcunt, cuius nouissima deducunt ad mortem. Quippe terrena felicitas sæpius desinere solet in infelicitatem; & sicut serenitas maris plerumque excipitur à tempestate, ita vitæ huius prosperitas plerumque exitum portendit turbulentum.

Euseb. Emissen. in homil. de S. Epiphoro & Alexandro.

An tu hunc felicem vocas, ait Eusebius Emissenus, *qui in mortem suam fortis est: cui prouentuum fallax umbra presentium, æternorum congregat causas malorum? Quis probabiliter laudet velocem ad ardua precipitia festinantem? Quis eius miretur ascensum, quem*

quem de summo prospicit esse casurum? Non est ergo via recta vitæ præsentis felicitas, cuius *novissima ducunt ad mortem*. *Novissima* ait, non *novissimum*. Quia ut aliàs sæpe vna via in multas secatur, ita ab vnius vitij errore multi nascuntur errores: & vnica frequenter prosperitas non ad vnum, sed ad multa exitia trahit. Quod vel Seneca aduertit, cuius hæc sunt verba: *Res Senec. e-*
inquieta est felicitas, ipsa se exagitat, mouet ce- *pist. 36.*
rebrum non uno genere vitiorum: sed alios in aliud irritat: hos in potentiam, alios in luxuriam, hos inflat, hos mollit, & totos resoluit, aliquos ad omnia vitia impellit. Hæc causa est, ob quam multis initio sua peruersa via recta videtur, quia error non statim se prodit, sed sicut semen quod in terram iactatur, cum tempore crescit, & apparere incipit. Quando enim parvus est error, facile oculos mentis fugit. At quò longiùs procedit, eò maior, adeoque etiam manifestior euadit. Siquidem vulgatum est illud: *Paruus error in principio, magnus in fine.* Hinc quanquam etiam initium viæ malæ iam ad mortem ducere incipiat, nouissima tamen potissimum dicuntur ducere ad mortem, quia tunc demum error

XXIII.

agnoscitur, cum eum magnitudo sua manifestat. Quod multis etiam hæreticis contingit, quibus iudicio proprio nitentibus, perniciofa sua opinio & peruersum dogma, ob quandam rectitudinis speciem recta nonnunquam videtur via, cuius tamen *nouissima* ad mortem & barathrum perducunt; & quidem adeò tandem perspicuè, vt non pauci cogantur vel inuiti aspicere absurditatem in quam deueniunt. Rectitudinis autem speciem via illorum inde trahit, quia quisque hæreticus suam existimat doctrinam esse doctrinam diuinarum litterarum, quæ errare non possunt. Sed si cuique licet existimare, quod libet, quàm in multas vias diuinæ litteræ, & eas quidem contrarias, findentur? Quo pertinet Hebræus textus in quo legitur: *Est via recta ad facies viri, & nouissimum eius via mortis*. Est enim ea fuitque semper hæresis conditio, vt ab vno aliquo errore, atque ab vna secta pullulare incipiat, & mox in plura capita, velut Hydra aliqua, diuidatur. *Nam quod in viis ac fluuiis* *comperire licet*, ait D. Gregorius Nazianzenus, *quòd in diuersum tendentia findantur: eadem verò in se ipsa conuertantur, & confluant*:

Prov. 16.
25. &
Prov. 14.
12.

S. Gregor.
Nazian.
orat. 3. *de*
Theolo-
g. 4.

ant:

ant : hoc ipsum & hic, pro impietatis immanitate contingit, ut Hæretici in quibusdam conveniant, in plerisque dissideant, & secentur. Et tamen omnes opinionem suam se è sacris paginis haurire arbitrantur. Est ergo via illorum, quæ miseris videtur recta, & novissima eius ducunt ad mortem. Hoc est, omnes hæreticorum doctrinæ sunt mortiferæ animamque occidunt, tandemque & ipsa eorum novissima, hoc est, mors & iudicium, ducunt ad mortem æternam. Usque adeò in Mundo, velut in *Labyrintho*, non tam ambulant, quàm errant. Atque uti- **XXIV.**
nam hæretici tantum sic errarent ! Multi etiam orthodoxæ fidei filij, sed qui non secundum fidem suam ambulant, dum sibi cælum promittunt, repentè sentiunt se ad Orci domum peruenisse. *Multi enim* Phil. 3. 19.
ambulant, quos sæpe dicebam vobis (nunc autem & flens dico) inimicos crucis Christi; quorum finis interitus: quorum Deus venter est: & gloria in confusione ipsorum, qui terrena sapiunt. Nam quidquid etiam propter animæ salutem agere videntur, nolunt agere sine corporis commoditate. Clericatus, presbyteratus, canonicatus ad Dei gloriā institutos non pauci ventris causā venan-

tur; quarum etiam rerum multos titulos habere non Ecclesiæ, sed culinæ necessarios, est *gloria in confusione ipsorum*, qui *terrena sapiunt*. Denique semper ad sua emolumenta reflectuntur, de cœlo in terram relabentes, vt ostendant, quàm verum sit *psal. 11. 9.* illud: *In circuitu impij ambulant*; velut Hyperperi vertigo, & pistillus, qui tam diu alia aliaque tundendo circumuoluitur, donec & ipse atteratur. Quare & isti peracto vitæ cursu sæpe serò intelligunt, se *dilexisse vanitatem & mendacium quasiuisse*; verissimeque propria persuasione deceptos esse, quemadmodum illi decipiuntur, qui in *Labyrintho* non tantum pedibus, sed etiam iudicio errant, existimantes tunc se maximè ad scopum accedere, cum ab eo maximè recedunt; dexteram viam pro sinistra, aut sinistram pro dextera arripientes.

*S. V. An & quomodo incerta Mundi via errorefq;
diuinam gloriam manifestent?*

XXV. Quanquam non est dissimilandum, hoc esse inter *Labyrinthum* & Mundum discrimen, quòd in *Labyrintho* nolentes seducantur, in Mundo autem nemo nisi volens. Est enim & hoc illustrissimum diuinæ bo-

næ bonitatis atque sapientiæ argumen-
tum, quòd in Mundi huius *Labyrintho* sic
ludat, vt nulli illudat. Tam sapienter e-
nim *Labyrinthum* suum condidit Deus, vt
in eo, inter tot vias, errare homo posset,
non deberet; idque illi magno honori ef-
set, si cum posset, non erraret. *Qui proba-* Ecclesi. 31.
10.
tus est in illo, & perfectus est, erit illi gloria æ-
terna: qui potuit transgredi, & non est trans-
gressus; facere mala, & non fecit: ideò stabi-
lita sunt bona illius in Domino. Vt ergo pos-
set errare, libertatem dedit, non necessita-
tem Deus. Immo & auxilia & duces de- XXVI.
dit ei benignus Creator, vt si illos seque-
retur, non erraret, ac insuper etiam obe-
dientiæ laudem mercedemque reporta-
ret. Quos profectò vix vllus hominum
sequi vellet, nisi errare posset; sicut & ne-
mo sequitur, nisi velit. Si autem velit,
iam dignus est præmio, vt dixi. Vnde di-
uina sapientia sic Mundum hunc procrea-
uit, vt dum est occasio peccati, pariter
caussa sit præmiorum. Nec adeò quid-
quam in eo occurrit, per quod homo ad
coelum non possit peruenire, Deumque
opificem laudare. Quanquam etiam ni-
hil adeò sanctum est, in quo Deum non

*Lactant.
lib. 6. di-
uinar. in-
sit. cap. 5.*

offendat, eiusque iram mereatur, si cæco impeturuat. Siquidem cæcitas vltronea est, & neminem excusat. *Nam ferè etiam ij, qui peccant,* ait Lactantius, *& si non perfectè,* tamen quid sit bonum, & malum sentiunt; & quoties aliquid improbè faciunt, peccare se sciunt, & ideò celare nituntur. Sed cum eos boni & mali natura non fallat, cupiditate mala vincuntur, ut peccent; quia deest illis virtus, id est, cupiditas recta & honesta faciendi. Atque hanc ipsam ob causam sunt pœna-

XXVII.

digni. Siue igitur errent, siue recta semita incedant mortales, semper Numinis inde virtus & gloria celebratur. Si errant, quia culpa sua errant, iustum esse Nūmen docebunt, eiusque iustitiam facient manifestam. Si quò debent, tendunt, bonitatis & sapientiæ infinitæ thesauros sunt laudaturi; ut qui aliunde inter tot casus & rerum discrimina euadere non potuissent. Interim dum quasi in ambiguo & ambage ambulant, ac nesciunt *amore, an odio digni sint*, saluberrimo timore, tanquam freno quodam, aut fibula modestiæ coërcentur. Hæc est diuina sapientia Creatoris omnibus creaturis immixta, ut cæ nunc quidem bonitatem, aliàs autem æquitatem, sem-

per

per verò providentiam & laudem Conditoris sui manifestent. De hac Tertullianus loquens ait : *Si necessaria est Deo materia ad opera mundi, ut Hermogenes existimavit, habuit Deus materiam longè digniorem & idoneiorem, non apud Philosophos æstimandam, sed apud Prophetas intelligendam, Sophiam suam scilicet. Hac denique sola cognovit sensum Domini. Quis enim scit quæ sunt Dei, & quæ in ipso, nisi spiritus qui in ipso? Sophia autem spiritus, hac illic consiliarius fuit, via intelligentia & scientia ipsa est. Ex hac fecit, faciendoper illam, & faciendocum illa.*

*Tertul.
advers.
Hermog.
cap. 18.*

Quæ proinde de se ipsa ait : *Quando præparabat cælos, aderam: quando certa lege & gyro vallabat abyssos: quando athera firmabat sursum, & librabat fontes aquarum: quando circumdabat mari terminum suum, & legem ponebat aquis, ne transirent fines suos: quando appendebat fundamenta terræ: Cum eo eram iuncta componens: & delectabar per singulos dies, ludens coram eo omni tempore; ludens in orbe terrarum.* Si ergo laudantur *Labyrinthi* palacia, tanquam sapienter ædificata; laudentur & cœli, quibus ipsa increata sapientia aderat præparandis: Si celebrantur *Labyrinthi* viæ pulcherrima arte in se

*Prov. 8.
27.*

XXVIII.

in se currentes & recurrentes; celebrentur & abyssi, quibus ipsa cœlestis sapientia aderat, quando *certa lege & gyro* vallabantur: si memorantur & decantantur *Labyrinthis* tecta, parietes, & fundamenta; memorentur & decantentur etiam mundi encomia, nam aderat diuina sapientia, quando Dominus *athera firmabat sursum, & librabat fontes aquarum: quando circumdabat mari terminum suum, & legem ponebat aquis, ne transirent fines suos: quando appendebat fundamenta terræ:* tunc enim æterna sapientia *cum eo erat cuncta componens*, quantumvis sciret, *creaturas Dei in odium futuras, & in tentationem animabus hominum, & in muscipulam pedibus insipientium*; sicut circuitus & perplexitates in *Labyrintho* insidiantes. Sed de *Labyrinthi* Mundi que periculis alio à me libro plenius agetur. Nunc in hoc volumine, quia *Labyrinthis* nomen plerumque solet esse malè ominatum, & putatur nihil laudis continere, ea exponam, quæ in eo ad haud exiguam gloriam fuerunt: ut perspicuum fiat, etiam rerum machinatorem & constitutorem Deum, ob creatum Mundi istius *Labyrinthum*, non modò accusari non debere, sed etiam

Sap. 14. 11.

etiam vel maximè esse prædicandum. Neque enim pericula Mundi ignoravit, qui cum Deum laudare vellet, dixit: *Tui sunt cæli, & tua est terra, orbem terræ & plenitudinem eius tu fundasti: Aquilonem & mare, tu creasti.* ps. 88. 12.

Caput II.

MUNDVM ET LABYRINTHV M SECVNDO ESSE IN HAC RE PARES, QVOD FACIANT AD AUCTORVM SVORVM MAIESTATEM.

§. I. Per Mundum Mundi auctorem; per Labyrinthum verò Mundum cognosci posse.



Aegyptij, apud quos humanæ sapientiæ schola primùm nata dicitur, cum diuinæ naturæ immensitatem ingenij sui angustijs comprehendere non possent, quasi faterentur,

Deum *inhabitare lucem inaccessibilem*, dictitabant, primum omnium principium tenebras esse, supra omnem intellectum positas. 1. Tim. 6. 16.

Quocirca etiam in sacris ceremonijs, cum Deum de more ter vocare vellent, *incognitam caliginem* ter vocaverunt. Hunc ergo absconditum vel, ut Athenienses in ara scripserunt, *ignotum*

Deum

30 Cap. II. Labyrinthi & Mundi ob auctores,

Euseb. lib. 3. de praepar. Euag. cap. 3. Deum per Mundum, Mundum per nobilem quandam figuram conabantur cognoscere. Nam in arcanis suis mysterijs, vt refert apud Eusebium Porphyrius, eiusmodi figuram inducebant. Dei, quem Ægyptij *Cneph* appellant, imaginem humana forma depinxerunt, colore cæruleo, qui Zonam teneret, ac sceptrum, pennamq; in capite gestaret. Ouum ab ore producebat. Ab ouo rursum Deus enascebatur, quem Ægyptij *Phta*, Græci *Vulcanum* nuncupant, Latini

II.

Iamblic. de myst. rjs titul. Opinio Ægypt. 1. to. 5. 6. Eccl. 24. 5. Ignem nominauerunt. Pauca istius figuræ exponit Porphyrius: mihi per eam plurima videntur fuisse significata. Nam quæ Porphyrius Κνηϕ vocat, Iamblicus legit Εϑεθ ; quod nomen, apud Hebræos, nomen est veritatis. Cuius autem, nisi summæ? Nempe illius, de qua Ioannes scribit, *Christus est veritas*: & quæ de se ipsa ait, *Ego ex ore Altissimi prodiui, primogenita ante omnem creaturam*. Hæc sapientia, ista veritas meritò forma humana effigiatur. Istud enim sapientissimum, veracissimum verissimumque *Verbum caro factum est*, cum Deus in similitudinem hominum factus & habitu inuentus est, vt homo. Non tamen qualiscumque homo, sed de cælo cælestis; quia si-
mul

Io. 1.

Phil. 2. 7.

1. Cor. 15.

47.

simul & Deus est. Hinc cœli, hoc est, colore caruleo pingitur. Quin & ab hoc rursum Deus ignis, vti & à Patre, procedit, Spiritus nempe sanctus, quem, tanquam viuificum ignem venit mittere in terram. Luc. 12. Zonam quoque tenet. Omnia enim, vt Platon ait, quotquot sunt animalia intelligibilia, ille in se complexus seruat atq; continet; non secus ac mundus nos, & omnia creata, quaecumq; cernuntur, suo ambitu cingit. Vnde Timæus Pythagoricus Deum, ait, esse mundum exemplarem. De sceptro nemo dubitat. Data est enim ei omnis potestas in cœlo & in terra. Matt. 28. 18. Symbolum penna Porphyrius docet poni, propter obscuram Dei cognitionē. Quæ interpretatio, alia interpretatione indiget. Quid si penna illa innuat, tam pauca cognosci de Deo, vt adhuc longè, immò infinities plura supersint de eodem haurienda & scribenda? In quem ipsum sensum Euangelio suo hæc vltima verba subiicit S. Ioannes: Hic est discipulus ille, qui testimonium perhibet de his, & scripsit hac: & scimus, quia verum est testimonium eius. Sunt autem & alia multa, quæ fecit Iesus: quæ si scribantur per singula, nec ipsum arbitror mundum capere posse eos, qui scribendi sunt, libros. Ac ne

ne quis oratoriè id dictum existimet, mundum ipsum fecit Iesus, quà Deus, cuius si omnes laudes scribantur, vtiq; mundum excedent, cum conditor eius excedat, tanquam artifex opere suo longè maior. Qui cum ab intellectus nostri caligine non possit in totum cognosci, per figuram quandam, perque opus suum est à nobis cognoscendus. Atque idcirco per *ouum*, quod ex ore produxit, mundum visibilem significari affirmat Eusebius ex Pythagoræ philosophia. Pythagoras enim testamur *oui* cœli omnia cingentis & regentis imaginem; *vitellum* ignis; *spiritus*, qui sunt in *ouo*, aëris; *albumen* aquæ; terræ porro, partes magis concretas symbolum esse dictitabat. Per hunc igitur Mundum Deus auctor Mundi est à nobis cognoscendus. Quod nec Apostolus tacuit, cum doceret, Deum seipsum hominibus manifestasse:

Inuisibilia enim ipsius à creatura mundi, per ea quæ facta sunt, intellecta conspiciuntur: sempiterna quoque eius virtus, & diuinitas, ita ut sint inexcusabiles. Ergo per mundum Deus, per quid autem Mundus est cognoscendus? Per eum, de quo supra dixi *Labyrinthum*: ac præcipuè per illum, quem *Ægyptij*

Rom. I.
20.

ptij habuerunt. Quanquam enim & alij
 tres *Labyrinthi*, *Creticus* Dædali ingenio,
Lemnius columnarum nitore, *Italicus* Por-
 fennæ regis Hetruscorum sepulchro, nobi-
 les memorentur, fuit tamen *Ægyptius* iste
 propter notam Mundi atque *Ægypti* affi-
 nitatem ad hanc rem, quam paro, aptissi-
 mus, & , ut Plinius loquitur, portentosis-
 simum *humani ingenij opus*. Is siquidem
Labyrinthus & numero ædium, & securi-
 tate regiarum, & amplitudine murorum,
 & lapidum structura, & viarum fallaciosis-
 simis Mæandris prorsus supra omnes cete-
 ros admirabilis extitit. Et hinc utique, ait
 Plinius, *sumsisse Dædalum exemplar eius La-
 byrinthi, quem fecit in Creta, non est dubium;
 sed centesimam tantum portionem eius imita-
 tum, quæ itinerum ambages occursumq; ac re-
 cursus inexplicabiles continet: non (ut in pa-
 uimentis puerumue ludicris campestribus vi-
 demus) breui lacinia millia passuum plura am-
 bulationis continentem, sed crebris foribus in-
 ditis ad fallendos occursum redeundumq; in er-
 rores eosdem.*

Plin. lib.
 36. Nat.
 hist. c. 13.

Plin. ibid.
 dem. Et
 Diodor.
 Sicul.
 lib. 1.

§. II. *Ægyptius Labyrinthus variè à varijs descriptus.*

Secundus hic fuit ab Ægyptio Labyrinthus,
 ait ibidem Plinius: *tertius in Lemno: quartus*
 C in Ita-

V.

in Italia. Omnes lapide polito fornicibus tecti: Ægyptius (quod miror equidem) introitu, columnisq; reliquis è molibus compositis, quas dissolvere ne sæcula quidem possint, adiuuantibus Heracleopolitis, qui id opus inuisum mirè infestauere. Positionem operis eius, singulasq; partes enarrare non est, cum sit in regiones diuisum, atq; in Præfecturas (quas vocant nomos) sedecim, nominibus earum totidem vastis domibus attributis: præterea templa omnium Æ-

* *Amasis.* gypti Deorum contineat, superq; * *Nemeses* quindecim adiculis incluserit pyramides complures quadragenarum vlnarum, senos radice muros obtinentes. Fessi iam eundo perueniunt ad viarum illum inexplicabilem errorem. Quin & cœnacula prius excelsa, porticusq; ascenduntur nonagenis gradibus omnes: intus columnæ de porphyrite lapide, Deorum simulacra, regum statua, monstrificæ effigies. Quarundam autem domorum talis est situs, ut adaperientibus fores, tonitruum intus terribile existat. Maiore autem in parte transitus est per tenebras: aliaq; rursus extra murum Labyrinthi adificiorum moles, pteron appellant. Inde alia perfossis cuniculis subterraneæ domus. Refecit vnus omnino pauca ibi Circammon spado Neētabis regis, ante Alexandrum Magnum annis

annis quingentis. Id quoque traditur, fulsisse
 trabibus spina oleo incocta, dum fornices qua-
 drati lapidis assurgerent. Eundem Laby-
 rinthum Strabo sic depingit : *Posthac est* VI.
Strabo de
orbis
lib. 17.
 labyrinthi fabrica, opus haud impar Pyramidi-
 bus, & adiacens regis sepultura eius, qui laby-
 rinthum construxit. Locus autem in primo fos-
 sa ingressu ad triginta, quadragintaue stadia
 procedenti, est planities quaedam edita, qua vi-
 cum habet, & multorum regum regiam, quot
 prius praefecturae erant. Nam totidem aulae
 sunt, cum circumcolumniis inuicem continuae,
 quae omnes uno ordine & uno pariete, tanquam
 paruo quodam muro, praeriacentes aulas habent.
 Via verò, quae ad eas tendunt, ex aduerso sunt
 ipsius muri. ante ingressus cryptae quaedam mul-
 tae ac longae, quae inter se vias flexuosas habent,
 ut nemo peregrinus ingredi aulam ullam possit,
 nec egredi sine duce. Et quod admirandum sit,
 cuiusque domus tabulata, ac etiam cryptarum
 latitudines ex lapideis pluteis integris, & ma-
 gnitudine excellentibus confectae sunt, nulla
 usquam nec ligni, nec alius materiae admixtio-
 ne. Ac si quis in tabulatum ascendat, quod non
 admodum altum est, utpote unum, videre po-
 test lapideum campum, eiusmodi lapidibus in-
 stratum. Hinc iam in aulas egressus, videbit

36 *Cap. II. Labyrinthi & Mundi ob auctores,*
deinceps eas XX. & VII. ordine positas, & ab
integris columnis sustentatas, parietes quoque
ipso ex lapidibus non minoribus compositos.
In fine huius adificij quod plus stadio occupat,
est sepultura quadam, pyramis quadrata, cuius
quodlibet latus quadriugerum ferè est, & alti-
tudopar. Sepulti nomen est Imandes. Dicunt
tot aulas ibi factas esse, quot mos esset omnes
præfecturas eò conuenire, atque epulum quod-
dam sacris viris ac mulieribus fiebat, sacrificij
gratia Deo reddendi, & iuris dicendi de rebus
maximis, & quaque præfectura in suam aulam
procedebat. Subscribat his, & lucem ma-

Pompon.
Mela lib.
1. de orbis
situ.

VI. *ma iorem afferat etiam Pomponius Mela,*
Cosmographus, cuius ista sunt verba:
Psammetichi opus Labyrinthus domos mille, &
regias duodecim perpetuo parietis ambitu am-
plexus, marmore extructus ac tectus, unum
in se descensum habet, intus pene innumerabi-
les vias multis ambagibus huc & illuc remean-
tibus, sed continuo anfractu, & sæpereuocatis
porticibus ancipites: quibus subinde alium su-
per alios orbem agentibus, & subinde tantum
redeunte flexu, quantum processerat, magno,
& inexplicabili tamen errore perplexus est.

VIII. *Auctorem huius operis alij alium no-*
minant. Credibile est utique ab alijs cœ-
ptum,

ptum, ab alijs absolutum aut auctum esse.

Plinius ita scribit: *Durat etiam nunc in Ægypto in Heracleopolite nomo, qui primus factus est ante annos, ut tradunt IIIMDC. à Petesuco rege, siue Tithoë. Quamquam Herodotus totum opus regum esse dicit, nouissimaq; Psammetichi. Caussam faciendi variè interpretantur. Demoteles regiam Motherudis fuisse, Lycias sepulchrum Mæridis, plures Soli sacrum id extructum, quod maximè creditur.* Plin. cit. lib. 36. cap. 13.

IX.

Clarissimè, si verissimè Herodotus in hunc modum. *Post Vulcani Sacerdotem regem suū, Ægyptij libertatem adepti, 12. sibi reges (nullo* Herodot. in Euterpe, sen lib. 2.

etenim temporis momento poterant sine rege viuere) deligunt, in totidem partes omnem Ægyptum distinguentes. Isti iunctis inter se affinitatibus regnabant, pactionibus initis, ne mutuò auferre imperium conarentur, neue quis plus alio quippiam obtinere quæreret, sed ut essent inter se quam amicissimi. Atq; ea de causa has pactiones arctas accuratasq; inierunt, quod eis inter initia simul atq; tyrannides inuaserunt, responsum fuerat, qui in templo Vulcani ærea phiala libasset, cum totius Ægypti regno potiturum. Vbi omnia sacra executi sunt, placitum est eis aliquod relinquere sui commune monimentum: ex eoq; placito fecerunt labyrinthum,

thum, paulò suprà stagnum Mærios, maximè urbem versùs, quæ dicitur crocodylorum: quem ego aspexi fama maiorem. Si quis enim ex Græcorum narratione muros & operis speciem ratiocinetur, minus concipiet, quàm pro labore & sumptu huius labyrinthi. Tametsi & Ephesi templum est memoratu dignum, & in Samo, tamen pyramides erant ad narrandum maiores, quarum singula multis ac magnis operibus Græcis equiparanda sunt. Sed eus quoq; labyrinthus antecellit. Etenim duodecim eius aulae sunt tecto operta, portis oppositis altrinsecus: sex ad aquilonem contiguae, totidem ad austrum vergentes, eodem extrinsecus muro praeclusa. Bisaria in eo sunt domicilia, una subterranea, altera superiora illis imposita, utraq; numero tria millia quingenta. Quorum ea quidem, quæ superiora sunt, ipsi vidimus, & quæ aspeximus, enarramus. Subterranea verò auditu dicimus. Nam prepositi Aegyptiorum volebant ullo pacto illa monstrari, quòd dicerent, illic sepulchra esse tum eorum regum, qui adificandi labyrinthi fuere auctores, tum sacrorum crocodylorum. ita de inferioribus aedificiis faciendo cognita referimus. Superiora ipsi aspeximus humanis operibus maiora. Nam egressus per tecta, & regressus per aulas diuersissimi, infinita

finita me admiratione afficiebant. Ex aula in conclauiâ transitur, ex conclauiibus in cubicula, è cubiculis in solaria alia, è conclauiibus in alias aulas. Horum omnium lacunar, quemadmodum parietes, lapideum est, sculptilibus passim figuris ornatum. Singula aula maxima ex parte digesto lapide albo, columnarum ambitu redimitæ. Angulo, quo finitur labyrinthus, adhaeret pyramis 40. passuum, in qua grandia sunt insculpta animalia, ad quam iter sub terra fit.

Hæc varij auctores de Ægyptio Labyrintho tradiderunt: & de alijs alia, quæ suo loco afferentur. Nam vtrum nullus *Lemnius*, sed potius *Samius* fuerit, vt quidam volunt; an præter hos potius fuerit etiam alius in Samo, alijque alibi *Labyrinthi*, nihil attinet disputare: sufficit ea attulisse, quæ de Ægyptio memorantur. Nunc videamus quomodo cum Mundo isto nostro comparentur.

S. III. Auctores, Artificesq; Labyrinthi & Mundi inter se conferuntur.

Principiò, si de auctore quærimus, *Labyrinthum* velle condere, regia fuit cogitatio. Amasis, Imandes, Petesuccus, Tithoës, Motherudes, Mœris, Psammetichus, Porfenna, alijque sceptris inclyti

Io. Frideric. Heruart. part. 1. Theo. ogia Ethnic. cap. 27. Plin. lib. 34. 8.

X.

Plin. lib. vel ipsi, tantis operibus moliendis, *regno-*
36. c. 13. *rum suorum vires fatigauerunt.* Mundum
 hunc, tamque immensam terræ coeliq̃ue
Apoc. 19. machinam quis, nisi *Rex regum*, *Domi-*
16. Gen. *nusq̃. omnipotens* condidisset? *Quis* enim
17. I. *cogitans potest adijcere ad staturam suam vel*
Math. 6. *cubitum unum?* ne dum vt producat ei-
27. uscemodi Mundum à magnitudine penè
 immensum, ab elegantia verè mundum.
Psf. 54. 7. Solus ergo ille potest, qui *accinctus est po-*
Psf. 144. 3. *tentia.* Qui vel idcirco iure audit: *Ma-*
gnus Dominus, & laudabilis nimis, & magni-
tudinis eius non est finis. Generatio & genera-
tio laudabit opera tua: & potentiam tuam pro-
nunciabunt. Quæ potentia tanto maior est,
 quanto maior ipse Mundus quouis Laby-
 rintho. Vt proinde dici possit, terrenos
 istos reges, ne *centesimam* quidem *eius por-*
tionem imitari. At quid dico centesimam?
 cum ne ipse quidem terrarum aquarumq̃;
 orbis ad millesimam eius partem accedat.

XI.

Nec magnitudine tantum ac præstan-
 tia operis vincuntur isti, sed etiam facili-
 tate & celeritate. Multi suas in Labyrin-
 thum opes contrulère & exhausère; nemo
 solus perfecit. Deus ita hunc mundum,
 & quidem solus condidit, vt eadem facili-
 tate

tate adhuc conderet infinitos. Tantæ porro in eo ædificando celeritatis fuit, vt non magis illi expeditum fuerit dicere, quàm facere. *Ipse dixit, & facta sunt: ipse* Ps. 32.9.
mandauit & creata sunt. Quid cœlo firmitus?
Verbo Domini cœli firmati sunt: cum sapientissimus regum Salomon totum septennium consumserit in vna domo extruenda. Siquidem *ædificauit eam annis septem.* 3. Reg. 6. 39. Ex quo etiam intelligi potest, quantus artifex, præ omnibus alijs, extiterit, qui Mundum hunc procreauit. Lemnium Labyrinthum *architecti fecere Zmilus, &* Plin. lib. 36. c. 13.
Rholus, & Theodorus indigena: Ægyptium refecit Circammon: Creticum condidit

Dædalus ingenio fabra celeberrimus artis. Onid. lib. 8. Met.

Ita in hæc opera operam suam non solum æraria regum, sed etiam ingenia artificum contulerunt. Mundi idem rex & artifex fuit, cuius diuinam prouidentiam, ait Lactant. lib. de Opificio Dei. c. 1.
Lactantius, perfectissimamq; virtutem nec sensu comprehendere, nec verbo enarrare possibile est. Myro Eleutheris natus floruit Olympiade 87. Ageladis discipulus, quem, opera multa, maximè tamen *Bucula* ita celebrauit, vt in eam rem vnâ apud Græcos, supra triginta epigrammata, pleraque

42 *Cap. II. Labyrinthi & Mundi ob auctores;*
 ab Aufonio, Alciato, Henrico Stephano,
 Vrsino, Velio, alijsque versa extent: &
 ars ipsa Myronis communi prouerbio
 ab omnibus soleat iactari. O superi! ho-
 mo mortalis ob vnicam Buculam scitè
 expressam à tot & tantopere decantatur;
 & rerum omnium viuarum & verarum
 effector Deus à tam paucis agnoscitur,
 tamque parcè laudatur? Scopam Parium,
 quod marmorarius insignis esset, Græci
 Latinique scriptores tam præclaris enco-
 mijs nobilitent; & cum qui ipsa marmora
 de nihilo produxit, qui gemmas & ada-
 mantes in tantum splendorem verbo vni-
 co, immo vnico cogitatu expoliuit, dies
 noctesque, lingua & calamo non deprædi-
 cemus? tanto utique digniorem, quanto
 maiorem: cuius non modò vis, & ars, & sa-
 pientia in rebus efficiendis infinitis modis
 supra ceteros omnes artifices excelluit,
 verùm etiam finis ipse, in iisdem destinan-
 dis incomparabiliter, maiorem laudem
 meruit.

*Pausan.
 in Arca-
 did. Plin.
 Luc. etc.*

*§. IV. Quis Labyrinthi, quis Mundi condendi
 finis & scopus fuerit?*

XIII Finis Labyrinthi triplex fuit: Maiestas:
 Securitas: Difficultas. Nam quanto ma-
 ior

iorerat aduentum difficultas, tanto fuit
 firmior habitantium securitas. Et si de
 domo inquilinum æstimamus, maiestas
 quoque regum auctoritatem capiebat ex
 magnitudine regiarum. *Quamobrem pla-*
citum est eis, inquit Herodotus, aliquod re-
linquere sui commune monumentum, ex eoq;
placito fecerunt Labyrinthum. Quemadmo-
dum & illi dixerunt: Venite, faciamus no-
bis ciuitatem & turrim, cuius culmen pertin-
gat ad cælum: & celebremus nomen nostrum.
 Ac Nabuchodonosor rex in aula Babylo-
 nis deambulans, *Nonne hæc est Babylon ma-*
gna, inquiebat, quam ego ædificaui in domum
regni, in robore fortitudinis meæ, & in gloria
decoris mei? Ita ergo isti muros in magnifi-
 cam altitudinem extollebant, vt & nomen
 ipsorum extolleretur, *Adeò vesana de-*
mentia, quæsisse gloriam, impendio nulli pro-
futuro, ait Plinius. Atque vt dementia in-
faniôr foret, tradit non solùm Demoteles
Labyrinthum esse positum, vt regia Mo-
therudis eslet, sed Lycias insuper scribit,
sepulchrum Mœridis, Strabo tumulum,
Imandis extitisse. Et apud Herodotum
præpositi Ægyptiorum dicebant, illic se-
pulchra esse tum eorum regum, qui ædificandi
laby-

Herodot.
 est. lib. 2.

Gen. 11. 4.

Dan. 4. 16.

Plin. loc.
 est.

Herodot.
 loc. est.

44 *Cap. II. Labyrinthi & Mundi ob auctores,*

labyrinthi fuere auctores, tum sacrorum crocodilorum: ne scilicet vermes deessent, ubi fuerant sepulchra dealbata, quæ à foris parent hominibus speciosa, intus verò plena sunt

*Math. 23.
27.*

XIV. *ossibus mortuorum, & omni spurcitia. Idem*

Plin. ibid.

de Italico Labyrintho memoratur, quem fecit sibi Porfenna rex Hetruria sepulchri causa, simul ut externorum regum vanitas quoque ab Italis superaretur. Nimirum insignis dementia erat, gloriam quærere impendio nulli profuturo: & quidem in sepulchris quærere, ut diu constet tam superbè cogitantes fuisse mortales, & in cinerem atque ad plures abiisse: cum in omni hoc conatu tamen laus maior artificis esset, quam illorum, qui artificem constituerunt. Qui etiam in ea re decepti fuerunt, quòd in propriæ gloriæ meta subsisterent, neque ad vltimum finem supremumque cogitationes extenderent; similes ijs qui in hospitij non tam diuiterere volunt, quam habitare, patriæ suæ obliti; aut ijs, qui semper in fallo hærent, nec vnquam nauem ad portum cupiunt appellere. Infinitis ergo modis etiam hac parte mundi conditor laudabilius egit. Qui cum sit immortalis, non voluit interitus sui monimen-

XV.

mentum erigere , cum mundum istum , crearet ; sed maiestatem , sed potentiam , sed sapientiam , sed bonitatem , sed immortalitatem suam hominibus declarauit.

Quocirca ipse ait : *Ego sum α, & ω, principium & finis.* *Apoc. 1.8.* Vbi S. Thomas : *Deus est prin-* *S. Thom.*

cipium, inquit, *à quo omnia oriuntur , & finis,* *ibid.*
ad quem omnia ordinantur ;

instar maris scilicet , vnde flumina fluere incipiunt , & quò reuertuntur.

Quamobrem non præpostere , vt supra dicti reges , sed rectè atq;

ordine , vtque par fuit , ad nominis sui gloriam mundum istum ædificauit.

Tamet si enim quæcunque extra se se operatur , summa operetur cum libertate ; si tamen

operari aliquid statuat , non potest id operari , nisi ad gloriam suam illustrandam .

Nam quemadmodum est primus & eminentissimus inter omnes , qui aliquid agunt ; ita etiam ipse est vltimus eminentis-

simusque finis , ad quem à præstantissimè agente omnia debent referri.

Nequaquam igitur bene ordineque ageret , nisi omnia ad bonum suum , hoc est , ad finem

optimum præstantissimumque referret ; cum peccet , qui , quod summo bono debetur , ad minus bonum transfert.

Est autem

tem

tem minus bonum, quidquid Deus non
Sap. II. 23. est. Immo comparatione infinitæ illius
Isa. 40. 12. perfectionis, quidquid creatum est, quan-
 tumuis excellentissimum, instar nihili est.
 Peruersè igitur ageret Deus summè bo-
 nus, si gloriæ suæ, quidquam anteferret.
Isa. 48. Qua de causâ vel ipse ait, *Gloriam meam,*
 XVI. *alteri non dabo.* Quam verò gloriam ex o-
 pere suo potest Deus adipisci? Nullam,
 vti que aliam, quàm hanc externam, in co-
 gnitione, æstimatione, & veneratione ho-
 minum constitutam. Quæ sanè inter ex-
 terna bona, bonum est longè nobilissi-
 mum; ad quod omne bonum creatum,
 spectat, cum quidquid est in creaturis per-
 fectum, diuinas perfectiones ex officio,
 vt ita dicam, repræsentet. Ex quo confi-
 citur, omnes res creatas, quia bonæ sunt,
 eò ipso ad manifestandam Dei gloriam,
 tanquam ad vltimum finem ordinari. Et
 si quidem sermo sit de gloria Dei in gene-
 re, debet eam Deus necessariò in omni o-
 peratione spectare: qui insuper liberè spe-
 ctat etiam illam peculiarem, quæ in visio-
 ne Dei actibusque eam comitantibus con-
 sistit. Hæc demum summa & Dei est glo-
 ria, & hominum beatitudo, quam quia vo-
 luit

luit esse finē totius vniuersi, idcirco quidquid circa creatas res agit, ad hunc finem respicit. Quare pariter dum in operibus suis ad summam suam gloriam respicit, respicit etiam summum nostrum bonum, quæ sine se mutuo esse non possunt, cum eius gloria externa sit, vt à nobis perfecte cognoscatur, ametur, gustetur, quod quidem etiam in hac vita fit, sed nusquam melius, quàm in sede beatorum. Itaque gloria illius est nostra beatitudo, & quidquid nobis ad beatitudinem accedit, accedit ad illius gloriam & maiestatem.

Quoniam autem eæ res quæ intellectu **XVII.**
carent, non sunt aptæ Deum cognoscere, amare, eoque sic frui; non potuerunt hoc pacto ad gloriam diuinam condi. Conditæ sunt igitur vt homini seruiendo, Deo seruirent, gloriamque eius exaugerent.

Faciamus hominem, inquit, ad imaginem & similitudinem nostram, & præsit piscibus maris & volatibus cæli, & bestiis, vniuersæq; terræ, omniq; reptili quod mouetur in terra. Est ergo & hæc quoque homini cum Deo similitudo, quòd sicut ipse Deo obsequium præstare debet, ita & illi mundus iste corporeus in obsequium subijciatur. *Consti-* **psal. 8. 7.**
tuiisti

48 *Cap. II. Labyrinthi & Mundi ob auctores,*

tuis cum super opera manuum tuarum, ait Psaltes, omnia subiecisti pedibus eius; ut se ille nullius alterius, nisi tuis pedibus subijceret. Siquidem nihil est infra Deum, ad cuius gloriam homo possit ordinari: nec quidquam est aliud quàm homo, cuius causa elementa, quæque in ijs reperiuntur condita sint, aut cui seruiant. Nam Angelorum natura nec fructibus terrarum ad vescendum, nec motibus astrorum ad viuendum, nec aura ad respirandum, nec aquis ad lauandum, indiget, sed hæc omnia homini seruiunt, ut ipse seruiat Deo; cuiusque gloriam agnoscat, amet, laudet. Ex quibus perspicuum est, reges illos pristinos, si qui *Labyrinthum* moliti sunt, gloriam quidem suam in eo quæsiuisse, non verè tamen reperisse; cum multi eos hoc ipso nomine meritò accusârint: Deum autem generis nostri proauctorem, quando Mundum condidit, & optimis modis gloriam suam propagasse, & gloria sua Mundum ipsum nobilitasse. Quocirca quidquid alij fecerint siue ad honorem, siue ad ruborem suum: *Tui, ô Deus, sunt cæli, & tua est terra; orbem terræ & plenitudinem eius tu fundasti: Aquilonem & mare, tu crea-*

Ps. 88. 12.

creasti. Nulla in hoc tam perfecto opere erubescendi, magna gloriandi causa reperitur. Nisi quod illi homines iure debeant erubescere, qui ceteris creaturis omnibus Deum laudantibus, diuinam gloriam soli, sacrilegè furantur.

Caput III.

LONGE MELIUS DEO REDIRE GLORIAM EX MVNDI, QVAM REGIBVS EX LABYRINTHI magnitudine, firmitate, celsitate.

S. I. *Parua deridiculo, magna admirationi esse solere.*



Oëtæ, si quempiam parui volunt facere ac vilipendere, domum eius, aut prædium, aut fundum, aut agrum paruum esse aiunt; itaque contemtim describunt, ut cum ipsa domo dominum contemnere & palam ridere videantur. Hoc pacto inter Græcos Lucilius scripsit, Menophanis agrum tam paruum extitisse, uti se suspendere in illo, propter famem, non potuerit, neq; mortuus sepeliri. Epicurum certè, si agrum illum conspexisset, dicturum fuisse, omnia non atomis, sed agris Menophanianis plena esse,

I.

Lib. 2.
Anthol.

D

na esse,

*Catull.
epigr. 23.*

na esse, quasi ager Menophanis atomo fuerit minor. Apud alium Poëtam Furius tam angustæ rei dominus vocatur, ut illi sit neque seruus, neque arca, quid dico?

Nec cimex, nec araneus, nec ignis;

immo ut tam omnibus rebus nudus nihil neque à fortuna, neque ab inimico, neque ab vlla re timere possit;

Non incendia, non graues ruinas,

Non facta impia, non dolos veneni,

Non casus alios periculorum.

II Tale quid etiam est, quod apud Ciceronem, aut Lauream libertum reperimus.

Fundum Varro vocat, quæ possim mittere funda,

Ni tamen exciderit, qua causa funda patet.

Extractam puteo situlam cum ponit in horto;

Uterius standi non habet ille locum.

*Martial.
lib. II. e-
pigr. 19.*

Et alius Lupo gratias agens affirmat, se prandium ab illo, quàm pradium accipere maluisse. Nam pensilem præ fenestra hortum suum in florum testa, rure illo esse maiorem: cum ruta vnica totum illud rus occupet; & nemus Dianæ faciat: cum vnus cicadæ ala rus totum tegat: cum vno die formica totum rus absumat: cum clausæ rosæ folium rus totum coronet:

In

*In quo nec cucumis iacere rectus,
Nec serpens habitare tota possit.*

in quo eruca vnica malè pascatur, & cullex ipse salicito repentè consumto mori cogatur: in quo talpa sit & pro fossore, & pro aratore: in quo nec boletus hiare, nec mariscæ ridere, nec denique violæ patere possint: in quo mus fines possit depopulari, & à colono, tanquam sus Calydonius, timeri: in quo nec plus seratur, quàm hirundo vngue queat tollere, nec plus metatur, quàm quod vix cochleam queat implere; mustumque omne, quod inde legitur, in vnica nuce picata possit recondi.

Sic res parux materia sunt cachinnorum: magna autem magnis laudibus extolluntur, vt Colossi, vt Semiramidis muri, vt regia regis Sinarum. Quid terra, quid cœlo, quid operibus diuinis maius? Hinc in maximam Dei gloriam redundant. Vt meritò cum sanctis illis Ecclesia canat,
Pleni sunt cœli & terra maiestatis gloriæ tuæ.

Quæ plenitudo maiestatis & gloriæ clariùs intelligi non potest, quàm si cum rebus maximis conferatur.

*In hymno
SS. Ambrosij &
Augustini.*

52 Cap. III. *Labyrinthi & Mundi firmitas,*

§. II. *Magnitudo, vastitas q³ Labyrinthi & Mundi
inter se expenduntur.*

III.

Quoniam igitur auctores, artifices, fines *Labyrinthi* & *Mundi* comparauimus, nunc etiam opus ipsum vtrunque aspiciamus, quamque idoneum sit ad fines suos perpendamus. In *Labyrintho* celebratur vastitas, firmitas, altitudo; insuper ornatus, vtilitas, & quæ vel ipsa etiam laudi ducitur, perplexitas. Quantam enim oportuit fuisse *Labyrinthi* vastitatem, quæ fuerit in regiones diuisa, atque in *Praefecturas* (quas vocant *nomos*) sedecim, nominibus earum, totidem vastis domibus attributis, cum præterea templa omnium *Aegypti* Deorum contineat? Fessi iam eundo perueniunt denum, ad viarum illum inexplicabilem errorem. Quid mirum? Locus in primo fossæ ingressu, ait Strabo, ad triginta quadragintaue stadia procedenti, est planities quadam edita, quæ vicum habet, & multorum regum regiam, quot prius *praefecturae* erant. Ac Herodotus affirmat, se *Labyrinthum* aspexisse fama maiorem. Si quis ex Græcorum narratione muros & operis speciem ratiocinetur, minus concipiet, quam pro labore & sumptu huius *Labyrinthi*. Tametsi & *Ephesi* templum est memoratu dignum, & in

Plin. lib.
36. c. 13.

Strab.
lib. 17.

Herodot.
lib. 2.

& in Samo, tamen Pyramides erant ad narrandum maiores, quarum singula multis ac magnis operibus Græcis equiparanda sunt. Sed eas quoque Labyrinthus antecellit. Hæc vastitas erat totas regiones amplexa, integras Præfecturas circumscribens; maximas domos, ingentia innumeraque templa continens: vnicam sui planiciem vsque ad triginta, quadragintaue stadia extendens, & vel fortissimi cursoris pedes fatigans: quid multa? ipsam famam superans. Sed tamen hæc tanta & tota vastitas fuit comparata ad terram non nisi puncti instar.

IV.

Cum autem rursus tota terra cælo collata & ipsa sit instar puncti, quid erit *Labyrinthus*, si cum eo Mundus comparetur vniuersus? Porcenna in suo, aut Imandes in suo *Labyrintho* sepultus, vix tres vlnas, vel vnam vrnæ, hoc est, vix loci notabilem partem occupabant; compara Deum cum Mundo suo, & iam ipse Mundus non erit notabilis. *Et constituebam in conspectu spiritus mei*, inquit S. Augustinus, *vniuersam creaturam, quidquid in ea cernere possumus, sicuti est terra & mare, & aër & sidera, & arbores, & animalia mortalia, & quidquid in ea non videmus, sicuti firmamentum cæli,*

S. Aug.
lib. 7. Cō-
fess. c. 5.

54 Cap. III. Labyrinthi & Mundi firmitas,
insuper & omnes Angelos, & cuncta spiritua-
lia eius, sed etiam ipsa quasi corpora essent locis,
& locis ordinavit imaginatio mea, & feci v-
nam massam grandem distinctam generibus
corporum, creaturam tuam, siue quæ vera corpo-
ra erant, siue quæ ipse pro spiritibus finxeram:
& eam feci grandem non quantum erat, quod
scire non poteram, sed quantum libuit, undiq,
versum, sanè finitam. Te autem, Domine, ex
omni parte ambientem eam & penetrantem,
sed usq; quaq; infinitum: tanquam si mare esset
ubique, & undique per immensum infinitum
solum mare, & habere intra se spongiam quam-
libet magnam, sed finitam. tamen plena esset
undique spongia illa ex omni sua parte ex im-
menso mari, sic creaturam tuam finitam te infi-
nito plenam putabam. Hæc S. Augustinus.

V.

Apoc. 21.
16.

S. Iohannes de cælo, parte aliqua mûdi, lo-
 quens ait: *Et ciuitas in quadroposita est, &*
longitudo eius tanta est, quanta & latitudo: &
mensus est ciuitatem de arundine aurea per sta-
dia duodecim millia: & longitudo & altitudo,
& latitudo eius aequalia sunt. Et mensus est
murum eius centum quadraginta quatuor cu-
bitorum; mensura hominis, quæ est Angeli.

Cornel. d
Lapide
ibidem

Quo loco alij quidem aiunt totius ciuita-
 tis ambitum per stadia duodecim millia men-
 sura-

furari: alij autem interpretes scribunt, eam esse ciuitatis & amplitudinem, & vastitatem, vt cum sit in quadro, quodlibet latus quadri seu quadrati in longitudinem procurrat ad duodecim stadiorum millia, id est, ad mille quingenta milliaria Italica. Magna vtique capacitas, & ingens magnificentia, ad quam *Labyrinthus* vix vmbra quædam esse videatur. Babylon vrbs, quæ vasta capacitas celebrem fecit, in toto suo ambitu & quadratura, tantum continebat centum viginti stadia: hæc autem in vno quadri latere habet duodecim millia stadiorum. Quamobrem vnum quadri latus excedit longitudinem Babylonis centies, & proinde tota capacitas cœlestis Solymæ superat Babylonis capacitatem decies millies, vt non ignobilis auctor Alcazar ratiocinatur. Philostratus Lemnius ex vulgi fama loquens ait: *Babyloniæ muros tantos fuisse ferunt, vt stadiorum quadringentorum & octoginta ambitum completerentur. in altitudinem verò tria semingera tollerentur, cum essent paulo minus vnius iugeris crassitudine.* Etiam sic adhuc Babylon superatur ab illa ciuitate, quæ cœli in figura descripti duntaxat, est magnitudo, vtique

Alcazar in eundem loc. Et nos plura infra hoc lib. c. & l.

Philostratus lib. 1. de Apol. cap. 18.

adhuc longè distans ab ipsa vera eius magnitudine, ne dum à magnitudine conditoris infiniti. O miser Menophanes! ô Furij! ô Varrones! ô Lupi! qui agros tam angustos, qui fundos tam breues, qui domos tam exiguas, qui prædia tam contracta, qui atomos, qui vnius rutæ spacium, qui locum ab ala cicadæ tegendum, prædium à formica deuorandum, hortum à rosæ nondum apertæ folio coronandum; terram nec cucumeri recto, aut explicato serpenti sufficientem capacissimo cœlo, immenso Deo antefertis? Paruis parua, magnis magna placent. Cur non igitur vilitatem amoris vestri agnoscitis, & cogitationes inanes contemnitis, dicitisque:

*I. Cor. 13.
II.*

Cum essem paruulus, loquebar vt paruulus, sapiebam vt paruulus, cogitabam vt paruulus.

Quando autem factus sum vir, euacuauit, quæ erant paruuli; nec iam ampliùs placent casæ in arena ædificatæ. Deus placet; cuius si opera sunt tanta, quantus erit ipse? quàm amabilis, quàm laudabilis! Quid multa?

Pf. 144. 3.

Magnus Dominus & laudabilis nimis: & magnitudinis eius non est finis; cum, quidquid est creatum, necessariò terminis suis sit circumscriptum. Vincit igitur magnitudine

dine & Deus ipse, & opera Dei omnia opera creaturarum. Itaque si à magnitudine gloria venit, si æstimatio, si amor conciliatur, nulla mortalium gloria est diuinæ gloriæ, nulla æstimatio, nullus amor diuino amori æquiparandus.

S. III. *Labyrinthe & Mundi quanta firmitas?*

Iam firmitas quoque *Labyrinthe* meruerat commendationem. Quanta vnquam à saxis & marmoribus promitti poterat duratio & perennitas, tanta illi inerat architectationi. *Labyrinthe omnes*, ait historix naturalis scriptor, *lapide polito fornicibus tecti. Egyptius (quod miror equidem) introitu columnisq; reliquis è molibus compositis, quas dissoluere ne secula quidem possint, adiuuantibus Heracleapolitis, qui id opus inuisum mirè infestauère.* Assonat Strabo, dum scribit: *Et quod admirandum sit, cuiusque domus tabulata, ac etiam cryptarum latitudines ex lapideis pluteis integris, & magnitudine excellentibus confectæ sunt, nulla vsquã nec ligni, nec aliæ materia admixtione. Ac si quis in tabulatum ascendat, quod non admodum altum est, utpote vnum, videre potest lapideum campum, eiusmodi lapidibus instratum.* Itaque

VI.

Plin. loc. cit.

Strab. lib. cit.

D 5

fila-

si lapides cum tempore in duritiem crescunt; si fornices per ætatem vnus lapis fiunt; si homines & res fortissimæ columnæ vocantur; si moles vetustatem vincunt; si tabulata saxea, plutei lapidei, si petræ & cautes in campum diductæ, exemplar sunt rerum solidarum, quàm portentosum necesse est in illo opere fuisse firmamentum? Hæc firmitas, hoc robur.

VII.

erat Labyrinthi. Quid de Mundo dicam, qui lapides & saxa de minima sui portione *Labyrintho* suppeditauit? qui tam immensos cæli fornices, tot annis, sine vlla columna sustentat? qui tantas montium moles exhibet? qui in ventis tempestatibusque, tot iam secula, durauit? Nec enim eum aquæ diluerunt, nec ignes dissoluerunt, nec aëris iniuriæ labefactarunt; nec terrarum montiumque tremores euerterunt. Cæli, noctes diesque, tot, tam continuis, tamque rapidis motibus rotati atque agitati, nihil adhuc, per tot ætates, quidquam de sua integritate detriuerunt. Nempe

Job. 37.18.

quia *solidissimi, quasi erefusi sunt*. Quid ære perennius? illud tamen ab igne liquefcit. Cælum assiduis ignibus lambitur, & manet inadustum. Nimirum bellè con-

gru-

gruunt auctoris nobilitas, & operis diu-
turnitas. *Initio tu, Domine, terram fundasti: Ps. 101. 26.*
& opera manuum tuarum sunt cæli. Tu enim
es ille artifex, qui fundasti terram super stabi- *Ps. 103. 5.*
lilitatem suam, & non inclinabitur in sæculum
seculi. Reges illi *Labyrinthorum* extructo-
res opera fecerunt quæ se defunctis, cum
semper non possent, saltem ad aliquot an-
nos, in memoriam relinquerentur poste-
riorum. Tu Deus opera longè firmiora
effecisti, non tamen ea post te relinques.
Solidissimi sunt cæli, & vsque ad finem
mundi hoc eodem, quo sunt, statu dura-
turi, tandem tamen & ipsi peribunt, tu au- *Ps. 101. 27.*
tem permanes: & omnes sicut vestimentum
veterascent. Et sicut opertorium mutabis eos,
& mutabuntur, tu autem idem ipse es, & anni
tui non deficient. Cerea igitur fuerunt ope-
ra *Labyrinthi*, & luteum negotium, si Dei
opera aspiciantur. Sic enim opera Dei
& hominum differunt, sicut eorum litte-
ræ scripturæque, qui æri cogitationes suas
incidunt, ab illis, qui in aqua aut cineri-
bus scribunt. Durant enim verba rebus
duris impressa, sicut & opera diuina, Nu-
minis excellentiam testantia. Hinc & Iob,
cum dictis suis cuperet æternitatem, dixit:

Quis

VIII.

- Iob. 19. 23.* Quis mihi tribuat, ut scribantur sermones mei? quis mihi det ut exarentur in libro stilo ferreo, & plumbi lumina, vel celte sculpantur in silice? Eiuscemodi ergo voluminibus diuinæ laudes sunt insculptæ. At humana gloria, quasi in aquis scripta, citò diffluit; aut quasi in cineribus exarata, à leui vento
- ps. 16. 11.* dissipatur. Nam dum oculos suos statuerunt declinare in terram mortales, in terra scribuntur; cum interea vultus Domini super facientes mala: ut perdat de terra memoriam
- ps. 82. 19.* eorum. Nempe tu solus altissimus in omni
- psal. 1. 4.* terra, Deus. Non sic impij, non sic: sed tanquam pulvis, quem projicit ventus à facie terræ. Ita ferè omniū memoria perijt, qui in vanitate quæsierunt nominis celebritatem. Quo pacto Medis victis Cyrum gentis suæ nomen imposuisse scribit Plato. Et Salustius ait: victos omnes in gentem nomenq; imperantium concessisse. Mosque antiquus est, ut famæ sititores insignia, ac nomina sua indant domibus, palacijs, arcubus, theatris, balneis, agris, villis, portubus, columnis, obeliscis, pyramidibus, tumulis, epitaphijs, arcibus, oppidis, ciuitatibus, regionibus, monetis, ipsis sæpe equis, alijsque animalibus inurant, & ut Horatius de-
- flet,

*Plato in
Menexe-
no. Salust.
de Bello
Aug.*

*Horat.
lib. 3.*

flet, *querant urbium subscribi statuis*, denique à muris, & *Labyrinthis*, & sepulchris honorem mendicent: iuxta illud: *Et sepulchra eorum, domus illorum in eternum. Tabernacula eorum in progenie, & progenie: vocauerunt nomina sua in terris suis: cum tamen ipsi, angusta vrna inclusi absconderentur, ac memoriam eorum pluuia de marmoribus abluerent; & ruina tantò altiùs tegerent, quantò altiora fuerunt ædificia, quæ extruxerunt. Interea Petrus piscator, & Paulus coriarius, qui propriam nauiculam reliquerunt, nec habuerunt domum, immo nec vbi caput reclinarent, quia non sibi, sed Christo templa, ac monumenta ponere conati sunt, post mortem eminentissimè splenduerunt. Hæc firmitas est diuinæ, infirmitas humanæ gloriæ, in cœli firmitate, & *Labyrinthi* imbecillitate præsentata.*

§. IV. *Tam Labyrinthi, quàm Mundi præclara altitudo.*

Fuit autem & altitudo *Labyrinthi* eximia. Nam ibi conspiciebantur *pyramides complures quadragenarum vlnarum, senos radice muros obtinentes. Quin & cœnacula priùs excelsa porticusq; ascenduntur nonagenis gradibus.* IX.

Strab. su-
pracit.

gradibus omnes. Ita Plinius. Et alter: *In fine huius aedificij, quod plus stadio occupat, est sepultura quadam, pyramis quadrata, cuius quodlibet latus quadryugerum ferè est, & altitudo par.* Maxima utique altitudo. Sed

Ita recens
quidam
Mathe-
maticus.

quid ad altitudinem mundi? hæc tanta est, ut stellæ multis partibus terra maiores, pomi instar in oculos nostros veniant. Et quia Archimedes demonstrat perimetrum, seu circumferentiam esse triplum diametri, facilè erit de altitudine cœli iudicare, si circumferentiam, seu concavam cœli Empyreï superficiem perpendamus: quæ lata esse dicitur, *milliarium Germanicorum, decies quater mille nongentos septuaginta sex milliones millionum. Tam nimirum ampla, ut in ea extendi queant mille sexcenti milliones superficierum terrestrium. Eo verò ambitu distendetur, ut quis quinquagies mille annis obire non posset, etiamsi quotidie 12. miliaria Germanica ambularet.* Hinc de ceteris æstimatio fieri potest. Nam & crassities illius cœli in maximam amplitudinem altitudi-

XI. nemque se se diffundit. Et haud dubiè diuinæ litteræ Deum, non sine magno honoris titulo, toties *Altissimum* vocauerunt: nec angelorum militia sine causa cecinit:

Ge. 14. 18.
Job. 31. 28.
Psal. 7. 18.
Luc. 2. 14.

Gloria

Gloria in altissimis Deo. Qui etiam eandem ob causam frequentissimè *Excelsus* appellatur. Et quamvis diabolus quoque, simia Dei, *Excelsa* affectârit, Deus tamen *excelsior* *excelsior est*, ad quem cum Lucifer ascendere vellet, ei que par sedere, nimia altitudine in vertiginem datus de cœlo in profundissimum Inferni locum cecidit. Neque illi cogitationem suam perfecerunt, quorum vox erat: *Venite, faciamus nobis civitatem & turrem, cuius culmen pertingat ad cælum:* ad cælum structuris suis non per-
tigerunt: & si vel maximè cælum ipsum attigissent, Deus in cœlis, & supra cœlos ipsos existens, excelsior eorum muro excelsior fuisset. Quare altitudinis laudem præ omnibus obtinet & in ædificando, & in habitando Deus, atque si ex magnitudine operis cognoscenda æstimandaq; est magnitudo auctoris, *Magnus Dominus & laudabilis nimis: & magnitudinis eius non est finis:* nimisque, *exaltatus est super omnes Deos;* sicut & Christus, qui Apostolo teste, *Ascendit super omnes cœlos*, quod D. Thomas perfectissimo eius corpori debitum fuisse affirmat: quanto enim aliqua corpora perfectiora, tanto locum exigunt sublimio-

Gen. 14. 19.

3. Reg. 3. 2.

Eccles. 5. 7.

Gen. 11. 4.

Psal. 144. 3.

Psal. 96. 2.

Eph. 4. 10.

S. Th. 3. 2.

1. 57. 4. 4.

miorem. Sublimissimum ergo & ipse insedit, & amicis suis præparauit. Quade

S. Bonass. in stimulo diuin. amor. c. 20. p. 3. causa S. Bonauentura scribit: *Ad contem-
plandum quietem omnium, de celesti Hierusa-
lem aliquid balbutiendo prorumpam. Nam
locus est altissimus, splendidissimus, latissimus,
& firmissimus.* Quibus verbis sanctissimus

vir omnia complexus est, quæ nos huc vs-
que instituimus cum *Labyrintho* compara-
re: sed præcipuè altitudo est præ oculis
habenda. Illuc erectos ad sidera tollere

XII. vultus nos Deus & natura iussit. Nam,
quamuis & in terra sit Deus, tamen dicere

Matth. 6. 10. iubemur: *Pater noster, qui es in celis*, ne il-
lū in terris & terrenis quærere cupiamus.

Alta cogitamus, nihil altius est cælo. Cum
Christo esse cupimus, in altissimo cælo est

Coloss. 3. 1. Christus. Vnde & Apostolus ait: *Si con-
surrexistis cum Christo, quæ sursum sunt, quæ-
rite, ubi Christus est in dextera Dei sedens,
quæ sursum sunt, sapite, non quæ super terram.*

Illuc totis votis & desiderijs sequi decet
seruos, quo sciunt dominum præcessisse.
Mancipia in vestibulis & stabulis moran-
tur, & supra sortem suam esse censent, vt
ad altiora aspirent. Generosiores autem
animi proximè cum domino in eodem,

con-

conclauī esse concupiscunt. Hoc signum, hic effectus clarè atque euidenter ostendit, nos, cum Christo resurgente à mortuis, à peccatis resurrexisse, eidemque per diuinam gratiam & charitatem vnitos esse; si cœlestia, non terrena; si summa, nō infima; si æterna, non temporalia; si ea quæ sursum, nō quæ deorsum sunt, quæramus, & per diuinam sapientiam, scientiam, affectum, per gustum, per desiderium, per cogitationem seriam, meditationemque efficacem sapienda sapiamus. Inter elementa enim, quodnam est ignis, & nobilissimum? quodnam terra & ignauissimum? Nonne id quod ad cœlum altissimè euolat, ignem, & quod ceteris omnibus se se submittit, terram esse dicimus? Sic terrenus, sic animalis homo, non sapit ea, quæ sunt spiritus; is autem, quem ignis diuinus accendit, facilè, his caducis & imis rebus contemptis, ad *Altissimum* anhelat.

Hoc est esse verè hominem. Nam, vt XIII. Plato quoque docet, ἀνθρώπων, quasi ἀνα- *Plato in Cratyla.*
θρῶν ἀ ἐπ' ὤπτε, dicitur, id est, quod sursum aspiciens contemplari & attentè considerare debeat, ea quæ vidit; vel quasi ἀνω πένων, id est, sursum vergens: quod, vt Lactantius scribit, *Lactant.*

E . . . ad lib. 2. de-

*uinar. In-
st. c. l.*

ad superna & altissima tendere debeat. Be-
stia deorsum spectant, porci lutum ver-
sant, talpæ terram in delicijs habent : so-
rex fodit & rimatur glebas, scarabæus
stercora amplexatur. Sic peccatores, sic
infideles, sic hæretici, sic athei, quia neque
animum, neque oculum ad cœlos attol-
lere possunt, toti terrenis inhiant, ad lu-
men noctuæ, ad tenebras aquilæ. Formi-
carum nidos, culicum pometa, aranco-
rum ædificia, murium hypogæa, cruca-
rum pomaria magni faciunt: altissima illa,
& in ijs *Altissimum*, nunquã, aut rarissimè,
& non nisi obliquo oculo intuentur.

*Vide S.
Bernar.
Serm. 6.
de Ascen-
sione.*

Aliter filij Dei, qui patrem suum non in
rebus parvis, sed magnis, non in imis, sed
summis, quærunt; quia spem fidemque
habent æternitatis. Oculos in stellas con-
ijciunt, animum, ad cœlum attollunt,
mentem in Deo desigunt; hinc tam læti
alacresque caduca relinquunt, terrena cõ-
temnunt, vilia calcant. Si enim verum est
illud Socraticum à S. Hieronymo vsurpa-
tum : *In cælum conscendo, solum hoc solemq;
despicio*, profectò non poterunt amplius
humi velle repere, quicunque memine-
rint, se sursum ad cœlum, ad illa altissima
pul-

pulcherrimaque palacia & natos esse, & tam potenter vocatos.

Caput IV.

EX ORNATV TAM MVNDI, QVAM

LABYRINTHI, QVALIS, ET A QVIBVS GLORIA
in auctores eorum redundet?

§. I. *Labyrinthi & Mundi ornatus quàm sit aptus,
ad auctores suos commendandos?*

Ad magnitudinem altitudinemque, I.
quæ *Labyrintho* in ornatum fuere, etiam
alia ab auctoribus adiecta sunt, quibus is
decoraretur. Nam & materiæ precium,
& operis proportio ac concinnitas, & lo-
corum ædificiorumque ac picturarum &
rerum omnium mirifica varietas in eo cer-
nebatur. Materiæ precium indicant scri-
ptores, dum aiunt, *Labyrinthos omnes la- Plin. lib.*
pide polito fornicibus tectos; item tam ma- 36. *Hist.*
gnas, tamque innumerabiles intus colum- nat. c. 13.
nas de porphyrite lapide admirationi fuisse;
& *fulsisse trabibus spinæ oleo incocta, dum*
fornices quadrati lapidis assurgerent. Dum
assurgerent, inquam, non dum starent,
nam alius scriptor tradit, admirandum
esse, quod cuiusq; domus tabulata, ac etiam Strab.
cryptarum latitudines ex lapideis pluteis inte- lib. 17.
gris,

Mela
lib. 1.

gris, & magnitudine excellentibus confecta sint, nulla usquam nec ligni, nec alius materia admixtione. Quin est, qui affirmet, Psammetichi opus Labyrinthum, domos mille, & regias duodecim, perpetuo parietis ambitu, amplexum, marmore extructum, ac tectum fuisse. Si vnus sepulchri lapis, aut vestibulum, vel mensa ex marmore multis magni esse sumtus videtur, quid mille domorum, duodecim regiarum, perpetuique parietis ambitum, omnia ex marmore extructa, constituisse, quantæque rem pecuniæ fuisse est necesse? Hæc de materia Labyrinthi

II.

Herodot.
lib. 2.

prodita sunt. De materia ac forma, operisque varietate, proportionem, ac concinnitate oculatus testis ait: Ipsi aspeximus humanis operibus maiora. Nam egressus per tecta, & regressus per aulas diuersissimi, infinita me admiratione afficiebant. Ex aula in conclauia transitur, ex conclauibus in cubicula, è cubiculis in solaria alia, è conclauibus in alias aulas. Horum omnium lacunar, quemadmodum parietes, lapideum est, sculptilibus passim figuris ornatum. Singula aula maxima ex parte digesto lapide albo, columnarum ambitu redimita. Tot ergo graduum per quos ascenditur, tot columnarum quibus Labyrinthi moles

moles innititur, tot simulachrorum, quibus superstitio exprimitur, tot statuarum, quibus regum memoria conseruatur, tot monstificarum imaginum, tot diuersorum emblematum, tot sculptilium figurarum, quibus, templis, porticibus, regijsque decus additur, tot pyramidum denique sumtus & labor, quid non habuit concinnitatis & varietatis? Qua omni concinnitate atque varietate nihil aliud quæsitum est, quàm vt ijs ornaretur illorum nomen, qui *Labyrinthum* ornauerunt. I- III.
dem factum est in Mundo. *Deus enim*, ait Lactantius, *providentiam & potestatem su-* Lactant. lib. de opi- fic. Dei. cap. 5.
am multarum rerum mirabili varietate vo-
luit ostendere; nec varietate tantum, sed etiam materiæ ipsius nobilitate. Nam quidquid est in terris auri, quidquid argenti, quidquid æris Corinthij, quidquid margaritarum & gemmarum, vix minima est portio terræ, tot insuper carbunculis, quot rosas; tot adamantibus, quot lilijs distinctæ & gemmantis. Quare iure suo cœlestis agricola per Prophetam ait: *Et pulchritudo agri mecum est*, hoc est, ps. 49. II.
à me stat, meisque laudibus subscribit & acclamat, à mea potentia profecta, à me,

ab æterno cognita, & in me eminentissimè contenta: atque vel idcirco diligenter expendenda: *Considerate lilia agri*, ait Christus, *quomodo crescunt: non laborant, neque nent. Dico autem vobis, quoniam nec Salomon in omni gloria sua coopertus est, sicut unum ex*

Math. 6.
28.

IV. *istis.* Qua de causa Mundus iste tam vndique ornatus, & in Dei laudes gemmatus meritò in emblemate quodam est expressus, quod adhuc durat, in *Pomo Imperiali*, illo scilicet, quod Serenissimus noster Elector Maximilianus Boiæ Dux Imperatori, ex Dapiferi officio, præportat, & à Benedicto Papa VIII. originem traxit. Nam, ut, post Glabrum, Baronius testatur, cum Henricus Germaniæ rex cum exercitu in Italiam transiret, Romam petiturus, ut Benedictum Pontificem in suam sedem restitueret; à quo vicissim erat ad imperium orbis promouendus; iussit Benedictus Pontifex insigne fieri, aureum quoddam pomum rotundum, mundo in figura simile; atque veluti æquatore & meridiano, aut lacteo aliquo circulo cingetur, præcepit artifice, ut pomum illud per quadrum preciosissimis gemmis circumdaret, atque verticem illius, aurea cruce infer-

Glab. lib.
1. in fin.
Baron.
An. Christi
1013.

inserta, Deo insigniret: Vt quoties Princeps in pomum illud oculos conijceret, doceretur ita imperare in mundo, vt non minùs ipse virtutibus, quàm Pomum v-nionibus, aut mundus ipse sideribus ornatus esset. Denique tum demum & mundum, & Imperatorem tutum fore significauit, si à cruce protegeretur; quod tum futurum erat, si omnia ad crucifixi gloriam referret. Hòc tale Pomum Benedictus Papa cum maxima virorum & sacrorum ordinum multitudine, obuiam de more procedens aduenienti Henrico, in honoris testimonium, obtulit; quod ille postea ad Cluniacense monasterium in Gallias, amoris ergo, misit, vt apud Deo consecratos, Deo constantius consecraretur. Sicut ergo Benedictus pomum gemmis, ita Deus mundum stellis exornauit: vt ad eius imitationem homo, qui est paruus quidam mūdus, se quoq; moribus exornaret. Quid enim decet esse pulchrius? mundum, an eum, propter quem tam formosus est mundus? Et tamen hic propter hominem factus tam est formosus, vt eius ornatum vanæ gloriæ mancipia nullis vnquam sumtibus, nulla profusione pecu-

V.

Philo-
strat. lib.
1. de Vita
Apol. c. 18.

niarum potuerint satis imitari. *Ferunt Apollonium apud Babylonios aliquando in porticum venisse, cuius supremam pars in formam clypei fabricata cœli faciem imitabatur, Saphiro lapide extrinsecus adoperta, qui lapis maximè ceruleus cœli colorem refert, ubi eorum, quos ipsi deos habent, imagines ex auro, tanquam ætheris colorem imitantes sculptæ erant. Is autem locus est, ubi rex ius dicere consuevit.* Hæc Numinis non laudata, sed superba est imitatio, & tamen (ô Superi) quàm imperfecta? Vt enim neque sapphirus ullus ad cœli amplitudinem, neq; aurum ad siderum splendorem accedit; ita porticus illa longè à mundi elegantia atque maiestate abfuit. Præterquam, quòd *ex testudine illius aniculæ quatuor aureæ pende-
bant, quas illices torquillas nominant, ultio-
nis Deam significantes, admonentesq; regem,
ne se supra hominem efferret.* Nempe quid-
quid in hoc mundo rerum humanarum
splendet, torquet; quidquid illicit, vellit;
& clamat, *Ultionem superbis à Deo impende-
re.* Hinc illices illas torquillas *linguas Deo-
rum* appellabant. Quia ubicunque aliquid
pulchrum est, ibi loquitur Deus se se esse
pulchriorem; minaturque se vindicatu-
rum,

Ibidem.

rum, si quis ullam pulchram rem ita possideat, ut elatus non Condito rem illius, sed seipsum æstimet; aut diuinis illa operibus præferat, quæ manus humanæ condiderunt. Quid enim Dei operibus est præferendum?

VI.

Atque, ut de cœli formositate, hoc loco, nihil ampliùs dicam, ubi planè totæ gemmæ, quot stellæ lucent, in solis animantibus quanta varietas, quàm incredibilis concinnitas? Neque hîc mihi sermo est de earum pelle, quam Deus vel sola pulchritudine decorauit; vel setis adoperuit; vel squamis muniuit; vel plumis insignibus adornauit. Illud (Lactantij verba sunt) commentum Dei mirabile, quòd una dispositio & unus habitus innumerabiles animantium perferat varietates. Nam in omnibus ferè, quæ spirant, eadem series, & ordo membrorum est. Primum enim caput, & huic annexa ceruix. Item collo pectus adiunctum, & ex eo prominentes armi, adhaerens pectori venter &c: Nec solum membra suum tenorem, ac situm in omnibus seruant, sed etiam partes membrorum. Nam in vno capite ipso certam sedem possident aures, certam oculi, nares item, os quoque, & in ore dentes, & lingua. Quæ omnia cum sint eadem in omnibus animantibus; tamen infinita, & multiplex

Lactant.
lib. de O-
pif. c. 11. c. 5.

E 5 diuer-

74 *Cap. IV. Labyrinthi & Mundi ornatus,*
diuersitas figurarum est; quòd ea, quæ dixi, aut
productiora, aut contractiora lineamentis va-
riè differentibus comprehensa sunt. Quid il-
lud? Nonne diuinum, quòd in tanta uiuen-
tium multitudine vnumquodque animal in suo
genere, specie pulcherrimum est? ut si quid vi-
cissim de altero in alterum transferatur; nihil
impeditius ad vtilitatem, nihil deformius ad
aspectum videri necesse sit. Quid ad hanc e-
legantiam & varietatem sculptiles Ægy-
ptiorum, aut Babyloniorum figuræ? rus-
merum & lusus puerorum. Neque sine
caussa sanctissimi sapientissimique Patres
Basilius, Ambrosius alijque, in libris Hexa-
meron, non potuerunt satis admirari diui-
ni opificis incredibilem in rebus etiam
minimis sollertiam, in omnibus venusta-
tem & vtilitatem.

S. II. Quo pacto Mundus iste, gloriam
Dei propaget?

VII. Non est necesse hîc rerum singularum,
 pulchritudinem atque vsum proponere.
 Sufficit cum auctore libri Sapientiæ, &
 cum D. Paulo ostendere, creaturas tan-
 tam in artificio suo sapientiam continere,
 vt mortales ad vnum omnes in Dei con-
 dito-

Sap. 13. 3.
Rom. 1. 21.

ditoris cognitionem possent perducere, nisi ipsi sponte cæcutirent. Quamobrem à S. Chrysostomo, Basilioque res creatæ *liber idiotarum* appellantur: & ita Mundum à S. Antonio esse vocitatum, testis est D. Athanasius. Quin apertè cælum *liber* nominatur ab Isaia dicente: *Et complicabuntur, sicut liber, cæli.* Quod etiam S. Ioannes repetit, cum ait: *Et cælum recessit, sicut liber inuolutus*; tunc scilicet, cum in Inferno obscurabuntur mentes hominum, Deum in hoc libro non ampliùs legentium, aut inuenientium. Quippe liber est cælum, in quo diuinæ laudes explicantur. *Cæli enim enarrant gloriam Dei, & opera manuum eius annunciat firmamentum.* Nec cæli tantum, sed etiam totus mundus. Verissimè siquidem Ecclesia canit: *Pleni sunt cæli, & terra maiestatis gloria tua.* Quo pacto autem? Gloria Dei est gemina, vna illi est interna & æterna; altera aduentitia & externa. Illa Deo accedere non potest; hæc ut supra dixi, in eo sita est, ut Deus, velut summum bonum, ab hominibus cognoscatur, ametur, & ut ita dicam, cum suauissimo quodam animæ sensu possideatur. Quare cognosci, amari, & possideri ab homine Deum,

S. Chrys.
hom. 9. ad
pop. S. Ba-
sil. hom.
11. Hexa.
S. Atha-
nas. in Vi-
ta S. Ant.
Isa. 34. 4.
Apoc. 6.
14.

Psal. 18. 2.

In Hymno
SS. Am-
brostij &
August.
VIII.

Supr. c. 2.
§. 4.

Deum, gloria est Dei. Qui & hominis finis est. Ceteræ res corpore constantes ad hunc gradum non possunt ascendere, ut Deum noscant, ament, gustent. Ut ergo & ipsæ Dei gloriam, hoc est, cognitionem, amorem & gustum illius, pro sua quoque parte, attingant & adiuvent, hominem iuvant, eò ascendentem. Itaque homo propter Deum: mundus hic reliquus, propter hominem, est conditus: qui ad gloriam, Dei aliter facere non potest, quàm si hominem vel foueat, vel eò perducatur, ut Deum cognoscat, amet, & *quàm suavis sit*, gustet. Præstat autem id duobus modis, dum corpori scilicet, & dum animæ eius seruit; sic enim Mundus finem suum, ob quem est factus, obtinet; dum hominem ad finem suum tendentem adiuuat, perque ipsum hominem, finem quoque hominis, hoc est gloriam diuinam respicit, & attingit. Igitur si corpus in homine spectes, exhibet ei Mundus domum, & habitationem, item victum, amictum & vniuersa, quæ ad vitam corporis exiguntur. Quocirca est illi in amplissimum elegantissimumque palatium, quod Numen ipsum omni genere supellectilis rerumque neces-

*Leonard.
Lect. lib.
14. de di-
uin. Perf.
cap. 4.*

necessariarum instruxit. Ibi quidquid oculos oblectat, quidquid palatum satiat, quidquid desiderat sensus, copioso proventu est reperire. Sic Mundus homini seruit in ijs, quæ ad vitam corporis pertinent, vt scilicet viuere possit ad beatitudinem promerendam.

§. I I L. *An, & quid animæ Mundus ad notitiam Dei conferat?*

Quia tamen corpus hominis vilior pars est, animæ multò magis prospexit Deus, dum Mundum, velut præconem aliquem, constituit, per quem illa Conditoris sapientiam, potentiam, prouidentiam, pulchritudinem, & bonitatem cognosceret; & quidem nullo non tempore aut loco, & apud quasuis nationes. Siquidem *dies Psal. 18. 3. diei eructat verbum, & nox nocti indicat scientiam. & scilicet 199. Non sunt loquela, neq. sermones, quorum non audiantur voces, cœlorum gloriâ Deiq; enarrantes, operumq; ceterorum, quibus Dei virtus homini innotescit. In omnem terram exiuit sonus eorum: & in fines orbis terræ verba eorum.* Ita non solum nulum tempus, sed neque vllus est populus, aut locus, in quo gloriâ Dei ab hoc præcone,

IX.

cone, clarissimè proclamata non inclarescat. Est autem hominis anima ita sensibus in hac vita illigata, vt sine eorum ope nihil intelligere possit. Vt ergo diuina maiestas ab anima per sensus externos cognoscatur, cœlum, terram, maria, reliquaque visibilia opera illi sua exhibet, & Mundum proponit, velut specimen aliquod infinitæ illius pulchritudinis, ac bonitatis.

- X.** Si enim picta imago, Apellis, aut marmorea statua, Praxitelis excellentiam; si ædificium Ionicum Architecti artem declarat; si in vase Mentoris, aut in scuto Phidiæ, arctissimè impressa est Mentoris, aut Phidiæ memoria; cur hæc diuinæ excellentiæ tam luculenta vestigia in creaturis non agnoscamus? Nomina sua suis operibus memoriæ caussa inscribunt nobiles artifices, quod præter Senecam M. Tullius de Phidia ostendit, qui cum vellet nomen suum Mineruæ, quam Atheniensibus ex ebore & auro faciebat, inscribere, idque locatores prohiberent, seipsum, hoc est, similem sui speciem inclusit in clypeo Mineruæ. Imitatus est nimirum Phidias Mundi Condito rem, qui imaginem suam, nomenque omnibus ita impressit creaturis,
- vt ab

*Senec. c. 1.
de Tranq.
Vita, &
Consol. ad
Albinā,
Cic. Tuscul. Q.
lib. 1.*

ut ab ijs nulla vi, nulla arte, nulla vnquam
aut hominum, aut temporum iniuria pos-
sit diuelli. Nam antè desinet esse creatu-
ra, quàm desinat à Creatore laudando de-
pendere. Hoc ipsum scilicet est, quod Val.
Maximus de artifice illo scripsit : *Phidias*
Clypeo Minerue effigiem suam inclusit, qua
conuulsa, tota operis colligatio solueretur. Sicut
ergo Phidiæ opus non potuit videri, quin
ipse quoque Phidias videretur; ita nec Dei
opera, multoque minùs, possunt cogno-
sci, non cognito eorum Conditor. Om-
nes igitur res creatæ litteræ quodammo-
do, aut libri sunt, è quibus Dei laudes cõ-
ponuntur, & cognoscuntur. Facile veni-
adatur lippientibus oculis, qui minutos
characteres legere non possunt: at à cæci-
tate inexcusabiles sunt, qui tam grandes
creaturarum litteras & volumina nō cer-
nunt. *Extensum cælum totum sicut pellem,* Ps. 103. 2.
aiunt diuinæ litteræ, hoc est, velut mem-
branam, in qua notitiam sui descripserit
eius Conditor. Quare Bernardus *librum* S. Bern.
nuncupat communem catena alligatum, ut in Serm. in
eo Dei sapientiam legat, quicunq; voluerit; pli- id Ps. 84.
candum, quando omnes in beatitudine erunt Audiam
docibiles Dei. Tunc enim ille os ad os lo- quatur.
que-

XI.

S. Bern.
Serm. in
id Ps. 84.
Audiam
quid lo-
quatur.

quetur, tunc præsentes erimus; nunc Deus nobiscum per creaturas tanquam per litteras agit: tunc facie ad faciem eum vide-

Cant. 2. 9. bimus; nunc *stat post parietem nostrum, respiciens per fenestras, prospiciens per cancellos.*

1. Cor. 13. Ergo per speculum & in ænigmate creaturarum est aspiciendus, neque difficulter

XII. agnoscendus. Quis enim, in profundo maris, profundum abyssi illius non agnoscat? quis in magnitudine montium magnitudinem eius diuinissimam non extollat? quis in terræ firmitate æternam immobilitatem illius non fateatur? quis in cœlorum siderumq; virtute inexhaustam potentiam eius non intelligat? quis in luce stellarum, in fulgore lunæ, in splendore solis infinitam pulchritudinem eius non admiretur? Siquidem *gloria Domini plenum est opus solis, sicut & camporum, fluminum, silvarumq; virentium, saltuumq; reconditorum.* Quis vel in vno homine artificium tot neruorum, venarum canales, ossium fulturas, ac membrorum ordines non obstupescat, & viam viuentis structuræ sapientiam satis describat? Quid mirabilitatis non habet ordo ille & concentus cœlorum tam certo cursu errantium,

& tam

Eccli. 42.
16.

& tam constanti vicissitudine inexhaustam prouidentiam testantium? Neque cœlis igitur, aut rebus magnis hæc solum insunt: sed in minimis quoque reperiuntur. Nihil enim est tam vile, nihil tam cōtemtibile, quod non sit plenum miraculis suis, & artificijs tam magnis, vt ab humana mente nequeant penetrari. Neque enim falsò dixit Christus *Salomonem in omni gloria sua non fuisse sic, sicut vnum ex liliis cooperatum*. Hinc in vnico lilio plus est admirabilitatis, quàm in omni gloria Salomonis. Quod si in vnica re & vnico flosculo Dei potentia, sapientia & bonitas tam clarè lucet, quid non faciet tota vniuersi Mundi compages? Verè *ex magnitudine speciei* Sap. 13.5. & *creatura cognoscibiliter poterit creator horum videri*. Inuisibiles enim Numinis perfectiones, iam inde ab exordio Mundi, per ipsa opera factæ sunt visibiles, & ex ipsis sapientissimè potentissimeque creatis rebus intellectæ videntur quodammodo, teste Apostolo. *Inuisibilia enim ipsius à creatura Mundi, per ea quæ facta sunt intellecta, conspiciuntur*. Quæ illa inuisibilia? Prouidentia, immensitas, sapientia, quin & sempiterna quoque eius virtus & Diuinitas. Est igitur

tur Mundus instar tabulæ, in qua Diuinitas adumbratur: est instar speculi, in quo non est sistendum, sed per quod is cognoscendus est, qui illud formauit, formamque illi impressam huc vsque conseruauit. Vnde

1. Cor. 13.

S. Paulus ait: *Videmus nunc per speculum.* Est denique Mundus liber, in quo sapientes quotidie proficiunt, stulti semper indoctiores stupidioresque fiunt, similes ijs, qui oculis sunt malè affectis, & ab ipso lumine excæcantur. Sicut enim amor Dei

XIV.

quia non quærit, quæ sua sunt, sed quæ Iesu Christi & Dei, in rebus omnibus eundem potest inuenire, ita amor sui cæcissimus in rebus omnib. Deum amittit. Nam dum isti se vitiosè amant, se ipsos ante omnia considerant. Vnde non in magnam Dei, sed in magnam sui æstimationem effeferuntur; seque ipsos circumspiciunt, & omnibus etiam pulcherrimis Dei operibus sua opera anteponunt. Quare ex immoderato amore bona omnia creata sui tantummodo commodi causâ appetunt, Dei autem gloriam negligunt. Hinc in omne genus vitiorum effunduntur. Appetunt enim primò ea, quæ speciem habent honesti, honores, titulos, magistratus,

tus, imperia, famam, plausus populares, æternum nomen, ex quibus ambitio inanisque gloria existunt. Quidquid ergo honoris vident in mundo, censent sibi debere. Deinde si quid aduertunt esse iucundum, si sensibus gratum, putant à se comparandum. Vnde rebus ad temperantiam exercendam creatis, vtuntur ad gulam pascendam, & ad libidines suas saturandas. Tum quia neque honores, neque voluptates comparari aut conseruari possunt, sine opibus & diuitijs, pecunias tanquam instrumenta rerum illarum, seu vi, seu fraude corradunt. Atque hæc auarities est. Quod si quidquam obsistit in his consequendis, in iram extimulantur, aut in inuidias, & odia Vatiniana. Tandemque huiuscemodi rebus peruersis animo penitus occupato, non relinquitur ullus pietati, & honori diuino locus. Hinc segnities illa, hinc tarditas, hinc ad virtutis opera horror, & cœlestia æstimandi difficultas, tædiumque in omni actione diuinas laudes spectante.

§)*(§



XV.

*Stephan.
Paschas.
in Aenigm.*

Quis credat sapienter factum? quod Stephanus Paschasius tamen sapienter laudat. Cæcus longum iter ingressurus Domini sui iussu, ducem viæ postulauit. Dedit illi. Sed qualem? Qui & ipse oculis careret: vt dux non plus videret, quàm qui erat ducendus. Nec satis fuit oculis caruisse; caruit & auribus, vt ne interrogari quidem posset, non audiens interrogantes. Et si vel maximè audiuiisset, tamen nec linguam habebat, qua responderet interroganti. Quodque accedit ad hæc omnia, etiam manibus destituebatur, quibus viam palparet more cæcorū, aut quibus traheret sequentem. Denique dux iste pedibus quoque erat orbatus; & vt nihil ferè haberet, quod ad ducendum exigi videbatur, ipsa ampliùs anima non erat in illo. Et tamen hunc talem ducem illi Dominus quam maximè commendabat, hunc sequi iubebat, hunc mandauit nec ad momentum esse deferendū. Quid expectemus? Hoc ille duce per campos, per siluas, per montes, per valles; per inuia & auia tutissimè penetrauit. Nam nec
dux

dux ipse duce carebat. Nimirum aliud nihil erat, quàm baculus, quo ducebatur: utique oculis, auribus, lingua, manibus, pedibus, anima carens, non carens tamen alio ductore. Nos quoque in rebus diuinis cæci sumus: longum nobis est iter ad cælum peragendum: duce opus est. Deus nobis, ducis & baculi instar, creaturas omnes dedit: etiam quæ ipsæ Deum non vident, neque laudes eius audiunt, neque linguam, manum, aut pedes à Deo acceperunt, tamen nos ad Deum pulcherrimè ducunt, ductæ ipsæ à Deo. Hinc est quòd tergemini illi in Babylonico incendio, tãquam aurum, excocti pueri dixerunt. *Benedicite omnia opera Domini Domino.* Quibus profectò, etiam si antè Deum non cognouissent, ignis pro duce & baculo fuisset, & præluxisset ad veritatem. Sicut & ceteris sapientibus ceteræ creaturæ. **XVI.** Et enim sapientes multos D. Gregorius, vel *S. Greg. lib. 26. Moral. cap. 8.* per solius cœli ductum & contemplationem, ait in cognitionem venisse illius, *qui habitat in cœlis.* Quamquam enim, ut rectissimè S. Dionysius tradit, *omnis perfectio creaturæ est prorsus longè sublimiore modo in Creatore,* potuerunt tamen veritatis inda- **gato-**

gatores per analogiam à creaturis ascendere ad Creatorem. Cuius rei testis est *Psal. 148.* Daudid, qui dum omnes res creatas, *cælum, Angelos, virtutes, solem, lunam, stellas, aquas, dracones, ignem, grandinem, niuem, glaciem, spiritum procellarum, montes & omnes colles, ligna fructifera, & omnes cedros, bestias, & vniuersa pecora, serpentes & volucres pennatas* iubet in Dei laudes exurgere, quid aliud agit, quàm vt velit per hæc vniuersa mortales duci ad diuina, & in his omnibus Deum agnosci, diligere, prædicari; atque ei gratias referri? Idem tres plus quàm Spartanæ nobilitatis pueri in igne fecerunt, apud quos omnia opera Domini Dominum benedixerunt. *Quis tam expers humana intelligentiæ est*, ait Saluianus, qui non agnoscat, ac videat pulcherrimum Mundi opus, & inestimabilem supernarum infernarumq; rerum magnificentiam ab eodem regi, à quo creata sit: quemq; elementorum fabricatorem, eundem etiam gubernatorem fore: qui cuncta scilicet, qua potestate ac maiestate condiderit, eadem etiam prouidentia ac ratione moderetur? Quare & Philosophi prospicientem ex rebus conditis Conditorem agnouerunt; vt testis est Plato, Plotinus, Philo,

*Saluian.
Masil.
Episc. lib.
1. de gubernat.
Dei.*

XVII.

*Plat. 7. de
leg. Plotin.
Ennead. 3.*

Philo, alijque complures. Quin & ipse S. lib.8.c.10.
 Paulus, qui cum dixisset, Deum præteritis Philo.2.
 seculis ad gentes non misisse perinde Pro- Allegor.
 phetas, sicut ad Iudæos, ne videretur eos legis.
 excusare de ignorantia sua, adiecit: tamen
non sine testimonio semetipsum reliquit bene- Act.14.17.
faciens de cælo, dans pluuias & temporum fru-
ctifera, implens cibo, & letitia corda nostra.
 Habuerunt ergo & illi de Deo testimoniū.

Quod est autem hoc testimonium, ait S. Pro- S. Prosper
sper, quod semper Domino deseruiuit, & nun- lib.2.de
quam de eius bonitate ac potestate conticuit? Vocat.
nisi ipsa totius Mundi inenarrabilis pulchritu- gen.1.c.4.
do, & inenarrabilium beneficiorum eius diues
& ordinata largitio, per quæ humanis cordibus
quædam æternæ legis tabulæ præbebantur, ut
in paginis elementorum, ac voluminibus tem-
porum, communis & publica diuinæ institutio-
nis doctrina legeretur? scilicet vnum esse
 omnium sapientissimum, potentissimum,
 optimum Creatorem, cui omnes ad amo-
 rem, timorem, cultum, obedientiam ac
 seruitutem obstringantur. Cælum ergo, ait
 eodem loco Prosper, cunctaq; cælestia, ma-
 re, & terra, omniaq; quæ in eis sunt, consono
 speciei suæ ordinationisq; consensu protestaban-
 tur gloriam Dei; & prædicatione perpetua ma-

XVIII.

Isa. 40.
26.*Athenag.*
in Apo-
log.
Cic. de
Harusp.
responsis,
& 2. de
Natura
Deor.

iestatem sui loquebantur auctoris. Hac de
caussa Isaias inuitat homines, vt in excel-
sum attollant oculos, videantque, quis
hæc creârit. Leuate, ait, in excelsum oculos
vestros, & videte quis creauit hæc: qui educit
in numero militiam eorum, & omnes ex nomi-
ne vocat: præ multitudine fortitudinis & ro-
boris, virtutisq; eius, neq; vnum reliquum fuit.
Quid sacris testibus vtimur? vel è profanis
Philosophis vnum audiamus. Illud maxi-
 mum, ait Athenagoras, acceptissimumq; sa-
crificium arbitramur, quis tetenderit cælum,
& in orbem reduxerit, considerare. Et Cicero
negat, esse vllum tam vecordem, qui cum
suspexerit in cœlos, Deos esse non sentiat:
nec esse aliquid posse apertum magis &
perspicuum. Quamobrem etiam alij ve-
terum Philosophorum ex ordine & venu-
state orbium cœlestium, Dei naturam af-
firmauerunt. Immo quidam se ideò natos
asseruerunt, vt cælum suspicerent, unde in
Numinis ipsius cognitionē peruenirent. Quin
adeò eximiè sidera, cœliq; opificis sui sa-
pientiam, potentiam, & bonitatem expri-
munnt, vt nonnulli Gentiles nimia formo-
sitate capti, iudicia præcipitârint, & per
cæcissimum errorem ipsis etiam diuinita-
tem

tem attribuere non dubitârint. Ita Mundus iste totus laudat, benedicitque Conditorem, atque ad eum, quem ipse non videt, nos ire iubet, & velut digito intento ducit: quantum enim in ipso est, omnes homines excitat ad laudandum Conditorem. Neque vllus Mundi melior est vsus maiorque bonitas, quàm vt opificis sui repræsentet perfectiones. Ad hoc enim præcipuè res omnes sunt conditæ. Cælum, ait S. Prosper, *terra, & mare, omnisq; creatura, quæ videri atq; intelligi potest, ad hanc præcipuè disposita est humani generis utilitatem, vt natura rationalis de tot contemplatione specierum, de experimentis tot bonorum, ad cultum & dilectionem sui imbueretur auctoris, implente omnia Spiritu Dei, in quo vivimus, mouemur, & sumus.* Sic imbutus erat sanctus ille miles, qui identidem ad æternitatem anhelans dicebat: *Heu quàm sordet terra, cum cælum aspicio!* Et ille cuius hæc vox est: *Quid enim mihi est in cælo? & à te quid volui super terram?* Hi longè, quàm quidam Philosophi, sapientiùs, non ipsius operis, sed ipsius in opere opificis diuinitatem atque hinc rursus suam vilitatem, agnouerunt.

XIX.

S. Prosper
lib. 2. de
Vocat.
Gent. c. 4.

Petr. Rib.
in Vita S.
Ignat. lib.
1. cap. 2.
Ps. 72. 25.

S. V. De ijs, qui creaturis vel tanquam virtutum magistris vsi, vel tanquam vitiorum instrumentis abusi sunt.

XX. Quin etiam innumeri extiterunt, qui omnis generis virtutes virtutumque documenta & occasiones à creaturis acciperent, discerentque quemadmodum, Mundi fabricatorem venerarentur. Refert Eusebius ex Origene, in libro, qui vocabatur Narratio Ioseph, dixisse Iacob, *se legisse in tabulis cœli, quæ filijs prædicebat*. Certè haud pauci & in cœli, & in totius creaturæ tabulis legerunt, quæ sibi metipsis saluberrimè postea occinuerunt. De S. Ignatio Religionis nostræ parente narratur, *eum ex tenuissimis rebus ad Deum, qui in minimis etiam maximus est, ascendisse, & è singulis utilissima ad vitæ informationem documenta cepisse*. Quam rem carmine iuuenili adumbratam dabo.

*Petr. Ribaden.
lib. 5. de
Vita S. Ignat. c. I.*

XXI. *Ignis es, Ignati, totus virtutibus ardes:
Te minus ipsa suis ignibus Æthna calet.
At cur non tantis potuisses gliscere flammis?
Cuius & à gelidis est calor auctus aquis?
Cælum, terra, dies, nox, campi, flumina, silvæ,
Omnia virtuti sunt alimenta tuæ.*

Quic-

*Quicquid adis, quodcunque oculo, vel mēte tueris,
Instar apīs, dulces colligis inde fauos.
Intras purpureis vernantem floribus hortum;
O Deus, exclamas, pectoris hortus ubi est?
Mulcent te zephyri violis halantibus; optas
Ante Deum fieri, mox quoque talis odor.
Virgineo reperis argentea lilia vultu;
Mentis, ais, nostrae, Christe, sit iste color.
Dispositas ex arte rosas flaccescere cernis;
Sic omnis, clamas, forma venusta fugit.
Pendula curuatis aspectas pondera ramis;
Hoc, genus humanum perdidit, inquis, onus.
Sanguine differtas grandescere conspicias vuas;
Eheu tam siccum est cur mihi pectus, ais?
Pruna vides claras sub frōde imitantia gēmas;
Quam pulchrū est fructus, dicis, habere suos!
Pulvere te medio gelida tegit arbor in umbra;
Sic, ais, est homini, sub cruce grata quies.
Tellurem calcas herbis & flore nitentem;
Sic homo mortales proterat, inquis, opes.
Visa papauerei tibi si fecundia floris;
Quid parit, ingeminas, desidiosus homo?
Flexa supinato cum fluctuat herba maniplo;
Monstrat, ais, vires ista figura meas.
Vermiculum cernis pergramina repere: paruo
Hoc ego verme, inquis, vilior esse queo.*

Vmbram

92 Cap. IV. Labyrinthi & Mundi ornatus,
Vmbra sub planta vermis sibi cōstruit; inquis,
Vmbra fui, nunc sum plantula, vermis ero.
Decidit in terras grauidis è nubibus imber,
Quàm sine nil cœli possumus, inquis, ope?
Aëre purgato, profligat nubila ventus;
Sic quoq, mors, dicis, gaudia vana fugat.
Suspicias, & volucrem tranare per athera cernis;
Sic, ais, ad cælum quàm volitare velim?
Nox ruit, & fuscis terras amplectitur alis;
Mox tenebris culpas asseris esse pares.
Effulgent Hyades, & stellis lucet Olympus;
Sunt meliora, inquis, sidera; terra vale.
Sol oritur reuehitq, diem lux prauia mundo;
Absq, Deo clamas, quod fuit, vmbra fuit.
Vertitur in gyros cælum reuolubile; molem
Qui mouet hæc, inquis, mēne mouere nequit?
Omnia præsentem tibi monstrant esse Tonantē:
Et licet hunc oculis cernere ubiq, tuis.
Quin etiam apparet rebus mihi Numē in ysdē?
Heu, culpa est oculis attribuenda meis!

- XXII. Si enim oculi mihi pares essent, & ad eundem videndi modum cruditi, paria non deessent documenta, quæ viderentur. Vtinam igitur mihi Deus oculos concedat Ignatianos, quibus virtutes Ignatianas possim comparare! Nihil tunc profectò aliud viderem, quàm Numinis preciositatem

tatem & meam vilissimam vilitatem. Sicut enim seipsum qui amat, omnia propter se amat, quæcunque illi terra offert : ita quisquis Deum amat è creaturis cognitum, seipsum contemnit, nec iam quidquã propter se, sed propter Deum omnia aspiciat atque agit. Vnde nihil quærit, nihil appetit, nisi quod ad diuinam gloriam iudicat pertinere. Ad quam non multum profectò pertinet, vt nos hîc honoremur: neque vt delicijs perfruamur terrenis; sed vt purissimas illas diuini spiritus voluptates quæramus, quæ ex cognitione & amore rerum diuinarum capiuntur. Hinc quicunque est impetus iræ, in ardorem rerum spiritualium conuertimus : & quoniam, præcœlestibus delicijs, caduca omnia despiciamus, nulli ea inuidemus, spiritualia longeque maiora bona possidentes. Quare, animo à curis rerum fluxarũ humanarumque expedito, alacres efficimur, & toti in animæ salutem negotiaque diuina incumbimus; neque locum inertiae aut desidia relinquimus, more illius, qui dixit: *Heu quàm sordet terra, cum cælum aspicio?* Quod nemo dicere potest, nisi qui sapit. Nam qui desipiunt, profectò sæpe dicunt:

Heu

XXIII.

*Heu quàm sordet cælum, cum terram aspicio? nempe quorum Deus venter est. Ita à terra & cœlo discunt contemnere terræ & cœli Conditorem; cum alij in mundo, velut in libro, eundem agnoscant, legantque: quemadmodū vidimus S. Ignatium facti-
tauisse. Quare idem ille optimus morum magister, quiq̃ue cum deinde, in confide-
randis anteaetæ vitæ annis, sunt secuti, cum vellent de peccatis suis serium dolo-
rem concipere, seque ipsos rubore saluta-
ri aspergere, atque, vt à Christo iubemur, in nouissimo loco recumbere, cū omnib.
se se creaturis comparauerunt. Quid, in-
quiebant, ego postremissimus incipiam? quo
me vertam? Ad easne res, quæ vita animaq̃
carent? En cælum, vt per tot secula acceptum
semel à Deo cursum, iussum ordinem, statuta
tempora, constantissimè seruat! Ego nec inte-
grum quidem diem sic curro, vt Deus manda-
uit. Nihil in me moderatum, nihil certum:
neque ordinem, neque tempus ritè seruo. Side-
ra aspiciam? At illa debitis itineribus iam con-
grediuntur, iam à se se abscedunt, vt Deo pla-
cet, & homini prodest. Ego miser omnia diuina
humanaq̃ iura perturbo, viaşq̃, peruerto, quibus
eundum esset ad aliam melioremq̃ aternitatem.*

Sol

Sol undeque radios & lumen suum benignissimè effundit: sic deberet & mea lux lucere coram hominibus. At iam in contrarium palmam possideo: tenebras amo; & peccatorum caligine sepultus sum, nocteq; ipsa animi mei delector. Sed & in ipsa nocte Luna pulcherrimè effulgens tarpitudoines meas detegit & accusat. Planetæ omnes nunquam cessant vim suam in hæc inferiora transmittere: ego in ocio dego, nec ferè cuiquã prosum: immò cum alij mihi prodesse volunt, cum ipse S. Spiritus virtute sua in me multa conatur efficere, manibus pedibusq; reluctor. Vinam non etiam, quibus prodesse deberem, scandalo essem. Ignis viuacissima res est, & summa vi ad agendum pollet; quæcunque habet obuia; incendit; quæ vicina, calefacit: quæ remotiora, illustrat: ego ubicunque laus gloriaq; Numinis agitur, ignauissimè torpeo, & frigeo semper; in iram solum, & furorem ceteraq; vitia calidus: & nunquam magis clarus, quàm cum me abscondere deberem; neque enim luceo, ut alios illustrem, sed ut obscurem. Aër animantibus liberaliter se se ad respirandum accommodat: quoties ego pias animi mei suspirationes opprimo & suffoco? quoties cælestes afflatus excludo? De vanitate cum sermo perstrepat, aures animumq; aperio. De animæ salute

salute cum compellor, terreor & auersor. Aqua rigat, lauat, refrigerat: ego tanquam menstruata femina, quacunque incedo, sterilitatem induco; nec iam sordes ab alijs abstergo, sed exemplorum abominanda feditate socios omnes contamino. Non audeo ergo ad hæc altiora oculos attollere. Erubescō, quoties aurora tam formosè erubescit, & me tam nullis virtutibus ornatum aspicit. Palleo, quoties candidum diem ire video, & in me candorem desiderari animaduerto. Muto colorem, quoties iridem solis imaginem cerno tanta colorum varietate relucentem; cum interim in me diuini illius & æterni solis imago sit tam fædè obscurata. Superest igitur, ut cum Publicano oculos in terram deijciam. Verùm & illa, quàm est fecunda? quàm utilis? quàm multos variosq; progignit fructus ad nos alendos? At ex me quid vnquam existit boni? Puluis ipse, ipsum lutum, ipse simus, ipsa testa ulceri radendo apta, denique quidquid est, utile est suumq; habet emolumentum: ego solus seruus sum inutilis, qui plurimùm à Deo accepi, minimum, immo nihil restituo, quasi sicca arena imbrem bibens, & gramen non reddens. Cum interea tot herbe salutes, tot picti flores, tot opulenta arbores, tot dense siluæ, id ad quod nate sunt, diligentissimè

tissime præstent; feraq; omnes & hominum v-
sui deseruiant & pleraque etiam eorum impe-
riapatiantur. Ita quem natura ferè supra om-
nes res extulit, malitia, infra omnes detrusit.
Immo ego meipsum detrusi. Quid igitur mi-
rum si iustus iudex & ipse infra omnes creatu-
ras in infernum me proijciat, cum in Deo meo
laudando patiar mihi eas omnes esse superiores?
Quid indignum facerent, si in me, tanquam
hostem suum, omnes creaturae insurgerent & i-
racundissime armarentur? Sic cælum in me ful-
mina spargeret; si terra dehiscens, tam inutile
pondus nollet amplius sustinere? Sic sapien-
tes Mundum aspiciunt, sic creaturarum,
consideratione inardescunt: Deoque di-
cunt: *Quamuis ignis eris, quamuis aqua, sem-*
per amabo. At impij non sic: sed iisdem
creaturis, quasi gladio in salutem dato, se
ipso vbiq; iugulant. Siluæ, maria, aër,
quasi intemperantiæ essent mancipia, ita
feras, pisces, aues in gulam illorum mini-
strare coguntur. Horti, agri, luci, quasi
scena essent obscænitatis, ita confidenter
aiunt, *Nullum sit pratum, quod non pertran-*
seat luxuria nostra. Tempus ipsum vitia
sibi distribuunt; quasi Deus dies ad potan-
dum, noctes ad grassandum creauisset.

Virgil. in
Diris.

XXIV.

Psal. 1.

Sap. 2. 8.

G

Immo

Immo quid multis vtor? Audite & obstupescite cœli! Stellæ vestræ lucidissimæ, & vel aquilinis oculis innumerabiles, hoc nostro consceleratissimo ævo, hunc denique usum habere cœperunt, ut atrociores Deum conditorem blasphemiam possent proscindere; dum per tot sacramenta, quot sidera, etiam Ethnicis inaudita impietate, & utique Acherontico inuento iuratur. Bono animo estote, impij grassatores, ad sidera non peruenietis, qui sidera existimatis creata ad augmentum vestrarum blasphemiarum. Quid cœlum speratis, quod sacrilega hæc vestra crimina ipsum accusabit, & tot testes contra vos producet, quot stellas temerauistis? Non enim iam illuc vestras virtutes inscribitis; sed sideribus, quasi calculis utimini, ut vno halitu tot blasphemias multiplicetis, quot stellas numeratis. Egregij Numinis imitatores, qui in ictu oculi, vnoque verbo tot in terris blasphemias ponitis, quot Numen in cœlo stellas collocavit. O impiæ! O detestabiles linguæ! ideone Deus voluit tot clarissima sidera in utilitatem vestram de cœlo lucere, ut vos normam haberetis, modumque desperatissimorum flagi-

flagitiorum vestrorum numerum augendi? Nempe si plures stellas ille condidisset, plures quoque vos blasphemias in cœlum & sacrosancta Sacramenta euomeretis. Ita nimirum cum Deo certatis, vt totidem beneficijs malefacta, & scelera semper plura ac plura reponatis. Quanquam & iste satis grandis est numerus vestrorum flagitiorum. Si enim totus ille circulus lacteus ex minutissimis stellulis cõponitur, quantum necesse est esse numerum vestrorum, tam inuerecundè & desperatè multiplicatorum Sacramentorum? Neque satis est iste numerus, eò Tartareus furor progreditur, vt hac nostra ætate per tot Sacramenta iuretur, quot extant in siluis arbores, in campis pulueres, in terris arenæ. Horreo hæc dicere: sed cogit veritas. Nondum etiam ista sufficiunt. Quot sphæristerium, & lusoria, vel potatoria, aut etiam scortatoria domus, quot plateæ amplæ, quot integræ vrbes, quot denique totus iste Mundus vsque ad cœli firmamentum potest capere, per tot nunc iuratur Sacramenta. Et miramur hos postea tam subitis mortibus, tam sine Sacramentis è vita ista expelli? miramur pestes tam diu grassari?

fari? Si ob vnam blasphemiam Deus totos populos plexit; non plectet, si multos inueniat, quorum singuli non solum tria millia Sacramentorum vno modio admetiantur, sed totum Mundum usque ad firmamentum blasphemijs adimpleant? Quam longè alium cœlo destinati finem habent stellas & Mundum intuendi? quam longè alio pacto creaturas vsurpant? quæ illis omnes sunt in detestationem scelerum, atque in documenta virtutum. Hinc noctes diesque, in omni dicto & facto, ex ore il-

Dan. 3. 57. lorum auditur: *Benedicite omnia opera Do-*

XXV. *mini Domino.* Quam ergo miserè à scopo & suo, & Mundi, & Dei aberrare eos necesse est, qui in pulcherrimi istius operis contemplatione, non modò non accenduntur ad Conditorem eius amandum; sed etiam occasionem sumunt, vt adeò

Deut. 32. *obliuiscantur Domini Creatoris sui,* vt ad eum
18.

etiam de gloria sua deturbandū per summum scelus aggrediantur: similes febri æstuante deprauatis, quibus vinum venenum est, quod aliàs *letificat cor hominis*, viresque reddere solet firmiores. Sicut ergò vitium non in vino, sed in ægroto est, ita non Mundus, à Deo in hominum salutem

tem factus, non creaturæ diuinam maiestatem monstrantes, sed oculus nequam, sed cor prauum, sed peruersa voluntas, sed extrema impietas in causâ est, ut inueniantur, qui dicant *malum bonum, & bonum malum: ponentes tenebras lucem, & lucem tenebras: ponentes amarum in dulce, & dulce in amarum*; perque creaturas bonas ipsi mali, bonum Deum non agnoscant, sed grauissimè lædant: cum tamen creaturæ quotidie clarissimis vocibus clamitent: *Venite exultemus Domino; quoniam Deus magnus Dominus: & rex magnus super omnes Deos. Quoniam ipsius est mare & ipse fecit illud: & siccam manus eius formauerunt.* Isa. 5. 20.
Psal. 94.
1. seqq.

Quid simile clamauit de Nectabe, de Imande, de Petasucco, aut Psammeticho *Labyrinthus*? Manifestum est ergo, incomparabiliter Deo meliùs posse gloriam redire ex Mundo, quàm regibus profanis ex *Labyrintho*: verumque esse, quod dixit S. Dionysius: motum diuini amoris, circulo esse similem, qui circino ducitur: ille enim incipiens ab vno puncto circumducitur, finiturque in eodem, à quo inceperat. Ita opera Dei, ab ipso Deo incipiunt, eiusque auxilio hominem ad Deum reducant. S. Dionys.
de diuin.
nom. c. 4.
p. 1.

Caput V.

MVNDVM ET LABYRINTHV MET-
IAM RATIONE HABITATIONIS
comparari.

§. I. *Reges in parte aliqua Labyrinthi fuisse : Deum in toto Mundo longe q̃ gloriosius habitare.*

I.

*Horat.
lib. de ar-
te Poet.*



Plin. lib.

36.c.13.

Nat. hist.

*Strabo
lib.17.*

Mne punctum tulisse eum, qui cum iucunditate vtilitatem, miscuit, antiqui Poëtæ sententia est. Quod etiam conati sunt facere *Labyrinthorum* conditores, quorum finis erat, iuxta & ex pulchritudine operis gloriam nomini suo quærere, & ex ipsa habitandi securitate dignam sibi amicisq̃ue suis sedem ponere. Hinc alij prodiderunt, *Labyrinthi opus esse in regiones diuisum, atq̃ in Præfecturas (quas vocant nomos) sedecim, nominibus earum totidem vastis domibus attributis; vt vna domus, Præfectura Memphitica, alia alio nomine appellaretur: præterea templa omnium Ægypti Deorum continere.* Et alius scribit; locum illum habere *multorum regum regiam, quot prius præfecturæ erāt, hoc est, sedecim numero, à quo tamen alij discedunt, dum duodecim tantum regias numerant: nempe eas tantum in quibus reges ipsi habitarunt, cum ta-*
men

men, quas Plinius *vastas domos* vocat, & ipsæ ob splendorem possent regiae nominari: quarum utique sedecim extiterunt.

Vnde rursus Strabo: *Dicunt, tot aulas ibi factas esse, quot mos esset omnes praefecturas eo conuenire, atq; epulum quoddam sacris viris ac mulieribus fiebat, sacrificij gratia Deo reddendi, & iuris dicendi de rebus maximis: & quæque praefectura in suam aulam procedebat.* Et

Pomponius, *Psammetichi*, ait, *opus Labyrinthus domos mille, & regias duodecim perpetuo parietis ambitu amplexus est.* Denique

plus affirmat Herodotus, qui sic loquitur: *Duodecim eius aulae sunt tecto opertae, portis oppositis altrinsecus: sed ad aquilonem contiguae, totidem ad austrum vergentes, eodem extrinsecus muro praclusae.* Bifaria in eo sunt domicilia, una subterranea, altera superiora illis im-

posita, utraq; numero tria millia quingenta. Quibus Plinius addit, causam faciendi in

Aegypto variè interpretari auctores; & ex Demotelis sententia, *regiam Motherudis*

fuisse, plures autem asserere, Soli sacrum id extructum. Ex quibus intelligere est, in

Labyrintho & reges, & amicos regum, & ipsos quoq; Deos habitauisse. Deus no-

ster, etsi sibi ipse sufficientissimus ante om-

Pompon.
Mela.
lib. 1.

Herodot.
lib. 2.

Plin. loc.
cit.

II.

nia erat & Mundus, & locus, & omnia, vt ait

Tertull. Tertullianus, neque nunc domo locoꝛū
lib. contr. indiget, tamen in Mundo isto, velut in do-
Praxeam mo quadam regia, habitat. Cum enim sit
cap. 5. immensus, non potest non esse vbique.

Virgil. Probè Anchises apud Maronem,
lib. 6.
Aeneid. Principiò cælum, ac terras, camposq; liquen-
tes,

Lucentemq; globum Lunæ, Titaniaq; astra
Spiritus intus alit: totamq; infusa per artus
Mens agitat molem, & magno se corpore
miscet.

Virgil. Et alius, nescio quis: *Iuppiter est, quodcunq;*
Eccloga. 3. *vides, hoc est, Iouis omnia plena,* vt idem
Maro loquitur. Idem Pythagoras apud S.

Saluian. Saluianum indicat his verbis: *Animus per*
lib. 1. de *omnes Mundi partes commeans atq; diffusus,*
Guber. (est Deus) *ex quo omnia, quæ nascuntur ani-*
mat. Dei. *malia vitam capiunt.* Ita Pythagoras. Et S.
Augustinus, cum dixisset, incorpoream
illam naturam, non contineri loco, sed
vbique totam esse, addidit: *Non enim quia*
dicimus Deum, & in cælo esse, & in terra (ipse
quippe ait per Prophetam: *Cælum & terram*
ego impleo) *aliam partem dicturi sumus eum*
in cælo habere, & in terra aliam, sed totus in
cælo est, totus in terra: non alternis temporibus,
sed

sed utrumq; simul, quod nulla natura corporalis potest. Idem docuit D. Cyprianus dicens: *S. Cyprian. lib. Quod idola dñi non sint.*
Deus unus est, & ubiq; totus diffusus; non tantum per hunc mundum, sed etiam extra hunc mundum per immensum illud spacium inane. Atque idcirco scriptura ait: Et magnitudinis eius non est finis. Et alio Psal. 144. loco: Excelsior cælo est, & quid facies? profundior inferno, & unde cognoscas? longior terra mensura eius, & latior mari: ita in Mundo est nimirum, ut non sit commensus Mundo, sed ultra, sed extra, sed citra: adeo ut nec loco moveri possit, nec valeat incipere esse in spacio, ubi nunc non est, nihilque ipso queat maius cogitari. Quare sapienter ille, Si cælum, inquit, & cæli cælorum non te capiunt, quanto magis domus ista, 2. Paralip. 6. quam ædificavi, te non capiet? Magna fuerat domus Salomonis, Deum non cepit: magnus est Mundus, Deum non capit; magnum inane illud, in quo mille adhuc mundos stare posse cogitamus, tamen Deum non capit: atque ex hoc ipso nos Deum aliquo modo capimus, quàm sit magnus, cum dicat: Nunquid non cælum & Jerem. 23. terram ego impleo? Ita enim Baruch cepit, cum exclamaret: O Israël, quàm magna est Baruch. 3. domus

A. Gell.
lib. I. Noſt.
Artic. c. I.

domus Dei, & ingens locus poſſeſſionis eius? magnus eſt, & non habet finem, excelsus & immenſus. Sic ex Plutarcho Gellius ſcribit, ſcitè ſubtiliterq; ratiocinatum Pythagoram in reperienda modulandaq; ſtatu longitudinisque Herculis præſtantia. Comprehenſa enim meſſura Herculaei pedis, quanta longinquitas corporis ei meſſuræ conueniret, ſecundum naturalem membrorum omnium inter ſe competentiam; modificatus eſt. Quod & in Dei magnitudine Propheta aliq; fecerunt. Si enim totum hunc Mundum implet, ſi mille mundos impleret, neque etiam tota illa quæ cogitari poteſt, vaſtitas eum caperet, profectò magnum eſſe oportet, & magnitudinis eius immenſitatisque nullum finem. Atque tanto maior eſt, quia non ſolum in tam immenſo eſt ſpacio, ſed etiam quia, vt Cyprianus ait, ubiq; totus diffuſus eſt, ita vt in omnibus ſpacijs & punctis ſit cum omni ſua eſſentia, potentia, bonitate, ſapientia, & ſanctitate. Verè enim Sanctus Doct̃or ait: Qui implet omnia, te toto implet omnia. An quia te totum non poſſunt capere omnia, partem tui capiunt, & eandem partem ſimul omnia capiunt? An ſingulas ſingula, maiores maiora, minores minora capiunt?

S. Cyp.
loc. cit.

S. Augu-
ſtinus lib.
I. Conf.
cap. 3.

piunt? Ergo est aliqua pars tua maior, aliqua minor? An ubiq; totus es, & res nulla te totum capit? quia scilicet ita totus es in ea, vt sis etiam extra eam. Quare cum omnibus tuis bonis, cum tota Trinitate personarum magis præsens es huic Mundo, quàm sit ipse sibi præsens. Mundus enim non est totus præsens singulis suis partibus, nec vna eius pars alteri: tu autem totus toti Mundo es ita præsens, vt totus quoque singulis eius partibus adsis.

S. II. *Quinam, & quid, ex Dei in hoc Mundo ubiq; habitantū præsentia, discant?*

Quamobrem totus iste Mundus est tanquam templum quoddam diuinitatis intima Dei præsentia ubique sanctificatum. Hinc necesse est, vt ipsum ubique præsentem spectemus, ubique veneremur, ubiq; timeamus, ubique laudemus & colamus, semperque in eius præsentia, velut in sacro quodam templo, nos versari existimemus. Sic Dauid fecit, cuius illa sunt: *Quò ibo à Psal. 138. spiritu tuo, & quò à facie tua fugiam? Si ascendero in cælum, tu illic es; si descendero in infernum, ades. Si sumsero pennas meas diluculo, & habitauero in extremis maris, etenim illuc*

III.

illuc manus tua deducet me, & tenebit me dextera tua. Sicut ergo vbique à Deo debemus teneri & conseruari, ita necesse est, vbique iam antè esse Deum, eumque à nobis vbique tanquam conseruatorem agnosci & honorari: quo pacto ille agnouit

*S. Augst.
lib. I. Cōf.
cap. 2.*

& inuocando honorauit, qui dixit: *Quia sine te non esset, quidquid est, fit, ut quidquid est, capiat te. Quoniam itaque & ego sum, quid peto, ut venias in me, qui non essem, nisi esses in me? Quo enim recedam extra cælum? Non enim ego iam in inferis, & tamen etiam ibi es.* Quare hac quoque parte *Labyrinthi* auctores superantur, illi enim in vno *Labyrinthi* loco inclusi fuerunt, & vix ibi habitati in honore: Deus in toto hoc mundo, in omnibus eius partibus, & incolis partium vbique totus habitat, omniumque oculos in se conuertit, omnium ad se rapit venerationem. *Immensitas diuina magnitudinis,*

*S. Isidor.
lib. I. de
summo
bono c. 2.*

ita est, ait S. Isidorus, *ut intelligamus eum intra omnia, sed non inclusum; extra omnia, sed non exclusum: & ideo interiorem, ut omnia contineat; ideo exteriorem, ut incircumscrip-
ta magnitudinis suæ maiestate omnia concludat. Per id ergo quod est exterior, ostenditur esse creator; per id quod interior, gubernare*

omnia

omnia demonstratur. Igitur seu Creatorem, seu Gubernatorem vbique præsentem colere, timere, in oculis, in veneratione habere debemus; vt dicere possimus, *Et in Eccl. 24. habitatione sancta coram ipso ministraui.* San-^{14.}cta enim habitatio, est Dei habitatio. Ob quam causam & templa sancta habentur: & quædam peccata si in templis fiant, sacrilegia esse iudicantur. Nullusque est ita extremè proiectus, vt in templo non magis horreat peccare; aut qui non excitetur, si putet in oculis Domini sui se versari. Quemadmodum & feminæ aliquæ quantumuis alioqui superbæ, sæpe tamen domi solutis & impexis crinibus, instar. Furæ alicuius incedunt, quia putant se se extra oculos videntium esse constitutas. Ast vbi in publicum procedunt, vbi forum, aut templum adeunt, tum se comunt, tum ornant, tum turres capillorum exædificant, tum cyclades sericas pauonum instar, & strepentina firmata post se se trahunt, quia nôrunt se in hominum oculis versari. Profanum hoc est exemplum; sed ingenia tamen hominum demonstrat, apud quos multum efficere potest, *videri;* quamuis nihil agant, vt videantur. Nam
etiam

etiam ita prorsus sedulò Numini ministrant, quicunque assiduè meminerunt, se coram eo *in habitatione sancta ministrare*.

IV. Quocirca Abrahamo apparens ait : Ego

Gen. 17. 1. Deus omnipotens : ambula coram me, & esto perfectus. Et David: Oculi mei semper ad Dominum. Quin iterum, & sæpius: Meditatio cordis mei in conspectu tuo semper. Firmabo

Pf. 24. 15. super te oculos meos. Ecce sicut oculi servorum,

Pf. 18. 15. in manibus dominorum suorum, sicut oculi an-

Pf. 31. 8. cilla in manibus domina sua; ita oculi nostri ad

Pf. 122. 2. Dominum Deum nostrum. Quid ni? si oculus Domini saginat equum, quòd præsen-

tiã eius semper soleãt famuli magis vereri, cur non & nos coram eo, qui in omni loco est consideratq; iustos & iniustos, reddamur excitatiores? Ipse manet intra omnia,

inquit D. Gregorius, & extra omnia, ipse

S. Greg. lib. 2. Moral. c. 12. supra omnia, & infra omnia; superior per po-

tentiam, inferior per sustentationem; exterior

per magnitudinem, interior per subtilitatem;

sursum regens, deorsum continens; extra cir-

cumdans, interiùs penetrans; nec alia parte

superior, alia inferior; aut alia parte exterior,

alia interior: sed unus & idem, totus ubique

præsidoendo sustinens, & sustinendo præsidoens:

circumdando penetrans, penetrando circum-

dans.

dans. Hæc qui agnoscit, & tam præsentem Deo peccare non erubescit, non solum fronte, sed etiam mente caret. At cui mens est, semper ad Deum aspicit, tanquam ad optimam actionum cynosuram. Nam *oculi sapientis in capite suo*, id est, in Deo, qui est caput nostrum. Sic in primis ipsi in cœlo Beati, quibus nihil sapientius est, *oculos in capite* & auctorem suo semper defigunt, neque ab eo ad momentum auertunt; estque hæc ipsa eorum beatitudo, *Deum videre præsentem*. Quamobrem & *Angeli semper vident faciem Patris, qui in cœlis est*: & Sanctissima Dei mater filium, Deum semper præsentem intuetur: & ceteri omnes Deum, sicut præsentem habent, ita cernunt. Hinc æternus ille amor, hinc gaudia perpetuanda: hinc illa securitas nunquam in peccatum, aut ullum malum prolabendi. Ad quos imitatione quadam sancti in terris proximè accedunt. Nam & illi, quo sunt sanctiores, eò attentius Deum cogitant ubique præsentem. Hinc Abraham; ceterique Patriarchæ, hinc Prophetæ, hinc alij Dei serui dicuntur, *coram Deo ambulasse*. Atque hic eorum ad Deum, & Dei ad eos oculus fecit, vt ad

Eccl. 2. 14.

V.

Matt. 18.

10.

- vt ad omne genus arduarum virtutum identidem, tanquam à præfente igne incenderentur; & à peccatorum illecebris
- VI.** longè faciliùs fefe abftinerent. In quorundam Principum primis ædibus aut ædium vestibulis brachium folet pingi securi fuperpofita, quafi pictam manum illico ablatura. Quo figno indicatur nihil ibi tentandum tumultus, aut rixarum, nihil domo indignum, vel loco inconueniens eſſe audendum, vbi fcilicet Princeps ipſe degit. Degit profectò Deus in toto hoc Mundo, tanquam in domo ſua. Magnus utique Princeps. Et audeſ, miſelle homuncio, in hac eius domo tumultuari? audeſ rixari? audeſ duella, vulnera, funera meditari? *Iam ſecuris ad radicem poſita eſt: excindet te Deus, & amputabit dexteram tuam, immo vitam tuam, indignam quæ in hac ſancta Dei domo, in iſto ſacro eius templo tam proiectè tranſigatur.*
- VII.** Alſonſus Arragonum rex cum aliquando in caſtris ſub tentorio ſtaret abſconditus, miles eius neſciens cum tam propè abeſſe, neque ſuſpicans tam eſſe præſentem, malè coepit de eo dicere: Cui Alſonſus (vt & clemens & lepidus erat in dictis) *Recede,* inquit,

Matth. 3.
10.

Vide Parallelæ

inquit, *longius, ne te rex audiat sibi malè lo-* *Alfonsina*
quentem. Nimirum haudquaquam linguā *per Anto-*
in conuitia exeruisset miles, si scisset sibi *nium Pa-*
regem tam esse vicinum; à quo pro male- *normis.*
dicentia sua extrema supplicia reportare *Auctore*
potuisset. Et tu, ô impie peccator, scis *Aenea*
Deum tibi vbique non modò vicinum, *Sylvio*
sed ita intimè in rebus omnibus præsen- *Piccolo-*
tem, vt quidquid est creatum, sit velut *min.*
tenuissimum quoddā tentorij tegumen-
tum, quod magnum illud arcanum, &
Sanctum sanctorum velat; ac nihilomi-
nus audes sub his cortinis stantem Deum,
& diuinas aures illas, flagitiosissimæ tuæ
linguæ plectro, petulantissimis iniurijs, &
quodam Tartareo genere blasphemandi
nefariè verberare? Quid dico verberare?
Iudaica immanitate flagellare, iterumque
cruci suffigere ipsummet, & quod in oc-
cultis suis nocturnisque latibulis vel ipsi
Orco deuoti homines, fagi, magi, venefici
vix audent, neque sine horrore audent, id
tu in luce, in oculis, in conspectu om-
nium, & adeò etiam ipsius Dei patras?
dum sacrosancta eius Sacramenta publicè,
ac vociferatione immani, instar vlulantis
lupi, aut rugientis leonæ, per plateas, au-
di-

H

dien-

diente & inspectante, non solum toto Mundo, sed etiam ipso sacramentorum auctore Deo, dirissimis contumelijs, per iocum, & ludibrium execratus scurra audes lacerare? Scis Deum omnia replere sua presentia, & nondum dubitas omnia replere tua blasphemia? Nam eo impietatis proceditur, ut noua heresi, per hypocautorum, per cubiculorum Sacramenta iuretur; immo per tot, quot Mundum ipsum possint adimplere. Si non vis esse filius, si coram tam bono parente non erubescis tam grauitur delinquere; cur saltem iudicem non vereris, omnia facinorosa tua dicta coram audientem & facta arbitrantem? Quis vnquam tantae amentiae esset, ut coram ipso rege, aut iudice suo, inter armatas cohortes, pro tribunali sedente, & transgressoribus mortis supplicium iracundissimis vocibus intentante, enim vero mox etiam, quidquid vult, vnico imperio, vnico nutu inferre valente, legem transgredi; immo regem ipsum, aut iudicem acerbissimis insuper iniurijs laceffere auderet? Et tu audes in hoc Mundo, in quo nihil est, vbi Deus non est, praesentissimum Numen, armatissima manu, & omnipotenti

tenti vindicta tibi vbique imminens, tam temerariè, tam impiè, tam nulla mente violare? Non opus est accusatoribus, ipse te audit, quem blasphemas: & neminùs te audiat, sæpe, ceteris quiescentibus, & à tumultu cessantibus, silente nocte (quod tempus lupi & lupæ amant) nocturnus grassator prodis, & elatissimo clamore atque ululatu, p plateas, execrationes vndique disseminans, instar bestiæ, immo instar dæmonis, vociferaris. Nonne & tu vicissim eū audis, longè quàm mereris, mitiùs clamantem? *Recedè longiùs, ne te rex, ne iudex ne Deus audiat sibi malè loquentem?*

VIII.

Sed quo tandem recedes? Vbique est. Si oculos eius vereris, nusquam tibi licet peccare. Rectè enim Deum alloquens ait magnum illud Ecclesiæ lumen: *Eant & fugiant à te inquieti & iniqui, & tu vides eos, & distinguis umbras, & ecce pulchra sunt cum eis omnia, & ipsi turpes sunt. Et quid nocuerunt tibi? aut in quo imperium tuum dehonèstauerunt, à cælis vsque in nouissima iustum & integrum? Quò enim fugerunt, cum fugerent à facie tua? aut ubi tu non inuenis eos? sed fugerunt, ut non viderent te videntem se, atque excacati in te offenderent, quia non dese-*

*S. Aug.
lib. 5. Contra
fess. c. 26*

ris aliquid eorum, quæ fecisti. In te offenderent iniusti, & iuste vexarentur, subtrahentes se lenitati tuæ, & offendentes in rectitudinem tuam, & cadentes in asperitatem tuam. Videlicet nesciunt, quod ubique sis, quem nullus circumscribit locus, & solus es præsens, etiam his, qui longè sunt à te. Conuertantur ergo & quærant te, quia non sicut ipsi deseruerunt te Creatorem suum, ita & tu deseruisti creaturam tuam. Hæc cogitatio multos in viam reuocauit. Sic impudentem feminam, cum in medio tamen foro peccare nollet, ne ab hominibus conspiceretur, S. Ephræm docuit salubrius, coram Deo omnes cogitationes intuentes, omnes affectus peruidentes, omnium corda & renes perscrutante, erubescere. Sic alius ab impudica pellice in abstrusissimum locum abductus, cum interrogasset, An ibi à nemine conspicerentur? ostendissetque Deum etiam ibi vigilantes oculos habere, & scelerum etiã occultorum testẽ esse, illam pudicam fecit ex impudica, quæ ex pudico facere voluerat impudicum. Nam, vt rectè S. Ephræm dixit, continua Dei recordatione, turpes animæ passionες recedunt; instar maleficorum, prætere accedente, unde & mundum Sancti Spiritus habi-

S. Ephr.
lib. de
Virtute
cap. 10.

habitaculum efficitur. Vbi verò memoria Dei abest, ibi tenebræ cum fatore dominantur, omnisq; res improba exercetur. Ah quid in tenebris exerces, miser? Quod coram me non auderes, coram Deo facis? Ah quid facis? Deus iuxta te est: quia ubique est. Non in tua, sed in Dei domo peccas, tanto grauius puniendus, quia & in alieno, & ibi peccas, ubi Princeps tuus habitat, non ut à te violetur, sed honoretur.

§. III. Cum Deus in toto Mundo existat, cur tamen potissimum dicatur in cælo habitare?

Ægyptiorum reges in toto quidem *La-* IX.
byrintho olim habitare dicebantur: præcipuè tamen in certis *Labyrinthi* sedibus & ædibus, hoc est, in præcipuis pulcherri-
misque & erant, & inueniebantur. Sic in Mundo pulcherrima Mundi pulcherri-
mus omnium rerum Creator possidet.
Quanquam enim in hoc Vniuerso Deus ubique sit per immensitatem diffusus, atque ita à sanctis omnibus agnoscatur: peculiari tamen modo dicitur *in altis*, & verò *in cælis habitare*, quasi in præcipua regia huius *Labyrinthi*. *Ad te leuavi oculos meos, qui* Ps. 121.
habitas in cælis, ait Propheta. Et Dei no- Is. 66.

mine alius: *Cælum sedes mea, terra autem scabellum pedum meorum*; quasi ipse in cœlo velit se potiùs aspici, quàm ubi pedes habet, calcatque, quod vult à nobis calcari.

Pf. 32. 13. Et idcirco *de cælo respexit Dominus: vidit omnes filios hominum, de preparato habitaculo suo respexit super omnes, qui habitant terram; in qua, tanquam in Labyrintho aliquo, scit alios esse, qui viam ciuitatis habitaculi non inuenerunt: alios autem, qui dixerunt: Domine dilexi decorem domus tue, & locum habi-*

Pf. 106. 7. *tationis gloriæ tue. Et deduxit eos in viam rectam: ut irent in ciuitatem habitationis. Nam*

2. Ma- chab. 3. 39. *ipse qui habet in cælis habitationem, eò vult etiam alios pellicere & adducere. Atque*

ut illuc, tanquam in patriam, & ad Patrem ex hoc exilio ac Labyrintho quàm cupientissimè & frequentissimè aspiremus, do-

Matth. 6. 10. *cuit nos quotidie supplices dicere: Pater noster, qui es in cælis. Cur enim qui carnis,*

Iob. 4. 19. *corporis, & palaciorum habitant domos luteas, qui terrenum habent fundamentum, non sitientissimè aspirent ad stelliferas illas cœlestesque parentis sui arces, & in illis Deum potiùs quærant, quàm in terris, &*

S. Ambr. Serm. 90. *rebus terrenis? Sic B. Agnes, apud S. Ambros. ad præfectum Symphronium ait: Di-*

uini-

uinitas non in lapidibus vanis habitat, sed in cælis. Non in ære, aut aliquo metallo, sed in regno superno consistit: ut proinde non in ædificijs marmoratis; neque in ære, aut pecunia; neque in alio metallo, aut splendore; sed in cœlo, & regno superno sit quærenda. Atque hæc prima est causa, ob quam diuinæ litteræ Deo ubique aliàs præsentī, cælum tamen potissimum attribuunt. Volunt scilicet nos à terris, quibus plerumque pernicioso affectu agglutinati sumus, auellere, & ad terram uiuentium inuitare; ut que *Coloss. 3. 2.* *sursum sunt, sapiamus, & mori appetamus, non acceptis re promissionibus, sed à longè eas aspicientes, & salutantes, & confitentes quia peregrini & hospites sumus super terram, atque ut hoc pacto veram patriam inquiramus.* Adeò enim filij libenter esse solent cum parentibus, ut ubicunque extra patriam sint, bene sibi esse non existiment, nisi ad illos identidem anhelent: omnis illis dies, omnis hora longa est, quàm diu illi à parente sunt longè, si quidem eiusmodi filij sint, ut se gerant instar filiorum.

X.

Heb. 11. 13.

Stare putes: adeò procedunt tempora tardè: **XI.**
Et peragit lentis passibus annus iter, *Ouid. lib. 5. de Trist. eleg. 10.*
 inquit quidam exul in inhospito Euxino

H 4

ver-

Ps. 119. 5. versans. Et alius: *Heu mihi, quia incolatus meus prolongatus est!* Nemo enim ibi libenter diu incolit, vbi exilium est sustinendum. Luscinia licet argenteæ caueæ sit indita, licet optimis cibis inescata, tamen in siluas suas nititur reuolare libertatemq; & aëris & camporum adipisci. Cur non, & Paulus aliquis, velut ex corporis carcere, clamaret, *Cupio dissolui & esse cum Christo meo?* Cum non ratò vel serui ipsi libenter ibi degant, vbi dñi habitant. Quoniam ergo, quàm diu hîc moramur, *peregrinamur à Domino*, meritò illuc desideria nostra mittimus, vbi Dominum nostrum habitare non ignoramus.

Quid melius Roma? Scythico quid frigore peius?

Huc tamen ex illa barbarus vrbe fugit;

si illius sit patria; cur non à Sarmatis, & à regione barbarorum vicissim aliquis Romam, immo ad cœlestem Hierosolymam vellet optaretque profugere, si illa eum genuisset? Hinc sanctæ illæ querelæ:

Rom. 7. *Infelix ego homo, quis me liberabit de corpore*

24. mortis huius? Hinc illa ignita vota: *Quem-*
Psal. 41. 2. *admodum desiderat ceruus ad fontes aquarum,*

S. Gregor. *ita desiderat anima mea ad te, Deus.* In quas voces Propheta prorupit, quia, vt scribit Gre-

gorius

gorius Papa, *eternam patriam contemplatus, & hæc mala pensabat, in quibus erat, atque illa bona considerabat, in quibus adhuc non erat.*

Quæ altera esse potest caussa, ob quam XII.
diuinæ paginæ Deo ubique habitanti, cœlum tamen potissimè ascribant. Nimirum ut Princeps aliquis locum habitationi suæ comprimis eligit amænissimum, & omnium rerum affluentia instructissimum; ita decet Deum ibi maximè à nobis quæri, ubi & maior est bonorum copia, & exquisitior mundi cernitur elegantia. Est enim & hæc inter hominem, hoc est, paruum, & magnum Mundum similitudo; quòd, sicut anima tota quidem est in toto corpore, præcipuam tamen dicitur in capite sedem habere; quia & illa corporis humani pars est dignissima, & in ea nobilissimæ hominis actiones exercentur: ita licet etiam Deus sit ubique totus in hoc Vniuerso, maximè tamen in summis illis elegantissimisque arcibus sit admirandus. *Qui in so-* Psal. 18. 5.
le posuit tabernaculum suum, ait vates: quia, ut in mundo cœlum terris etiam dignitate eminet, ita inter cœlestia corpora sol maximè maiestatem Dei declarat; qui manè aurora, meridie flamma, vespere purpura,

velut lucidissimus regius sponsus, vestitur & decoratur. Itaque quamvis vbique sit Deus, in cœlis tamen maximè habitare dicitur, quia ibi eius gloria nitidissimè elucescit.

XIII. Tertia causa est, quòd cœlum, rebus ceteris omnibus sit altius: facit autem ad auctoritatem ipsa ædificiorum altitudo. Vnde & illi, qui ceteros nobilitate antecellunt, amant in altis arcibus habita-

Ps. 112. 5. re. *Quis ergo sicut Dominus Deus noster, qui in altis habitat?* Alta erat arx Atheniensium in qua Minerua colebatur: altum videbatur templum Iouis Capitolini Romæ; alta ædes Dianæ Ephesijs cultæ: alta fana illa falsorum Deorum, ob hoc ipsum *Excelsa*,

3. Reg. 12. solita nominari: *Quis sicut Dominus Deus*
31. 4. Reg. *noster, qui in altis, immo altissimis habitat?*
12. 3.

Psal. 2. 4. immo *qui habitat in cœlis, & irridebit eos* mortales, qui sibi de lapideis suis arcibus

Marth. 7. placent & plaudunt, quas aliquando intel-
26. ligent se *super arenam ædificauisse.* Deniq;

XIV. sacrum volumen in suis loquendi iudican-
 dique modis, vbicunq; potest, hominum
 sese moribus accommodat. Quia igitur,

Aristot. teste Aristotele, omnium gentium quasi à
lib. 1. de natura insita fuit opinio, *Deum in cælo habi-*
cæl. c. 3. *tare;* adeò vt ab Hesiodo alijsque poëtis
Hesiod. in
operibus.

Græ-

Græcis, ὅς ἐπίεργατα δώματα ναίει, *supremi habitator Olympi*, dicatur; rectissimè eandem Spiritus Sanctus loquendi formulam seruauit, quamuis non eodem sensu. Saturnus, Mars, Iuppiter, ita in cœlo habitare crediti sunt, vt alibi non esse crederentur: noster Deus ita in cœlo adest, vt nec in terra desit; ita ibi est, vt simul sit vbique: qui tamen cum à corporeis oculis non possit, nisi per opera effectusque suos videri; in eo loco potissimùm esse dicitur, vbi opera eius maximè exsplendescunt. Atque in hunc modum quiuus iustus ait: *Thronus eius sicut sol in conspectu meo*, *Ps. 88. 37.* ita enim clarè Deus in operibus suis, & cum primis in cœlo, residet, ac si *thronum* suum in ipso *Sole* collocauisset. Hic Catholicus sensus est. Manichæi, Seleuciani, Hermiani, ac Passionistæ hæretici, & (vt quidam volunt) etiam Origenes, putauerunt, Christum, cum in cœlum ascenderet, corpus suum, tanquam vaginam (vt Tertullianus eos ridet) in globo solis reliquisse. Quin & Manichæi Christum solem esse ipsum crediderunt, parum ab Ethnicis differentes, qui ex sole Apollinem fecerunt. Ex quorum tamen errore illud

Ita S. Aug. 2. cont. Fau. cap. 6. de Manich. & tract. 34. in 10. Et de Seleucianis. De Hæresibus c. 59. Sibiriana de Herimianis. At de Passionistis Phila-

ster lib. de Hæresibus De Origene Vide Sixt. Senfem Biblio. an. 160. Tertull. de Carne Christi cap. 8lt. illud licet intelligere, cœlum non indignam esse Deo sedem, cuius tam eximia pulchritudo nonnullis persuasit, vel partem aliquam illius esse Deum. Quamvis ipsum etiam cœlum sæpe in diuinis litteris non palacium, sed *tabernaculum Dei* vocatur, vt intelligamus etiam ipsum, licet splendidissimum & augustissimum, adhuc tamen longè minus esse maiestate Dei, vt pote cuius non tam sit palacium, quàm *tabernaculum* ac *tentorium*, cum in se ipso, suaque immensitate & essentia infinitè diffusa gloriosissimè, & sine terminis habitet, modo longè augustiore.

Apocal. 21.3.

§. IV. *Etiam amicos Dei in cælo habitationes mansionesq; habere.*

XV. Demonstratum est, sicut in *Labyrintho*, ita in Mundo immo & in cœlo habitationem reperiri; in illo quidem regum, in isto autem Dei. Sed & quemadmodum in *Labyrintho* non reges duntaxat suam aulam construxerunt, verùm ipsi quoque satrapæ & præfecti, intimique regum amici sua ibi palatia habuère, ita euenit in hoc Mundo; in quo si non est indignum Numen. ipsum habitare, cur non & homine sit dignus?

gnus? Quanquam, vt Deus in toto quidem est Mundo, peculiari tamen modo, præcipueque in cœlo degere memoratur, ita & homines partim sunt terrarum incolæ, natitantque in valle lachrymarum, partim in cœlum admissi gaudijs abundant. Itaque in terra, vt in exilio, aut in via ac valle versantur; in cœlo, tanquam in patria & sede paterna, dulcissimè conquiescunt. Condedit enim diuinus opifex duplicem in Mundo locum, vnum qui via esset, alterum, qui viam terminaret; seu tanquam præmium, seu tanquam supplicium, prout cuiusque facinora exegissent. Vtque viam non par est esse perpetuam, ita voluit vitam in his terris certo annorum curriculo circumscribi; alteram autem in cœlo vitam statuit esse sempiternam. Quare, vt totus homini mundus corporeus suprema infimaque sui parte inferuaret, decreuit bonus Conditor infimam eius partem, quasi stadium quod-
1. Cor. 9. 24.
dam facere aut palæstram, in qua homines exercerentur: supremam autem, veluti sedem Agonotheætæ constituit, in qua, qui vicissent, coronarentur. Siquidem
2. Tim. 2. 51
non coronabitur, nisi qui legitime certauerit.
Sed

XVI.

Sed de suprema parte, de qua exorsi sumus, prius loquamur. In cœlo igitur ho-

10.14.2.

mines quoque habitaturos ipsa veritas affirmavit, cum diceret: *In domo Patris mei mansiones multe sunt. Mansiones* propriè

admodum appositeque vocat, nam ita indicat, ibi perpetuam habitationem futuram, nulla morte, nulla migratione, nullo casu fortuito interrumpendam. Et paulò

ibid.

post: *Vado parare vobis locum. Et si abiero, & præparavero vobis locum: iterum venio, & accipiam vos ad meipsum, ut ubi sum ego, & vos sitis.* Itaque sicut Ægypti reges non ipsi

soli in præcipuis *Labyrinthi* regijs habitaverunt, sed etiam alias præfecturas, seu nomos, domosque pro intimis sibi que familiarissimis constituerunt; ita Deus non ipse solùm, sed etiam sanctos secum vult in cælo, hoc est, potissima mundi parte commorari; ut ibi in omnem æternitatem laudes eius celebrent. Atque idcirco Eze-

Isa. 38.

chias ait, *Domine saluum me fac: & psalmos nostros cantabimus cunctis diebus vite nostræ*

Exod. 15.

in domo Domini. Et de cunctis electis Moyses: *Introduces eos & plantabis in monte hereditatis tue: firmissimo habitaculo tuo, quod operatus es Domine.* Quid enim firmissus hoc

habi-

habitaculo, quod omnipotens artifex in monte tam excelso collocavit, ut in illo, quos tutissimos volebat, collocaret?

Quo & eos quotidie inuitat, & vocat. **XVII.**
Hinc ab Apostolo *vocationis cælestis participes* appellantur. Inter quos cum se quoque fore speraret, *Liberavit me*, inquit, *Dominus ab omni opere malo: & saluum faciet in regnum suum cæleste*: quasi de falo in portum, de fluctibus in terram firmam traductum, transportatumque. In qua S. Ioannes audiuit, *quasi vocem turbarum multarum in cælo dicentium: Alleluia: Salus, & gloria, & virtus Deo nostro est*. Et iterum *dicentium Alleluia: quoniam regnavit Dominus Deus noster omnipotens. Gaudeamus, & exulemus, & demus gloriam ei*. In cælo igitur iubilus, in cælo gaudia, in cælo regnum, in cælo salus, in cælo altitudo, securitas, æternitas, in cælo Pater, in cælo Dominus, in cælo Deus: quas ob causas iustissimè supremus ille iudex ac gubernator, vult in ibi habitare etiam fideles suos seruos, & filios; qui iubilum, qui gaudia, qui regnum, qui salutem, qui securissimam æternitatem, qui esse cum Patre, qui cum Domino, cum Deo suo sine fine lætari, cum adhuc

Hebr. 3. 1.

2. Timoth. 4. 18.

Apoc. 19. 1.

huc existerent in terris, meruerunt. Ex qua *Labyrinthi* istius nobilissima parte, eiusque eximijs laudibus tanto luculentiùs apparet, & meritò ibi Deum suam suorumque amicorum sedem posuisse; & dementissimos esse, qui malint in tenebris, & hypogæis inter tot flexus, & pericula in Mundi istius *Labyrintho* per domos luteas oberrare; quàm contendere vt extra aleam & omnem teli iactum in securissimam iucundissimamque illam cœlestis sui Patris domum introducantur. Quæ domus vel Romanis Gentilibus, ipsisque etiam Poëtis testibus, est heroibus deputata, & ob eam causam, vt ipsi Poëtici coniecturis fabulisque veritatem adumbrarunt, quâ lacteo circulo ambitur, illustriùs enitescit. Potestque haud absurdè ille eximij splendoris per cœlum effusus fluuius, quem galaxiam vocant, dici similitudo illius fluuij, de quo Ioannes ait : *Et ostendit mihi fluiuium aquæ vitæ, splendidum tanquam crystallum, procedentem de sede Dei & Agni*. Nempe fluuius ille est torrens voluptatis, qui beatos in vtraque ripa auidissimè bibentes inundat. De quo longè rectiùs, quàm de lactea illa via, seu circulo Manilius interrogasset.

An

*Cicer. in
sennio
Scipionis.*

*Apocal.
22. 1.*

*Manilius
lib. 1.*

*An fortes anima, dignataq₃ nomina cælo,
Corporibus resoluta suis, terraq₃ remissa,
Huc migrant ex orbe, suumq₃ habitantia cæ-
lum,*

*Æthereos viuunt annos, mundoq₃ fruuntur?
Atq₃ hîc Æacidas, hîc & veneramur A-
tridas?*

§. V. *Murium fabella ostenditur, quàm sint insipientes,
qui habitationi cœlesti terras anteponunt.*

Prorsus Æacidas & Atridas, & fortes XVIII.
tantùm generosasque illuc animas emer-
gere cernimus; solent enim magni spiritus
magna cogitare. Effeminati autem, & pue-
riles animi crepundijs se se sinunt satiari;
neque ad veras illas æternasque in cœlo
voluptates mentem attollunt. Qua de
caussâ muribus perfimiles sunt. Bella, non
longa est fabula. In spem obsonij aliquan-
do prodierunt mures quatuor, parentes
duo cum gemina prole. Omnes famelici,
sed non omnes æquè in rebus reperiendis
periti. Est enim iunior ætas semper magis
ad audendum proiecta, quàm ad cau-
dum prouida. Itaque hi quatuor seu mu-
res, seu fures, quasi cuneo facto, cum ob-
structas obturatasque omnes ad frumenti

cumeram vias rimasq; animaduertissent, repserunt in penarium, vt gulam periculosiùs propitiarent. Ibi furuæ bestiolæ, cū & inedia ventrem, & Furina aurem velleret, prædaque clanculo illiceret, cuius vestigia ex odore citiùs, quàm colore agnouerant, porrectis auideque gliscentibus auriculis, muto & silenti pede, lenileuique velocitate, perquàm sollicitè per omnes angulos cursitarunt, sicubi aliquas pridianæ cœnæ reliquias venando apiscerentur. Verùm parentes, quibus vtique exercitatiores ad inueniendum oculi, præpinguem suilli aqualiculi aruinam supernè ad parietem è clauo ligneo suspensam priùs aduertêre. Igitur, qui est paternæ maternæque in liberos flagrantia affectus, illico sobolem suam, monstratis in sublimi loco Iouialibus epulis, ad Saturnalia, immo Bacchanalia inhortari, ad hunc ferè modum, cœperunt. Videtisné, filioli nostri, gustulum illud pinguiculum, molliculū, dulciculum? gnauam hîc famelico ventri aduocationem facere licebit; & suauius uiuemus, quàm si potum Creta, cibum Numidia, vel vtrumque Regina nostra misisset. Bonis animis este, vestrae sunt istæ laetitiae,

titia, vestrum epulum, vestrum crustulum, cum nullo mulso, cum nulla ambrosia comparandum. Videtis? exilite, iam cœnastis. Ad hæc, Videmus quidem, mea mater, & tu mi genitor, quæ vos prædicatis, inquit muscoli teneriores, sed num & habemus? Nuncquid enim natura nobis alas dedit, quibus illuc euolemus? aut oculis aspicere, est satiare ventrem? Aliud est videndo, aliud gustando frui. An putatis fortasse, dentes æquè, atque oculos, quæ distant, attingere posse? Aut forsitan licium putredine vitiatum rumpetur, & præda pendendo lassata de carnario decideret? Verbis nos videmini velle pascere, non cibis. Hæc atque alia, quæ immaturior ætas petulantibus suggessit, muscoli vix heri nati, & necdum toto corpore pilosi, multoque minùs barbati ad parentes suos effutiuerunt. At genitor, Nihil, ait, istorum prorsus, quæ temerè diuinastis, continget. Sed vos; imperituli pergitis istud priùs dijudicare, quàm scitis, qua ratione debeat perfici? Quid enim creditis? victoriam citra puluerem venire? & speratis nihil agentibus vobis, immo dormientibus hæc vobis confecturos deos? victi-

XIX.

mamque, deserta statione, sponte sua in
 appetentium palatum descensuram? aut
 tanta epularum precia sine vestra opera in
 abdomen iri deductum? Profectò etiam
 infra ætatem vestram sapitis. Nostrium e-
 nim est sequi spolia, non expectare, dum
 in ora hiantibus inuolent. Expositæ sunt
 suilli petasonis dapes, non depositæ; vt vi-
 ctum, ceterorum mortalium lege, idest, la-
 bore, etiam nos paremus. Aut igitur fa-
 mem humi sustinere par est, aut ad pernæ
 delicias in altum ascendere. His dictis, mu-
 sculi seniores cœperunt sursum repere, vt
 filios suos exemplo docerent, quod verbo
 nequissent.

XX Erat in medio cellæ pena-
 riæ captendula in omnem dolum perni-
 ciemque murium instructa. Nam in sir-
 piculo ferreo iacebat laridum, ad inuitan-
 dos odore fures, semiaffatum. Et accessus
 epulaturis, per multiforatilem structuræ
 ambitum, patebat varius, nusquam pote-
 stas erat regrediendi. Labyrinthum dixis-
 ses, aut simulachrum Labyrinthi. Fuerant
 enim ostiolorum quidam sic accommo-
 dati postes, vt in initu parcerent, in reditu
 sæuirent. Virgæ siquidem ferreæ intrare
 conantibus leuissimo tactu cedebant, ac,
 veluti

veluti sponte diductæ, planum facilemque infilientibus aditum dabant: verùm redire ex infami hospitio cum, farto iam ventre, saturi conuiuæ cuperent, serò nimis intellexerunt, se in pedicas, & carcerem, & culinam mortis incidisse. Quippe eadem illæ paulo priùs tam clementes & facile cedentes virgæ ferreæ, quasi repentè obri-guissent, ita acutas omnino, atque in pyramidalem figuram pertinacissimè coëuntes per orbem cuspides, tanquam hasta-tam aliquam aciem obuertebant; mucro-nibusque infestis, aut terrebant minaciter respicientes, aut figebant crudeliter recur-rentes. Sub alijs pseudothyris mors ipsa excubabat. Etenim suspensæ ad ipsas fo-res illecebræ fraudem continebant. Ea ra-tio libramenti erat, vt, vbi primùm nouus conuiuia in fallaciosum muscipulæ scan-dalum morsu offenderet, impetuque re-tinaculum ferri desuper molientis solue-ret, comprehenderetur in ipso limine, cli-susque ferro, v oculam simul atque ani-mam ederet. Hanc igitur blandam vitæ ruinam conspicati minores muscoli, ad parentes iam dudum in conscendendo se-uerè laborantes: Heus vos, quid in alto,

XXI.

I 3. inqui-

inquiunt, cum tam cruciabili molestia quæritis? quod benignior fortuna humi, ante ora adeò nostra obiecit? Luculenta sanè simplicitas est, absentia sectari & in tam alto posita, vt præsentia atque ante oculos iacentia negligatis. Remeate, reuolate, & quidquid hoc est pollucti, nobiscum læti alacresque degulate: quæ supra vos, nihil ad vos credite. Hîc demum viuere, hîc quotidianas, hîc diurnas nocturnasque commestationes & choreas licet agitare. Quid multa? ea imprudentes muscoli dixerunt, quæ impudentes adolescentuli dicerent ad eos, quos de templo, & de virtute in ganeam, & ad illecebrosam mulierem vellent deuocare. At muscoli parentes, qui longa experientia didicerant periculum fugere, haud vtique ignari malorum, quæ sub gulæ insidijs essent, & cum larido proponerentur, alia omnia potius facere cogitarunt, quàm vt se tam præsentì committerent inescationi; aut vt in illam domum intrarent, è qua neminem vnquam viderant saluum exiisse. Et, ne nostrum, filioli, inquiunt, esse consilium deputate parui precij, qui ob rem nullam, animum vobis sinatis occupari

pari ab eo, quod tam modicum est, ut satiare non possit; tam infidum, ut etiam necare velit. Sed dum adhuc extra foueam pes est, hoc potius agite, ne vos in breue hoc tempus conijciatis gaudio hoc falso frui, & in quas res cunque incideritis, alba, quod aiunt, linea, sine cura discriminis solam speciem sectari: nobiscum ad hæc ascendite fortunatiora, voluptatisque adeo pleniora, ubi esse cum satietate licet, & delectari cum libertate. Musculi vel quod **XXII** ea dicta parum serij habere existimarent, vel quod cupiditate præcipites, ætateque haud satis prudentes animus in prauum, ferret, neglectis maiorum monitis, insidiatricem ædiculam audaciter compilare aggressi, sic perierunt. Clementiore ostio lo per vimina intromissus vnus, cum de obsonio aliquid lambendo primum dissuauatus prægustasset, etiam alteri, ut sit, laudare & locum, & ganeam cœpit. Non diu necesse est laudare, in quæ sponte inhiatur; & tamen miserimus ille suæ adhuc captiuitatis ignarus conuiuia, cum rodendo prædam profundius fauciasset, fratrem iam diu cursitando quæritantem, quæ aditus pateret, & præ cæco impetu gaudioque

etiam obuia limina non videntem, exemplo ita vehementer inflammavit, vt ille nullo delectu, maloq̃ue fato, ad eam perueniret ianuam, in cuius limen cibus hamo malignè copulatus propendebat. Eum ergo hamum simul ac libare est orsus, vinculum emouit; quo remisso, celeri ictu decidit in caput vorantis laxata ferri austeritas: quæ, ne vitam cum gemitu funderet gulofus prædo, vno casu animam vocemq̃ue in vestibulo hærentis oppressit. Sic præda antè, quàm prædo fuit. Hoc fratris interitu conspecto deplorandus ille subparasitaster, qui Labyrintho suo inclusus tenebatur, fratremq̃; imprudens morti prodiderat, vertiginem sentire, & de suo quoque periculo suspicari cœpit. Exitum ergo, per omnia emissaria quæsiuit, nusquam reperit: iamq̃ue captum, temeritatis serio, sed serò nimis poenituit. Quippe nec ventrem satiauerat, & felem carnificem in momenta singula tremens expectabat. Interea parentes, curata probè cuticula, totam è sublimiore loco calamitatis scenam intuiti, cum à captiua degeneri prole auxilium rogarentur, ita respondisse dicuntur: Cur auxilium nostrum placet,

cet,

cet, si displicuit consilium? Vestra pertinacia periistis. Habete nunc ergo quod vobis tantopere placuit, relinquitte quod displicuit: quia sapere ante pœnam oportet. Serò fugitur supplicium post delictum. Idem respondebunt omnes cœli-
XXIV.
 tes, quotquot ad Deum, ad cœlum, ad veras, ad magnas, ad securas, ad æternas illas voluptates tanto labore ascenderunt, omnibus illis, qui vel à socijs, vel à delicijs seducti, desertis sanctorum vestigijs, Bacchanalia semper viuere, Numenque, non in cœlo, sed in luto, in sordibus, in plateis, in popinis, in quotidianis poculis, in summa, in terris quærere volunt, & in illis lætitijs, quarum illecebra capi, est verè in muscipulam proficisci. *Quoniam creatura Sap. 14. 16*
Dei in odium factæ sunt, & in tentationem animabus hominum, & in muscipulam pedibus insipientium. Fugite ergo peritura perituraque vitæ fallacis bona; execramini ocium ac desidiam sementem omnium vitiorum; detestamini ociosos ludi, cibi, vini, turpiumque vigiliarum amatores: perhorrescite cauponarum & Ambubaiarum pestilentissima commercia, ad quæ animum appellere, est verè in scopulos inferre.

ferre. Quod quia planè ita se habet, iugulatio est, ô iuvenes, voluptas vestra, non delectatio. Et si fortasse tunc primum sapere decreuistis, cum Phryges, aut Cumani solent, scitote, miserum esse opus, demum fodere puteum, vbi sitis fauces tenet. Serò mures capti caseum fastidiunt. Serò homines iam terris quodammodo inenodabili vinculo, immo inferis ipsis adamante astricti cœlestia quærunt. Quærenda sunt, cum inueniri possunt; ne, quod

Matth. 25. *fatuis Virginibus* euenit, *ianua iam clausa* primum ingredi concupiscant. Multi enim, *10.* quib. iam aditus ad cœlum patebat, quosque Christus, tanquam ministros suos, in sua secum æterna aula habere cupiebat, *Ps. 133. 2.* quique adeò etiam iam *in atriis domus Dei steterant*, pedem socorditer retraxerunt. Quare meruerunt, vt & ipsis postea ostiũ clauderetur. Iure enim qui vult semper apud Bacchum prandere, tandem etiam cogitur, è Iouis triclinio exclusus, cœnare apud Proserpinam. Nec dignus est cœlo, **XXV.** qui terram cœlo anteponit. Quæ cogitatio Bononiæ in primis ferè Dominici Ordinis initijs virum magnum clarumque *Hieron.* doctrina, mirè perculit. *Plat. lib. 3.* *Cum enim Reginaldus,*

naldus, unus ex precipuis illius familia, magno hominum concursu & approbatione, verbum Dei prædicaret, Monetus (sic enim is appellabatur) de industria illius congressum & sermonem fugere consueverat, multum sibi ab eo metuens, tamen in Stephani martyris natali, ad eius concionem comitum importunitate pertractus, primis statim verbis captus est, cum illam vocem exponeret; Ecce video cælos apertos. Ita enim differebat, nunc quidem cæli portas ad beatitudinem patere, ita ut quiuis ingredi posset: qui autem negligentes essent, & qui Deo cor suum clauderent, iis vicissim cælos claudi, ut deinde intrare non possint. Nec pluribus opus fuit. statim enim corde immutato, qui ad eam horam tam alienus fuerat à religione, religionis voluntatem concepit: finita concione Reginaldum adiit, animum suum exposuit, eumque voti etiam vinculo confirmavit. Non cupio tam multum. Ah utinam aliqui hoc tam periculoso ætatis tempore, illud solum vouerent, se illuc, ubi tanta est ebrietatis, turpitudinis, & rixarum occasio, non adituros; profectò cœlestes voluptates, animæque sanctioris delicias, magno fenore, copiosoque proventu adirent. Infinitis enim modis maiores sunt voluptates, quæ

*de bono.
Stat. Re-
lig. c. 38.*

expe-

S. Bern.
serm. 5. de
omn. SS.

expectant eos in cœlo, qui se in terris à voluptate vinci non patiuntur. *Quid ergo istud negligentia*, ait S. Bernardus, *quid pigritia, immo quid vecordia est, ut non crebris suspiriis & feruentissima affectione abrumpere hinc, & in illa tam felicia agmina iaculari animos studeamus?* Quod agere, ne nos pigeat, aut ut incensius agamus, progrediar nunc ad ipsam illam cœlestium felicitatem rudi Minerua describendam.

Caput VI.

LONGE IVCVNDIVS, IN COELO,
DEI, QVAM, IN LABYRINTHO, ALIISQVE PALACIJS & delicijs, Regum amicos
habitare.

§. I. *Cur Mundus iste in beatas cœli sedes, terrarumq; miserias sit diuisus?*

I.



MNES natura ita comparati sumus, ut lachrymas, & miseriam, quæ est causa lachrymarum, fugiamus; atque ibi, ubi est alijs bene ac beatè, & ipsi esse cupiamus. Nimirum ad felicitatem nascimur. Hæc est animæ nostræ & pabulum, & centrum. Huc illa toto impetu fertur, & si non peruersè fertur, ad veram felicitatem fertur;

fertur. Ad hunc scopum vt perueniat, per tela solet, & per ignes penetrare; tantoque illi dulcior est portus, quantò acerbius fuit nauigare. Nemo terræ stabilitatem æstimatedius amat, quàm qui nauem, intuetur inter pericula & Syrtes, fluctuantem & cū Aquilonibus decertantem. Vnde vetus Poëta:

Suaue mari magno turbantibus æquora ventis,

*T. Lucret.
Carm. lib.
2. de rer.
nat.*

E terra magnum alterius spectare laborem:

Non quia vexari quenkquam est iucunda voluptas,

Sed, quibus ipse malis careas, quia cernere suaue est.

Suaue etiam belli certamina magna tueri,

Per campos instructa, tua sine parte pericli.

Ac vicissim magnum in labore solatium est cogitatio futuræ quietis. Quare apud alium Poëtam socios non nemo ita adhortatur.

O passi grauiora; dabit Deus his quoq; finem!

Virgil. 1.

Et ipse Apostolus: *Non sunt condignæ passiones huius temporis, ad futuram gloriam, quæ*

Æneid.

Rom. 8. 18.


reuelabitur in nobis. Sic multi in remos fortius incubuerunt, cum de auro Ophir, aut aurea Chersoneso, aut de vellere Phry-

xco fortunatisſue inſulis cogitarent. Scilicet in hoc vno contraria ſibi contraria non ſunt, quia ſe mutuò commendant. Morbi enim ſanitatē, vincula libertatē, labores quietē; denique diem nox, & lucem ipſæ tenebræ reddunt gratiorem.

- II. Hæc cauſſa eſt, ob quā antiqui illi Ægyptiorum reges ſua ſuorumque ſatraparum palatia ac *nomos*, inter medios *Labyrinthi* errores, ædificare voluerunt. Quando enim videbant ceteros mortales diutiùs periculofiusque, per tot parietum gyros, & implicatas viarum retorſiones, circumerare, tum illis iucundius erat ſecuritatem poſſediſſe. Et verò illi ipſi etiam, qui per tot ambitus fatigabantur, tantò auidius ſeu per cryptarum caliginem, ſeu per parietum ac murorum ambages, ad domum regiam aſpirabant, quantò agnoſcebant locum illum, itinere tot erroribus diſcriminibuſque pleno, eſſe feliciorem. Prorſus aliquid ſimile etiam Mundi iſtius *Labyrinthus* habet. Alibi in eo labor, alibi quies eſt. Vna eius pars via, altera patria eſt: vna falſas, altera dulces aquas exhibet. Podio pariter, & arena pollet. Hic locus certamini, ille præmijs deſtinatur. In com-
pen-

pendio dicam, terram miserijs periculif-
 que, tanquam absynthio, repleuit Deus,
 ne illi affectus noster nimium agglutina-
 retur; cælum beatitudine voluit esse ple-
 num, vt illud totis votis desideraremus:
 & identidem diceremus: *Esto mihi in Deum* Ps. 70. 3.
protectorem, & in locum munitum, vt saluum
me facias. Qua de caussa Strabo Geogra- Strabo de
 phus, cum de diuina in creando mundo firm orb.
 prouidentia differeret, inter cetera bellè lib. 17.
 dixit: *Dij's cælum, hominibus verò terram in-*
colendam dedit, quæ duo mundi extrema sunt.
 Extrema sanè, non tam loco, quàm etiam
 natura atque conditione. Vt enim terra,
 quæ medium est, à cælo, quod in hac sphæ-
 ra extimum est, maximè situ distat; ita ni-
 hil ab huius securitate magis differt, quàm
 pericula illius. Qua de re regius Psaltes
 docet, dum securissimè habitantem in
 hunc modum alloquitur: *Non accedet ad* Ps. 90. 10.
te malum, & flagellum non appropinquabit ta-
bernaculo tuo; ne dum tibi ipsi. Si enim al-
 tissima tutissima, ecce *altissimum,* & extra ibid.
 omnem alcæam, & teli iactum *posuisti refu-*
gium tuum; non quò tu refugeret, sed ad
 quod homines refugerent; ac in quo se-
 curi, beati, dijsque ipsis similes fierent, si
 cò per-

ps. 31. 10. *multa flagella peccatoris.* Nam quantum pec-
sap. 5. 6. cator à Deo, tantum à cœlo, à beatitate,
 à securitate recessit, atque etiam à *via ve-*
ritatis aberrauit: cumque iter rectum ha-
 beret, maluit declinare; vt ob amatum er-
 rorem, pluribus erroribus exponeretur.
 Ita non modò supplicium, sed ipsum et-
 iam sæpe peccatum, peccati est pœna, vt
 flagella multiplicentur, agantque in rui-
 nam, quæ in emendationem esse debuif-
 sent. Error igitur etiam vltimus, quo pec-
 cator à ianua æternæ felicitatis aberrat,
 pœna est erroris illius, quo per procurata
 sibi pericula, à via virtutis aberrauit: eo-
 que securiùs superi in cœlo degunt, quò
 minùs mali illuc inertesque possunt per-
 tingere, varijs viarum erroribus intricati.
 Atque iterum tantò cupidiùs hinc mor-
 tales eò debent aspirare, quantò ibi
 maiorem amœnitatem securi-
 tatemque esse cogno-
 scunt.



§. II. *Cœlestis voluptatis quinam sint testes?*

Quanta ergo *amœnitas*, quanta *securitas* IV.
in cœlo? Moyses, vt populo sitim acueret, *Leuit.*
in terram promissionis exploratores mi- 13. 4.
sit. Quem nos cœli exploratorem consti-
tuemus? An S. Paulum, qui de se loquens
ait: *Scio hominem in Christo, ante annos qua-* 2. *Corinth.*
tuordecim (siue in corpore nescio, siue extra 12. 2.
corpus nescio, Deus scit) raptum huiusmodi us-
que ad tertium cœlum. Et scio huiusmodi ho-
minem (siue in corpore, siue extra corpus, ne-
scio, Deus scit) quoniam raptus est in Paradi-
sum: & audiuit arcana verba, quæ non licet ho-
mini loqui. Explorauit ergo Paulus Para-
disi gaudia, & cœli munitionem, sed non
enarrauit. Ioannes & explorauit, & enar-
rauit. *Et vidi cœlum nouum*, ait, nouum ob *Apoc. 21. 1.*
gloriæ statum: sicut & *sanctam ciuitatem Ie-*
rusalem nouam descendentem de cœlo à Deo,
paratam, sicut sponsam ornatam viro suo. Ha-
bemus ergo oculatum testem, qui vidit,
& qui propria manu descripsit, quæ vidit.

Immo & ipsa illa ciuitas per contem- V.
plationem, ipsum cœlum empyreum, per
gratiam, perque Dei liberalitatem cœlitus
descendit, vt nos in ciues cooptet, & al-
liciat, vt velimus cooptari. Ciuitas Ieru-
K salem,

S. Aug.
lib. 20. Ci-
uit. c. 17.

In senten-
tiis. 31.

Apoc. 21.
3.

falem, de cælo dicitur descendere, ait S. Augustinus: quia cælestis gratia est, qua Deus eam fecit: & de cælo ab initio sui descendit, Spiritu sancto missò de cælo. Et alibi. *Ad cælestis Ierusalem non ascendunt consortium, nisi qui toto corde profitentur, non proprii operis, sed diuini esse muneris, quòd ascendunt.* Itaque sicut Sol corpore suo manet in cælo, & radio suo descendit in terram, ut hinc vapores, stirpes, flores, fructus attollat: ita sancta illa ciuitas, teste Ioachimo Abbate, mittit ad nos diuinæ suæ lucis radios, ut nos vicissim illuc desideria affectusq; nostros mittamus, & qui corpore in terra hæremus, mente ad superos ascendamus, ut conuersatio nostra sit in cælis. Atque ne ignorantiam excusationi nostræ obtendamus, ait castissimus Christi præco: *Audiui vocem magnam de throno dicentem: Ecce tabernaculum Dei cum hominibus, & habitabit cum eis.* Vox magna, indicat magnum inesse in re proclamata pondus & momentum. Vocem magnam Deus edit, quia vult eam ab omnibus audiri, ut omnes ad ardens tam felicitis regni desiderium excitentur. Denique vox hæc de throno exit, hoc est, à Deo ipso; quia quæ Apostoli, quæ

Pro-

Prophetæ, quæque alij viri sancti de cœlesti illa ciuitate scripserunt, Deus ipse dictauit.

§. III. *Cælum nouum, instar sponsæ ornatum,
lucidumq̃.*

Quænam igitur dictauit? *Apocalypsis VI.*
dicit, ait S. Prosper, Hierusalem nouam vidi S. Prosper
lib. de glo-
ria regno-
riæ sanctor.
cap. 3.
Apoc. 21.
Gal. 4
à Deo descendentem, aptatam & exornatam,
ut sponsa marito. Dicit & Paulus: Quæ sur-
sum est Hierusalem, libera est, quæ est mater
nostra. In hac ciuitate non erit nox, nec lumen
lucernæ opus erit, non luctus, neq̃ mors, neque
clamor, sed nec dolor ullus, quia priora abierūt:
& huius patriæ gloriam impij non videbunt.
Plurimæ ergo maximæque sunt dotes, qui-
bus stellata illa beatorum domus, Ægypti
palatia, ac *Labyrinthum* omnemque profa-
norum regum superbiam superauit. Ni-
mis vetusta sunt, quæ de humana illa ma-
gnificentia memorantur: vix pars aliqua
murosum, vix cadauera restant, & rudera
ne in reliquijs quidem suis agnoscenda.
Noua maximè delectant, recentia proban-
tur. Quare noua illa erit in cœlo ciuitas,
noua Ierusalem, ab antiqua illa iam pri-
dem anagogicè significata. Nec noua **VII**
K 2 erit

erit tantum, & quasi semper recens, sed etiam *sicut sponsa ornata*. Si enim puellarum ornatus cum templi ornatu confer-

Pf. 143. 12. tur, cum dicitur, *Filia eorum compositæ: circumornata ut similitudo templi*: cur non vicissim etiam templi istius cœlestis ornatus, cum sponsæ ornatu, compararetur? Quid verò sponsis ornatus? quibus berylli in digitis, margaritæ in auriculis, gemmæ in collis, adamantes in tunicis, instar siderum refulgent? Prosperi verba sunt: *Dominus in Euangelio: Tunc, ait, iusti fulgebunt sicut Sol in conspectu patris sui: quoniam erunt aequales Angelis Domini, & hanc gloriam impij non videbunt*: quam in Christi transfiguratione Apostoli tres cum incredibili amoris incendio viderunt, & videre sine intermissione desiderarunt. Et mox subiungit idem Prosper: *Paulus Apostolus dicit: stella à stella differt in gloria, sic & resurrectio mortuorum. Quo modo alij pro consensione martyrij, alij pro integritate virginali, alij pro continentia viduali, alij pro pudicitia coniugali, diuersis honoribus sine inuidia fulgeant, impij non videbunt*: qui, ut illi, quorum in *Labyrintho* error sub terra, atque in tenebris est, in tenebras exteriores proiicientur: quia

lux

S. Prosper
lib. cit.
cap. 4.
Matth 13.
Luc. 20.

Ibid. c. 5.
1. Cor. 15.

lux illa non pertinet, nisi ad filios lucis; hoc 1o. 12. 36.
est, ad eos, qui, tanquam veri aquilæ pulli,
rerum cælestium solem possunt intueri,
atque ad illum sine intermissione aspirant.

Audi aspirantem. *O supernæ ciuitatis mansio* Thom. de
beatissima! O dies æternitatis clarissima! quam Kemp.
nox non obscurat, sed summa veritas semper lib. 3. de
irradiat, dies semper leta, semper secunda, & Imit. capi
nunquam statum mutans in contraria. O uti- 48.
nam dies illa illuxisset, & cuncta hac tempora-
lia finem accepissent! Lucet quidem sanctis per-
petua claritate splendida, sed non nisi à longè
& per speculum peregrinantibus in terra. Vbi
adhuc crepusculum est auroræ: in cœlo
dies erit plenissimus, clarissimus, splendi-
dissimus, & lux tanquam solis meridiani.
Vidit enim virgineus ille Apostolus san-
ctam illam ciuitatem habentem claritatem Apoc. 21.
Dei: & lumen eius simile lapidi precioso, tan- 11.
quam lapidi iaspidis, sicut crystallum, hoc est,
simile lapidi crystallizanti. Quare ibi nun-
quam lucem aufert nox, sed dies vna &
perpetua est: neque eget sole aut luna, quia
claritas Dei illuminat illam, & lucerna c-
ius est Agnus, à quo omnis in homines
gloria deriuatur. Aptè igitur lux crystallo Ibid. 6. 23.
exprimitur, non est enim lux, aut gloria illa

umbratica, & quæ euanescat, sed stabilis est & solida, instar lucidissimi *crystalli*, atq; , vt nonnulli existimant, ad solis radios iucundissima colorum varietate resplendētis, & , more vitri triangularis, mille camporum, domorum, siluarum, atque ipsius iridis species oculo spectantium insatiabiliter exhibentis.

S. IV. *Cælum aureum gemmeumque, cum profanorum regum aureis gemmeisq; palatij comparatum.*

VIII.

Quæ domus regia vnquam tam lucida, tam formosa? quis Anicianæ ædis splendor tam magnificus? Quid Cnei Manilij post Asiam deuictam ærata triclinia, abacique & monopodia? quid famosus Luculli Apollo, aureaue Neronis domus, aut florida Cleopatracœnatio? quid Hymettiae trabes, quid moles Africanæ? quid peregrini marmoris columnæ quibus Lucius Crassus triumphauit? Atque, vt summa proferamus, inter summi splendoris miracula & memorabilia exempla, scribit Chares Mitylenæus, & post illum Athenæus, Darij regis vltimi tempore *in eas delicias Persarum reges prolapsos esse, vt ad caput cubi-*

*Chares
lib. 5. A-
then. lib.
12. Et ex
vetroque*

cubilis regij conclaue unum esset pariete uno
intermedio obstructum, ea magnitudine, quæ
quinque lectos caperet, in quo semper condita
essent talenta auri quinquies mille: hocq; con-
claue cervical regium appellabatur. E regione
verò huius aliud esset conclaue triclinum, ad
parietem eum excitatum, ad quem cubilis pedes
vergebant, in quo argenti talentorum tria mil-
lia condebantur. Nam ipsum etiam tantum-
trium lectorum capax erat, & scamnum suppe-
daneum Regis esse dicebatur. Præterea in ipso
cubiculo regio vitis erat aurea, gemmis insuper
inclusis locupletata; eaq; veluti pergula regio
cubili obtendebatur. Hanc vitem Amyntas
prodidit racemos etiam pensiles habuisse ex la-
pillis æstimatissimis compositos. Nec procul ab
ea craterem aureum collocari solitum Theodori
Samij opificio nobilem. Hæ & aliæ deliciæ Da-
rium, licet prælio victum eò pertraxerunt, ut
qui tanti caput suum recumbere, & pedes sub-
niti voluerat, tanti etiam manibus pedibusq;
vinciretur, & ad extremum, cum proditoribus
obsequi nollet, ab iisdem iaculis configeretur.
Ita etiam in preciosissima cubilia regum,
captiuitas & mors peruadit. Quis ergo IX.
cœlestium thalamos non anteferreret? qui
cum seruitutem, cum luctum, cum mor-

Phil. Ca-
mer. part.
1. Horar.
Successu.
cap. 20.

tem æternum à se eliminant, longè adhuc sunt splendidiore? Darius inter tot auri argentique talenta dormiebat; nempe Somnium tantum erant diuitiæ illius, ut inter illos numeraretur, de quibus dicitur:

Pf. 75. 6. Dormierunt viri diuitiarum somnum suum, & nihil inuenerunt in manibus suis. At beati in cælo non dormiunt, neque est somnus, quod habent. Quid autem non habent? Quæ non ibi talenta? qui non thesauri? qui non thalami? qui non botri? de quibus sponsa ait, *Introduxit me rex in cellaria sua: vbi scilicet & vinum, & vitis ipse est; & pulcherrimarum gemmarum instar, Apostoli martyresque illius: Ait enim: Ego sum vitis.* Ac etiam ipsi, qui de agricultura scribunt, vites *gemmare*, aut *trudere gemmas* aiunt, cum *palmites* & frondes explicant. *Vitis* ergo Christus, cuius gemmei *palmites* sunt Apostoli, ceterique beati ex eius succo & radice toti viuentes & dependentes. Sed loquatur de huius cælestis Darii thalamo aureo, aureaque & gemmata vite ipse Apostolus. *Et erat structura muri eius, ait, ex lapide iaspide: ipsa verò ciuitas, aurum mundum simile vitro mundo. Et fundamenta muri ciuitatis omni lapide precioso or-*

nata.

*Io. 15. 1.
Virgil. lib.
2. Georgic.*

*Apoc. 21.
18.*

nata. Fundamentum 1. *iaspis*: 2. *sapphirus*:
3. *chalcedonius*: 4. *smaragdus*: 5. *sardonyx*:
6. *sardius*: 7. *chrysolithus*: 8. *beryllus*: 9. *topazius*: 10. *chrysoprasus*: 11. *hyacinthus*: 12.
amethystus. Et duodecim portæ, duodecim mar-
garitæ sunt, per singulas: & singula portæ erant
ex singulis margaritis: & platea ciuitatis au-
rum mundum, tanquam vitrum perlucidum:

Hoc est precium cælestis ciuitatis. Quid

X.

simile habet vllum opus humanum? Exi-
stimabat Persicus rex, se inter argentum &
aurum mollius, inter opes, irritamenta
malorum, tutius posse cubare: denique
nec aureæ vites vinum protulerunt, nec
gemmei botri sitim extinguere potuerunt:
nec fulgor metalli, aut lapillorū lux clau-
sos dormientis oculos oblectauerunt.
Itaque frustra fuit Darius. Quid enim cæ-
co colores? In cælo vident sancti omnia
gemmis, omnia margaritis, omnia lapidi-
bus preciosis collucere: aut certè lucem
hauriunt, quauis gemma preciosiorem;
corpora cernunt plus, quàm margaritis
pulcherrimis, exornata & diuino quodam
fulgore splendentia. Quid *Labyrinthus* Plin. lib.
ille *Ægyptius*? quid eius *cænacula excelsa*, 36. Nat.
porticusq;, quæ *ascenduntur nonagenis gradi-* hist. c. 13.

K 5

buc

Epiphan.
lib. de 12.
Gemmis
cap. 5.

bus omnes? intus columna de porphyrite lapide? Deorum simulachra, regum statuae, ex auro argentoque conflatae? Quid simile mundo exhibuit ipse Dionysius? ille, inquam, qui magnis multisque praelijs accisam subiugavit Indiam, ac in trophæum postea fertur habuisse templum adeò magnificum, ut in eo trecenti sexaginta quinque gradus ex sapphiro purpureo continerentur, teste Epiphanio; quasi nempe per totidem heroicorum facinorum gradus ad gloriæ culmen ascendisset. Longè altiùs sancti splendidiusque ascenderunt, nempe in illam ciuitatem lucidissimam, cuius murus centum quadraginta quatuor cubitos magnus & altus, totus ex iaspide constructus, solis instar, effulget; & ubi aurum mundū plateis instratum, sine precio preciosum potest videri. Itaq; non gradus tantum, sed & muri, & portæ, & plateæ, & fundamenta denique ipsa omnia constant lapidibus preciosis.

XI.
Plin. lib.
36. c. 22.

Apud Plinium mirifica res narratur de *Fortunæ templo, quod ex lapide phengite, siue sphengite pellucidocrat ædificatum. Nerone, ait, Principe repertus est lapis in Cappadocia, duritie marmoris, atque translucens, etiam qua parte inciderunt venæ, ex argumenta sphen-*

sphengites appellatus: hoc construxit adem Fortuna à Seruio rege sacratam, aurea domo complexus. Quare etiam foribus clausis interdum claritas ibi diuturna erat, haud alio, quàm specularium modo, tanquàm inclusa luce, non transmissa. Hæc de Neronis domo Plinius.

Suetonius de Domitiano anxio, ne illorum, quos sua crudelitate offenderat, coniuratione opprimeretur, *Tempore quoq, suspecti periculi, ait, appropinquante, sollicitior in dies, porticum, in quibus spaciari consueverat, parietes Phengite lapide distinxit: è cuius splendore per imagines quidquid à tergo fieret, prouideret.* Sic nimirum tyranni preciosè habitabant, vt non nisi splendidè insidias mortemque formidarent. Sancti in cœlo longè clariores circum se conspiciunt *phengites*, non ad pericula nuncianda reluctantes, sed quia oculis eorum omnia debent esse clara, peruia, & perspicua, perinde, ac si *auro vitreo*, hoc est, instar vitri pellucente, in cœlis omnia constarent. Quæ ratione aliorum quoque gloriam intuentes, eadem & ipsi per mutuam charitatem perfruuntur. Aurum enim charitas, vitrum est perspicuitas: vt quod diuina visione perspiciunt, ardenti quadam charitate

XII.

*Sueton. in
Domitiâ.
cap. 14.*

tate tanquam suum intueantur, deque eo, velut de proprio bono gaudeant. Hinc *aurum vitro simile cælo* consignatum est.

XIII.

Quin & ipse Dei thronus gemmeus est *apoc. 4.3.* ac pellucidus: *Et qui sedebat, similis erat aspectui lapidis iaspidis & sardinis.* Spargebatur scilicet lumen hoc ex *iaspide & sardio*, qui vestiebant, & quasi corpus faciebant Deo. Nimirū *iaspide, gemma viridi & firma*, significabatur, Deum sua luce & clara visione recreare & confirmare oculos mentesque Beatorum, idque constanter & iugiter in æternum, ait recens interpres, lumine gloriæ in eorum mentes transfuso. Belleque hic *iaspis* instar chrystalli pellucebat, vt significaret, intimam Dei essentiam à beatis peruideri & penetrari. Hic porrò splendor tantus est, vt instar lucidissimi iubaris radiet rex ille.

Cornel. à Lapid. in Apoc. 21. & 10.

Psal. 18.5.

De hoc lapide Boetius lib. 2. de Lapidib. cap. 280.

XIV.

rem meritò Dauid cecinit: *In sole posuit tabernaculum suum: & ipse tanquam sponsus procedens de thalamo suo.* Quod vnquam flauum pellucidumque marmor, seu *phengites*, id est, splendens saxum, tam illustre fuit? Spectatur Romæ cum magna admiratione, in templo S. Mariæ, in porticu ex *phengite*, seu flauo pellucensque istius

mar-

marmoris genere columna dimidiata ad summum altare, colore flauo, parietis rimam opplens, ac exteriori parte allabentem lucem solisque radios, instar vitri splendentis, intromittens; sed vix ea gutta est lucis, ad fontem illum, immo ad Oceanum cœlestis theatri, & templi, & lucis collata. *In sole posuit tabernaculum suum.* Omnia ibi lucent, omnia splendent, instar gemmarum, & adamantum, quos sol accendit. Nihil proinde etiam miraculi habet mensa, quam Anselmus Boëtius, scribit Rudolphum II. Imper. (cuius medicus ipse fuerat) *è gemmis præsertim iaspidibus*, extrui iussisse, censetque *octauum mundi miraculum esse* appellandam, & cum Dianæ Ephesiæ templo comparandam; cum in ea fabricanda plurimis annis maximisque impensis sit desudatum; quæque tanto fuerit artificio elaborata, ut gemmæ sibi inuicem commissuris conspectum fugientibus vnitæ, siluas, arbores, flumina, flores, nubes, animalia, variasque rerum pulcherrimarum formas ita referrent, ut ad viuum depictæ, quin viuere, & per mensam ipsam discurrere viderentur, ac simile opus in toto terrarum orbe non reperiretur.

XV.

*Anselm.
Boet. lib.
2. de gem-
mis. c. 103.
¶ in ep.
dedica-
tor.*

tur. Repertum fuisset simile, multoque magnificentius & admirabilius, si extra, aut supra orbem quæsitum esset. Mensa fuerat illa duntaxat, angustis spacijs extensa. In cælo amplissima fundamenta, altissimi muri, plateæ prolixissimæ gemmato pavimento, tessellato emblemate, electo lapide vndique collucent.

5. V. *Ipsius etiam Salomonis edificijs longè splendidissimis, Christum suis seruis pulchriorem locum parasse.*

XVI.

Plin. lib.
35. cap. 1.

Similem supra memoratæ mensæ seculi sui luxum describit Plinius his verbis: *Nunc in totū marmoribus pulsa (pictura) iam quidem & auro superbitur, nec tantum ut parietes toti operiantur, verum & interraso marmore, vermiculatis ad effigies rerum, & animalium crustis.* Sed superauit ædificando omnes, qui sapientia omnibus antecelluit Salomon. Is enim & diuitijs pollens, & auxilijs, & ingenijs, viginti annorum spacio, eiusmodi in Ierusalem opera molitus est, vt nusquam alibi reperirentur pulchriora. Quippe hoc tanto tempore construxit *duas domos, id est, domum Domini, & domum Regis,* quarum alteram Deo septem, alteram sibi tredec-

3. Reg. 9.
10.
3. Reg. 7. 1.

tredecim annis perfecit. Et quidem quam sibi posuit, triplex erat. Vna eius pars regi, altera reginæ filix Pharaonis destinabatur; tertia *domus saltus Libani* dicta vtriusque, tam regis, quam reginæ oblectationi seruebat; quam Iosephus non *domum*, sed *aulam* vocat, quasi reginæ basilicæ partem, aitque: *Nihil magis mirata est Regina Saba quam aulam, cui cognomen saltus Libani*; idcirco scilicet, quod quasi Libanus cedris, ita cedrinis columnis aula illa frequentius confita esset, vt Theodoretus, & alij interpretes voluerunt: vel quod quasi totus saltus Libani, excisis inde cedris, in illud ædificium transportatus esset. Hæc regia non solum in editissimo loco, nempe in monte Sion, erat sita, sed etiam quodam admirandi operis ponte templo iungebatur.

Huius enim pontis *pila in infinitam quandam vallis, seu voraginis profunditatem, donec veniretur ad solidum, deijcienda fuerunt, & eò crassiores, quò futura erant altiores*. Atque hæc tam immensi sumtus cogitatio non leuem in populo peperit offensionem, fuitque inter causas seditionis contra Salomonem exortæ: quia *edificauit Mello, & coequauit voraginem, ponte superiniecto*.

Nc

2. Para-
lip. 8. 12.

Ioseph.
lib. 8. c. 2.

Theodo-
ret. q. 24.
in 3. Reg.
Villal-
pand. t. 2.
l. 5 c. 10.

Iacob. Sa-
lianus
rom. 3.
Annal.
ad annū
Mundi
3031.

3 Reg. 11.
27.

XVII. Ne cui autem regia illa Salomonis domus minùs splendida videatur, testatur

3. Reg. 7. 9. scriptura, eam *lapidibus preciosis* ædificatam esse; hoc est, raris, peregrinis, & è longinquo loco, magno sumtu laboreque illuc peruectis, marmoreis scilicet, porphyreticis, Parijs, qui magni proinde precij essent. Qua de causa Iosephus tradit, domum illam quidem ubique fuisse cedrinis tabulis constratam, attamen nihilominus partim saxo quadrato decemcubitali constructam, partim precioso marmore incrustatam fuisse. Quanquam nihiladmodum incredibile est, parietes, fenestras, portas, postes, limina, parastades, columnas, cum basibus, capitellis, stylobatis, omniq̃ue epistyliorum, zophororum, & coronidum apparatu, preciosis lapidibus micuisse, cum de fundamentis scriptura memoret; *Fundamenta autem de lapidibus preciosis, lapidibus magnis, decem, siue octo cubitorum; & desuper lapides preciosi equalis mensuræ secti erant.* Ut meritò sicut illorum saxorum, quæ in fundamenta iaciebantur partim ex firmitate, partim, & quidem præcipuè, ex magnitudine precium traxerunt, ita eorum, quæ è terra extabant,

3. Reg. 7.
10.

bant, nobilitas ex raritate, læuitate, colore, splendore, duritie, maculis, & vniuersa pulchritudine fuerit æstimata. Atque vel ex hac ipsa seu fundamenti, seu murorum excellentia, de ceteris licet coniecturam facere. *Difficile est*, inquit Iosephus, *enumerare amplitudinem, ac varietatem aularum, tam maiorum, quàm mediocrium, tum quæ sub terra latebant, quæ uero in ærem elegantissimè attollebantur. In summa totum ædificium è marmore candido, & cedro, & auro, atq; argento constabat, dispositis, per parietes & laquearia, varijis lapillis auro inclusis, quemadmodum in ornatu templi factum fuerat. Hæc Iosephus; cuius dicta è sacris litteris firman-
tur; ibi enim legimus: Et tabulis cedrinis 3. Reg. 7. 3.
vestiuit totam cameram, quæ quadraginta quinque columnis sustentabatur. Profectò ligneæ tabulæ nisi argento, vel auro vestitæ, eiusmodi aulis & cameris ad splendorem & magnificentiam omnem comparatis, non magno fuissent ornamento. Nisi fortasse idcirco cedrinis tabulis parietes contexti fuerunt, ut peristromata belluata, & aulæa Babylonica, aut Phrygia acui picta, imaginesque aliæ, quæ superponebantur, rectius conseruarentur, nec*

L

à pa-

à parietum humiditate aliquid vitij contraherent. Ita enim scribit Iosephus: *Et tribus quidem ordinibus aulaeis Babylonice parietes pratexebantur, quartus verò sculptorum admirabile adificium ostentabat; in quo effictæ variae arborum, ac plantarum species, frondibus, & folijs tanta subtilitate expressis, ut agitari quodammodo viderentur. Reliquum verò, quod supererat usq; ad lacunar, opere albario tectum, & discoloribus picturis erat variegatum.*

XVIII. Talis erat domus, quam Salomon sibi constituit, quæ quanquam *tredecim annis* est ædificata, domus autem Domini *septem* duntaxat, non tamen idcirco hæc ignobilior fuit, quàm illa. Immo multis partibus splendidior, amplior, preciosior erat templi domus. Cui quia sapientissimus rex maiorem curam impendit, celerius est absoluta, quàm domus regia: *Neque enim* ait Iosephus, *tantam curam huic operi, quantum adificando templo, impendit. Sed illud quidem amplum licet, & plus quàm credi posset celebre, cooperante Deo intra dictum tempus perfectum est. Regia verò tametsi multum magnificentiæ cederet, quod neque materia eius tanto ante preparata fuisset, & regi, non Deo strueretur domicilium, eò tardius ad finem est per-*

*Iosephus
lib. 8 c. 2.*

*perducta. Et hæc tamen pro dignitate fortunarum regis, ac gentis est edificata. Porro quia in describenda Salomonici templi elegantia multi, etiã totis voluminibus, sibi vix satisfecerunt, & libri sacri ipsi sunt satis ea in re copiosi, nihil hîc aliud addam, quàm quantos auri argentiq̃ue acervos, immo montes, Dauid tam ad ipsa opera aurea atque argentea, quàm ad impensas templi filio suo Salomoni præparârit. Sic enim ipse loquitur: Ecce ego in paupertate mea præparaui impensas domus Domini auri talenta centum millia, & argenti mille millia talentorum: æris verò & ferri non est pondus, vincitur enim numerus magnitudine. Ad-
dit etiam infra. tria millia talenta auri, & septem millia talentorum argenti. Quæ summa, teste Saliano, omnino maxima est, adeò ut si totam auri & argenti summam subducere, & ad æris Gallici valorem reuocare voluerimus, inueniamus à Davide congestos, bis mille sexcentos septuaginta duos milliones, centum & viginti quinq; millia nummorum aureorum. Quibus si addideris septuaginta duos milliones, nongenta & viginti sex millia, sexcentos & sexaginta sex aureos, qui à populo liberaliter dati reperiuntur in eodem loco, duæ*

1. Paralip. 22. 14.
Cap. 29.
Salian. 10. 3. Annal. ad an. Mundi 3017.
1. Paralip. 29. 4.

L 2

sum-

summae ascendent ad bis mille septingētos quadraginta quinque milliones, quinquaginta & unum millia, sexcentos, & sexaginta sex aureos.

XX. Quam ornata domus ex hoc thesauro potuerit consurgere, non necesse est verbis explicare; præsertim cum tot hominum manus ad eam perficiendam laborârint; ut duplex bene magnus exercitus è latomis, atque ijs, qui ligna cædebant, aliaque materia præparanda occupati erant, confici potuisset. Ipsa scriptura loquatur.

2. Paral.
13. 2.

Numeravit igitur Salomon omnes viros profelytos, qui erant in terra Israël, post dinumerationem, quam dinumeravit David pater eius, & inuenti sunt 150. millia, & tria millia sexcenti, fecitque ex eis 70. millia, qui humeris onera portarent (en exercitum unum) & octoginta millia, qui lapides in montibus caderent; (en exercitum alterum) tria autem millia sexcentos, præpositos operum populi. Et alibi, ad hunc numerum, alia adhuc triginta millia adduntur operariorum, qui tantum in Libano occupabantur. Hi omnes quantum opus fecerint, ipsa ostendit multitudo, quæ utique non fuit ociosa. Et alioquin nihil delicatiùs arte Tyria, nihil Sidoniorum labore accuratiùs, nihil pulchrius

3. Reg. 5.
13.

Phœ-

Phœnicum inuētis habebatur. Quam necesse est operibus his, ab ipsius Salomonis summa industria diuinaque illa sapientia, gratiam accessisse? Quæ tamen omnia, **XXI.** si suis momentis verè expendantur, opus humanum fuerunt, certè oculus hominis ea vidit. At quæ in cœlo sunt, *nec oculus* 1. Cor. 2. 9. *vidit, nec auris audiuit, nec in cor hominis ascenderunt.* Matth. 12. 42. Nonne Christus *plus quàm Salomon?* plus vtique & diuitijs, & ingenijs, & auxilijs, nam in eo *sunt omnes thesauri sapientiae & scientiae absconditi:* Col. 2. 3. qui de se ipso dixit: *An putas, quia non possum rogare patrem meum, & exhibebit mihi modò plusquam duodecim legiones Angelorum?* Matth. 26. 53. Vnus autem Angelus & perspicacior, & efficacior est, quàm rotus ille numerus operariorum Salomonis. Quanquam non indiguit, nec adhibuit Christus Angelos, cum nobis domū regiam in cœlo, tanquam in monte Sion, appararet; & plus quàm è valle ac voragine Mello pilas eduxit, quibus pons ille inniteretur, per quem nobis vsq; ad cœli templum intimum, ad ipsam Dei visionem, in sancta illa sanctorum est transcundum. Ibi saltus Libani, & domus verè in oblectationem est facta. Nam Christus est *sapientia,* Prou. 9. 1.

Apoc. 21.
19.

quæ edificauit sibi domum, excidit columnas, & elegit lapides preciosos ad eam exornandam. Vidit hoc Apostolus. *Et erat structura muri eius ex lapide laspide; ipsa verò ciuitas, aurum mundum simile vitromundo. Et fundamenta muri ciuitatis, omni lapide precioso ornata.* Nusquam, quàm ibi, felicius

Matth. 13.
45.

labor & sumtus impeditur negotiatori querenti bonas margaritas. Quid verbis vtor longis? Salomon viginti annis ædificium omne absoluit: Christus vt hanc nobis in cœlo domum appareret, triginta tres annos laborauit. Salomon *bis mille, septingentos, quadraginta quinq; milliones, quinquaginta & vnum millia, sexcentos & sexaginta*

Luc. 14.
28.

sex aureos in arario habuit, cum sedens sumtus computaret, qui necessarij erant, ad tantum opus absoluendum: Christus preciũ infinitis modis grandius habuit, cum vellet nobis sedem in cœlo comparare. Vnica gutta sanguinis illius, omne argenti, auri, adamantum & sapphirorum, ac ipsius cœli, si totum vna gemma esset, precium precio suo millies, iterumque millies, & decies millies superauit. Sicut ergo nos ipsos, ita & domum nobis magno precio emit: vt decus & venustas, & nobilitas rei

1. Cor. 6.
20.

emtae

emtæ constaret ex ipso precio emtionis. Atqui hoc ipsum cœlum tot vnionibus fulgens, tot gemmis coruscum adeò excedit illa Salomonis palacia, vt & triplex illa domus, & tota ciuitas Hierosolymitana figura tantùm atque vmbra fuerit illius cœlestis Hierusalem. Quantum ergo rei ipsi imago eius cedit, tantum cedit Christi regis nostri palacijs palacium Salomonis, vbi numerari potuit pondus auri: æstimari decor beryllorum; in cœlo hæc omnia & numerum excedunt, & mensuram. Quippe etiam ibi radiantibus metallis parietes vestiuntur, & ardentibus gemmis oculi perstringuntur: ac vbi hîc mortales curæ, hirundinum instar, è luto ædificant; ibi immortalis artifex regiam constituit è materia nullo seculo corrumpenda.

S. VI. *Vtrum vera gemma in cœlo sint futura.
veriq; campi, flores, silua, &c?*

Quanta hæc diuersitas? Hîc lateres, hîc XXII.
saxa; hîc tophos admiramur: ibi sunt laspides; Sapphiri; Chalcedonij, Smaragdi, Carbunculi: omnia vndiq; plena gemmis. Cur autem gemmis? Quia par est locum elegantissimum elegantissimis rebus expri-

mi:at gemmis & vnionibus terra nihil habet pulchrius, nihil nobilius; adeò vt stellæ, cæli gemmæ; gemmæ, terrarum sint stellæ, quarum vtique fulgorem, lucem, vim, virtutemque imitantur. Quade causa gemmæ, apud antiquos, rerum cœlestiũ ac diuinarum hieroglyphica fuerunt.

*Andreas
Bacci, de
12. gem-
mis.*

Quin aliqui gemmas, quasi *gummeas*, hoc est, instar gummi arborum lucidas ac transparentes dictas volunt. Vnde easdem esse, quasi *guttas* & *stillas* cœli arbitrantur.

Ego veriùs imagines & simulachra esse putem eorum lapidum preciosorum, qui ex nonnullorum opinione, in cœlo conspicientur. Nam mihi non omnino absurda videtur sententia eorum, qui existimant veras ibi fore gemmas, quanquam longè his nostris præstantiores. Quod neque sine auctoritate, neque sine ratione affirmant. Vt enim non repetam verba

XXIII.

S. Ioannis, toties testantis se gemmas in cœlo conspexisse, nonne & S. ille Tobias dixit? *Porta Ierusalem ex Sapphiro & Smaragdo adificabuntur; & ex lapide preciso omnis circuitus murorum eius. Ex lapide candido & mundo omnes plateæ eius sternetur, & per vias eius alleluia cantabitur.* Ita Tobias, ita

Tob. 13, 21.

alij

alij in diuinis litteris loquuntur , at ex regula S. Augustini, verba scripturæ propriè, vt sonant, accipienda sunt, nisi quid absurdi ingerant. Si ergo ostenditur non modò non absurdum , verùm etiam conueniens esse , vt gemmea in cœlo palacia habeamus , satis etiã rationi consentaneum est, vt gemmas illas cœli, propriè vereque gemmas esse intelligamus. XXIV. Aque in primis notum est, Platonem non immeritò Mosen Atticum vocari, eò quòd pleraque, quæ scriptis reliquit , ex Mose hauserit.

Quemadmodum ergo Moses in *Rationali* *Exod. 28.*
duodecim gemmas posuit , quas optimi scrip- 17.

tores tradunt , *quasi duodecim signa Zodiaci* fuisse, cum & ipsum *Rationale* cœli fuerit, typus, eiusque speciem ac figuram repræsentârît; ita & ipse Plato, seu Socrates apud Platonem , meminit de *duodecim pul-* *Plato in Phadone.*

cherrimis coloribus superioribus terra illius, in quam post mortem transeunt , qui vitam longiorem meruerunt : affirmatque nostrates gemmas, vt *iaspidem, sapphirum, & carbunculum*, esse particulas, & ramenta quædam montium, ac gemmarum *terra superioris.*

Quod etsi fabulosum , tamen argumento est, nihil adeò inconueniens , aut Philoso-

XXV. phia indignum esse, de gemmis cœli cogitationem suscipere. Accedit, quòd non animæ solùm, sed etiam corpora illuc sint ad beatitudinem suam itura. Quemadmodum ergo animæ, ita & corpora suum gaudium inibi reperient. *Oculi*, ait S. Anselmus, *ures, nares, os, manus, guttur, iecur, pulmo, ossa, medulla &c. beatorum, mirabili delectationis, & dulcedinis sensu replebuntur.*

*S. Ansel.
lib. de si-
militu-
din. c. 57.*

*B. Laur.
Iustin. de
Discipl.
monast.
conuers.
cap. 23.
S. Thom.
in 2. d. 2. q.
2. a. 2. Ri-
chard. in
4. d. 49. q.
3. art. 4.
Barrad.
som. 3. lib.
10. c. 3.*

XXVI.

Quod etiam B. Laurentius Iustinianus scribit. Viuent enim sancti in cœlo Em-pyreo, quasi in æthere quodam suauissimo & felicissimo, quem idcirco ritu aëris nostri findi scindi que posse, S. Thomas aliq; tradunt: ne Beati in eo, quasi in muro, cō-pacti sint. Tametsi enim & penetrabilia, & penetrantia erunt illorum corpora, tamen etiam ob ceteros sensus, connaturali degendi modo delectabuntur. Nimirum continget corporibus sanctorum, quod seruis euenire solet in nuptijs herilibus. Non enim ita Domini in nuptijs soli edunt, bibunt, & conuiuantur, vt nulla habeatur ratio seruorum. Ita etiam quamuis animæ in cœlo, præcipuè sint beatitudinem, & medullam gaudiorum percepturæ, tamen & corporibus sua erit voluptas, quo-

quorum sensus omnes mirificas oblectationes percipient, quas nec oculus vidit, nec auris vlla, in his terris, vnquā audiuit, aut ingenium excogitauit; vt excellentissimi Theologi docuerunt. Quò etiam Psaltes aspirauit, cum diceret. *Credo videre bona Domini in terra viuentium*: Sed non fuit auarus, qui & orauit, *ne declines cor meum in auaritiam*: & alioqui credere non potuisset, *se bona ista, aurum scilicet, & argentum, & gemmas in terra viuentium esse visurum*. Nam profectò auari illuc non intromittentur. Nihil enim ibi inter aurum & argentum aliud, quàm de furtis, & rapinis, & fraudibus cogitarent. Neque illuc gulosi pedem inferent, nam Dei immemores, tanquam glires, aut erucæ, Elysios illos fructus identidem depascendo æternitatem transigerent. Siquidem fructus ibi erunt, vt etiam multi arbitrantur, qui verum aurum & veras gemmas cœlo concedunt: quod, vt apparet, S. Augustinus quoque non tacuit, cuius Cygnea vox, & mellifluum carmen est:

Nam quis promat summa pacis quanta sit laetitia?

Vbi viuus margaritis surgunt adificia,

Auro

Suarez.
3.p. 10m.
2. diss. 47.
sect. 8lt.
10. Salas.
1.2. q. 5. a.
5. tract. 2.
diss. 14.
sect. 14. &
apud eos
alg.

XXVII.
S. Aug.
lib. Medit. c. 26.
tomo 9.
Vide eundem lib.
22. de ciuitate
Dei c. 29.
toto. Vbi

disputat
quid ocu-
li corporis
beatorū
sint & si-
suri.

Auro celsa micant tecta, radiant triclinia.
Solis gēmis preciosis hac structura nectitur.
Auro mundo, tanquam vitro, urbis via ster-
nitur.

Abeſt limus, deest ſimus, lues nulla cernitur.
Hyems horrens, æſtas torrens, illic nunquam
ſæuiunt.

Flos perpetuus roſarum ver agit perpetuum.
Candent lilia, rubescit crocus, ſudat balſa-
mum.

Virent prata, vernant ſata, riui mellis in-
fluunt.

Pigmentorum ſpirat odor, liquor & aromatū.
Pendent poma floridorum non lapſura nemo-
rum.

Inhiantes ſemper edunt, & edentes inhiant.
Non alternat Luna vices, Sol vel curſus ſi-
derum.

Agnus eſt feliciſ urbis lumen in occiduum.
Nox & tempus deſunt ei, diem fert conti-
nuum.

8. Aug.
lib. Me-
mor. c. 25.

Hæc ibi D. Auguſtinus. Et alio loco: Felix
anima mea, ait, ſemperq; felix in ſecula, ſi in-
tueri meruero gloriam tuam, beatitudinem
tuam, pulchritudinem tuam, portas & muros
& plateas tuas, & manſiones tuas multas, no-
biliffimos ciues tuos, & fortiſſimum regem
tuum

uum in decore suo. Muri namq̃ tui ex lapidibus preciosis, portæ tuæ ex Margaritis optimis, platea tua ex auro purissimo, in quibus iucundum alleluia, sine intermissione concinitur, mansiones tuæ multæ quadris lapidibus fundatæ, saphiris constructæ, laterculis coopertæ aureis, in quas nullus ingreditur, nisi mundus: nullus habitat inquinatus. Cuius rei figura, fuit Paradisus, ex quo eiectus est Adam, postquam se peccato inquinavit. Talis Paradisus est & cœlum. Si enim Romæ ante basilicam beati Petri, vt Paulus Diaconus

alijque referunt, porticus marmorea, quam post Symmachum Domnio Pontifex munificè ornauit, ob candidos lapides Paradisus fuit appellata, cur non & cœlum Paradisum vocemus, cui sanctus Pater tōt preciosorum lapidum decus ascribit? Et quidem ita ascribit, vt doctissimorum virorum iudicio, etiam S. Augustini mens fuerit, fore in cœlo gemmās, immo & res floridas, odoríferas, amœnas, quæ tactum, odoratum, visum aliosque sensus pascant, & admirabili voluptate perfundant. Idem inusitata sua visione docet

apud S. Gregorium miles: Qui eductus è corpore ex animis iacuit, sed citius redijt, & quæ

*Paulus
Diac. lib.
5. cap. 11.
Item M.
Attillius
Serranus lib.
de sept.
vrbis Ecclesijs.*

*Ita Cornel.
à Lapid. in Apoc. 22.
v. 2.*

XXVIII.
*S. Gregor.
lib. 4. Di.
al. c. 36.*

cum

cum eo fuerint gesta, narravit. Aiebat enim, sicut tunc res eadem etiam multis innotuit, quia pons erat, sub quo niger atq; caliginosus fatoris intolerabilis nebulam exhalans fluvius decurrebat; Transacto autem ponte, amœna erant prata atq; virentia, odoriferis herbarum floribus exornata; in quibus albatorum hominum conuenticula esse videbantur. Tantumq; in eodem loco suauitatis inerat, ut ipsa suauitatis fragrantia illic deambulantes, habitantesq; satiaret. Ibi mansiones erant diuersorum singule, magnitudine lucis plena. Ibi quedam miræ potentia edificabatur domus, quæ aureis videbatur laterculis construi, sed cuius esset, non potuit agnosci. &c. magni alicuius sancti fuisse, non est ambigendum. Nobiles aues, nobilis nidus decet: & si turtures in cedro, aquilæ in petra, Phœnices in cinnamomo decenter nidulantur, quis dubitet, in tam magnifica aurataque domo, in tam floridis campis, inter Pæstanas illas rosas, & æternum iucundissimarum silvarum fertilissimarumque arborum ver, insignes heroës conuenienter degere & inambulare? Itaque visas in cœlo gemmas ac flores, sicut & in Apocalypsi arbores, & poma, ad litteram accipi ex multorum sententia
nihil

XXIX.

nihil admodum vetat. Si enim in paradiso terrestri his talibus; adhuc corruptioni mortiq; non obnoxius Adam frui potuit, cur non etiam beati in paradiso cœlesti ijsdem fruerentur, cuius imago & figura fuit terrestris paradisos? Profectò damnati, vt in Inferno etiã corpore crucientur, ignem, tenebras, formas monstrificas & tristes, fœtorem ac mephitim, felleam amaritudinem, fletum, clamorem, vlulatum persentiscent. Nimirum par est, vt corpus, quod delicijs peccauit, etiam supplicijs ibi suis afficiatur. Cur non item in cœlo idem corpus, hîc tantopere maceratum & vexatum, suo quoque præmio donetur? & odore suauis, musica iucunda; sapore optato mulceatur? proque sulphureo & Auernali fœtore, Elysiam rosarum, fragrantiam; pro fletu concentum percipiat? Cum igitur corpora hominum & ipsa suas oblectationes in cœlo sint receptura, omnesque eorum sensus; quis ambigat oculis quoque suas opes & gaudia contribuenda? Neque est quòd quis existimet luce sola, quæ sanctos vestiet, totumque cœlum amœnissimè illuminabit, & glorificatorum corporum totiusque in
cis

XXX.

eis architecturæ ac symmetriæ suavi aspectu, esse oculos fatiandos. Siquidem oculi non luce sola pasci consueverunt, neque corporum pulchritudine, ac proportionem contemplanda esse contenti solent; sed vel maximè colorum varietate, camporum virore, florum gratia, arborum fructuumque multiplici aspectu; fluuiorum lapsu, fontium pellucidis aquis vitreaque scaturigine, denique fulgentium gemmarum precioso nitore recreantur. His talibus spectaculis solent oculi hominum oblectari. Itaque si in cœlis deessent hæc talia, aut similia, feliciores ex hac parte oculi humani forent in terris, quàm in illa sede beatitatis. Quocirca multi probati doctores fuerunt, qui post S. Anselmum,

*S. Ansel.
l. de sim.
cap. 44. Et
plures, cū
Barrad.
s. 3. l. 10.
cap. 3.*

docerent, varias in cœlo fore mansiones, palaciaque elegantissimè ex veris margaritis, & gemmis, & vnionibus fabrefacta.

XX XI.

Certè S. Agnes, apud D. Ambrosium, aliæque virginæ beatæ cyclade aurea gemmataque decorissimè vestitæ apparuerunt.

*S. Ambr.
Serm. 90.*

Igitur dum parentes B. Agnes, ait S. Ambrosius, assiduè pernoctationibus vigilarent ad tumultum eius, vident in medio noctis silentio exercitum Virginum, quæ omnes auro textis

cyclade-

cycladibus induta, cum ingenti lumine prateribant. Inter quas vident beatissimam Agnem simili veste fulgentem, & ad dexteram eius Agnum niue candidiorem. Hac itaque dum viderent parentes eius, & qui simul erant, stuporem mentis incurrunt. Sed beata Agnes rogat sanctas virgines parumper gradum figere. Et stans parentibus suis dixit: Videte ne me quasi mortuam lugeatis, sed congaudete mihi, & congratulamini, quia cum his omnibus lucidas sedes accepi. Et illi sum iuncta in cælis, quem in terris posita tota animi intentione dilexi. Talibus (aut si mortalibus altiora non capientibus per similitudinem tantum talia ostendunt alterius vitæ delicias) profectò longè nobilioribus modis, ut quidem mihi videtur, quanquam non ita compertis, in cælo sancti & sanctæ prefruantur, & abundant. Quis ergo ad illa Thessalica Tempe, ad illos Elysios campos; ad Hortos³ Hesperidum, ad Fortunatas insulas, ad vera minimeque fabulosa nectaris & ambrosiæ conuiuia, ad beata palacia; ex hac lachrymarum valle, ex isto exilio, ex luteis domibus, è fucatis miserijs, toto desiderio, & tanquam æstuans ceruus, sitiq; ardens, ad fontes aquarum viuentium non aspi-

M. ret?

ret? quis præ desiderij magnitudine non cupiat dissolui, vt cum Christo regnum tam floridum, felix, beatum possideat? O vtinam cum S. Paulo, aut cum D. Ioanne illuc nobis oculos immittere, aut etiam vel per rimam introspicere liceret, quàm facile, quidquid est in terris auri, quidquid gemmarum, & palaciorum, contemnere-mus? &, pro paruis istis, illa magna deside-raremus? dicentes cum Paulo: *Infelix ego homo, quis me liberabit de corpore mortis huius?*
Rō. 7. 24. & cum Dauide: *Quàm dilecta tabernacula tua Domine virtutum: concupiscit & desicit anima mea in atria Domini.*
psal. 83. 1.

§. VII. Exempla eorum, qui cælestis Ierusalem pulchritudine incensi, mortalia contemserunt.

XXXII. Generosissimum etiam exemplum desiderij istius, testimoniumque harum in cœlo deliciarum præclarissimum nobis reliquit Dorothea, virgo, non conchæ, sed suo sanguine purpurata, quæ cum facibus lateri admotis, tanquam nuptialibus tædis lætaretur, & equuleo suspensa acerbissimè torqueretur, magna constantia tyranno astanti dixit: *Quid moraris? exerce in me omnia tua tormenta; fac illicò quod face-re co-*

Sur. 10. 1.
178 C1100

re cogitas, ut per ea perueniam ad sponsum meum, pro cuius amore non timeo te, imò desidero tua tormenta. Sponsus enim meus me inuitat: *imimus enim per hasce pœnas breues & exiles, ad paradysum deliciarum, ubi sunt poma mira & pulchritudinis, rosæ, lilia, & flores innumeri, qui nunquam marcescunt, ubi sunt fontes aquæ viuæ, qui nunquam siccantur, quibus animæ sanctorum fruuntur, & exultant in Christo.* Atque hæc re ipsa esse in cœlo, castissima virgo postea etiam factis comprobauit. Nam cum Theophilus assessor Præsidis irridens (erat enim hyems, & sexta dies Februarij) diceret: *Mitte mihi poma è paradiso sponsi tui, cum eò perueneris. Faciam, inquit illa: idq; præstitit. Misit enim ad eum Angelum pueri elegantissimi specie, cum pomis & rosis speciosissimis. Quo miraculo conuersus Theophilus, Christum confessus, Martyrij lauream pariter adeptus est. Ita Elysium ver, ita rosæ, ita poma cœlestis autumnus & virginem, & iudicem, ad Christi viridaria, & ad æterni Paradisi hortos pellexerunt. Sed & aliam pellexerunt gemmæ.* Siquidem apparitoribus flentibus, quod tam locuples, & nobilis puella, omni eruditione & sapientia laudabilis, inter lictores, tanquam pa-

Gita. de qua etiā, Aldelm. l. de laude Virginit. Et Thom. de Kemp proprio de ea serm.

XXXIII:

In actis S.
Cæcilia.

ranymphos, læta incederet, ad gladium, velut ad thalamum, ad mortem denique, tanquam ad voluptatem, hilariter vultuque non minùs, quàm animo sereno properaret, respondit magna illa Cæcilia: *Hoc non est iuventutem perdere, sed mutare: hoc est dare lutum, & accipere aurum: dare habitaculum vile & paruum, & accipere palacium amplissimum ex lapidibus pretiosis & auro constructum: dare angulum breuem & obscurum, & accipere forum lucidum margaritis cælestibus coruscans: dare rem perituram, & accipere rem quæ finem nescit, & mortem ignorat: dare lapidem vilem qui pedibus conculcatur, & accipere lapidem pretiosum, qui in diademate regio vibranti resplendet aspectu. Quis contractu tali nō cupiat locupletari, vbi pro plūbo aurum emitur, & pro silicibus vniones?*

XXXIV.

Ad eundem, quo Cæcilia, modum, sapuit & diuina illa Agnes. Cui cum amore furens iuuenis cœpisset offerre plurima, & plura promittere, magis cordi fuerunt dona Christi, quàm proci; qui cum omnem lapidem mouisset, Agnetem non mouit. Denique detulerat secum preciosissima ornamenta, ait S. Ambrosius, quæ à B. Agne veluti quadam stercora sunt recusata. Vnde factum est,

S. Ambr.
Serm. 90.

est, ut iuuenis maiori perurgeretur amoris stimulo: & putans eam meliora velle accipere ornamenta, omnium lapidum preciosorum secum detulit gloriam: & per seipsum, & per amicos, & notos & affines, cœpit aures Virginis appellare, diuitias, domos, possessiones, familias, atq; omnes huius mundi diuitias repromittere, si consensum suum eius coniugio non negaret. Ad hæc B. Agnes tale fertur iuueni dedisse responsum: Discede à me fomes peccati, nutrimentum facinoris, pabulum mortis: discede à me, quia iam alio amatore prauenta sum, qui mihi satis meliora te obtulit ornamenta, & annulo fidei suæ subarrauit me, longè te nobilior & genere, & dignitate. Ornauit me inestimabili dextrocherio. Dextram meam, & collum meum cinxit lapidibus preciosis. Tradidit auribus meis inestimabiles margaritas & circumdedit me vernantibus atque coruscantibus gemmis. Posuit signum in facie mea, ut nullum præter ipsum amatorem admittam. Induit me cyclade auro texta, & immensis monilibus ornauit me. Ostendit mihi thesauros incomparabiles, quos mihi se daturum, si ei perseuerauero, repromisit. Sic S. Agnes procum, prociq; gemmas & monilia contempsit, quia cimmelia maiora in cœlo expectauit. Sed hæc vir-

gines fecêre. Nunc & virum aliquem producamus, qui cum augustam, splendidam, preciosam ex auro argentoque ciuitatem coelestem conspexisset, & ipse terram postea despexit, & alios despicientiam illam, perdociuit. Fuit is S. Saluius Episcopus, qui, cum ad cœli gemmas intuendas, post mortem raptus fuisset, indeque iussu ac imperio Dei ad vitam reuersus esset, illicò exclamauit: *Audite ô dilectissimi, & intelligite, quia nihil est quod cernitis in hoc mundo, sed sunt iuxta id, quod Salomon Propheta cecinit, omnia vanitas. Felix est enim, qui ea agere potest in seculo, ut gloriam Dei mereatur cernere in cælo.* Cumque astantes rogarent, vbinam fuisset, quidnam vidisset? ait: *Cum me ante hos quatuor dies, cõtremiscente cellula, exanimem vidistis, apprehensus à duobus Angelis in cælorum excelsa sublatus sum, ita ut non solum hoc squalidum seculum, verùm etiã solem ac lunam, nubes & sidera sub pedib. habere putarem: deinde per portã, luce ista clariorẽ, introductus sum in illud habitaculum, in quo omne pauimentum erat quasi aurum argentumque renitens, lux ineffabilis, amplitudo inenarrabilis: quam ita multitudo promiscui sexus obtexerat, ut longitudo ac latitudo caternæ prorsus*

Gregor.
Turon.
lib. 7. Hi-
stor. c. 1.

sus peruideri non posset. Cúmque nobis via inter comprimentes, ab his, qui precedebant, Angelis pararetur, peruenimus ad locum, quem iam de longinquo contemplabamur, in quo superpendebat nubes omni luce lucidior, in quo nō sol, non luna, non astrum cerni poterat, sed super his omnibus naturali luce splendidius effulgebat. Subdit deinde de loci sono, fragrantia, turbâ, & voce. Et vox procedebat de nube, tanquam vox aquarum multarum. Ibi etiam me peccatorem humiliter salutabant viri in veste sacerdotali ac seculari, quos mihi qui precedebant, enarrauerunt, esse Martyres, ac Confessores, quos hīc summo excolimus famulatu. Stantem igitur in loco, in quo iussus sum, operuit me odor nimis suauitatis, ita ut ab hac suauitate refectus, nullum adhuc cibum potumque desiderem. Et audiui vocem dicentem: Reuertatur hic in saculum, quoniam necessarius est Ecclesijs nostris. Vox enim audiebatur: nam qui loqueretur, penitus cerni non poterat. Et ego prostratus, super pauimentum, cum fletu dicebam: Heu, heu Domine, cur mihi hac ostendisti, si ab his frustrandus eram? Ecce hodie ejcis me à facie tuâ, ut reuertar ad saculum fragile, ut huc ultra redire non valeam. Ne, queso Domine, auferas misericordiam tuam à me, sed

deprecor, vt permittas me hîc habitare, ne illuc decidens peream. Et ait vox, quæ loquebatur mihi: Vade in pace, ego enim sum custos tuus, donec reducam te in hunc locum. Tunc relictus à comitibus meis, descendens cum fletu per portam, quâ ingressus fueram, huc sum regressus.

XXXVI. Hæc S. Saluij fuerunt verba, è cælo in terras redeuntis; qui Albigenſium Episcopus factus, vitam postea prorsus cœlestem & Angelicam egit, suasque oues omnes identidem commonuit, vt orationi incumberent gnauiter, & vigilijs constanter insisterent, bonaque semper, tam manu, quàm mente, hoc est, æquè opere, ac cogitatione versarent, addens: *Hoc agite, vt, si vos Deus de hoc mundo migrare voluerit, non in iudicium, sed in requiem intrare possitis.* Quæ omnia B. Gregorius Turonensis totidem verbis commemorat: qui illa se ab eiusdem S. Saluij ore accepisse iuratus asseuerat, eo loco, quo felicem eius ad Dominum migrationem denarrat: quæ migratio contigit Anno Domini 586. cuius memoriam Ecclesia quotannis die 10. Septēbris in Martyrologio recolit. Nos quotidie recolamus, vt & ipsi beatæ illius habitationis memores vitam in terris cœlestem,

stem , inter homines Angelicam agere incipiamus.

§. VIII. *Quid ex hac secura iucunditate etiam nos discamus? Et alia de cœlestium gemmarum virtute exempla.*

Si enim capti Israëlitæ, & ad vilissima, XXXVII.
quæque opera damnati, multo labore fracti & fessi, ad Babylonē, propter Euphratē, atque ad aliorum fluminum præripia confederunt, & dulcis patriæ terrestriſque Ierusalem, ac præsertim Sion, vbi templum adeò celebre fuerat, memores toti in lachrymas & flumen propemodum sunt resoluti: quid nos non faciemus, si seriò penderimus, in quàm misera terræ Babylone capti detineamur, & à quàm felice Ierusalem in cœlo exulemus? An non dicemus? *Super flumina Babylonis, illic sedimus, Ps. 136. 1. & fleuimus: cum recordaremur Sion. In salicibus, in medio eius, suspendimus organa nostra.* Non enim placet cantare *canticum Domini, in terra aliena*, non sapit hîc vllum gaudium, quod sine Domino est. In exilio flendi locus & tempus est, tunc exultabimus, cum ad patriam appellemus, vbi & locus & tempus est exultandi. *En ipsa eius recordatio.*

M s

datio.

S. Bern.
Serm. 33.
in Cant.

datio, ait S. Bernardus, nimirum patriæ cœlestis, ad lachrymas prouocat me miserum, heu longè agentem, & de longè salutantem, iuxta affectionem, & vocem dicentium: super flumi-

S. Augustinus in
Psalm. 136.

na Babylonis &c: Et S. Augustinus: O pax illa, quam videbimus apud Deum! ô illa sancta æqualitas Angelorum! ô illa visio & spectaculū pulchrum! Ecce in Babylonia pulchra sunt, que tenent: non te teneant, non decipiant, aliud est solatium captiuorum, aliud gaudium libero-

XXXVHI

*rum. Et tamen quàm multi Babylonica captiuitate cæcissimè inuoluti, cœlestif-
que illius & palacij, & munitionis penitus obli-
ti, ita mistum ab impia meretrice cali-
cem sitienter biberunt, vt, tanquam si le-
theis aquis se se inebriauissent, loca muni-
ta fugiant, intuta dies noctesque quærant?
Nempe & diabolus aliquando fuit in cœ-
lo. Huic mendacissimo exploratori po-
tiùs credunt, quàm, Paulo, quàm Ioanni,
quàm ipsi Christo. Hinc sibi persuadent,
nō tantam inibi esse vel amœnitatem, vel
securitatem, vt terræ amœnitatibus peri-
culisque sint anteponendæ. Hæc caussa
est, ob quam tam multi extra muros in sil-
uis, & frutetis, more ferarum scilicet, atq;
vt ipsi aiunt, in libertate viuere malunt.*

Nem-

Nempe vt & alijs sit libertas illos perden-
di. Hæc caussa est, ob quam turres & vigi-
les oderunt. Nimirum alias ipsi turres &
tenebras, post mænia, & extra mænia quæ-
runt, maluntq;, absente patre familias, in-
ter impiam spem, & sceleratum metum,
periculosissimè diuertere, quàm securè iu-
cundeque in cœlo cum Angelis habitare.
Ne scilicet ipsæ turres de munitione glo-
rientur, ipsi egregij Ioues earum pudici-
tiam, in dominorum absentia, expugnant:
aut *ne*, in domo, *vacuum detur*, volunt ipsi
vices implere non maritorum, sed adulte-
rorum. Boni Philosophi; mali Christiani.
Denique quid morum custodes in terris,
aut Intelligentias in cœlo semper vigilâtes
morarentur, quorum id vnicum studium
est, vigilare, ne possint alij dormire: & il-
luc ducere, vbi possint seducere? Atqui
quid hoc est aliud, quàm pericula præferre
securitati? Quis in diluuiò non mallet ar-
cæ includi, quàm in gurgite vasto natitare?
quis nimbo cadente, non potius eligeret
tectum, quàm campum? quis, prælio sa-
gittas vndique & tela iaculante, non satius
putaret, post murum stare, quàm ad om-
nem ictum se patefacere? Et tamen vilissi-
mi isti

mi isti terræ filij, hoc suum cœlum esse arbitrantur, si ibi sint, vbi possunt excidere cœlo; hanc suam esse gloriam existimant, si ad famæ & vitæ suæ scopulos accedere non prohibeantur. Nam, vt de cœlo nihil ampliùs dicam, nonne digito notantur, quacunque isti angulorum & lustrorum amatores, & impuri nycticoraces incedunt? Quis eos euulgauit? Sunt & aliæ noctuæ, quæ noctu vident, & res nocturnas. Hæ ipsæ de te sinistra canunt: quia non ignorant à te nidos suos ambiri. Ita bubonibus noctuæ, & noctuis bubones insidiantur. Et, si vel hæ etiam aues tacerent, ipsa tua tot verrucarum tamque tuberosa & montosa facies; ipse tam scabiosus genarum horror ac luror satis loqueretur, te ibi fuisse, & esse solere, vbi castitas pestilentia laborat. Atque vtinam fama sola, & non etiam vita sæpe naufragium faceret, inter istas syrtes! Quoties enim in poculo vinum, in vino venenum bibitur? Et hæc vita, hæc beatitas existimatur? Istis periculis cœli amœnitas securitasq; venditur? Quod quidam cum probè agnouissent, vela prudenter verterunt; & cum Dauide *Psalm. 70. 3.* dixerunt: *Esto mihi in Deum protectorem, & in lo-*

in locum munitum, ut saluum me facias, in loco primùm isto, vbi perfecta salus non est, deinde etiam in altero illo, perfectè securo, & iucundo. Quonquam enim la-

XXXIX.

Sic S. ille religiosus, cui Francisci nomen, cum Deo seruire cœpisset, grauissimis oculorum cruciatibus est ab Orco oppugnatus, ita vt ne minimum quidem lucis radium ferre posset. Inter quos dolores, cum oraret, de cœlo vox est ad aures eius talis allapsa: *Francisce, responde mihi, si tota terra esset aurum, & mare, & flumina, & fontes essent balsamum, & omnes montes, & colles, & lapides, essent lapides preciosi, & tu inuenires alium thesaurum tanto nobiliorem his omnibus, quanto est nobilius aurum, quàm terra, & balsamum, quàm aqua, & lapides preciosi, quàm saxa, & esset tibi datus pro infirmitate tua ille thesaurus tam charus, nonne deberes multum gaudere? Respondit S. Franciscus: Domine non sum dignus tam precioso thesauro. Et Dominus ad eum ait: Gaude nunc Frater Francisce, quia ille est thesaurus vitæ æternæ quem tibi reposui. Et ex nunc te inuestio, & ista infirmi-*

Ita ex Chronico Minorum recitatur in Spec. Exemp. De cœlor. glor. ex-emp. 8.

firmitas, & afflictio tua est arrha illius beati thesauri. Qua gemmarum promissione, Franciscus sensit salubrem oculorum suorum dolori factam medicinam. Maluit enim huius Mundi rudia saxa non aspicere posse, quàm excidere spe lapidum tam preciosorum, in cœlo videndorum. Alij ad

XL.

*Vincent.**Belluas.**L. 12. hist.**cap. 133.*

maiora, his cœlestibus gemmis sunt animati. Sæuiente enim magno, in Christianos, gentilium furore, inuenta est fœmina, quæ exemplo suo docuit, quid viros facere deceret. Siquidem Fides virgo à primis vnguiculis Christum amare consueta, atque, ob ipsam vitæ sanctitatem, ad Dacianum raptata, cum neque minis adduci posset, ad Christum negandum, neque blanditijs pellici, vt Ioues adoraret, mandato præsidis, distractis in diuersa mēbris, super cratem ferream dirissimè est extensa, subiectisque ardentissimis prunis lento cruciatu tosta. Quo in tormento, incredibili patientia constantiaque, multos ad Christum conuertit. Erat eo ipso tempore Caprasius, metu præsidis, non procul ab vrbe, in exesæ cuiusdam rupis antro absconditus: sed diuino beneficio vir ipse, quanquam alioqui sanctus, tamen à femi-

à femina ad fortiter subeundam mortem animandus. Ergo vniuersa diuinitus, quæ intra muros circa martyrem puellam gererentur, clarè videbat. Virginem igitur, tam immani crudelitate, vstulari conspiciatus, & tamen, defluente inter vehementissimos ardores carne, animum non defluere, nec fidem in Fide nutare; nixissimè Deum est precatus, vt sibi, tantæ fortitudini præmium paratum, ostenderet. Vix verba illius ad cœlum ascenderant, cum protinus vidit, niuis instar, candentem columbam de cœlo descendere, vnaque primæ formæ ephebum, & ipsum alis se se librantem. Ephebus stolam atque alia ornamenta miri decoris ferebat, quibus iacentem in igne virginem contegeret. Columba autem coronā gestabat auro gemmisque ita lucentem, vt Ariadneam illam, inter sidera conspicuā, pulchritudine vinceret. Hanc coronam capiti Virginis imposuit, iam etiam hac gemma radiaturam. Quin etiam ita circa cratem ignemque obvolauit, vt antiqui moris vnā credidisses. Nam concussu alarum balsami guttas, immo cœlestis roris tantam copiam in prunas effudit, vt ignis incendium, in balnei

balnei refrigeriū versum videretur. Quod cum conspexisset diuinitus in latibulo suo Caprasius, illico tantæ coronæ potiundæ amore incensus, è rupe profiliit, iam ipse sibi & tyranno rupes futurus. Quod & fuit. Nam tanta crudelitate à Daciano, ob Christi nomen est laniatus, vt inaudito patientiæ miraculo Primum & Felicianum fratres, illico fecerit Christianos. Itaque quatuor victimæ vno tempore ceciderūt. Quid dico ceciderunt? Vt gemmis coronarentur, caput cœlo inseruerunt. Quàm verè hi gemmas nouerant æstimare? Nos vitra, pro gemmis, more puerorum, eligimus. Iracundia noster est carbunculus; libido noster smaragdus; auaritia noster topazius; superbia noster amethystus. Ex his gemmis nulla lucebit in cœlo corona. Gemmæ martyrum illic nascuntur, quibus patientia, quibus castitas, quibus liberalitas, quibus humilitas coronetur. *Nemo enim dicat, ait S. Augustinus, quod temporibus nostris Martyrum certamina esse non possint. Habet enim & pax nostra Martyres suos. Nam iracundiam mitigare, libidinem fugere, iustitiam custodire, auaritiam contemnere, superbiam humiliare, pars magna martyrij est.*

Caput

*S. Augu-
stinus
serm. 250.
de Temp.*

Caput VII.

QUANTO SECVRIOREM SVIS AMICIS

DEVS IN COELO, QVAM REGES IN LABYRINTHO, fecerit habitationem?

S. I. *Labyrinthi, aliæq; munitiones hominum, in qua nam re cedant munitioni cœlesti?*



INTER præcipuas *Labyrinthi* constituendi causas, fuit securitas habitandi: ad eum enim, tanquam ad asylum, mortales cōfugerunt.

I.

Ægyptius ille *Labyrinthus* eiusmodi mobilis fuit compositus, *quas dissolvere ne secula quidem possent*, ait Plinius. Quare id opus, ob præclaram ipsius munitionis firmitatem, Heracleopolitis mirè inuisum extitit, & diu frustra infestatum est. Itaque tutissimè in eo, velut testudo intra tegumen, habitauerunt & reges ipsi, & eorum præfecti intimique, & mortui quoque, quos charissimos habebant, quibusque ibi sepulturas extruebant, & denique ipsi Dij, quorum magnificæ ædes, aræ, statuæ, ac templa eodem loco cernebantur. Fuitq; hic omnium ferè regum ac principum mos, vt sibi de secura habitatione prospicerent, atque Achiuos, vt in veteri prouer-

*Plin. l. 36.
Nat. hist.
cap. 13.*

N

bio

bio est, de turre iudicarent, tuti scilicet eos, qui periclitarentur. Quam ob causam pleræque nobilium ac magnatum arces editioribus locis ac montibus olim imponebantur. Quin & ipsæ mulieres sceptro potentes id operam dederunt, ut ibi domos haberent ac palatia, quò hostibus accessus non esset. Ita Minerua illa Poëtis celebrata femina altas Atheniensium arces condidit, ut in eas se ipsam condere posset. Ita mænia ac muri Semiramidis Babylonì circumdati celebrantur; & adeò etiam adagio locum dederunt. Ita Herodotus, & Xenophon testantur, ab insignis animi regina Nithocri, incredibili labore, & noua industria, Euphratem (specie quadam *Labyrinthi*) per anfractus, circumductum adeò feliciter, ut eandem urbem Babylonem reddiderit inexpugnabilem; si quidquam in hac vita inexpugnabile reddi posset. Siquidem Cyrus postea Euphratem in varios riuulos ita deduxit distraxitque, ut facilè traijci posset. Quo pacto, postquam flumen cepit, etiam urbem cepit & occupauit. Nimirum nihil humanis manibus factum est, quod humanis manibus non itidem destrui possit. Solùm æterni

*Catull de
Nupt. Pe-
les &
Ther.*

*Herodot.
lib. 1. Xe-
noph. l. 7.
de Cyr.
insistunt.*

æterni opificis opus est æternum. Quā-
vis fabulosa antiquitas nec ipsi quidem cæ-
lo omnem concesserit immunitatem.
Nam gigantes, egregia terræ soboles, supe-
ros aggressi sunt;

Neue foret terris securior arduus æther:

Ouid. l. i.

Affectasse ferunt regnum cæleste Gigantes,

Metam.

Altaq; congestos struxisse ad sidera montes.

Verum hæc fabula aut ad illos gigantes *Gen. II. 1.*

respicit, qui in terra Sennaar, turrin Babel
moliti sunt; aut à Lucifero ceterisque spi-
ritibus Apostatis qui in cælo sunt tumultuati,
originem traxit. Ex eo tempore
cælum omne est & ab expugnatione ex-
terna, & ab intestinis seditionibus perpur-
gatum; neq; posthac quidquam aut quod
sit *coinquatum*, aut quod coinquare
possit, illuc introibit. Quæ profectò non
minima est laus beatæ illius habitationis.

Apoc. 21.

27.

Turres, arces, mænia, *Labyrinthi*, & quid-
quid in humanæ salutis munitionem est
extructum, si extra fumum & vndam fuit,
si non ab hoste alio, saltem ab antiquita-
te potuit expugnari. Cælum domus est
amænitatis, securitatis, æternitatis. Mu-
nitissimum Ilium decimo anno est ab obsi-
dentibus & insidiantibus Græcis captum.

N 2

Cœ-

Cœlum nullus vnquam hostis occupabit.

Pf. 144. 13. Regnum tuum, regnum omnium seculorum. & dominatio tua in omni generatione, & generationem.

§. II. Scripturæ sacre testimonia cœli securitatem indicantia.

III. Ibi ciuitas supra montem posita est, vt ipse

Matth. 5. 14. eam loci situs defendat. Ibi sapientissimum & potentissimum ciuitatis Præfectum dedit Deus Christum *in ciuitatem munitam, & in columnam ferream, & in murum areum.*

Ierem. 1. 18. Quapropter porta inferi non praualebunt aduersus eam. Infixa capiti Christi spinea corona, fixum illius & æternum regnum significauit. Nemo enim melior est custos,

Matth. 16. 18. quàm ille: *Nisi Dominus custodierit ciuitatem, frustra vigilat, qui custodit eam.* Fuit & Hector ciuibus pro muro: sed & murus, & Hector deiectus est. Spartani vrbi suæ mœnia non circumdederunt, vt ipsi pro mœnibus essent, sed sæpe vrbs illa & viris, & mœnibus destituta est. Vrbs cœlestis, in qua Deus dedit Christum *in columnam ferream, & in murum areum,* ita munita est, itaque custoditur, vt ne spes quidem sit hostibus illuc accedendi. Id ipsum etiam alij

Pf. 126. 1. agno-

agno-

agnouerunt, & de periculis huius vitæ il-
luc anhelantes latissimè exultauerunt.

Quàm magna multitudo dulcedinis tuæ, Do- *Ps. 30. 10.*
mine, ait Dauid, quam abscondisti timentibus
te? Perfecisti eis, qui sperant in te, in conspectu
filiorum hominum, dolores multiplicantiū,
vt videant contra sua flagella, esse tua so-
latia. Abscondes enim eos in abscondito faciei
tuæ à conturbatione hominum. Proteges eos in
tabernaculo tuo, à contradictione linguarum.
Benedictus Dominus, quoniam mirificauit mi-
sericordiam suam mihi in ciuitate munita; ad
quam nihil penetrat mali. Et ad hanc et-
iam alibi anhelans, clamat: Quis deducet *Ps. 59. 11.*
me in ciuitatem munitam? Quamquam hæc
verba Euthymius, Theodoretus & Basi-
lius interpretentur, esse votum populi de-
tenti in captiuitate Babylonica, & redire
cupientis Ierosolymam, quæ fortissimis
erat mœnibus cincta ac vndique optimè
munita. Quæ ipsa terrestris Solymæ mu-

IV.

nitio, figura erat munitionis cœlestis. Hæc
siquidem longè præstantior est, quàm &
illa, & quæuis alia, quæ à prophetante Da-
uide per *ciuitatem munitam* potuit intelligi:
nempe vel vetus illa Roma à robore dicta,
vel Constantinopolis *noua Roma* appellata,

N 3

in qui-

in quibus ciuitatibus Christianum nomen, robur ac potentia maximè eluxit. Monstrata est hæc cœlestis ciuitatis muni-

Apoc. 21. tio etiam S. Ioanni: *Et erat structura muri eius ex lapide iaspide.* Sic nempe per alium

Isa. 54. 12. Prophetam erat promissum: *Ponam iaspidem propugnacula tua.* Scilicet lapis non modò clarè pellucidus, & amœnè virens, sed etiam firmissimus est *iaspis*, vt tradit

Plin. l. 37. cap. 8. Plinius. Quamobrem lapis, è quo muri ciuitatis illius assurgunt, non tantùm significat vrbs claritatem eximiam, & delicias ac venustatem, sed etiam diuinam quandam & inexpugnabilem firmitatem, qua defenditur & roboratur. Quin creditum est ab antiquis, *iaspidem vim habere fugandi demones ac phantasmata, & esse presens contra venena & veneficia amuletum.* Verba

Dioscor. lib. 5. cap. 160. Dioscoridis sunt: *Omnes iaspides amuleta esse traduntur.* Et S. Hieronymus, *iaspis, inquit, est sinaragdi habens similitudinem, quo omnia phantasmata fugari autumant, vocatur grammæas.* Quod sumsit ex Plinio Hieronymus, non tanquam crederet, sed vt vulgi opinionem recitaret: quocirca re ipsa superstitiosum vocat Isidorus. Fortè inde ortum est, quòd *iaspis* stomachum confir-

confirmet, teste Galeno: at languentes Galē. l. 9. Simpli-
cium. stomacho, sæpe existimant se philtis, aut veneficijs in eum languorem fuisse perductos. Et si vel maxime tota hæc *iaspidis* virtus ficta foret ac fabulosa: tamen solent se diuinæ litteræ in symbolis sæpe communi hominum sensui, ac opinioni accommodare. Itaque *structuramuri* cœlestis esse dicitur *ex lapide iaspide*, quia inde dæmones procul abarcentur, & cum dæmonibus omne genus veneni ac tempestatum. *Proteges eos in tabernaculo tuo, à contradictione linguarum*, ait: quia hîc Deus permittit linguis impiorum habenas, vt etiam hominibus sanctissimis contradicatur. Hac illi via peruenire debent ad *tabernaculum protectionis*; sicut & impios maledica lingua ad dæmonum flammās perducit, quorum idiomate vtuntur. Nullus enim prorsus est in via ad cœlum, cuius lingua tanquam *sepulchrum patens*, aut infernus, maledicta, detractionesque cruciat.

S. III. *A quibusnam rebus cœlesti regie habitatores præ terra incolis sint securi?*

Dum igitur linguæ istæ flammās merentur, & æternam maledictionem, alios

V.

N 4

ad cœ-

ad cœlum promouent, immo eò aspirare faciunt, vbi erit *secura, protectio à contradictione linguarum*. Hac ipsa de caussa, in perlustranda illa *ciuitate noua ac munita, mare*

Apoc. 21. 1. non comparebat. Ait enim Apostolus: *Et vidi cœlum nouum, & terram nouam*. Cur nouum cœlum, & nouam terram! *Primum enim cœlum, & prima terra abiit, & mare iam non est*. Quibus verbis Beda arbitrat

*Beda. in
epist. 2.
Petr. c. 3.*

tur doceri, post diem iudicij, *mare omnino siccandum esse & abolendum*; quin & ignem periturum autumat: cum S. Ioannes hîc tantum cœlum, id est, aërem, & terram nominet, quasi hæc duo ex elementis sola sint mansura & renouanda. Eodem col-

*S. Augustinus lib.
20. Ciuil.
cap. 16.*

lineat Sanctus Augustinus, illa verba, *Mare iam non est*, sic exponens: *Vtrum maximo illo ardore (conflagrationis Mundi) siccetur, an & ipsum vertatur in melius, non facile dixerim: fortasse tamen maris nomine intelligitur hoc seculum turbulentum & procellosum*. Ita planè intelligitur, si pluribus subscribimus. Nec enim quartum elementum ad Vniuersi perfectionem necessarium tunc tolletur; sed *non est*, id est, non erit, scilicet tale, quale fuit vetus illud crassum, turbidum, procellosum, perpe-

• tuis

tuis fluctibus & æstu agitatum. Itaque erit non minùs, quàm cœlum & terra, *nouum*, purum, pellucidum, quietum, serenum, ut iam non videatur esse *mare*, sed amœnissimè lucens crySTALLUS. Quod si in *mari* fiet, quid in cœlo fiet? Nouum cœlum, & *noua terra*, & nouum *mare*, & nouus ignis. Quia ille tunc ignis neminem lædet, neque æstum, aut sudorem creabit, sed diuini amoris incendio innoxio omnes beati iucundissimè ardebunt. Tunc in illud infinitæ bonitatis, potentiæ, sapientiæ pellucidissimum mare, sancti se totos immergent, neque quidquam falsedinis, aut fluctuum, aut tempestatum sentient. Non erunt ibi isti inflati Æoli, in quibus cum, vix vlla sit mica scientiæ, aut gutta boni sanguinis, aut vmbra virtutis, audent tamen spirare minas, promittere Aquilones, iactare tonantia verba, & nescio quas parare nubes contumeliarū, cum ipsi tanquam spurcidici, blasphemæ, impij, detractores, & alienæ famæ interfectores digni essent, de quibus omnia fora, omnes anguli, omnes mensæ loquerentur. Non erunt ibi Tritones, non Palæmones contra eos ipsos tuba canentes, ante quos paulo post

supplices iacebunt mendicantes. Nouum igitur *mare erit*. Nunc enim ista in mari monstra inueniuntur. Sic & *noua terra*, tunc erit. Nunc in terris corpora varijs laboribus premuntur, doloribus vruntur, mortibus conficiuntur: tunc sine his rebus illa *terra noua erit*; quia laboribus quies, doloribus impassibilitas, mortibus immortalitas succedet. Sicut & nunc in Ecclesia militante *cælum* quidem est, & quoddam regnum Dei, sed in hoc cælo sollicitudo animarum, pugnae, laboresque inueniuntur: tunc *cælum nouum erit*, vbi hæc sollicitudo non erit; nec procellosum *mare* erit, impijs in infernum relegatis, qui tot motus & fluctus in sanctos identidem excitauerunt. Ibi nullus persecutor, nulli metus, nullæ formidines, nulla pericula, nulla naufragia timebuntur. Nimirum, quia sancti perpetim aspicient Numinis vultum, illum, inquam,

Virgil. I.
Æneid.

VI.

Apoc. 21.

3.

Quo vultu cælum tempestate sęq. serenat.

Et erit tabernaculum Dei cum hominibus, & habitabit cum eis. Et ipsi populus eius erunt, & ipse Deus cum eis erit eorum Deus: & absterget Deus omnem lachrymam ab oculis eorum: & mors ultra non erit, neque luctus, neque clamor,

mor, neque dolor erit ultra, quia prima abierunt. Delebit enim, vt Tertullianus scribit, Deus omnem lachrymam ab oculis eorum; utiq³ ex ijsdem oculis, qui retro fleuerant, quiq³ adhuc flere potuissent, si non omnem lachryma imbrem indulgentia diuina siccaret. Atque hoc est, quod Isaias promisit: Precipitabit mortem in sempiternum, & auferet Dominus Deus lachrymam ab omni facie, piorum scilicet. Nam apud impios erit fletus & stridor dentium, qui intempestiuo risui eorum, & cacinnis succedet, vt ex Democritis faciat Heraclitos: cum è diuerso sanctorum lachrymæ in risum & lætitiā conuertentur. Quare rectè S. Bernardus: Felices, inquit, lachrymæ, quas benigna manus conditoris absterget: & beati oculi, qui in talibus liquefieri fletibus elegerunt; quàm eleuari in superbia, quàm omne sublime videre, quàm auaritiæ & petulantia famulari. Si enim, teste Euagrio, præstat in storea securè agere, quàm in lecto aureo perturbari; profectò longè erit optabilius, in aurea illa cœli quiete securè agere, quàm in terreis his storeis perturbari. Vt enim perturbationes hîc non desunt, ita nec ibi deerunt securitates. Est quippe securitas, perfecta quies animi à timore. Cum igitur

*Tertull.
de Resur-
rect. car-
nis c. 58.*

Isa. 25. 8.

*S. Bern in
Declam.*

*Ant. &
Max.
Serm. de
securi-
tate.*

*S. Thom.
2. 2. q. 129.
art. 7.*

VII

igitur nihil ibi possit timeri, hîc inter spem & metû semper versemur, facilè apparet, quid sit præferendum. Nulla securior, aut à timore remotior sedes est, quàm quò neque malum, neque periculum mali potest accedere. Talis nulla sedes in terris reperitur. Ad eam enim sedem pertinet, vt corpus ita custodiat, ne morbi, ne dolores, ne mors ipsa possit illud infestare. Siquidem morbi & dolores, & mortes non parvæ sunt miseriæ, sed mala sunt non permittentia securitatem. Pertinet deinde etiam ad talem sedem, ne ibi maledictionis, ne contradictioni, ne peccato sit locus. Cum enim & conuicijs proscindi sit molestum; & peccatis contaminari miserum, immo cum peccatum sit ingens miseria, & malum maximum, quomodo potest videri securus, ne dum beatus, qui à summo malo occupatur? Pertinet denique ad talem sedem præter Dei summi boni cognitionem & amorem, gaudiumque & voluptatem inde natam, vt hæc omnia ibi ita possideantur, vt amitti nulla vi, nulla fraude, nullis inuidijs, aut insidijs, nulla temporum diuturnitate possint. Si enim amitti possint, sollicitudines, velut vespæ caput

VIII.

caput circumuolantes, anxietatem continuam inferent, neque sincerè secureque delectari sinent possessorem, ipsa amissione boni, atque impendentis mali expectatione suspensum. In hac igitur terra nequit vera esse securitas. Nullus enim ex rata naturæ lege, potest sine morbis, sine dolorib., sine curis viuere, & tandem, cum Mors venit, etiam *in medio Tibure Sardinia est*. Nullus quippe tam salubris est aër, qui mortem excludere: nulla tam felix regio, quæ facere possit immortalem. Quod si bona quædam gaudiaque nonnunquam, occurrunt, sunt ea profectò tot casibus obnoxia, tot malis, totque amaritudinibus permixta, tot peccatis implicata, ut nulli, nisi stultissimo, secura esse videantur. Et super hæc omnia, quidquid tandem, sint, quantumcunque etiam plus aloës, quàm mellis, plus periculi, quàm securitatis habentia nonnullos decipiant, ad extremum tamen cuncta bullæ, aut somnij instar desinunt & euanescent. In cælo omnia secus habent. Ibi non modò morbi, aut pestes nullæ grassantur, neque dolores existunt, aut lachrymæ exiliunt; sed etiam, quæ in hac vita excussæ fuerunt, dulcissimè

mè absterguntur ; timores longissimè pelluntur, peccata à nullo committuntur ; termini denique bonorum nesciuntur.

IX.

S. Augu-
stinus lib.
Meditat.
cap. 25.
Thom. de
Kemp.
lib. 2. de
Imit. cap.
48.

Speciosa facta es, & suavis in delicijs tuis mater Hierusalem, ait S. Augustinus, Nihil in te tale, quale hîc patimur: qualia in hac misera vita cernimus. Non sunt in te tenebra, aut nox, aut quælibet diuersitas temporum. Et alius vtramque inter se vitam comparans ait: Non runt cœli ciues, quàm gaudiosa sit illa: gemunt exules filij Eue, quòd amara & tædiosa sit ista. Dies huius temporis parui & mali, pleni doloribus & angustijs: ubi homo multis peccatis inquinatur, multis passionibus irretitur, multis timoribus stringitur, multis curis distenditur, multis curiositatibus distrahitur, multis vanitatibus implicatur, multis erroribus circumfunditur, multis laboribus atteritur, tentationibus grauatur, delicijs enervatur, egestate cruciatur. O quando finis horum malorum: quando liberabor à misera seruitute vitiorum; quando memorabor Domine tui solius? quando ad plenum laborabor in te? Quando ero sine omni impedimento in vera libertate, sine omni grauamine mentis & corporis? Quando erit pax solida, pax imperturbabilis & secunda, pax intus & foris, pax ex omni parte firma? Jesu bone, quando stabo

*stabo ad videndum te? quando contemplabor
gloriam regni tui? quando eris mihi omnia in-
omnibus? O quando ero tecum in regno tuo, quod
preparasti dilectis tuis ab aeterno? Relictus sum
pauper & exul in terra hostili, ubi bella quoti-
diana & infortunia maxima. Quæ vel hoc
ipso hîc sunt relicta, vt illuc ad securitatem
aspiremus. Quia, vt S. Bonaventura loqui-
tur, ibi liberi erimus ab omni iniuria, violen-
tia, culpa & miseria. Hîc in exilio sudamus,
& si sapimus, ab Ægypti seruitute, ad liber-
tatem anhelamus. Sic enim est, vt Augu-
stinus canit:*

*S. Bonav.
in Stim.
cap. 20.*

*S. Augu-
stinus lib.
Medit.
cap. 26.*

*Ad perennis vitæ fontem, mens sitiuit
arida.*

*Claustra carnis præsto frangi clausa queris
anima.*

Gliscit, ambit, eluctatur exul frui patria.

*Dum pressuris ac ærumnis se gemit obno-
xiam.*

*Quam amisit, cum deliquit, contemplatur
gloriam.*

*Præsens malum auget boni perditionis memo-
riam.*

Si Augustinus nimis sanctus est, Egesistra-
tum Eleum imitemur, qui, vt de eo refert
Plutarchus, à Lacedæmonijs captus, & in
vincu-

X.

*Plutarch.
in Laco-
nic.*

vincula coniectus, rem fecit vniuersæ posteritati admirandam. Quippe ita captiuitatem oderat, itaque libertatis erat amans, vt, cum ferratis soleis vinctus esset, neque se compedibus aliter eximere posset, dimidiatum pedem absciderit, atque ita, destructo charissimo ambulationis instrumento, non tam è miserijs exierit, quàm euolârit. Abscindamus & nos *affectuum prauorum pedes*, & membra socio- rum inutilium, quibus malè sulti in terris, in timoribus, in periculis, detinemur. Ex-

Matth. 5.
30.

Persius
Sat. 1.

pedit enim nobis, vt pereat vnum membrorum nostrorum, quàm totum corpus nostrum eat in gehennam. Abscindemus autem haud illibenter, si *quantum in rebus inane* sit, quantumque in dulcedine Mundi admixtum, inueniatur fellis & aceti, perpendamus. Quam vel vnicam ob causam meritò Deus fausta Mundi infaustis, dulcia amarioris, iucunda tristibus permiscuisset. Vt enim grandescentem puerum mater à lacte & vberib., absinthio mammillis illito, abarcet, ita diuinum Numen multa tetra esse in hac vita permittit, ne dulcedine illius capiamur. Nunquam certiùs capimur, quàm cum rerum terrenarum amore in-
arde-

ardescimus & colliquescimus. Nunquam ab hoc tam noxio amore & ardore citius liberamur, quàm si calor ille tam perniciosus in nobis, affuso rerum tristium aceto, refrigeretur ac restinguatur. Vtriusque rei similitudinem in historijs bellicis legimus. Etenim *Athenocles oppugnatus*, cum *hostes testudinibus admotis quassarent mœnia*, è mœnibus liquefactum plumbum æreis vasis desuper effundebat, quo testudo dissoluta est. *Hostes autem, cum testudine de turribus adductis acetum infundebant, plumbumq; & quacunque alia candentia de muris demitterentur, restinguebant*, (etenim ad extinguendum ignem aptissimum esse acetum videtur: optimum verò impedimentum ignis inunctum acetum, minimè enim ignis in eo potest hærere) & spongia aqua plena appensa. In hunc modum & ignibus arcebant oppugnati, & ignes aceto arcebant oppugnantes. Nos in regno cœlorum, quod vim patitur, oppugnando haud aliter citius reijcimus, quàm si Stygius Alastor liquefacto nos grauissimè prementis terreni amoris plumbo incendat. Sed ad plumbeum illum calorem restinguendum nihil tam aptum est, quàm calamitatum, & rerum aduersarum, quæ

*Polyan.
lib. 6.
Strateg.*

XI.

O

ple-

plenis dolijs in hunc Mundum aduehuntur, acetum. Quod si quis deesse putat, cogitet quoties domi parentes, foris cognatos, immo amicos & inimicos, de innumeris casibus aduersis, audiuerit quiritantes. Ego vnico argumento ostendo, immo Deus ipse vel nunc quotidie ostendit, quantis vel vicinia, immo tota penè Bauaria, & Bauariæ adlita loca sint miserijs oppleta. Nam postquam per sanctos illos Oëttingenses ob fidem patria extorres denuo Deus cœpit miracula, & admiranda hominibus beneficia liberaliter exhibere, adeò vt nō solùm in templo, & ad cineres, ac ossa, sed etiam ad ipsum eorum fontem, quotidie ægri recipiant sanitatem: nonne per tot iam menses singulis diebus, immo horis vndique concurritur, vel ab ijs, qui ipsi morbo afficiuntur, vel ab ijs, qui morbidorum iussu eò mittuntur, vt aquam inde salutiferam afferant? Et quidem ita concurritur, vt qui rem oculis spectat, sicut nos spectauimus, & spectamus, nec satis mirari possit, tam modici fontis aquam tot hydrijs, lagenis dolijs implendis sufficere; nec satis capere, tot ægrotos in vna regione reperiri. In hac ergo lachrymarum
valle

valle sumus: vbi tot morbi sunt. Hoc est terræ nostræ acetum.

S. IV. *In cælo non esse tristitiam, aut dolorem; neque tristani aut dolendi causam.*

Sapienter dixit Salomôn: *Musica in luctu importuna narratio.* Sicut enim famelico cibum quærenti importunus & molestus est longus fabulator, qui verbis vult pascere esurientem; ita prorsus odium pro præmio reportat, quicumque delicias facit, tempore luctuoso. Ea propter *L. Fulvius argentarius*, teste Plinio, bello Punico secundo, cum corona rosacea interdum è pergula sua in forum prospexisse dictus, ex auctoritate Senatus in carcerem adductus, non ante finem belli emissus est. Non debebat scilicet tempore belli tam periculosi coronam gerere, & ante victoriam triumphare: nec decens erat, tunc inter rosas se iactare, cum Resp. inter tot plagas gemendi potius, quàm bibendi ludendique causam haberet. Ad

XII.

Eccl. 22. 6.

Plin. l. 21. hist. Nat. cap. 3.

XIII.

Clemens Alexandrinus Psd. 11. cap. 8.

cundem modum *Insanum est*, inquit Clemens Alexandrinus, nos qui Christum spinis coronatum audiuimus, quasi venerandis Domini cruciatibus illuderemus, redimiri floribus; & quidem tum aliàs semper, tum ve-

Rom. 12.
15.

XIV.

Jacobus
Gretserus
lib. 2.
de Bene-
dictionib.

rò maximè inter pœnitentiæ & sacrosan-
ctæ Passionis tempora. Si enim *gaudendū
est cum gaudentibus, flendum* erit etiam vti-
que *cum flentibus*, & cum Christo aut Chri-
stianis lugentibus lugendum. Quæ cum
ita sint, mirari quis meritò posset, cur Ec-
clesia, cū aliàs sæpe in ipsa tristitia lætitiæ
faciat mentionem, tum etiam in medio
quadragesimæ, & ipso, vt ita dicam, lugen-
di meditullio, *Letare* suū instituat? Enim-
uerò etiam *rosas* tractet, cum foret de spi-
nis Christi cogitandum. Siquidem ea ipsa
Dominica die, vti videre est apud Iacobum
Gretserum; summus Pontifex Romæ sol-
leni ritu *Rosam* benedicit. Verū nihil
adeò insolens ea re facit Ecclesia, non e-
nim vult nos hoc vel tempore, vel mise-
riarum loco, à luctu abducere, sed ad con-
stanter lugendum etiam atque etiam ani-
mare. Quemadmodum enim præda mi-
litem, victoria ducem accendit ad fortiùs
præliandum; ita spes lætitiæ in cœlo adipi-
scendæ, incredibilem vim habet ad nos
excitandos; vt luctus & squallores, & mœ-
rores, & lachrymas, & tristitias, & omnia
mala, quæ in vita hac occurrunt, alacri læ-
toque animo sustineamus. Hinc à cœlesti
illa

illa Hierusalem exulantes, & suspirantes
 Propheta consolaturus, inquit: *Venient in* Isa. 35. 10.
Sion cum laude, & letitia sempiterna super ca-
pita eorum: gaudium & letitiam obtinebunt;
& fugiet dolor & gemitus. Longè aliter e-
 nim verus Deus remunerat sibi appropin-
 quantes. Olim in prouerbio dicebatur,
 qui *procul à Ioue, procul à fulmine*: at nunc
 nemo magis procul est à fulmine, quàm
 qui non est procul à Ioue; vt sunt vel ma-
 ximè beati. Audiamus igitur quantus no-
 bis post hæc nubila Phœbus sit effulsurus,
 hoc est, quanta sit eorum lætitia, quanta
 securitas, quæ & *sempiterna* futura dicitur,
 & dolore ac gemitu omni caritura. Laby- XV.
 rinthus, de cuius securitate huc vsque
 differuimus, in Ægypto fuit. Celebra-
 tur autem Ægyptus à perpetua cœli se-
 renitate. Cum enim ad eam irrigandam
 Nilus quotannis fertilissimè inundans
 sufficiat, nullæ ibi nubes cœlum contra-
 hunt; neque clarissimam solis lucem,
 imber vllus obscurat. Pari modo in cœlo
 æternum quoddam serenum est. *Iam enim* Cant. 2. 11.
hyems transijt, imber abiit & recessit: neque
 opus est irrigatione lachrymarum. Ibi e-
 nim non Nili, sed felicioris *fluminis impetus* ps. 45. 8.
lati-

latificat ciuitatem, cum huc ad nos in terras vix quidam riuuli, immo vix quædam stillæ & guttæ perueniant gaudiorum. Atque hic ipse lætitiæ *impetus*, & gaudiorum magnitudo facit, vt ibi neque lachrymis sit locus, neque tristitiæ. Summo enim gaudio, quod per *fluminis impetum* significatur, etiam minimum tristitiæ repugnat: neque magis simul consistere possunt, quàm lux & vmbra. Quare nec timor, qui solet esse tristitiæ parens, nec dolor locum obtinet in cœlesti hoc solo. Timorem ibi non esse, ex se clarum est: Nam, perfecta charitas ibi est; at *perfecta charitas foras mittit timorem*, tota scilicet in amando occupata. Quid autem, aut cur sancti tristarentur? *Inebriabuntur ab vbertate domus tuæ, & torrente voluptatis tuæ potabis eos*. Ebrij non possunt esse tristes: *vinum* quippe *latificat cor hominis*: hinc clamant, hinc cātant, hinc saltant ebrij, omnis mœroris & calamitatis obliti. Itaque vt & in cœlo clament, cantent, atque exultent; *inebriabuntur ab vbertate domus tuæ, & torrente voluptatis tuæ potabis eos*. Hic torrens voluptatis, hæc gaudiorum tanta vbertas, cum tristitia minùs potest consistere, quàm dies cum

1. Io. 4. 18.

Psal. 35. 9.

Eccli. 40.

20.

cum nocte, flamma cum aqua, mors cum vita. Ut enim dies noctem, sic lætitia fugat tristitiam. Quod Isaias non tacuit. *Venient, inquit in Sion cum laude, & lætitia* *Isa. 35. 10.* *sempiterna super capita eorum: gaudium & lætitiam obtinebunt; & fugiet dolor & gemitus.* Itaque expellit ibi *gemitum* exultatio, & *dolorem* plenitudo voluptatis. Quid quod XVI. neque causa timendi, aut dolendi ibi vlla inuenitur? Vera enim ibi securitas est. Et enim si *securitas est, incommoditates imminentes & rei inchoata fines non formidare,* ut vult M. Tullius, profectò ibi securitas perfecta erit; vbi incommoditates nullæ imminebunt, & lætitia inchoata finem, nesciet: neque quidquam erit, quod possit quenquam contristare. Nam neque propria quisque, neque amicorum, neque Dei causa poterit in tristitiam doloremue cōijci; alterius autem rei causa nullius solemus vel tristari, vel dolere. Sunt igitur extra omnem teli iactum: nec vulgari anchora nituntur, qui æterna Dei charitate nituntur. Est sanè ita, tristitia omnis ex amore ortum habet. Nisi enim amaretur, bonum aliquod, non posset contrariū malum tristitiam generare. Quare tametsi

sancti in cœlo & sc, & alios, maximeque Deum incensissimè amant, eiusque honore vehementissimè delectantur, non possunt tamen, ob iniurias etiam atrocissimas, quæ vel nunc in terris illi irrogantur, vel in inferno per desperatissimas blasphemias & immanissima scelera inferentur, dolere; quantumvis eas non ignorent. Siquidem nec illud ignorant, nullum crimen tam nefarium, nullum flagitium tam immane esse atque desperatum, quod Deo nocere possit. Quin & istud quoque perspektissimum est illis, licet externa Dei gloria hominum peccatis obscurari videatur, tamen ex illis ipsis longè maius excellentiusque bonum in eiusdem nomen & honorem redundare. Est enim Deus ita sapienter potens, & potenter sapiens, ut possit ex malis ipsis bona elicere; facitque, ut ex offendentium malitia offensi virtus eminentissimè illustretur. Nam cum in hac vita impios scelera omnia exercere, ad multos sæpe annos, permittit, quos in primo peccato mille fulminibus perdere atque ad Orcum adigere posset, infinitæ benignitatis ac patientiæ suæ thesauros ostendit: cum autem eosdem post hanc vitam,

æter-

æternis supplicijs plectit, statuit luculentissima iustitiæ suæ monumenta. Hac de causa *Deus volens ostendere iram & notam* Rom. 9. 22. *facere potentiam suam, sustinuit in multa patientia vasa ira, apta in interitum, ut ostenderet diuitias gloriæ suæ in vasa misericordiæ, quæ præparauit in gloriam.* Igitur malū quod per peccata diuinæ gloriæ impingitur, ad eò copiosè aliunde compensatur, ut Diui cælitales, quamuis Dei feruentissimè amantes, non possint propter illa tristitiam sentire. Immo potius causa illis sunt maioris gaudij, propter maiora bona ex malis illis prouenientia. Plus enim gloriæ accedit Deo, ex manifestatione bonitatis, patientiæ, iustitiæ; immo & misericordiæ suæ, quàm deteratur & decedat per impiorum peccata. Nec frustra S. Paulus dixit, non solum *Deum, cum vellet ostendere iram & notam facere potentiam suam, sustinuisse in multa patientia vasa ira, apta in interitum,* sed etiam adiecit, id ipsum Deum fecisse, *ut ostenderet diuitias gloriæ suæ in vasa misericordiæ, quæ præparauit in gloriam,* hoc est, in sanctos, quibus Dei misericordia tanto erit amabilior, quanto videbunt Dei iustitiam in damnatis seueriorem. Immo id-

XVII.

O 5 circo

circo figulus ille diuinus quædam *vasa iræ* sustinet, vt ea postea confringens punientque, *vasis misericordie ostendat diuitias glorie suæ*; quæ *vasa* illum proinde in omni æternitate non modò à misericordia, sed etiam à virtute iustitiæ dilaudabunt. A misericordia quidem; quia vt S. Augustinus scribit: *ea potentia scientia, quæ magna in eis erit, non solum sua præterita, sed etiam damnatorum eos sempiterna miseria non latebit. Alioquin si se fuisse miseros nescituri sunt, quomodo, sicut ait Psalmus, Misericordias Domini in æternum cantabunt? Quo cantico in gloriam gratiæ Christi, cuius sanguine liberati sumus, nihil erit profectò illi iucundius ciuitati. Ibi perficietur: Vacate & videte, quoniam ego sum Deus. Quod erit ibi verè maximum Sabbathum, non habens vespèram.* Erit enim quies ab omni labore, & dolore. Et dolor ipse damnatorum eos delectabit: vt proinde & iustitiam diuinam laudent, eiusque se se laudibus sint oblectaturi. Sicut enim magni alicuius regis amici, aut milites ducem suum efflictim amantes, non dolent, sed potiùs eximiè gaudent & lætantur, si vident, aut à rege rebelles, aut à duce proditores, cum magna nouaque auctoritate,

& ex-

S. Augu-
stinus lib.
22. de Ci-
uit. c. 30.

Psalm. 88.

Psalm. 45.

& existimationis conseruatione, plecti; neque tam rebellantium, vel proditorum iacturam æstimant, quàm regis aut ducis amorem & honorem; ita sancti in cœlo, quoniam flagrantissimo Dei amore tenentur, neque ignorant illum tantis tamque innumerabilibus alijs bonis abundare, vt reproborum amissio non modò, comparatione illorum, nihili facienda, sed etiam in singularem iustissimi vindicis gloriam, sit cessura; tantùm abest, vt ex peccatoribus dolorem hauriant, vt etiam, causas inueniant sibi Deoque gratulandi. Hoc est, quod Dauid ait; *Latabitur iustus, cum viderit vindictam: manus suas lauabit in sanguine peccatoris.* ps. 57. II. Quanquam autem sancti illi XVIII. cœlites & dæmonum, & hominum flagitia maximo opere detestentur & oderint, est tamen illud odium, eaque detestatio sine omni dolore & tristitia in ipsis. Non enim necesse est hæc coniungi. Odit enim & Deus sine dolore peccatores, & eorum crimina sine tristitia detestatur. Nullam, quippe molestiam, nullam afflictionem ex consideratione mali Deus concipit, nec filij Dei diuini status participes. Aduersantur enim extremè mæror, aut animi afflictio,

flictio , & beatitudo. Quare si nonnumquam in diuinis litteris Deo dolor, tristitia, aut pœnitentia tribuitur , per metaphoram ista sunt intelligenda. Ex quibus manifestum est, beatos Dei causa non posse tristitiam pati : Sed velut intra suas præsepes constitutos, omnem à se se excludere mœrorem, atque ex ipsis etiam malis causam sumere lætandi.

XIX.

Sed neque amicorum, cōsanguineorum, vel ipsorum etiam parentum causa illos dolore afficiet. Maius enim erit in cœlo vinculum amoris, quo Deo, quàm quo veteribus amicis cōstringentur. Ibi pluris facient eum, à quo animam, quàm à quo corpus acceperunt; immo cuius prouidentia & ipsum corpus acceperunt, conseruarunt, atque ad tantam gloriam prouexerunt. Plus siquidem est esse filium Dei adoptiuum, quam hominis naturalem; & maius momentum est in hæreditate æterna virtutis, quàm in tēporanea carnis. Itaque apud Diuos haledonia sunt etiam ex hac parte. In suo regno sunt, non in regno affectuum prauorum.

XX.

Est sanè aliqua in Beatis erga propinquos & parentes amicosque affectio peculiaris, qua illorum salutē sitiunt prom-

mo-

mouentque: verum si eos exorbitare animaduertant, Deumque offendere, hostium & inimicorum loco habent, atque supplicij vel ipsi dignos iudicant; & ubi de eorum salute desperatum est, ipsi vindictam exigunt, ut & iustitiæ satisfiat, & Dei honor factus tectus conseruetur: spectant igitur interitus suorum, siccis oculis: & velut è terra, securi naufragia perire volentium intuentur. Cur enim in cœlo iustitiæ non sint amantiore, quàm quidam etiam Ethnici in terris? quibus longè maior legum, quàm fratrum parentumque amor fuit. Romulus transgressorem fratrem è medio sustulit: tantum abest ut eum funus fratrum luctu affecerit; etiam gaudius est, primum se iustitiæ exemplum in tam coniuncto sanguine edidisse. *Par Romulo gloria L. Brutus, quia ille urbem, hic libertatem Romanam condidit: filios suos, Tarquinij dominationem à se expulsam reducen-*
tes, summum imperium obtinens, comprehensos, proq; tribunali virgis casos, & ad palum re-
ligatos securi percuti iussit. Exiit patrem, ut consulem ageret: orbisq; viuere, quàm publicæ
vindictæ deesse maluit. Malunt ergo & sancti in cœlo vel filios, vel parentes suos, in

Deum

*Val. Max.
lib. 5. c. 8.
Liv. lib. 2.
Dionys. 5.*

Deum reos pertinacesque aspicere æternis ignibus addictos, quàm vt diuinæ iustitiæ honor obscuretur. Exuunt patrem, deponunt filium, vt Dei amicum agant.

Lin. lib. 2.

Dionys.

lib. 8. Lin.

l. 54. Cic.

de finibus

1. Auctor

de viris

illustrib.

cap. 72.

Front. lib.

4. c. 1.

Val. Max.

lib. 5. c. 8.

Salust. in

Catilin.

Dio. 37.

Sic & Cassius filium verberibus affectum necari iussit: & T. Manlius Torquatus ex se natum Silanum & Rep. & domo sua indignum iudicauit. Idem fecit M. Scaurus, & A. Fuluius vir senatorij ordinis, qui euntem in aciem filium retraxit. *Namq. iuvenem & ingenio, & litteris, & forma inter a-*

quales nitentem, prauo consilio amicitiam Catilinæ secutum, inq. castra eius temerario impetu ruentem, medio itinere abstractum, supplicio mortis affecit: prefatus non se Catilinæ illum aduersus patriam, sed patriæ aduersus Catilinam genuisse. Cur non & Diui cælitest amore tam ardenti beatæ suæ patriæ tenerentur, & eos, quos gloriæ diuinæ tuendæ propagandæque causâ genitos sciunt, contra eandem pugnantes gaudeant supplicijs castigari? vt in eis iustitia diuina resplendeat, qui diuinam misericordiam contumeliosè repudiauerunt? Nam prorsus est, quod vates dixit: *Latabitur iustus, cum viderit vindictam, lauabit manus suas in sanguine peccatoris.* Si enim Martius ille ani-

Pf. 57. 11.

mus

mus crudelitate eò progressus est, vt, conspecto humani sanguinis veluti lacu aliquo, *ô formosum spectaculum!* exclamaret: cur non sanctos diuini amoris ardentissimus zelus eò proueheret, vt iustissima Numinis sententia punitos sacrilegos & consccleratos non modò sine dolore, sed etiam cum delectatione intueantur? Itaque neque pater in cœlo tristitiam persentiscet, si conspexerit filium in Acherunte ardentem: neque filius, si in illis tormentis conspexerit patrem. Immo iudici ipsi astabit pater, & cum eo in filiũ, aut filius in patrem sententiã damnationis pronunciat; ac tormenta illi⁹, quantũuis immania atque æterna, lubenti calculo approbabit.

Sed satis est ostensum, sanctos in cœlo XXII.
neque amicorum causa posse affligi. Denique etiam à se in tranquillo esse, neque propria causa posse mœrorem capere, illud docet, quòd nihil illis queat mali accidere. Sunt enim infinitis bonis vndique circumuallati. Et tantis voluptatibus inundantur, vt si vel maximè ibi aliquid triste esset, quod esse non potest, illud non aduerterent aliunde absorbti. Nam vt, *Arist. 7. Ethic. 6. 616.*
Philosophus dixit, *Voluptas dolorem propul-*
sat

sat & eiicit, tum ea quæ contraria est, tum quælibet alia, si valida sit & vehemens. Valida autem erit ac vehemens beatorum voluptas, vt quæ etiam illam excedet, quam sumus ex propria felicitate capturi. Nam in cœlo plus, sine comparatione, gaudebimus de immensitate diuinæ potentia, sapientia, & bonitatis, ait S. Bonauentura, quàm de felicitate nostra. Et quia istud est excessiuum, sic absorbemur gaudio de felicitate diuina, & intrabimus in gaudium domini, intus & foris undiq; absorpti, & circumdati gaudio excessiuo. Nec mirum, quia plus sine comparatione nos diligit Deus, quàm nosipsi nos, & ideò sine comparatione plus dabit nobis gaudij & letitiæ, quàm sciremus, aut possumus petere, vel appetere. Sic ergo abundabimus, & superabundabimus gaudio: quia diligentes, & quia dilecti. Hæc ergo superabundantia gaudij non admittet dolorem: sicut vas melle repletum, & supereffluens, non potest locum dare humoribus amaris. Nimirum vbi omnia plena sunt bonis, omnia vacua sunt malis. Refert Ælianus Melanuros, cum placidum & quietum est mare, ad imam maris sedem in petris, aut algis tutos quiescere, tegumentoque protegi, quocunque corpus occul-

S. Bonau.
in Stemmu
lo diuin.
Amor.
cap. 20.

Ælianus.
lib. I. de
animal.
cap. 41.

Occultari potest. At verò cum ventis insanientibus aduersa tempestas procellas agit, & vastos ad littora fluctus volutans, longè resonante vnda, rupes tundit; piscesque ceteri trepidatione & formidine territi ex fluctuum impetu in altum descendunt, tum Melanuri noua fiducia implentur. Siquidem de quiete sua prodeunt, neque tantum inter procellarum luctas tuti natant, sed etiam ad ipsum littus appropinquant atque ad ipsas petras & extrema maris accedunt. Miro enim naturæ instinctu pernoscent, quo die, nocteue maris feritas & immanitas efferuescit, à piscatoribus non adiri mare. Sic & cum tranquillum, & cum turbulentum est pelagus, semper securitate perfruuntur. Est hæc haud obscura beatorum figura; qui etiam gaudent in aduersis, ne dum vt in secundis metuant. Nihil illis quies nocet, quia nunquam sunt otiosi. Nihil officit, quidquid in his terris, & in toto mundo turbatur; semper enim sciunt se & à vi, & à fraude, & ab omni genere insidiarum immunes. Immo in eo torrente voluptatis toti natant, quem nulli possunt vnquam venti agitare, nullæ hostiles manus infestant.

XXIII. stant. Quid multa? *Vera pax ibi est*, ait S.
S. Augustinus lib. 22. de civ. cap. 30. Augustinus, *ubi nihil aduersi, nec à seipso, nec ab alio quisquam patietur.* Et paulo post: *Atque id etiam beata ciuitas illa magnum in se bonum videbit, quod nulli superiori ullus inferior inuidebit; sicut nunc non inuident archangelis angeli ceteri: tanquam vellet esse unusquisque quod non accepit; quamuis sit pacatissimo concordie vinculo ei, qui accepit, obstrictus: quemadmodum nec in corpore vult oculus esse, qui est digitus, cum membrum utrumq; contineat totius carnis pacata compago. Sic itaque habebit donum alius alio minus, ut hoc quoque donum habeat, ne velit amplius. Non igitur dolebit. Immo ex quo alij dolent & inuident, ex eo ipso lætitiæ causam, eodem S. Patre teste, est habiturus.*

Idem lib. Meditat. cap. 26.

Nam & pectoris arcana penetrant alterutrū. Vnum volunt, vnum nolunt, unitas est mentium.

Licet cuiq; sit diuersum pro labore meritum. Charitas hæc suum facit, dum quisque amat alterum.

Proprium sic singulorum commune sit omnium.

Tantum itaque abest, ut vel alij alijs, vel sibi ipsis sint ibi molestiam creaturi, aut motum

motum liuoris iniecturi; vt potius etiam ipso iure *amicorum*, quorum *omnia sunt communia*, quidquid ipsi sunt possessuri, id etiam futurum sit ceterorum. Quid multa? ad aram confugerunt, lætitiæ, charitatis, incolumitatis. Si enim S. Rembertus Bremen-^{*Surin. 4. Februar.*}sis Antistes, cum victoriam contra Nortmannos precibus suis, velut nouus Moses, impetraret, id effecit, vt deinceps locus ille, in quo preces fuderat, semper vernaret cespite virenti lætus; cur in cœlo hanc semper vernantem viriditatem, omni hyemis tristitia ac niue exclusa, non effecisset Christus? *qui est ad dexteram Dei*, ^{*Rō. 8. 34.*} *qui etiam ibi interpellat pro nobis*, vt hîc hostes nostros strenuè vincamus. Erit ergo ea in cœlo securitas, vt neque nix, neque hyems, neque tristitia, *neq. luctus, neq. clamor, neq. dolor*, neque vlla istarum miseria-
rum caussa illuc possit penetrare. O *vita* <sup>*S. Augu-
stinus
Manual, cap. 7.*</sup> *vitalis, vita sempiterna, & sempiternè beata!* *Vbi gaudium sine mœrore, requies sine labore,* *dignitas sine tremore, opes sine amissione, sani-
tas sine languore, abundantia sine defectione,* *vita sine morte, perpetuitas sine corruptione,* *beatitudo sine calamitate, ubi omnia bona in
charitate perfectæ.* Et vtique ibi perfectæ est

charitas, vbi Deus ita diligitur, vt non possit offendi: vtique summa securitas, vbi ne periculum quidem est periclitandi. Neque enim in vado, sed in portu sunt sancti, quorum lætitia, si quis vult perfrui, nequaquam debet, quidquid est in hac vita triste & horridum, declinare. Melle fel alitur: & dulcia rebus amaris comparantur. Dies lætitiæ sequentur, si dies pœnitentiæ præcesserint. *Qui seminant in lachrymis, in exultatione metent.* Qui autem nunc intempestiuè exultant, serò nimis lachrymas seminabunt.

Ps. 125. 6.

Caput VIII.

LABYRINTHI MVNITIONIBVS COELVM ETIAM IN HOC PRAESTARE, QVOD NIHIL IBI PECCETUR.

S. I. *Beati in cælo à peccatis, sicut quidam in nonnullis terris à veneno, immunes celebrantur.*

I.



Ingulare in Christo etiam illud fuit, quòd vel ipsis suis aduersarijs fidenter dicere auderet:

Jo. 8. 46.

Quis ex vobis arguit me de peccato? Arguere geminum habet sensum; nam & accusare significat, & convincere. Non igitur, cum Christus dicit, *Quis ex vobis arguit me de*
pec-

peccato, sensus est, *Quis accusat?* Nam sanè Christum & de *blasphemia*, & de *seditione*, & de multis alijs rebus accusauerunt; sed falsò. Non enim conuincebant. Sed neque conuincere poterant. Quo proinde sensu meritò dixit: *Quis ex vobis arguit me de peccato?* Nam multis ille titulis peccati incapax fuit. Fuit enim Deus, cui peccare non magis conuenit, quàm non esse Deū. Fuit etiam filius Dei, cui vel hoc titulo debebatur protectio contra omne peccatum. Fuit denique beatus; at cum beatitudine summo bono, nequit peccatum summum malum consistere. Rectè ergo dixit: *Quis ex vobis arguit me de peccato?* Quoniam autem & homines in beatitudine constituti, veluti *Dij* quidam, efficiuntur; quibus tanquam filijs Dei ad hæreditatem iam admissis summa illa protectio contra peccatum debetur, dicam nunc, quo pacto etiam ceteri beati in cœlo sint à peccato immunes. Inter maxima enim bona Beatorum, numerandum est & illud, quòd non modo à miserijs omnibus securi sint, sed etiam à peccato, quod est causa omnium miserationum. Ita enim Deus cœlum muniuit, vt illuc pec-

IL

cato nulli sit accedendi facultas. Celebrantur, qui in Marſis nati ſunt, alijsque nonnulli, quòd à veneno ſint immunes; quantò æquius eſt ſanctos celebrare, qui à peccato ſunt immunes, diriffimo omnium venenorum? Sed Plinium audiamus. *Crates Pergamenus, in Hellesponto circa Parium, genus hominum fuiſſe tradit, quos Ophiogenes vocat, ſerpentum ictus contactu leuare ſolitos, & manu impoſita venena extrahere corpori. Varro etiam nunc eſſe paucos ibi, quorum ſaliua contra ictus ſerpentum medeantur. Similis & in Africa gens Pſyllorum fuit, ut Agatharchides ſcribit, à Pſyllo rege dicta, cuius ſepulchrum in parte Syrtium maiorum eſt. Horum corpori ingenitum fuit virus exitiale ſerpentibus, ut cuius odore ſopirent eas. Mos verò liberos genitos protinus obijcendi ſæuiſſimis earum, eoq; genere pudicitiam coniugum experiendi, non profugientibus adalterino ſanguine ſerpentibus. Hæc Plinius; qui idem poſtea de Marſis ſubiungit, additque tandem, omnibus hominibus contra ſerpentes ineſſe venenum, feruntq; inquit, ictas ſaliua, ut feruentis aquæ contactum fugere. Quod ſi in fauces penetrauerit, etiam mori: idq; maximè humani ieiunioris. Non eadem vis*

*Plin. lib.
7. Nat.
hiſt. cap. 2.*

*Varro lib.
1. rer. hu-
manar.
Vide &
Celſum
lib. 5. c. 27.*

con-

contra peccati venenum, & *antiquum* illum *serpentem* omnibus inest. Sed præcipuè degeneres illi filij in inferno & à verme conscientiæ, & à peccati dente mordèbuntur, & à *ruffo* illo *sanguineoq;* dracone lacerabuntur, saluis interea omnibus in cœlo existentibus. Quia nemo illuc pedem inferet, nisi legitima hæreditate dignus. Itaque vel salua sanctorum, erit amuletum peccatorum, quæ etiam in hac vita despuentes, securitatem illam meruerunt. Quis igitur eos supra *Ophiogenes*, *Marsos*, *Psyllosq;* non euehat? Immo supra omnes alios, quos vel innocentia, vel status, vel virtus à venenis exemit. Erat aliqua Paradisi felicitas, quòd Adamum & Euam innocentia in dominio omnium bestiarum collocaret; ita vt à nullo angue lædi, à nulla bellua possent inuadi & sauciari. *Vipera* quoque, vt ait Oecumenius, *AA. 28. 5.* cum in manum Apostoli dentes iniecisset, & nullam peccati in ea mollitiem & laxitatem inuenisset, statim (ab eo excussa) resiliyt, & in ignem se se proiecit, quasi pœnam de se exegerit, quod nihil ad se pertinens corpus inuasisset. Nos verò bestias timemus, propterea, quòd armatura virtutis muniti minimè sumus. Quas

III.

Tertull.
in Scor-
piac. c. 1.

proinde neque Antonius, neque Macarius, neque Franciscus, neque hoc nostro seculo Iosephus Anchieta timuit. Atque, ut Tertullianus scribit; *hoc modo etiam Eth-*

Pf. 90. 13.

nicis sæpe subuenimus, donati à Deo ea potestate, quam Apostolus dedicauit, cum morsum viperæ spreuit. Nimirum impletur illud, quod Deo adhærentibus & fidentibus est promissum: *Super aspidem & basiliscum ambulabis: & conculcabis leonem & draconem:* immo quod ipse Christus promisit: *Serpentes tollent, & si mortiferū quid biberint, nō eis nocebit.* Quantum magis in cælo erit hæc immunitas?

Marci
16. 18.

IV.

Solin. cap.
35. Beda
lib. 1. Hist.
Angl. c. 1.

Si Sardinia, ut Solinus tradit, si Hibernia, ut testatur Beda, ea vis inest, ut quidquid venenatum, vel ibi nascitur, vel illuc infertur, nocere non possit; cur Deus *terre uiuentium*, non concesserit hanc potestatem in venenum spirituale? Certè ex quo tempore S. Paulus in Melita viperam excussit, scribit Thomas Fazellus, insulæ illi diuinitus contigisse, ut in ea serpentes, & omne anguium genus veneno & viribus nocendi destituantur. Immo ipsa nunc Melitenfis gleba antidotum est contra venena. Quis non videat longè conuenientius esse, ut Christus cælo promeruerit eā-

Thomas
Fazell. de
reb. Sicul.
Decad. 1.
lib. 1. c. 1.

dem

dem contra peccata potestatem? De S. Phoca martyre legim⁹: *Qualiter de antiquo illo serpente triumphauerit, hodie quoque popu- lis eo miraculo declaratur: quòd si quispiam à serpente morsus fuerit, ut ianuam basilicae mar- tyris credens attigerit, confestim, euacuata vir- tute veneni, sanatur.* Legimus igitur & de Christo Seruatore antiqui illius serpentis præcipuo triumphatore, eum longè maio- rem contra peccati tabificos morsus vir- tutem obtinuisse. Si enim *aneus serpens*, qui imago duntaxat fuit Christi, eam vim habuit, ut *ignitorum* anguium vulnera per- sanaret, quid non ipsi Christo concessum, esse putemus? An non, quotquot eius in coelo domum, immo ianuam attingent, *euacuata virtute veneni*, superatoque pec- candi periculo, in innocentia morum, amicitiaq; Numinis inuiolata annabunt, perennabunt?

In Mar-
tyrelog.
Rom. die
5. Martij.

Num. 21.
9. 10. 3. 14.

§. II. Scriptura sacra, & SS. Patres testantur,
Beatos à peccato esse securos.

Quæ res variè in diuinis litteris est indi- cata. Nam inter illa cælestium bona, quæ duodecim fundamentis lapide precioso constantibus significantur, *fundamentum*, *p s* *pri-*

Apoc. 21.
19.

Anselm.
Boet. l. 2.
de gem.
cap. 102.

Isa. I. 15.

Ps. 58. 3.

Ps. 50. 16.

Isa. 64. 6.

VI.

Apo. 21.
 27.

primum iaspis est, immo & tota muri structio est *ex lapide iaspide*. Cuius præter ceteras multas virtutes ab Anselmo Boëtio recensitas, etiam illa ab Alberto Magno nominatur, *quod fluxum sanguinis sistat, & menstrua feminarum*. Sanguis in scriptura peccati est symbolum, & sæpe idem est sanguis, quod peccatum. *Manus vestra, sanguine plena sunt*, ait Isaias. Et David: *De viris sanguinum salva me*: Ac iterum: *Libera me de sanguinibus Deus*; hoc est, de peccatis; quæ vel ob immunditiam suam, sanguis appellantur, maculant enim eos, qui peccant; vel quia sanguine Christi fuerunt redimenda. Certè propheta ait: *Et facti sumus, ut immundus omnes nos, & quasi pannus menstruata uniuersa iustitia nostra*. Nam quasi mulieri morbus menstruus, ita peccatum homini corrupto, quodammodo in hac vita est agnatum, & ex illo, tanquam immunditia maxima fluit. Hunc ergo fluxum sanguinis, sistet *iaspis* beatitudinis. Ibi extra peccati aleam degemus.

Quod longè clariùs indicat Apostolus alio loco, ubi ait: *Non intrabit in eam quidquam coinquinatum*. Quid inquinatius est peccato? neque *pannus* quidem *menstruata*.

te.

1a. Non intrabit igitur in illam ciuitatem peccatum. Quod etiam eo titulo esse inde eliminatum intelligitur, quia ibi *Omne maledictum non erit amplius*. Si nullum ibi erit *maledictum*, quomodo erit peccatum? cui maledixit dominus, quodq; & ipsum omnem inducit maledictionem. Igitur.

Apoc. 22.

Christus *regenerauit nos in spem viuam, in hereditatem incorruptibilem & incontaminatam, & immarcessibilem conseruatam in cælis*.

1. Pet. 1.

Quæ hæreditas si est *incontaminata*, profecto nihil secum peccati, nihil iniquationis patietur. Estque in hac re par ratio hominum & Angelorum. De his autem

VII.

Fulgentius ait: *Firmissimè tene, & nullatenus dubites, omnem creaturam naturaliter mutabilem à Deo incommutabili factam; nec tamen posse quemlibet sanctorum Angelorum in deterius mutari: quia sic acceperunt æternam beatitudinem, qua Deo stabiliter fruuntur, ut ea carere non possint*. Carerent autem, si peccarent, tantò igitur magis beati, quantò magis à peccato tuti remotique erunt.

Fulgent.
de fide ad
Petrum.

Nec ideo liberum arbitrium non habebunt, ait

S. Augustinus, *quia peccata eos delectare non poterunt. Magis quippe erit liberum à delectatione peccandi usque ad delectationem non peccandi*

S. Aug.
lib. 22. de
Cruit.
Dei c. 30.

candi indeclinabilem liberatum. Nam primum liberum arbitrium, quod homini datum est, quando primum creatus est rectus, potuit non peccare, sed potuit & peccare: hoc autem nouissimum eò potentius erit, quò peccare non poterit. Verum hoc quoque Dei munere, non sue possibilitate naturæ. Aliud est enim, esse Deum: aliud, participem Dei. Deus natura peccare non potest, particeps verò Dei ab illo accipit, ut peccare non possit. Seruandi autem gradus erant diuini muneris, ut primum daretur liberum arbitrium, quo non peccare posset homo: nouissimum quo peccare non posset; atque illud ad comparandum meritum, hoc ad recipiendum præmium pertineret. Sed quia peccauit ista natura, cum peccare potuit, largiore gratia liberatur, ut ad eam perducatur libertatem, in qua peccare non possit. Sicut enim prima immortalitas fuit, quam peccando Adam perdidit, posse non mori, nouissima erit, non posse mori: ita primum liberum arbitrium, posse non peccare: nouissimum, non posse peccare. Sic enim erit inamissibilis voluntas pietatis & æquitatis, quomodo est felicitatis. Nam utique peccando nec pietatem nec felicitatem tenuimus, voluntatem verò felicitatis, nec perditam felicitatem, perdidimus. Certè Deus ipse nunquid quia peccare non potest;

test; ideò liberum arbitrium habere negandus est? Erit ergo illius ciuitatis, & vna in omnibus, & inseparabilis in singulis voluntas libera, ab omni malo liberata, & impleta omnibono, fruens indeficienter aternorum incunditate gaudiorum, oblita culparum, oblita pœnarum, nec tamen adeò suæ libertatis oblita, vt liberatori suo non sit grata. Hæc Augustinus.

§. III. Causæ, ob quas beati à peccandi periculo securi redduntur.

Atque si causas huius à peccato immunitatis penitiùs indagare velimus, offerent cæ se se ex dictis haud difficulter. Prima enim est voluntas Dei, cupientis suos amicos etiam in hac re sibi similes esse, vt quemadmodum ille natura sua hoc habet, vt peccare non possit, ita illi munere Dei id accipiant, vt ex S. Augustino vidimus. Altera causa est ipsa beatitudo, quæ nequit cum tam grandi malo consistere. Summum bonum & summum malum minùs in vna sede possunt morari, quàm *hircus & cærus in vna natura*. Ex quo & tertia causa consurgit. Vera enim beatitudo talis esse debet, vt non possit amitti: quisquis autem peccat, beatitudine excidit.

VIII.

dit. Non potest igitur eidem & beatitudo & peccatum conuenire, quæ se mutuò destruant ac demoliuntur. Quarta causa

S. Augustin. ibid.

itidem à S. Augustino indicata est, *quia peccata Sanctos delectare non poterunt. Itaque liberum arbitrium magis erit liberum, à delectatione peccandi, usque ad delectationem non peccandi indeclinabilem liberatum.*

IX.

Sed vndenam hoc ipsum proueniat, vt liberum, sanctorum arbitrium, *indeclinabilem non peccandi delectationem* habeat, inter Doctores non omnino conuenit. Alij enim arbitrantur id fieri, non ex vi visionis beatæ, quæ voluntatem ita satiet alligetque, vt peccare non possit; sed existimant liberum arbitrium à peccando aliunde impediri, amore scilicet quodam actuali, quem sanctis Deus infundat peccato repugnantem. Siquidem repugnantia sunt, perfectè Deum actu aliquo amare, & simul eundem actu peccati offendere. Sed quoniam hæc sententia falso inædificata est fundamento, plerumq; à Theologis deseritur. Censet enim visionem Dei amoremque non esse actum à sanctis elicitum, sed à Deo extrinsecus infusum: quasi alioqui periculum esset, ne aliquando nauseabundi vel-

lent

Occam. in

1 d. 1. q. 1.

Armin.

in 2. d. 7.

q. 2. a. 2.

Gabriel.

in 1. d. 1.

q. 2.

lent à visione, aut amore desistere; aut quasi diuinæ maiestati non suppeteret ratio ita beatos afficiendi & trahendi, vt ad visionem diuinam, amoremque eliciendum astringantur. Quapropter multò alij propiùs causam rimantur, qui aiunt, *sanctos idcirco à potestate peccandi esse liberatos, quia ea vis est diuina visionis, vt voluntatem determinet, ad Numen, quantum fieri potest, perfectissimè super omnia diligendum. Proponit enim illi summum bonum, ostenditq; infinito esse amore dignum, omnisq; boni plenitudinem in eo eminentissimè contineri; atque ita efficit, vt nulla possit ei occurrere ratio, cur velit summum illud bonum non amare, aut ab eo amando desistere. Ex vi igitur diuinæ visionis voluntas necessario Deum amat, & quidem modo perfectissimo. Cum quo modo actus amoris nullam potest peccatum consistere, tollunt enim se mutuo, eundem simul amare & offendere. Et quem perfectissimo amore completimur, ei in rebus omnibus cupimus atque conamur placere, & quidquid eum ladere potest, omnibus studiis deuitemus. Si ergo ipsa Dei visio facit, vt Deum summè amemus, facit etiam pariter, vt Deum videntes, offendere peccando nec velimus, nec valeamus.*

Cur

X.

S. Thomas
1. 2. q. 4. a.
4. Caes.
ibid. Durand. in
2. d. 7. q. 1.
Richard.
in 2. d. 7.
& alijs.

Cur enim vellet quis , in cœlo omnia perspicacissimè sciens , aliquid , quod Deus non vellet ? An vlla illicita voluptas , aut honor diuinæ voluntati aduersus mentem poterit allicere ? At nouit illa se infinitis modis maiorem in Deo voluptatem , amplioresque honores habere, in quo omnia eminentissimè continentur. Cur igitur à tanto bono sciens vidensque se auelleret, atque ad tantillum bonum tam stolidamutatione transiret deficeretque ? immo non iam ad bonum , sed ad summum malum ; etenim sciret illud Deo displicere , & beatitudini suæ è diametro aduersari ; non inueniret ergo causam & illud summum bonum deserendi , & istud in comparatione illius, nullius momenti bonum, immò, quia tanto bono repugnat , verè malū appetendi. **XI.** Accedit ad hæc, voluntatem ita esse constitutam , vt quantò illi grandius ab intellectu bonum perspicuè ostenditur , tanto vehementiùs illi inhiet , & quidem sæpè adeò potenter, vt homo quasi extra se positus, non sit sui ampliùs compos , neque vllum amoris frænum patiatur, toto impetu in rem eiusmodi ruens. Quid igitur beatis eueniet, quibus summum

num & infinitum bonum clarissimè exhibetur intuendum? An poterunt adhuc voluntatem sistere, & suspendere, vel omnino auertere, vt non plenissimo affectu in illum omnis boni thesaurum feratur? Libera sanè illis erit & perfecta voluntas; sed si infinitum illud diuinum bonum, ipsam quoque Dei voluntatem, quæ utique & liberrima & perfectissima est, tam potenter potest trahere, vt illud ipsum infinitum bonum necessario amet, & quidquid extra illud amat, propter illud amet, cur non & hominis voluntatem ad tam dulcem & optatam adigeret necessitatem? Si *amor omnia vincit*, nihilque est eo fortius, cur potentior sit voluntatis libertas? aut cur ea, utique res creata & limitata, potentius posset resistere, quàm diuina & infinita bonitas allicere? Absorbentur igitur sancti, & toti visione immensi boni ita satiantur, vt non possint quidquam amare nisi Deum, aut quod ad Dei voluntatem gloriamque ordinatur. Atque in hoc à viatoribus, hoc est, ijs, qui adhuc in mortali hac vita degunt, differre solent. Nam cum etiam in hac vita homines singulari Dei custodia auxilioq; , partim ad bonum

Q inci-

incitante, partim à malo absterrente, ac concursum ad peccandum subtrahente, eò prouehi nonnunquam solent, vt peccare non possint, quod nonnullis in gratia confirmatis euenisse aiunt: sancti tamen in cælo ad eam impeccabilitatem perueniunt, ex abundantia charitatis: *quam*, teste S. Augustino, *accipient in præmium perseuerantia, per quam fiet, vt cadere amplius omnino non possint.* Quam impeccabilitatis causam etiam in Angelis B. Isidorus assignat, dum scribit: *Angeli, licet sint natura sua mutabiles, non sinit tamen eos contemplatio mutari diuina.* Igitur in illa cōtemplatione

*S. Augu.
l. de cor-
rept. &
gratia
cap. 10.
B. Isidor.
lib. 1. sen-
rent. c. 12.*

*S. Augu.
lib. Me-
dit. c. 26.*

---- *Sancti, quiq³ velut Sol præclarus rutilât,
Post triumphū coronati mutuò coniubilant,
Et prostrati pugnas hostis iam securi nume-
rant.*

*Omni labe defacati, carnis bella nesciunt,
Caro facta spiritalis, & mens vnū sentiunt.
Pace multa perfruentes, scandala non per-
ferunt.*

*Mutabilibus exuti repetunt originem,
Et præsentē veritatis contemplantur speciē.
Hinc vitalem vini fontis hauriunt dulcedi-
nem.*

Inde statum semper ijdem exeuntes capiunt.

§. IV.

esse immunitatem à peccato.

243

§. IV. *Quantum sit bonum à peccato esse immunem?*

Faceſſat igitur ab ipsis diuinis litteris XII.
damnata illa Origenis opinio, *beatos à pec-* *Origen.*
cato immunes non eſſe, & vel ipsos Angelos cu- *hom. 24.*
ſtodes in iudicium adducendos, ut illo diuino *ſc hom.*
conſtet examine utrum ſua deſidia peccauerint *20. in Nū.*
homines, an monitorum cuſtodumq; negligen-
tia? Longè ſancti in cœlo ſunt feliciores,
quàm ut ſua excidere poſſint felicitate.
Eſtque hæc ipſa vitæ iſtius non minima in-
felicitas, quòd in ea peccare poſſimus?

Quamobrèm nimio cedit huic beato- XIII.
rum ſedi in hac quoq; re *Labyrinthi* fama. *Plin. l. 36.*
Quanquam enim ille potiſſimùm exadi- *Nat. hiſt.*
ficatus eſt in ſecuritatem regum ſuorum; *cap. 13.*
quanquam moles compoſitiſſimas ha-
buit, quas nec ſecula, nec Heracleopolitæ
inſectantes diſſoluere potuerunt; quan-
quam vaſtas domos, amplas regiones,
munitas præfecturas, muros inexpugna-
biles, ambages inexplicabiles, cuniculos
ineuitabiles; inobſeruabiles cryptas, in-
extricabiles vias complexus eſt, *ut nemo* *Strabo de*
peregrinus ingredi aulam ullam poſſet, nec e- *ſis orb.*
gredi ſine duce: tamen illuc etiam & pro- *lib. 17.*
priorum famulorū machinationes, & do-

Q 2

meſti-

*Herodot.
lib. 2.*

mesticorū (amicorūne dicam an inimicorum?) insidiæ, denique cædes & mortes penetrauerunt: & inuentus est, qui in templo Vulcani æreaphiala libauit, disiunxitque eos, qui iunctis inter se affinitatibus regnabant, pactiōibus initis, ne mutuò auferre imperium conarētur, neue quis plus alio quippiam obtinere quæreret, sed vt essent inter se quàm amicissimi. Scilicet nulla tam est in terris munita ciuitas, in quam non possit culpa peruadere; nullus tam custoditus locus, in quem non valeant fraudes irrepere:

*Horat. l. I.
epist. 2.*

*Seditione, dolis, scelere atq; libidine, & ira,
Iliacos intra muros peccatur & extra.*

XIV.

Sola beatorum patria, hanc miseriam, excludit; sola terra viuentium lethiferum serpentem non admittit. Quidam postquam anguium corcula inpuluerem comminuta glutiuērunt, à dente, à vulnere, à veneno, ab omni timore viperarum & omnium virulentarum bestiarum sunt securi; ita tamen, vt cum ipsa medicina pallorem tabemque bibisse videantur. At sancti in cœlo, postquam de Ambrosia, de nectare, deligno vitæ gustauerunt, ad nullas deinceps insidias expallescent, nullum peccatum, nullum lethum animæ formidant.

dant. Quæ immunitas securitasq; quàm sit preciosa, vel inde æstimare licet, quòd viri sanctissimi inter summa supplicia aut mala, reputârint peccata, quæ apud Inferos perpetrantur. Ita enim in S. Ignatij nostri vita legimus. *Subierat fortè reputare, ecquis sibi sensus foret, si quàm infernis ignibus addiceretur. Iuvat autem in hanc rem, ea describere, quæ in membrana ipsemet subnotârât.*

Jacob. Biderm. de Virtutib. S. Ignatij in eius Vita nra. 154.

*Duabus, inquit, rebus defixus hærebam : altera quæ ibi supplicia mihi forent luenda: altera quibus inibi Dei nomen conuitijs peteretur. Ac priori quidem nihilo moueri me, neque terreri sentiebam : ceterùm, audire illas diuinissimi Numinis iniurias, id demum magno me opere sauciabat. Equibus verbis haud obscurum est arbitrari, quanto amore arserit, qui pænarum inter pænas oblitus, solius Dei iniuria percellabatur. Hoc eodem amore cum omnes Diui in cœlo æstuent, non erit utique inter minima eorum gaudia, quemadmodum, nec inter minima eorum bona, quod nullæ inibi diuino Numini iniuriæ irrogen-
tur. S. Anselmus certè etiam in hoc mortali corpore à peccato tantopere abhorruit, vt dicere non dubitârît; si hinc vel in infernùm insiliendum esset, vel inde in*

peccatum mihi consentiendum, mallem in infernum insilire, quàm in peccatum consentire. Immo plus dixit. Nam verba

*S. Ansel.
lib. de si-
militudi-
nis. c. 190.*

*S. Chrys.
in ep. ad
Philipp.
Serm. 13.
& Mark.
hom. 37.*

eius hæc sunt: *Mallem purus à peccato & innocens gehennam intrare, quàm peccati sorde pollutus cœlorum regna tenere.* Sancti quoque Chrysostomi sæpius iterata sententia est: *Ego semper dicam, acerbius esse Deum peccatis offendere, quàm gehennæ cruciatu vexari.* Si ergo sancti malunt mori, quàm fœdari, immò si inter ipsas Acherontis flammæ malunt cruciari, quàm peccato contaminari; quàm libenter inter æterna illa cœli gaudia degent, ab omni potestate peccandi remotissimi? & de amicitia Numinis nunquam violanda certi? Non e-

XVI.
*S. Augu-
stinus in
Manual.
cap. 60.*

nim est ibi malus, neque malitia, ait S. Augustinus, Non est aduersarius & impugnans, nec est vlla peccati illecebra. Nulla est ibi indigentia, dedecus nullum, rixa nulla, nullum improperium, causatio nulla, nullus timor, nulla inquietudo, nulla pœna, nulla dubietas, nulla violentia, nulla discordia: sed est ibi pax summa, charitas plena, iubilatio & laus Dei æterna, sine fine securæ requies, & gaudium semper in Spiritu sancto. O quam fortunatus ero, si audiero iucundissimas ciuium tuorum cantilenas,

carmi-

carmina melliflua, laudes summa Trinitati debito honore promentia. Sed & nimium felix, si ego ipse meruero cantare canticum Domino Iesu Christo de dulcibus canticis Sion, & cum illo aduersarijs pristinis dicere: Quis ex vobis arguit me de peccato? Io. 8. 46.

Caput IX.

LABYRINTHI CADAVERA QUANTVM

DISTENT A BEATORVM IMMORTALITATE,
ET AETERNITATE?

S. I. Labyrinthum, sicut pro mortuis & mortu-
libus fuit extructus, ita & ipsum mor-
talem extitisse.



Es omnis, quantumcunq; præ-
stans sit, atque iucunda, salem
habet, si finem habet. Ea enim
quæ grata affectuque nobis agglutinata
sunt, sine dolore à nobis non auelluntur;
atque eam ipsam ob causam, animum
mordent, quoties aspiciuntur, vt modica,
aut cogitantur desitura. Quod cum ita
sit, prisci Æthiopes Christiani morem ha-
buerunt, vt maioris ordinis Antistitibus,
non *crucem* modò, sed *vas* quoque *aureum*
nulla alia re, nisi terra refertum in solenni
pompa præferrent. Voluerunt enim vt
hoc

Q 4

hoc inspectum, homines in alta, splendida, ac velut aurea dignitate positos terræ suæ, hoc est, suæ mortalitatis admoneret: cum scirent, non posse hominem quantumvis officio & auro fulgentem sibi ni-

Gen. 3. 19. mis placere, si recordaretur se *terram pulueremq;* esse, atque *in terram & pulueres reuerfurum*. Cognouit id etiã probè qui dixit:

Ecc. 41. 1. *O mors, quàm amara est memoria tua, homini pacem habenti in substantijs suis, viro quieto, & cuius via directæ sunt in omnibus, & adhuc valenti accipere cibum?* Hæc enim memoria ostendit modicum esse, quidquid homines vt magnum admirantur. Siue enim diuitiæ te circumuallant, modico eas tempore possidebis, postea eas à te auferet mors: siue pax & quies te yndiq; circumdant, modicas tibi inducias permittit mors, postea & bellum & laborem indicet: siue prosperitas omnium negotiorum te vegetat, modico tempore hoc tranquillum durabit; postea nubes & tempestates, repentè tibi mors excitabit: Denique epulare & pergræcare, paulo post senties, quàm tetrum saginaueris cadauer. Hæc cogitatio est gladius capiti conuiuantium de pilo impendens, neque sincerè quenquam

quam sinens in hac vita delectari: in qua tandem omnia intereunt & moriuntur.

Quocirca quamuis etiam Ægyptij *La-* II.
byrinthi vtcunque secura fuerit habitatio;
quamuis columnæ inibi assurgerent è mo-
libus tantis compositæ, vt *nec multa secula* *Plin. l. 36.*
quidem eas dissoluere, nec *Heracleopolitæ* im- *cap. 13.*
mensis laboribus ex pugnare possent, om-
ni malleo fatigato, omni instrumento fer-
roque victo, hebetato & fracto; quamuis
pyramides in cœlum attollerentur ære per-
enniores; quamuis *cuiusq; domus tabulata* *Strabo*
ac etiam cryptarum latitudines ex lapideis plu- *lib. 17.*
teis integris & magnitudine excellentibus con-
fectæ fuerint, nulla usquam nec ligni, nec ali-
us *materiæ admixtione*; quamuis tota structu-
ra ita fuerit inter se validè contexta, vt si
quis in tabulatum ascenderet, posset *vide-*
re lapideum campum, eiuscemodi lapidibus
instratum; quamuis denique *parietes quoq;* *Pompon.*
ipsi ex lapidibus non minoribus componerentur, *Mela. l. 1.*
marmoraq; solidissima marmoribus iun-
gerentur: hæc tamen omnia eiuscemodi
fuerunt, vt tandem & ipsa vetustati cede-
rent, & magnis parietinis, ruinis, rude-
rumque aceruis faterentur etiam saxa mo-
ri posse, suaque fata sustinere. Ea propter

Qs

& de

Plin. ibid. & de solo Lemnio Labyrintho Plinius scribit, quòd extent *adhuc reliquiae eius, cum*

III. *Cretici Italiciq, nulla vestigia extent.* Quin & ipsos *Labyrinthi* incolae, quantumvis adeundi munitione, & fallacijs viarum tutos, tamen mortalitatis suae multa admonebant. *Adiacebat enim regis sepultura eius,*

Strabo lib. 17. cit. *qui Labyrinthum construxit.* Nam, vt Strabo addit: *In fine huius aedificij, quod plus stadio occupat, est sepultura quadam, pyramis quadrata, cuius quodlibet latus quadriugerum ferè est, & altitudo par.* Sepulti nomen est *Imandes,*

Plin. cit. loc. *Lycias sepulchrum Mæridis inibi extitisse testatur.* Herodotus ait: *Præpositi Aegyptiorum nolebant ullo pacto (subterranea domicilia Labyrinthi) monstrari, quòd dicerent, illic sepulchra esse tum eorum regum, qui aedificandi Labyrinthi fuere auctores, tum sacrorum crocodylorum.* Ac Plinius cum de *Labyrintho* Italico loqueretur, dixit, cum *Hetruriae* regem *Porfennam* sepulchri causa fecisse; subiunxitque hæc *M. Varronis* verba. *Monumentum reliquit lapide quadrato, singula latera pedum lata tricenum, alta quinquagenum (quæ est altitudo staturæ sex virorum) &c:* Sic *Labyrinthus*, non tam locus deliciarum fuit, quàm mortis monumentum, & quod

de

de Troia dictum est, *virum acerba cinis, sepulchrumque mortuorum.* Quod & ex Diodoro Siculo discimus, qui in hunc modum scribit: *Post regis huius obitum, recuperato Ægyptij regno, sua gentis regem crearunt, Mendem, quem nonnulli Marum vocant; qui nullum omnino facinus bellicum designavit, sed sepulchrum Labyrinthi nomine sibi construxit, non tam mole admirandum, quam artificio inimitabile.* Cur autem sepulchra isti tanti reges tam operosè ædificarint, idem Diodorus Siculus paulo superius, ubi de Vchoreo Mempheos conditore agit, his verbis indicat. *Porro Memphis ille conditor, perfecto aggeris & lacus opere, Regias alibi quidem constructis non inferiores, regum tamen priorum magnanimitate & elegantia haud dignas adificavit. Nam regionis huius incole tempus vite limitibus circumscriptum perexigui aestimant. At quod celebrem à morte virtutis memoriam habiturum sit, illud pendunt maximi. Et domicilia viventium DIVERSORIA nominant, quod exiguum ad tempus hæc incolamus. Defunctorum verò sepulchra DOMOS ÆTERNAS appellitant; quòd infinitum apud inferos ævum peragant. Quamobrem de structura domorum minùs sunt soliti:*

Diodor.
Sicul. l. I.
Biblioth.
historica.

IV.

Eod. lib.

citi:

citi: in adornandis autem sepulchris eximiè, nihil studium faciunt reliquum. Prorsus sapiens cogitatio, si sicut vitæ præsentis & tam citò finiendæ non censuerunt in extruendis palatijs magnam habendam esse rationem, ita non tam morti, quàm vitæ futuræ ædificauissent. Quo pacto Christus suos

Luc. 16. 9. iussit ædificare. *Et ego vobis dico: facite vobis amicos de mammona iniquitatis: ut cum defeceritis, recipiant vos in æterna tabernacula.* Nunc quia auidi famæ nihil aliud quæsiuerunt, quàm vt memoriam sui in monumentis relinquerent, nihil etiam aliud sunt consecuti, quàm sepulchrum, & pro

Pf. 48. 12. æterna vita, *æternas domos* mortis. *Et sepulchra eorum, domus illorum in æternum;* vt quidem ipsi existimabant; qui immortalitati animæ, aut virtuti diffidentes, persuaserunt sibi, nomen suum in tumulis, & pyramidibus semper victurum. Crediderunt enim Mausolea, splendidaque illas stru-cturas semper duraturas. Qua opinione decepti, nec ipsi, nec eorum sepulchra in valde diuturno honore fuerunt. Nam & honor eorum cum vita, & sepulchra cum ætate defecerunt; vt non tantum illorum, sed etiam ipsorum sepulchrorum cada-
uera

*Vide Cic.
lib. 2. de
Legib. & ubi
agitur de
moderatione
sepulchro-
rum.*

tera cernerentur. Hæc gloria fuit *Labyrinthi*. In hoc ædificatus est, vt sepeliret ædificatores suos, tandemque & ipse, immo ferè & memoria quoque ipsius sepeliretur. Quæ mortalitas multum de dignitate illius detriuit. Quemadmodum & omnes aliæ res magnum precij æstimationisque patiuntur detrimentum, si sunt caducæ. Quippe & rosa amabilior esset, si non esset flos fugitiuus : & calix crySTALLINUS pluris constaret, si non tam citò frangeretur. Quocirca & magnanimus ille Bobadilla noster cum casu aliquando preciosissimum eiusmodi calicem in quadam Principis aula fregisset, nihilo perturbatior fuit, sed subridens dixit :

Res tanti steterat, tamq̃ caduca fuit?

Minoris ergo precij sunt res caducæ, & cōplementum quoddam est rerum chararum, si æternentur.

§. II. *Beatorum in cœlo statum verè esse æternum, seu sine cariturum : contra Origēnis errorem.*

Quàm longè igitur excellentior est Dei, quàm hominum architectura? Fecit enim & Deus in suo hoc Labyrintho quandam *domum æternitatis*; sed verè in æternum duratu-

V.

Ecc. 12. 5.

raturam ; vbi *perpetuum ver* , nullo flore marcescente ; neque incola vlllo mortem , aut mortale aliquid cogitante. Siquidem omnes ibi nectare viuunt & ambrosia. Quia enim peccatum ibi deest , caussa mortis , meritò tam innocentibus & sanctis vita perpetuatur. Et quamuis muri eius loci omnes sint perspicui , sicut vitrum , nequaquam tamen sunt vitreae preciositatis , aut , vt rectiùs dicam , fragilitatis. Hinc Propheta sic eum locum compellat. *Lauda Hierusalem Dominum ; lauda Deum tuum Sion. Quoniam confortauit seras portarum tuarum : benedixit filiis tuis in te.* Itaque non tantùm ex lapidibus preciosis & immortalis adamante eum locum construxit mundi opifex , sed etiam *vectibus* ac *seris* ita firmis communiuit , vt nihil hostile , nihil aduersum , nihil triste , nulla mors , nullus finis aut terminus illuc ingredi possit. Denique domus illa ita est solidæ petrae fundamento imposita , ita excelsò vallo circumdata , vt neque *portæ inferi* possint *aduersus eam præualere*. Sic filiis suis in cœlesti Ierusalem Deus benedixit , sic *seras portarum* suarum *confortauit* ; vt neque ingredi illuc , postquam electi intrauerint , quisquam amplius

Ps. 147. 1.

Matth.
16. 18.

plius possit (claudetur enim omnibus reprobis, sicut *Virginibus fatuis* ianua) neque egredi, & amittere tantam securitatem.

Matth.
25. 11.

Procul ergo hinc faceſſat error Origenis, qui S. Hieronymo, Epiphanio & Augustino testibus ſomniauit, non modò beatos è beatitudine ſua exire, immo & excidere poſſe; ſed etiam reiſpſa exiſtimauit, quendam perpetuum fore inter tres ſtatus viuendi & moriendi, ſeu patiendi & gaudendi circulum: ita vt quæcunq; creatura ratione prædita, varijs ſeculis, pro meritorum varietate, ex Angelorum felicitate, in miſerias humanas, & hinc rurſum in cacodæmonum calamitates transferatur. Verosimile enim credidit, Angelos, animas, dæmonas vnus eſſe naturæ, ſolumq; differre ſtatu & voluntate; atque eos, qui in cœlo & ſanctitate permanent, tam diu Angelos dici, quàm diu permanent. Quòd ſi negligentius agant & peccent, quotidie ad corpora, veluti ad carceres relegari, animasq; vocari, Græcè *ψυχὰς*, quòd charitas in illis refrixerit, *ψυχῶ* enim frigus eſt. Sin enormius deliquerint, dæmones effici, grauioribusq; ſupplicijs addici. Qui poſtea ſi denuò reſipiſcant, ſicut & animæ,

VI.

Hæc ſententiam Origeni aſcribit S. Hieron. ep. 59. ad Autum. Et S. Epiphani. ep. ad Io. Ieroſolym. ſicem S. Auguſtin. lib. de hæreſib. hæreſi 43. Et lib. 21. de ciuit. cap. 17.

nimæ, si à vitijs ad virtutem se iterum applicent, rursus ad dignitatem Angelicam euehantur. Sic infinitos mundos, & infinitas vicissitudines, & adeò nullam veram, quia nullam æternam beatitudinem fore

VII. arbitratur. Hos circulos, & mundos, & errores omnes excludunt *seræ portarum Sion confortata*. Longè securior est illa habitatio, quàm vt finem admittat. Est enim omnibus rebus infestantibus inuià, morti impenetrabilis, aduersarijs inaccessa, denique ipsa æternitate firmata. Rata est illa

Io. 16. 22. promissio, *Et gaudium vestrum nemo tollet à vobis*: Neque peccatum, neque mors, neque vnus naturæ in alteram transmigratio; vt sicut status, ita & gaudium sit perseuerans. Atque hîc non repetam, quæ Augustinus, Bernardus, & Cæsarius Arelatensis de beatorum securitate disputaerunt, ipsæ diuinæ litteræ abundè testantur sanctos ob hoc ipsum fore beatos, quia Deum sine fine sunt laudaturi. *Beati*, ait Dauid, *qui habitant in domo tua Domine*; cur? quia *in secula seculorum laudabunt te*. Alioq; in loco. *Iusti autem in perpetuum viuent, & apud Dominum est merces eorum*. Non ergo quasi alterni Castores & Polluces nunc

*S. Angu-
stin. 15.
contr.
Fauſt. c.
11. Bern.
Serm. 2.
in id, Non
est regnū
Dei. Et
serm. de
triplici
genere
bonorum.
Cæsarius
Arelat.
hom. 11.
Psal. 83.
Cap. 5.*

coelum,

cælum, nunc terram obtinebunt; modò superis, modò inferis oriendo & occidendo pares. Hoc enim non est in perpetuum viuere, & mercedem capere; sed est mori & plecti. Vt enim hominis mors est, si anima à corpore diuellatur; ita animæ mors est à gaudijs & re concupita auelli. Dolerent ergo sancti & gemerent morte hac impendente, neque verum esset, quod Iſaias vaticinatur: *Et latitia sempiterna super* 1ſa. 35. *caput eorum: gaudium & latitiam obtinebunt, & fugiet dolor & gemitus.* Ac rursus alibi: *Ecce enim ego creo cælos novos, & terram no-* 1ſa. 65. *uam, & non erunt in memoria priora, & non ascendent super cor: sed gaudebitis, & exultabitis vsque in sempiternum in his, quæ ego creo.* Vana quoque esset lactatio, & fraudulenta promissio S. Pauli dicentis: *Id quod in præ-* 2. Cor. 4. *senti est momentaneum & leue tribulationis nostræ, supra modum in sublimitate, æternum gloria pondus operatur in nobis.* Quo modo æternum, si mutari posset? Quare, vt S. Petrus quoque subscribit; *Regenerauit nos* 1. Petr. 1. *in spem viuam, in hereditatem incorruptibilem, & incontaminatam, & immarcescibilem* Christus: *Et sic semper cum Domino erimus,* 1. Theſſal. *quia neque mors, neque gladius, neque* 4.

R

per-

2. Cor. 5.

persecutio, neque tentatio ab illo separabit. Igitur, non vt in *Labyrintho*, rudera, sepulchra, cadauera, sed *edificationem habemus à Deo domum non manufactam, æternam in cælis.*

§. III. *Causse, ob quas status beatorum sit æternus?*

VIII.

Matth.
25. 46.

Satis testimoniorum est, nunc etiam rationes afferamus, cur beatorum statum oporteat esse æternum? Atque in primis illa occurrit, quod non minor duratio præmij bonorum debeat à diuina bonitate ac misericordia proficisci; quàm supplicij malorum, à diuina iustitia decretorum. Si ergo tormenta damnatorum erunt sine fine duratura, par est, vt etiam electorum gaudia sint sempiterna. Hinc æquissimus iudex iam antè edixit: *Et ibunt hi in supplicium æternum; iusti autem in vitam æternam.* Verùm hæc ratio id ipsum ponit, quod Origenes negauit, scilicet reproborum supplicia finem non habitura: quare aduersus eam opinionem potest videri non esse admodum firma. Reipsa tamen est firmissima, tum quia fides, tum quia scriptura sacra tradit hanc veritatem. Cum tamen etiam

iam alteram illam de beatitudinis æternitate veritatem itidem tam fides, quam scriptura apertè tradat; quam nihilominus Platonicis imbutus figmentis vel non vidit, vel more hæreticorum, in tanta luce, videre noluit Origenes, vt S. Epiphanius scribit; producemus & alias contra eum rationes. Quarum altera est, quia ratio repudiat, & piæ aures horrent impium errorem Origenistarum. Quantumuis enim

S. Epiph. in ep. ad lo. Hiero- solymit. Episcopo Origenis stam.

IX.

à pertinaci cerebro clarissima testimonia scripturarum ad allegorias violentè detorqueantur; quantumuis veracissimæ illæ promissiones: *Qui elucidant me, vitam æternam possidebunt: Gratia Dei vita æterna: Ibunt in vitam æternam &c.* auxesin, hoc est, deceptionem aliquam, non sine atroci iniuria fidelis Dei habere dicantur: tamen natura ipsa, siue bonitatem Numinis expendat: siue huius, siue futuræ vitæ statum ac conditionem consideret, non potest non de æternitate aliqua cogitare. Quorum piorum aures, ait S. Augustinus, ferant post emensam tot tantisq; calamitatibus vitam, post tam magna mala, tamq; multa & horrenda, tandem aliquando per veram religionem & sapientiam expiata atq; finita, ita peruenire ad

Eccl. 24. 31. Rō. 6. 23. Matth. 25. 46.

S. Aug. stin. l. 12. de ciuit. cap. 20.

conspēctum Dei, atque ita fieri beatam contemplatione incorporea lucis per participationem incommutabilis immortalitatis eius, cuius adipiscenda amore flagramus, ut eam quandoque necesse sit deserere, & eos, qui deserant, ab illa æternitate, veritate, felicitate deiectos, tartarea mortalitati, turpi stultitia, miseriis execrabilibus implicari, ubi Deus amittatur, ubi odio veritas habeatur?

X.

Accedit huc tertia ratio ab ipsa opinione Ethnicorum maximeque Aristotelis petita. Is enim vel idcirco cœlum incorruptibile atque æternum esse affirmavit, quod sit sedes Deorum, adeoque beatorum. Quorsum enim domicilium incorruptibile & æternum, nisi æternis & æternum ibi mansuris? ac columnæ instar immobilis immobiliter templum beatitudinis occupaturis? Quod & in Apocalypsi docetur. *Qui vicerit, inquit, faciam illum columnam in templo Dei mei: & foras non egredietur amplius.* Itaque neque in terras has detrudetur, neque sub terras. Quam detrusionem si metuere possent sancti, iā profectò non essent beati, neque pacem, quæ bonorum nostrorum finis est, obtinerent.

*Aristot.
2. de cœl.
sect. 2.*

Apoc. 3. 12.

XI.

Quarta igitur ratio, est, quia pax sanctorum exigit, ut merces eorum nullis casibus vnquā

vnquam terminetur. Hinc teste D. Augu-
 stino ad sanctam illam ciuitatem dici-
 tur; *Lauda Hierusalem Dominum, lauda De-* ps. 147. 1.
um tuum Sion. Quoniam confirmauit seras por-
tarum tuarum, benedixit filios tuos in te. Qui S. Augu-
posuit fines tuos pacem. Quando enim confir- stin. l. 19.
mata fuerint seræ portarum eius, iam in illam de ciuit.
nullus intrabit, nec ab illa ullus exiit. Ac per cap. 11.
hoc, fines eius eam debemus hîc intelligere pa-
cem, quam volumus demonstrare finalem. Nam
& ipsius ciuitatis mysticum nomen, id est, Hie-
rusalem, visio pacis interpretatur. Sed quo-
niam pacis nomen etiam in his rebus mortalibus
frequentatur, ubi utique non est vita æterna:
propterea finem ciuitatis huius, ubi erit sum-
mmum bonum eius, æternam vitam maluimus
commemorare, quàm pacem. De quo sine Apo- Rom. 6.
stolus ait: Nunc verò liberati à peccato, serui
autem facti Deo, habetis fructum vestrum in
sanctificationem, finem verò vitam æternam.
Quare idem S. Pater ait: Profectò finis ciui- S. Augu-
tatis huius, in quo summum habebit bonum, vel stin. ibid.
pax in vita æterna, vel vita æterna in pace di-
cendus est. In hoc ergo quiescunt beati,
quia sciunt æternùm se vita illa iucunda
potituros. Itaque æterna vita alios fines
non habebit, quàm pacem: neque pacem
 R 3 habet-

haberet si æterna non esset. Quomodo enim in pace essent, si semper anxij essent sancti de vita tam iucunda atque beata amittenda? Immo quomodo non maximo mærore afficerentur scientes, se aliquando tantum bonum amissuros? Quò enim quisque vehementiùs æstimat amatque bonum, quod possidet, eò acerbiùs dolet, si videat se illud amissurum. Nisi quis dicat, sanctos non videre, quòd bona sua amittere possint, quamuis amittere possint. Sed hoc inane est prorsus. Quasi enim Origenes plus viderit in terris, quàm beati visuri sint in cœlis? aut tanquam si in intellectu sanctorum error habeat locum, cum tamen malum in beatis non habeat locum, errorque iste non paruum sit malum? Certè beati esse non possunt, quorumcunque beatitudo falso nititur fundamento; cum nihil tam beatitudini sit aduersum, quàm error circa ipsum beatitudinis fundamentum. Si igitur sancti illi falsò sibi æternam felicitatem persuaderent, beati non essent. Et tamen hoc ipso maximè gauderent, sicuti gaudent, quia cogitant gaudium illud à se neminem sublaturum. Atque hæc est quinta ratio æter-

XII.

æternitatis. Quemadmodum enim inter præcipuas afflictiones damnatorum est, quòd desperent liberationem, videantque sua tormenta per omnes æternitates duratura; ita inter summa maximaque electorum gaudia censetur etiam illud, quòd sciant possessionem boni, quod obtinent, nullis vnquam seculis esse desinendam. Ad summum ergo gaudium etiam hoc pertinet, vt non sit breue, sed diuturnum, sed æternũ; vt etiam de hoc gaudeatur, quòd sit semper gaudendum. Quin etiam ad XIII. summum id Dei donum pertinet, vt sit sine poenitentia, & non mutetur, sicut neq; Deus mutatur. *Ibi enim erunt natura munera*, ait Hipponensis Antistes, *hoc est, quæ natura nostra ab omnium naturarum creatore donantur: non solum bona, verum etiam sempiterna: non solum in animo, qui sanabitur per sapientiam, verum etiam in corpore, quod resurrectione renouabitur.* Sempiterna igitur & animi, & corporis bona à sempiterno Deo donabuntur sanctis. Quia si magnos decet magna dare amicis; infinitũ Deum infinita decet dona sanctis impartiri. Atque eò ipso, quia beatitudo est quædam participatio Dei (nam cum apparuerit, 1. 10. 3. *simi-*

*S. Augu-
stin. l. 19.
de ciuit.
cap. 10.*

les ei crimus) beatis communicatur, quantum potest. Non potest autem ab æterno, potest verò in æternum communicari. Hinc nulla creatura ab æterno fuit beata, erunt tamen multæ in æternum beatæ; vt & Deum, & Dei donum commendent. Quæ est sexta ratio æternitatis beatæ.

XIV.

Septima est, quòd sicut Dei donantis constans est voluntas in donis à se datis, ita neque ipsi sancti causam sint daturi, vt illud donum à se auferatur. Hæc est illorum securitas, *ita certi erunt*, ait S. Anselmus, *nunquam istud bonum sibi defuturum; sicut certi erunt, se sua sponte id non amissuros, nec dilectorem Deum illud dilectoribus suis inuitis ablaturum; nec aliquid Deo potentius ipsos inuitos à Deo separaturum.* Quamuis enim in hac vita gratia habitualis per peccatum amitti potest, sicut & alij habitus supernaturales; tamen in altera vita gloria per peccatum amitti non potest, cum peccatum admitti non possit. Quisquis enim lumine gloriæ est collustratus, nihil videt, ob quod peccare velit; omnia cernit, ob quæ peccare non debeat. Si ergo nemo ibi peccabit, nemo quoque punietur: sed sine fine gaudebit & coronabitur, qui hîc *legitimè*

S. Ansel-
mus Pro-
sologij
cap. 25.

timè certauerit, & ad finem usque perseverauerit.

XV.

Quæ ipsa etiam perseverantia, sicut imago, ita & ratio etiam est cur æternitatem consequamur. Hanc octauam

rationem S. Bernardus indicavit his ver-

S. Bern.

bis: *Quis sustinet & perseverat in amore, nisi*

lib. 5. de

qui emulatur aternitatem charitatis? Nempe

Considerat. c. 6. & 11.

æternitatis quandam imaginem perseverantia

præ se fert. Denique sola est, cui æternitas red-

ditur, vel potius, quæ æternitati hominem red-

dit. Quam ob causam ipse Dominus ait:

Vos estis, qui permanistis mecum in tentationi-

Luc. 22.

bus meis: & ego dispono vobis, sicut disposuit

28.

mihi Pater meus regnum: ut scilicet sicut

permanistis mecum in tentationibus meis,

sic etiam mecum in regno meo perman-

neatis: & quemadmodum ego pro terre-

nis cœlestia, pro humanis diuina paravi,

ita etiam pro parui temporis perseveran-

tia, perseverantiam æternam vobis repo-

nā. Nona ratio sumitur ex ipsa beatitu-

XVI.

dinis ratione. Vita non est, nisi beata, ait ma-

gnum illud Ecclesiæ lumen, Et beata vita

S. Augu-

non potest esse, nisi æterna, ubi sunt dies boni;

stinus in

nec multi, sed unus. Hinc quisquis futuræ

sermonib.

vitæ statum concipit, concipit statum im-

de tempo-

mutabilitatis & æternitatis; ubi

re. Serm.

113.

R 5

Clari,

Idem lib.
Medic.
cap. 26.

Clari, viuidi, iucundi nullis patent casibus.

Absunt morbi semper sanis, senectus iuuenibus.

Hinc perennet enent esse, nam transire trāsijit.

Inde virent, vigent, florent, corruptela corrui.

Immortalitatis vigor mortis ius absorbuit.

Ex quibus omnibus manifestum est, sanctos in coelo ita vniuersa corporis animiq; bona possessuros, vt quidquid optent, habeant, semperque habeant sine vlllo metu amissionis, cum certa quadam perpetuitate.

§. IV. *Quid ex comparatione rerum mortalium & immortalium discamus?*

XVII.

Igitur felicissimæ illi æternitati testimonium dant diuinæ litteræ; damnatorum æternæ miseræ: sensus communis hominum & ipsorum etiam Ethnicorum: locus ipse coeli corruptionis expers: pax perfecta omnem amittendi illius status excludens anxietatem: gaudij plenitudo, quæ tanta non esset, si æterna non esset; si enim istius vitæ miserias solamur spe vitæ futuræ, nobisque inter ipsos labores ac dolores

lores dicimus, *dabit Deus his quoque finem*; *Virgil. 1. Aeneid.*
 utique & beati illi gaudijs maioribus per-
 fundentur, si cognoscant nullis illa timo-
 ribus acerbari, quibus profectò acerba-
 rentur, si scirent ea esse finienda; sicut &
 tristitiæ nunc mitigantur, si cogitentur fi-
 nem habituræ. Confirmat eandem bea-
 titudinis æternitatem, quòd ab æterno in-
 finitoque Deo maximi instar doni tribua-
 tur: quòd nos Deo, quantum fieri in dura-
 tione potest, similes efficiat: quod immu-
 tabilis illa voluntas dona sua semel con-
 cessa non retractet, quàm diu se indignos
 non faciunt, qui ea acceperunt; nec verò
 se indignos facere sancti possunt, cum
 peccare non possint: denique quòd & per-
 seuerantiæ iustorum æternitas respondeat
 præmiorum; & ipsi beatitudini perpetui-
 tas debeatur. Verè ergo arx illa cœlestis
 est æterna. Non ita *Labyrinthus*, non Ro- XVIII.
 ma habuit æternitatem. Fuit quidem o-
 pinio, fuère scriptores, qui *Romam & ater-*
nam, & deam vocarent, cuius opinionis o-
 riginem Lucius Florus his verbis indicat: *Luc. Flor.*
De manubiis captarum urbium templum ere- *in Tarq.*
xit (Tarquinius superbus) quod cum inaugu- *Superb.*
raretur, cedentibus ceteris diis, restitère Iuven-
tas

*tas & terminus. Placuit vatibus contumacia
numinum: siquidem firma omnia & aeterna pol-
licebantur. Quocirca & Maro ex Iouis ore
canit:*

*Virgil. I.
Æneid.*

*Romulus excipiet gentem & Mauortia con-
det*

Mania, Romanosq; suo de nomine dicet.

*His ego nec metas rerum, nec tempora pono,
Imperium sine fine dedi.*

*Vide Pie-
rium Hie-
rogl. 43.*

Ad quod imperium aspiciens Attalus Im-
perij sub Honorio tyrannus numisma cu-
dit, in cuius altera facie Roma expressa fuit
cum hac epigraphe: *Inuicta Roma aeterna.*

*Erinna
Lesb. Ode
in laudē
Roma.*

Idem cecinit olim Erinna Lesbica. In hunc
modum veterem Romam æternam voca-
uere corui, picæ, adulescentes. Quam æter-
nam nō fuisse, tot circum, theatrorum,
palaciorum ruinæ, & vix agnoscenda vesti-
gia satis clamant; & quidem vsque adeo
non fuit æterna, vt illi quasi mortuæ nunc

XIX. noua Roma successerit. Neque san-
ctus Benedictus prædixit fore æternam,
sed tantum à Totila non euertendam pro-
misit. Sic enim sanctus Gregorius scri-
bit: *Canusina Antistes Ecclesie, dum cum viro
Dei (S. Benedicto) de ingressu regis Totila &
Romanae urbis perditione colloquium haberet,
dixit:*

*S. Gregor.
lib. 2. dia-
logor. c. 15.*

*dixit: Per hunc regem ciuitas ista destruetur, ut iam amplius non inhabitetur. Cui vir Domini respondit: Roma à Gentibus non exterminabitur, sed tempestatibus coruscis, turbinibus ac terra motu fatigata, in semetipsa marcescet. Cuius prophetia mysteria nobis iam facta sunt luce clariora, qui in hac vrbe dissoluta mænia, euersas domos, destructas Ecclesias turbine cernimus. Estné hoc esse æternam Romam? Et esto æterna dici posset, non quòd semper duratura, sed quia saltem ad finem mundi sit duratura, tempore tamen Antichristi excindetur. Quod & post tempora Christi vrbi Hierosolymitanæ euenit; & rursus tempore Antichristi sub finem mundi omnibus oppidis, arcibus, ciuitatibus ac structuris eueniet. Vt proinde meritò istis palaciorum & rerum terrenarum admiratoribus dici possit, quod Christus discipulis suis dixit: *Videtis hac omnia? Amen dico* Matth. 24. 1.
vobis, non relinquetur hîc lapis super lapidem,
qui non destruatur. Idem in toto mundo XX.
 continget, quando *terra motus magni erunt* Luc. 21. 11.
per loca. Tunc enim à spiritu Dei ad vindictam venientis & omnia concutientis mare turbabitur, ruent alto à culmine turres & arces, ædificia ac palacia solo æquabuntur; quem-*

quemadmodum factum est, Samsone sese
iudic. 16. vindicante & apprehendente *ambas colum-*
29. *nas, quibus innitebatur domus, alteramq; ea-*
rum dextera, & alteram laeva tenente, cum
concussis fortiter columnis, cecidit domus super
omnes principes, & ceteram multitudinem, quae
ibi erat. Sic iustus & iratus iudex mundi
 fundamenta conquassabit, quibus omnes
 spes & opes, & lites, & voluptates huma-
 nae innituntur. Sed quàm improuidè?
 Hirundines aiunt nidum suum nunquam
 ponere in pariete caduco, aut domo rui-
 nam minitante: & homines tam stolidi
 sunt, vt ibi & nidum, & quietem suam col-
 locent, vbi cernunt omnia labefactanda,
 & repentino casu deiicienda, vt amatores
 XXI. suos opprimant & inuoluant? Quàm
 longè aliter facerent, si cum terris æternas
 illas securasq; in cœlo mansiones com-
 pararent? Nemo vt plumbum possideat,
 aurum perdit. Nemo mauult arundine ni-
 ti, quàm scipione eburno. Nemo carbo-
 nes eligit, & thesaurum contemnit. Ne-
 mo potius vmbram captat, quàm prædam.
 Nemo optat magis ventos venari, quàm
 ceruos. Nemo regiam marmoreamque
 domum negligit, vt possit habere casam
 puerili

puerili ludo ex arenis ædificatam. Denique nemo pluris æstimat stillam quàm fontem, guttam quàm fluuium, granum quàm aceruum, punctum quàm circulum. Et nos plumbeas has voluptates aureis illis delicijs; mortuos istos & denigrantes pecuniarum carbones, infinitis cœli thesauris; umbras has vanissimorum honorum, illis veris titulis; ventos istos, casas has, istas arenas, stillas, guttas, grana, puncta; certis illis æternisq; gaudijs antefereamus? O si & vana ista, & vera illa; ista fluxa, illa æterna seriò perpenderemus! perspicuè profectò cerneremus, quàm exigui momenti sint omnia, quæ in terris tam ambitionè amamus; immo quàm prorsus nihili facienda; si cum cœlo rebusque sempiternis æstimentur. Quippe quidquid fluxum est, transit. Quidquid autem transit, postquam transijt, perinde est, ac si nunquam extitisset. Idem enim restat post finem, quod fuit ante initium. Ante initium nondū erat: post finem non ampliùs erit. Nihil ergo erit. Eat igituraliquis cū Salomone, & dicat: *Vadā & affluā delicijs, & fruār bonis;* *Eccle. 2. 8* mox alteram illius cationē vsurpabit dicens: *Et vidi quòd hoc quoque esset vanitas.* Sapi-

Sapientissimi & delicijs plenissimi viri vox
ibid. 6. 4. *est: Magnificaui opera mea, adificaui mihi do-*
mos, & plantaui vineas, feci hortos, & poma-
ria, & conseui ea cuncti generis arboribus, &
extruxi mihi piscinas aquarum, ut irrigarem
siluam lignorum germinantium, possedi seruos,
ancillas multamq; familiam habui, armenta
quoque, & magnos ouium greges, ultra omnes,
qui fuerunt ante me in Ierusalem: coaceruaui
mihi argentum & aurum, & substantias re-
gum, ac prouinciarum: feci mihi cantores, &
cantatrices, & delicias filiorum hominum, scy-
phos, & urceos in ministerio ad vina funden-
da: & supergressus sum opibus omnes, qui ante
me fuerunt in Ierusalem: sapientia quoque per-
seuerauit mecum. Et omnia, quæ desiderauere-
runt oculi mei, non negaui eis: nec prohibui cor
meum, quin omni voluptate frueretur, & oble-
ctaret se in his, quæ preparaueram: & hanc ra-
tus sum partem meam, si uterer labore meo.
Cumq; me conuertissem ad uniuersa opera mea,
quæ fecerant manus mea, & ad labores, in qui-
bus frustra sudaueram, vidi in omnibus vani-
tatem & afflictionem animi, & nihil permane-
re sub sole. Quare etiam si quis omnibus
 mundi voluptatibus perfundatur, etiam si
 cum Sardanapalo in delicijs natet, cum

Cleo-

Cleopatra in rosis cœnet; etiam si omnibus titulis salutetur, omnibus honoribus, omni gloria colatur; omnium vocibus & sermonibus celebretur; supra omne imperium & solium euehatur; idque longo tempore, plurimisq; annis: si tamen postea vel casu, vel fraude, aut violentia hostiũ, vel ipsa morte cogatur hæc omnia deserre; nihil illi supererit ex omnibus, quod illum delectet, aut quod sit loco emolumenti. *Est sermo Dei ad homines*, ait Eugubinus, *quasi dicat: Quid struis, qua fretus spe* *Eugubin. in Ps. 89.*
viuis? quid si vel mille annos, id est, plus quam primus genitor, qui 930 annos traiecit, ipse viueres, omnis hæc ætas, quia moriendum tandem est, erit tibi velut una dies hesternæ elapsa. Quod si humana vita est particula temporis, tempus breuissima pars æternitatis, quid erit, quidquid unusquisque hominum viuit ante oculos Dei? Nam, ut ait Plato & Aristoteles, nec dies est, nec annus, nec mensis apud Deum, qui est supra solem temporis genitorem, nec tempore potest intercipi. Sicut ergo de hesterno die nihil habent homines, sic de tota vita in omnem æternitatem nihil supererit, cuius commodo fruantur, præter virtutem, & thesaurum in cœlo thesaurizatum, opera *Apoc. 14.*
§
enim 13.

enim illorum sequuntur illos. Quid si ne multis quidem annis liceat hîc & sic in honoribus viuere? An ob tam breue tempus *aeternitas* erit contemnenda? Et tamen summi quique breuissimè durauerunt. Imperatores Romanos cogita. Miraris sceptrû, formida interitum; profectò non fuit tam breuis gloria, tam funesta morte emenda. Plerique vel suo, vel alieno ferro ceciderunt. Theodosius tertius anno non integro expleto, regni cursum vitæque expleuit. Maximus & Balbinus occubuit mense duodecimo. Paulò diutiùs regnauit Basiliscus, nempe mensis illi vigesimus fuit fatalis. Sed tanto breuius extitit imperium Vitellij, qui nono, & Galbæ, qui mense septimo solium cum sepulchro commutauit: Tacitus autem mense sexto: Michaël Calaphates mense quinto: Otto mense quarto: & nec dum expleto mense secundo Maximus: ac Piso prope primo: quin Siluanus die vigesimo & octauo: Quintillus die septimo & decimo. Ita summorum Imperatorum breuis fuit in gloria diuturnitas, vt multi vnum mensem in honore nō prouixerint, more scarabæorum, qui in Maio circumuolitant, ac
se se

se se ostentant; tum mox terras subeunt, & in luti cauernis absconduntur. Quid ergo post tantillos triumphos miseri habuerunt? Quid prodest homini vnus diei, aut anni lætitiā capere, & in *æternum* se se malum præcipitare? Imo si post transactos plurimos in vanitate annos viuat, si sentiat, aut si vel anima defuncti intelligat quibus rebus sit orbata, incredibilis mæror ex his omnibus in ea relinquetur, & memoria acerbissima rerum præteritarum. Quæ memoria tanto tristior erit, quantò bona illa, quæ reliquit, illi visa sunt maiora atque iucundiora. Quò enim plus dulcedinis habent, quæ possidentur, eò tenaciùs agglutinant animum; eoque postea maiore cum dolore reglutinantur. Crescit enim amissionis amaritudo, ex suauitate possessionis. Vt proinde vel ex hoc vnico capite, licet alij mille earum contemnendarum tituli non essent, res fluxæ atque caducæ meritò non sint magnificiendæ. At verò cœli gaudia, vita beata, & præmia sanctorum, quia æterna sunt, finemque nesciunt; nunquam amittuntur. Quare sunt infinitis modis meliora & optabiliora omnibus vitæ istius

fugitiuæ bonis, etiamsi ceteris illis titulis, quos supra commemorauimus, non antecederent. Quo enim duratio boni alicuius est maior, tanto & ipsum maius esse iudicatur; & si in infinitum extenditur, iam omnem modum obtinet durationis; an autem etiam omnem idcirco modum contineat securitatis, capite sequenti differemus.

Caput X.

AN PROPRIE DICTAM OBTINEANT AETERNITATEM BEATI?

§. I. *Vanitatem & eternitatem, diuersorum affectuum esse causam.*

I.

*Athen.
lib. 14.
Strabo
lib. 14.*



MEMORAT Athenæus, & cum eo Strabo, Sardanapalum humanæ quidem vanitatis peruulgatum, sed insigne exemplum, ut, quod in vita docuerat, post mortem iterum dedoceret, monumentum habuisse, in quo statua quæpiam consertis digitis quasi sonum editura videretur. Quo symbolo aiunt aliud nihil esse significatum, quàm humana omnia esse id, quod D. Gregori⁹ Nazianzenus ait, *strepitum manus plaudentis*. Hoc etiam fuerunt omnes, quicunque pro laude huma-

*D. Greg.
Naz. in
Odis.*

humana vel *Labyrinthos*, vel aliud quid-
 piam superbè ædificauerunt. Nam, tu
 Deus, *increpasti gentes, & perijt impius: no-* *Psalm. 9. 6.*
men eorum delesti in aeternum, & in seculum
seculi. Inimici defecerunt frameæ in finem: &
ciuitates eorum destruxisti. Perijt memoria
eorum cum sonitu: & Dominus in aeternum per-
manet, quemadmodum & illi, qui Domi-
 no adhæserunt. Sicut enim desinente cum
 ipsis hominum sermone, *sonituq;* auribus
 tantùm dato, *perdit de terra memoriam im-* *Psalm. 33. 17.*
piorum, sic *in memoria aeterna erit iustus;* *Psalm. 111. 6.*
 neque in memoria aeterna tantùm, verum
 etiam in lætitia sempiterna. Quamob- II.
 rem, vt rerum terrenarũ *vanitas* nauseam
 inducit sapienti, ita cœlestium bonorum
aternitas, obiecta rerum vanarum vilitate,
 eundem mirificè inflammat ad eadem
 plenis desiderijs concupiscenda. Quem-
 admodum enim S. Benedictus eleuatus a-
 liquando in Deum Deique immensita-
 tem, vidit illicò sub ea totum istum mun-
 dum, cum omnibus terris, & spaciola O-
 ceani vastitate, velut in exiguum pilam,
 contractum, atque instar globi parui exi-
 stentem, aut potius puncti instar: ita quis-
 quis mentem attollit in *aternitatem*, sub

ea perspicuè cognoscit, omnia tempora collecta esse instar vnius diei: immo instar

*S. Gregor.
lib. 2. dia-
log. c. 35.*

momenti. *Quia videnti Deum*, ait S. Gregorius, *angusta est omnis creatura. Quamlibet enim parum de luce creatoris aspexerit, breue ei fit omne quod creatum est. Lux enim interior, quæ videntis animum ad superiora rapuit, ei quàm angusta essent omnia inferiora monstrauit.* Hanc angustiam ex parte etiam Ethnici viderunt: vnde celebratur ille

*Plutarch.
in lib. cō-
solat. ad
Apollo-
nium.*

le Euripidis versus, quem Plutarchus recitat; *Non est stabilis felicitas, sed in diem durans: Vbi laudatum alioqui Poëtam Demetrius Phalereus reprehendisse legitur, quòd non vnum diem, sed temporis punctum*

*Senec. l. 7.
Natur.
99. c. 32.*

dicere debuisset. Rationem aliquam Seneca his verbis attingit: *Fluit tempus, & audissimos sui deserit. Nec quod futurum est, mecum est, nec quod fuit: in puncto fugientis*

*S. Augu.
lib. 12. de
Ciu. c. 12.*

temporis pendeo. Alteram rationem S. Augustinus affert, cum ait: *Considerent, nihil esse diuturnum, in quo aliquid est extremum: & omnia spacia seculorum definita, si aternitati intermina comparentur, non exigua existimanda esse, sed nulla.* Sic sanctissimus ille

*Thomas
Staplerō.
in Vita
Th. Mariti*

Angliæ & Cancellarius & Martyr Thomas Morus existimauit: qui, vt scribit Staple-
tonus,

tonus, ab Henrico VIII rege Angliæ omnibus machinis frustra oppugnatus, cum tandem etiam domestico ariete quateretur, vxore vt fit, miserabilem illius sortem muliebriter lamentante, ac vitam aliam lautissimam promittente, si regiæ petitioni annuisset, respondit: *Et quanto tempore illa sorte lauta, o vxor, fruemur?* cumque illa diceret, *Adhuc facile ad viginti annos:* respondit rursus Morus: *Certè stulta es mercatrix. Quid enim sunt viginti anni, ad aternitatem? vis ut viginti annis deliciarum, prodigam aternitatem gaudiorum cælestium, mihiq; accersam aternitatem dolorum infernalium?* Vt ergo viuacissimi lux solis, lumen exiguæ lucernæ nimia claritate extinguit, ita aternitas vitæ illius extinguit vitæ istius breuitatem. Quod nec Esdras, 4. Esdra.
cap. 2. 34. vel quisquis est auctor ille, ignorauit, cuius hæc sunt: *Expectate pastorem vestrum, requiem aternitatis dabit vobis; quoniã in proximo est ille, qui in fine seculi adueniet. Parati estote ad pramia regni, quia lux perpetua lucebit vobis per aternitatem temporis. Fugite umbram seculi huius. Facit igitur & seculi huius breuitas, & futuri aternitas, vt hinc libenter illuc aspiremus, dummodo, sicut*

V. scimus nos hîc non habere permanentem ciuitatem, ita de futura *æternitate* non dubitemus. Quoniam igitur huc vsque vidimus beatitudinem sanctorum finem non esse habituram, nullisq; vnquam seculis amittendam, satis quidem id esset ad desiderium nostrum accendendum; cum nihil aliud desideremus, quàm vt rem amatam reipsa nunquam amittamus; longè tamen pluris facimus bonum aliquod, si eiusmodi est, vt etiam neque amittere quidem illud valeamus. Itaque porrò videndum est, an beatitudo cœlestis talis sit, vt semel obtenta, non modò nunquā ampliùs amittatur, sed ne amitti quidem vllò modo possit? hoc est, an propriè, aut verè *æterna* sit? Nam *æternum* esse, & amitti posse, non videntur simul consistere; maximè, cum *æternitas sit perfectà possessio*, & id quod amitti potest, perfectè non possideatur, quodq; perfectè possidetur, nequeat amitti.

§. II. *Quid sit æternitas?*

VI. Ad quam quæstionem, vt ex formula, quod aiunt, respondeamus, priùs discutendum est, quid sit *æternitas*? S. Cæsarius
Dialog. 3. frater

frater S. Gregorij Nazianzeni, *Apud Deum,*
ait, *vespere carens, & unicus dies est tota æternitas.* Immo Dei *æternitas* est dies & manè
& *vespere carens*, vnde dicitur *in meridie cu-* *Cant. 1. 7.*
bare, nec ortui, nec occasui vicinior; cum
sancti quotcunque sæcula atque ætates, &
myriades ætatum in cælo consumserint,
semper tamen adhuc initio *æternitatis* suæ,
quàm fini sint futuri propinquiores: quia
æternitas illorum etsi fine caret, initio ta-
men non caret. Hinc quotquot secula
cogitemus ab initio beatitudinis illorum
transiisse, etiamsi tot, quot in silvis folia,
in campis gramina, in littore arenas; tamẽ
adhuc nihil exhausserunt, neque imminu-
erunt de sequente *æternitate*; neque vn-
quam dici poterit *æternitatem* antecessisse.
Ac proinde dimidiata tantum erit *æterni-*
tas, quam sancti obtinebunt. Hinc fit, vt
neque mundus iste, quamvis nunquam
penitus sit periturus, sed in elementis &
cœlis semper duraturus; neq; animæ, ne-
que homines beati, neque ipsi adeò An-
geli simpliciter *æterni* possint appellari,
seu αἰδίῳ, sed αἰώνιοι; ænum enim illorum
est duratio, aut *æuiterinitas*, non *æternitas*.
Quippe tametsi posthac de sæculo in sæ-
culum

culum semper sint transitori, & infinitis sæculis nunquam desituri, tamen itidem infinitis antehac quasi sæculis non extiterunt. Theologis cum Boëtio *aternitas*

Boet 3. de
Consolat.

est interminabilis vita tota simul & perfecta possessio; qua scilicet non expectatur, nec in spe, sed re ipsa præsens habetur à Deo *vita*, quæ est perfectissimum esse, in cuius proinde potius, quàm in essentia *possessione* ponitur perfectissima Dei duratio, quæ est *aternitas*. Dicitur verò hæc *possessio tota simul esse*; quia non habet partem post partem, sed omnem suam extensionem habet in vnicum momentum collectam. Ut adeò *aternitas sit quasi unum indiuisibile nunc, durans semper, & constans*; quod omni momento totum quicquid habet, habet simul unitum: ac proinde in eo indiuisibili mille anni nostrates, & millies mille secula sunt quasi dies unus; & dies vnus in Dei *aternitate*, est sicut mille anni nostrates, & sicut millies mille secula, & quicquid ultra potest cogitari. Siquidem in ea nulla est successio, nihil præterit, nihil aduenit: verum ipsa est quasi vna dies perpetua & constans, omnibus annis, omnibus sæculis coëxistens; circa quam stantem atque im-

mo-

motam omnia subter tempora voluuntur, labuntur, prætergrediuntur. Atque ita quidquid infiniti nostrorum annorum seculorumque circuli habent extensum, id totum diuina aternitas vno momento immota continet, & in indiuisibili possidet; quo ipso indiuisibili coëxtenditur temporis infinito. *Sicut enim immensitas Dei totam Dei magnitudinem, quæ absq; termino in omnem partem diffunditur, colligit in punctū, ut non minus habeat in puncto loci, quàm in spacio immenso: ita aternitas durationem Dei, & (ut ita dixerim) ætatem seu vitam, quæ infinito temporis coëxtenditur, colligit in momentum, ita ut totam possideat in momento. Sicut enim immensitas se habet ad punctum loci, ita aternitas ad punctum temporis: postulat enim aternitas, ut omnis apprehensio, omnis cogitatio, omne consilium, omne iudicium, omnis voluntas, omne decretum, omnis amor, omne gaudium, omnis felicitas, omnis complacentia & displicentia, denique omnes actus intellectus & voluntatis, qui successu temporis infiniti in Deum cadere possent, fuerint in illo, & sint perfectissime quouis momento, omnibus retro seculis, & in posterum futuris designabili.*

Leonard.
L'ess de
diuin.
Perf. l. 4.
cap. 1.

Nam infinita illa aternitatis perfectio
non

VIII.

non potest à nobis cognosci, nisi comparatione. Est autem hæc prima comparatio, vt cum tempore imaginario infinito conferatur; cui virtute coëxtenditur, & exæquatur: cum interim eadem omnia simulatque in vno puncto habeat, quæ habet quamdiu cum infinitis illis temporum spacijs coëxistere cogitatur. Hinc altera illa comparatio existit, qua cum puncto confertur, quod ita in circulo circumducto medium existit, vt respondeat toti peripheriæ, & ad singula eius puncta se habeat eodem modo: sic *aternitas* quoque præsens est, & respondet omnibus, quocunque eam seu seculis, seu momentis intellectu circumscribas. Conferunt eam nonnulli etiam rupi immobili in rapacissimo flumine stanti. Sicut enim eiuscemodi rupes eodem semper loco perseuerans, flumine continuò præterfluente, omnibus illius aquæ partibus successiuè se trudentibus & rupem lambentibus, nec vnquam redeuntibus est præsens; ita sub eadem immota *aternitate*, & semper præsentē, omnia tempora & temporalia, tanquam fluminis aquæ sibi inuicem assiduè succedentes, transeunt, *aternitate* ipsa non tran-

*Explicat
rem hanc
transiū-
q; creatu-
rarū sub
aternita-
te S. Au-
gustini. l. 1.
Conf. c. 6.*

transeunte. Hinc apud Boëtium Deus æternus est, *qui tempus ab æuo Ire iubet, stabilisq; manens dat cuncta moueri.* Ex quibus manifestum est, cur *æternitas* etiam dicatur *interminabilis vitæ tota simul & perfectæ possessionis*. Non enim solum in futurum non potest illa Dei vita terminari, sed neque etiam retro in præteritum potuit vnquam initij terminum accepisse: estque tam *perfecta possessio*, vt non solum omnia comprehendat, quibus Deus viuere cogitatur, sed etiam vt ex sua natura & ab intrinseco amitti non possit. Hinc quidam *æternitatem* sic definiunt, vt dicant, *esse durationem rei immutabilis, totam simul, ab intrinseco, principio & fine carentem*: & cum S. Iacobus æternum Deum describere vellet, dixit: *Apud quem non est transmutatio, nec vicissitudinis obumbratio.* Iac. I. 17.

§. III. *Proprie dictam perfectamq; æternitatem soli Deo competere, quantumq; ea sit bonum?*

His de æternitate disputatis, facile intelligitur, nihil creatum esse hoc modo æternum. Quanquam enim *æterna* beatorum vita, si essentiam & actus beatificos spectes, sit tota simul, adcoque *unicus dies vespere*

Vide S. Dionys. de diuin. nō. cap. 6.

sphære carens, non tamen caret ille dies suo matutino, aut initio : neque absolutè *tota illa vita simul possidetur*. Nullus enim illorum omnes cogitationes, omnes cognitiones, omnes amores, omnes affectus, omnes voluptates, quas per totam illam durationis infinitatem successivè est habiturus, simul possidebit ; sicut Deus non solum quoad rei essentiam, sed etiam, quoad omnia quæ in illa essentia spectantur, adeoque quo ad omnes motus vitales *vitam simul possidet interminatam*. Itaque ita est *aternus*, ut eius *aternitas* nunquam inchoata sit ; beatorum *aternitas* inchoatur : Dei *aternitas* quo ad omnia est *tota simul* ; beatorum *aternitas* non est quoad omnia *tota simul* : illa caret principio & fine ; hæc fine caret tantum ; principio non caret : illa ita *perfectè possidetur*, ut nulla vi & potentia amitti possit ; hæc tota à Deo pendet, cuius nutu posset unico momento euerti. Constat igitur soli Deo propriè conuenire *aternitatem*. Cuius excellentia

XI. ex hoc quoque titulo crescit. Nam quantumvis immane temporis spacium imaginemur mundi creationem antecessisse, adhuc Dei *aternitas* antecessit. Si ante
mun-

mundum tot secula fingamus, quot sunt in Oceano guttæ; adhuc nihil est ad durationem Dei. Si ponamus tot myriades sæculorum fuisse ante mundum, quot atomos ipse mundus potest capere, Deus ante hæc secula omnia fuit. Si omnes omnium arenarum, omnium cogitationum, omnium denique rerum numeros in se multiplicemus, nihilominus adhuc Dei *aternitas* infinitis seculis antecessit; qualisque ab omni illa infinita duratione fuit, non dimidiata, non minima ex parte diminuta, talis erit in infinitam quoque post-hac durationem. Ex quo conijci potest, quantæ capacitatis sit mens diuina, quantæque perfectionis. Pone enim has tot sæculorum ac durationum myriades, pone quot diebus, quot horis, omnibus denique momentis nouas ei sapientiæ notiones, nouas veritates, nouas inuentiones, nouas delectationes occurrisse per totam illam durationem, quàm infinitus horum actuum numerus per infinitam illam durationem occurreret? Atqui iam de facto hæc omnia *simul* & semel ab illo *aternitatis nunc*, ex quo fuit Deus, possedit & comprehendit, vt pulchrè ratiocinatur Lef-

XII.
Lef. loc.
sus. cit.

fius. Quantarum igitur rerum cognitio, quantarum veritatum & voluptatum thesaurus, quàm infinita infinitas in illo *simul* consistet? Et quia vniuersa bona Dei ex se infinities perfecta sunt intensiue, accedente hac, ad singula, æternitate, duplicè insuper aliam intelliguntur habere infinitatem; vnam ratione durationis vtrinque in infinitum extensæ, alteram ratione collectionis in vnum quoddam *permanens punctum*. Facit enim *æternitas*, vt omnia bona, omnia gaudia, quæ infinito tempore successiue percipi possunt, vno simul puncto collecta percipiantur. Igitur Deus in sua beatitudine bona infinita intensione, infinita duratione, infinita numero, & simul, & semper possidet ab omni *æternitate*, in omnem *æternitatem*. Talem aut hominibus, aut Angelis *æternitatem* non transcribimus. Solus enim Deus est *excelsus, & sublimis habitans æternitatem; & gigas seculorum*.

S. IV. *Qualem beati æternitatem obtineant? & vnde ea oriatur?*

XIII. Vt tamen ei, quæ fieri poterat, etiam in duratione similes fieremus, sicut ille est *viuens*

viuens in secula seculorum, & viuens in sempiternum, ita voluit & nos, qui ab aeterno quidem nec fuimus, nec esse potuimus, saltem posthac *in secula seculorum, & in sempiternum* viuere. Hæc etsi non sit propriè dicta & adæquata, sed quodammodo dimidiata, est tamen à Deo participata, & in futurum infinitè extensa veraq; *aternitas*, diuinæ *aternitati* dissimilis quidem duratione retrò infinita, similis tamen duratione in futurum infinita & inexhausta. Hanc ob causam de Elia & Henoch dicitur, *Hi sunt dua oliua*, similes duobus Cherubinis, quos ex ligno oliuarum Salomon fabricauit propitiatorium & arcam sustentantes. In quibus omnes beati significantur, qui Ecclesiam sustentarunt. Omnes enim isti *oliva sunt*, hoc est, semper in gloria & felicitate duraturi. Est namque *oliva* symbolum *viçtorie, felicitatis, aternitatis*: quia lignum est solidum, quod non sentit cariam, non curat ventos, non patitur vetustatem. Qua de causâ M. Tullius: *sempiternam*, ait, *oleam in arce tenere potuerunt Athena*. Ac, Festo teste, *in triumphis ministri triumphantium oleagineis sertis coronabantur*. Ita sancti in cælo triumphantes æ-

Ap. 10. 6.
Dan. 4. 31.

Ap. 11. 4.
3. Reg. 6.
32.

Cic. 1. de Legib.

T

terni-

ternitate coronantur, cuius rei figura sunt Elias & Henoch, per tot sæcula viui & vegeti, vnde & à Tertulliano *aternitatis candidati* appellantur. Candidati enim sunt, quia per tot seculorum vitam ad vitam *eternam* prouehuntur. XIV. Quoniam verò *eternitatem* diximus non solum fine carere, sed etiam ita *perfectam esse possessionem*, vt prorsus ab intrinseco sit inamissibilis, videndum est, quæ etiam in hac re sit similitudo, vel dissimilitudo, hoc est, an, & quomodo visio fruitioque Dei beatis non possit eripi? Qua in re palam est, sicut Dei *eternitas* ac beatitudo necessario atque ex natura sua existit, ita neque hominum, neque Angelorum beatitudinem, quin neque ipsos cœlos, neque animas, neq; Angelos aut vllam creaturam necessario existere, si ad Deum comparetur; à quo, cum sit ex nihilo producta, adeoque ex se nihil, continuò ac semper pendet, egetque conseruari, sicut imago in speculo relucens; quæ recedente obiecto illico definit. Si ergo Deus, testula, vt aiunt, transmutata, vel seipsum conspectui sanctorum, vel manum suam conseruationi eorum subduceret, itidem beatitudo illa ex templo de-

destrueretur, neque aterna esset. Posset autem id absolutè Deus. Quod non ignorant sancti, assiduè considerant, se ad diuinam potentiam comparatos, adhuc esse, vt ita dicam, velut mortales, & destructioni obnoxios, si naturam suam, & non promissionem pactumque Dei spectent. Sciunt enim se ex propria natura nullam habere firmitatem, aut soliditatem; sed quidquid in illis stabile, quidquid immortale, quidquid aeternum est; ex perpetua Dei voluntate, munere, atque influxu dependere. Qui influxus cum & liberalis sit, & absolutè liber, non nesciunt se, si Deus vellet, sua beatitudine excidere, & gloriam cum ignominia, immortalitatem cum morte, felicitatem cum miserijs, amorem Dei cum eiusdem odio, gaudium cum peccato, sanctitatem cum impietate, cælum cum inferno posse commutare. Immo sciunt, se posse & ipsam voluntatem, & intellectum, & totam naturam suam, ac quidquid esse habent, perdere, atque in nihilum abire, vnde prodierunt. Hæc talia beati perpetuò meditantur, hæc penitissimè cognoscunt & perpendunt: vnde causam capiunt, se se maximè humili-

*Leonard.
Lect. lib. 3.
de diuin.
Perfect.
cap. 3.*

*Hoc docet
S. Cyrill.
lib. 8. The-
sauri. c. 2:*

XV.

liandi & Deo subijciendi, eidemque infinita gratiarum actione laudes decantandi.

Quaquam interim nihil illis hæc consideratio affert timoris aut tristitiæ, cum ex diuinæ promissionis, veracitatis, fidelitatisque constantia certi sint, se bona, quæ possident, nunquam perdituros. Quamobrem meritò ruborem iniiciunt nobis adhuc inter fluctus & syrtes versantibus, qui cum de salute nostra certi non simus, neque adhuc in cœlesti illo portu, sed inter spem & metum, inter tot Scyllas & Charybdes nauigemus, tamen cristas superciliosè erigimus contra Deum, neque eius omnipotentia, immo neque iustitiæ, & mandatis nos subijcimus; sed pauonum instar, formosè oculatas & adulantes pennas, non itidem modestiæ præceptores pedes, & finem miserandum, cui expositi sumus, contemplamur.

XVI. Aliter sancti in cœlo agunt; qui se totos Numini submitunt, cum tamen perspectum habeant, se & promissione, & ordinatione illius esse de æterna beatitudine securos: immo cum clarissimè videant, se nunc, si ad res creatas comparentur, esse immortales, suamque beatitudinem talis esse naturæ, vt à
nulla

nulla creata re possit aut aboleri, aut impediri; vereque dici *hereditatem incorruptibilem, & immarcescibilem*. 1. Petr. I. Esto enim diuina potentia posset incidere filum telæque illius beatitudinis, reipsa tamen nunquam id faciet; atque insuper etiam prorsus nulla causa reperiri potest creata, quæ illam beatitudinem valeat interturbare. Non minùs ergo beatitudo sanctorum, quàm cœli ipsi, quàm ipsæ animæ, quàm Angeli, immortalis erit & sempiterna. Quare non solùm non amittetur, sed etiam neque amitti poterit. Quod quia sancti probè norunt, ex hac ipsa cognitione securi redduntur. Nihil enim *securitas est aliud, quàm vacuitas timoris, proueniens ex certa cognitione boni non amittendi, vel mali non incurrendi*. Porro quòd sancti è felicitate sua excidere non possint, tunc facile apparebit, si ponamus eorum felicitatem in visione fruitioneque Dei consistere. Cum enim totius visionis fruitionisque fundamentum sit *lumen gloriæ*, statuit diuina sapientia illud æternùm in sanctis cōseruare, tum quia pertinet ad statum illius vitæ, qui est status immutabilitatis & *æternitatis*, adeoque exigit, vt omnis quoque

XVII.

perfectio illius status perpetuò conseruetur: tum quia est summa quædam participatio & imago luminis increati, quo Deus seipsum videt. Si ergo animæ humanæ, aut naturæ Angelicæ, ob excellentiam suam, hoc est, quia sunt imago diuina, perpetua quodammodo debetur conseruatio, multò magis debebitur eadem *lumini gloria*, quò & animæ, & Angeli ad summam Dei similitudinem & visionis amorisque vnionem eleuantur. Habemus igitur *æternum* in beatis *gloria lumen*. At lumine hoc admissio, positoque diuino concursu, qui lumini huic intellectuique debetur, (cum diuina essentia sit menti beatorum intimè præsens, quæ proinde se ab illa auertere nequit) necessariò existit diuinitatis visio, atque ex visione rursus amor, & gaudium, quæ duo nomine fruitionis intelliguntur. Sic ergo ex *æterno gloria lumine*, *æterna visio*; ex *æterna visione*, *æternus amor* & delectatio; atque ita *æterna* quoque enascitur beatitudo.

S. V. *Quinam fructus ex meditatione æternitatis colligantur?*

XVIII. Hæc sanctorum *æternitas* multiplices in
mor-

mortalibus creat fructus. Hinc David ait:
Anticipauerunt vigilias oculi mei, turbatus sum, & non sum locutus. Quamobrem, ô
 Propheta? Quia cogitavi dies antiquos: &
annos æternos in mente habui. Et meditatus
sum nocte cum corde meo, & exercitabar, &
scopebam spiritum meum. Optimè spiritum,
 quasi scopæ quædam, expurgant & exercent
 nocturnæ diurnæque meditationes æterni-
 tatis, & dierum antiquorum, à quibus ipse
 Deus antiquus dierum appellatur. Primò
 quia facile eligit abiectus esse in domo Dei,
 qui cogitat, meliorem diem unam esse in atrijs
 Domini super millia. Nam vt Salomon ait,
Si multis annis vixerit homo, & in his omnibus
latatus fuerit, meminisse debet tenebrosi tem-
poris, & dierum multorum, qui cum venerint,
vanitatis arguetur præterita. Profectò enim
 annos æternos in mente non habet, quisquis
 neglecta æternitate, tam modici temporis
 gaudio se se totum addicit mancipatque.

Secundò quicumque annos æternos in
 mente habet, non finit se terreri momenta-
 neo leuiq; tribulationis, scilicet non contem-
 plans, quæ videntur, temporalia, sed quæ non
 videntur, æterna. Sic viator libenter inie-
 ctum riuulo pontem transit in campum

floridum peruenturus. Iucundum palacium facit, vt etiam per iniucundam portam libenter intremus: quia in illo iucundo diu manetur, per istud iniucundum tantummodo transitur. *Exigua & calami-*

*S. Basil in
Psal. 89.*

tosa est hac nostra vita, ait S. Basilus, *apud te verò, qui aternus & sempiternus es, etiam mille annorum numerus vni diei similis est.* Im-

*Cassiod.
in eund.
Psal.*

XX.

mò, teste Cassiodoro, *non vel ipsi vni diei presenti, sed praterito (& hesterno) comparatur tam longissimus ordo seculorum.* Tertiò, quia, *qui annos aternos in mente habet*, non solum *momentaneum* existimat, quidquid pro *aterno illo gloria pondere* cogitur sustinere; sed etiam graue ac molestum esse censet, quidquid illum extra *aternitatem*

Psal. 119. 5.

delectat. Vnde exclamat: *Hei mihi, quia incolatus meus prolongatus est!* Mirificè enim afficit & extollit *aternitas* id, cui iun-

*Leff. loc.
cit.*

gitur. Hinc seu cum pœnis, seu cum præmijs iungatur, in infinitum vel dolores, vel voluptates extendit. Tribuit enim eis durationem infinitam, atque ita in infinitum quodammodo multiplicat. Si enim vnus horulæ acutus morbus magnum malum; feruida voluptas magnum est bonum; profectò maius malum, aut bonum

crit,

erit, si dolor, vel voluptas, per integrum diem, per solidam hebdomadam, per totum mensem, immo per annum, & per annos protrahatur. Ergo centum annorum deliciae, aut cruciatus pluris fient: & mille annorum in decuplum pluris æstimabuntur: ac si deinceps amplius crescant, amplius æstimabuntur: quoque diutius procedent, vel meliores, vel peiores efficientur. Quare *æternitas* aut gloriam, aut poenam infinita duratione afficiens, faciet aut illam infinitè præstantiorem ac iucundio rem, aut istam infinitè peiorem ac acerbio rem. Quod probè novit patientissima virgo Lyduina, quæ flagitioso homini scelerum horrorè non aliter incussit, quàm quòd cum mollissimis plumis in vnum latus, vel vnica nocte, incumbere iuberet. Quod quidè ille consilium albis dentibus risit. Atqui cum id ipsum in tanta plumarum mollitie, tantillo tempore, non posset, facilè cogitavit, quid futurum esset, si in flammarum calore olim sic æternùm iacere cogeretur. Itaque facinorosus esse desijt, vna nocte à plumis ipsis de dura illa æternitate eruditus; quam utique multum ad supplicium flammarum

*Io. Bruggmannus
in eius
vita, &
Sur. 14.
April.*

rum allaturam cogitavit, si vel vnica nox plumas ipsas tam duras fecisset. Multum ergo momenti vel gaudijs, vel pœnis addit infinitudo. Accedit, quòd etsi non omnia gaudia beatorum, nec omnia supplicia eorum, qui sunt in inferno, simul existant, tamen ipsa sua *aternitate* in vnum quodammodo colligantur & sentiantur. Quanquam enim hæc simul non existant, facit tamen *aternitas* vt simul apprehendantur, & hoc pacto vel infinitum gaudium illud, vel infinitum supplicium simul repræsentent, ac per apprehensionem iam tum simul inferant, quidquid

XXI. sentietur in omni *aternitate*. Quàm vehementer ergo necesse est accendi mortales desiderio *annorum aternorum*, si quidem ita vitam agitant, vt possint præmium sperare? Certè qui se supplicijs digna facere nôrunt, nulla re potentiùs percelluntur, quàm *aternitate*. Hæc enim illos monet infiniti & *aterni* boni iacturam in peccato, quod tantopere amant, contineri; nec iacturam tantùm tam immensi boni, sed etiam maximi & *aterni* damni ac infinitorũ tormentorum necessitatem. Itaque sicut nullum bonum maius sentiri potest, quàm

ater-

aterna possessio boni infiniti & aterni, aternus Paradisus, *aterna lux, aeternum conuiuium,* *aterna lætitia, aterna laus, aterna iubilatio,* *aternus triumphus, aternus pulcherrimi* Dei aspectus; & quidquid bonorum optari potest: ita vicissim nullum inter omnes pœnas malum grandius, nullum amarius aut inferri potest, aut intelligi, quã *aterna* amissio boni infiniti ac *aterni: aternus ignis, aternus carcer, aterna tenebræ, aterna* fames & sitis, *eternum frigus, aternus dentium stridor, aterna tristitia, aternus vermis, aterna comploratio, aternus fator, aternus horror, aternus luctus, & quidquid malorum potest formidari.* Et si vel hæc omnia mala *aterna* impijs non impenderent, quem non alliceret, si seriò vellet secum expendere longam illam tot bonorum *aternitatem?* Quis tam demens esset, vt ob breuem & inanissimam vulgi adulationem, *eternos honores; ob fluxas istas & terreas opes, aternos thesauros; ob titulos etiam indignissimis dari solitos, & cum ipso verborum sono desinentes, aeternum nomen, aternamq; gloriam amittere vellet?* Quis sanæ mentis cum esse existimat, qui vt vnicam horam possit perpotare, ma-

uult

XXII.

uult toto reliquo vitæ tempore in extrema inopia efuriem pati? Nam cogitemus præmia illa cœlestia ad mille annos defutura, nonne incredibilis foret infania, malle annis etiam octoginta, ne dicam, breuissimo die, eoque multis malis interturbato, exiguum delectatiunculam captare? & *pro lente primogenita vendere?* Quàm longè stultior amentia esset, si præmia illa centum millibus annorum perdurarent? si centies millies mille annos? Nempe tanto maior dementia foret, quanto maius diuturniusque bonum negligeretur, & malum incurreretur. Quare cum bona negligantur *æterna*, & mala infinita incurran- tur per quoduis peccatum mortale, profectò necesse est infinitis modis dementire eos, qui hæc omnia insuper habentes, scelera quotidie sceleribus accumulanti, & pro vnico osculo, pro vnico aspectu, pro vnico tactu, pro vnica obscæna cogitatione, sponte amittunt felicissimam illam *æternitatem*; & quasi extra se positi, sponte insiliunt in *æternam* istam calamitatem.

XXIII. O qualem quantamque felicitatem! aut quam calamitatem! *æternam*, indefin- tem, semper duraturam; ad quam omnis
nume-

numerus annorum , omnis seculorū multitudo , nihil aliud est, quàm vnicum momentum. Finge formicam post centum semper annos è vastissimo Oceano bibentem ; quantus annorum numerus transibit antè , quàm Oceanus exhauriatur ? Et tamen vbi totus fuerit exhaustus & siccat, adhuc nihil erit demtum de *aternitate*. Finge totum terrarum & aquarum orbem in minutissimas coalescere arenas , ex his arenis post mille semper annos , vnica arenula auferatur , quandonam tandem arenæ tantus cumulus tam tarda amolitione euacuabitur ? quot annorum chiliades , quot seculorum myriades transibunt ? Et tamen tandem euacuabitur. Euacuabitur arena , non euacuabitur *aternitas* ; sed tunc etiam adhuc tantum de ea restabit , vt videatur primùm incoepisse. Finge denique totum istum mundum , quantum quantum à centro terræ vsque ad verticem firmamenti intercurrit spacium , id omne confertissimis atomis impletū habere. Ex eo toto tam innumero numero , post singula decem annorum , immo seculorum millia , vnicus demum atomorum euanescat. Quantis , obsecro , myriadum
myria-

myriadibus opus erit, vt omnes atomi tãdem in nihilum redigantur? Quis tam accuratæ supputationis Arithmeticus est, quis Euclides, quis Archimedes, qui possit totius numeri rationem inire? Et tamen hic ipse tam immensus numerus atomorum, si post tot seculorum innumera-biliter millia, totus sensim fuerit sublatus, *eternitas* adhuc tam immensa stabit, vt nihil ei detractum videatur: sed & beatis illis cœli indigenis etiã tum sua gaudia tam integra & diuturna supererunt, & damnatis adhuc sua supplicia tãn proluxa restabunt, ac si tunc primùm in illo ipso momento incepissent. Sic post omnem, quãtuncumque vel hominis mens, vel Angeli intellectus comprehendere potest, durationem, adhuc *eternitas* nondum erit imminuta, sed semper tam recens erit, semper tantum adhuc post se relinquet, vt eo vsque nihil, nisi initium merum fuisset existimeretur.

XXIV. O quem hæc cogitatio non emolliat, etiamsi silex sit, etiamsi adamantem animo induxerit? Quid vel optabilius amabiliusque hac gaudiorum, quid terribilius desperatiusque hac tormentorum *eternitate*? Nihil potentius ad

ani-


animum nostrum in rebus aduersis firmā-
dum & excitandum. Nihil efficacius ad
affectum nostrum, à peccatis & illecebris
ad summum malum, summiq; mali causā
fam allicientibus, retrahendum. Quem-
cumque sex, septem, aut triginta anno-
rum labores fatigant, ad mercedem *ater-
nam* aspiciat. Quemcumque voluptates
titillant, pœnam cogitet *aternam*, quæ sub-
sequetur: profectò nec hic se blanditijs,
nec ille molestijs vinci patietur. Quod nō
ignorantes Apostoli cœlum, infernum,
immortalitatem, & *aternitatem* vbique
impensissimè inculcauerunt. *Apostoli*, ait
S. Hilarius, *sunt rerum cœlestium predicator-
es, & aternitatis velut satores, immortalita-
tem omnibus corporibus, quibus eorum sermo
aspersus fuerat, conferentes.* Et Sapientis ve-
ra monitio est: *In omnibus operibus tuis me-
morare nouissima tua, & in aeternum non pec-
cabis*, si memineris te vel *aterna* supplicia,
vel *aterna* præmia meriturum.

S. Hilar.
in cap. 5.
Matth.
6. 13.

Eccli. 7.

Ex his satis apparet, quamnam Beati **XXV.**
obtineant *aternitatem*? Quamuis enim
non habeant illam, quæ vt Deo propria
describitur, habent tamen eam, quæ sine
caret, & vera est *aternitas*, itaque proprie
dicta,

dicta, sicut de creatura vlllo modo dici potest, eam esse, *non ab aeterno, sed in aeternum aeternam*, hoc est, *auieternam* : quod omnino satis est ad securitatem gaudiorum. Quāquam, si rem altiùs rimari placet, ipsa quoque Dei *aeternitate* aliquo modo perfruuntur sancti. Esto enim ab *aeterno* non potuerimus existere, vt adeò neque extitimus, Deum tamen *aeternum* in cœlo possidebimus, cuius proinde totum illud bonum, *aeternum* etiam nostrum erit, atque ita illius quoque *aeternitate* lætabimur; mentem etiam retrorsum & antrorsum in *aeternitatem* illius mittentes, vt nos totos in illum, cum quo vnus spiritus erimus, immergamus. Quare non tantùm gaudebimus de bonis diuinis, quòd in *aeternum* non sint desitura, sed etiam quòd ab *aeterno* fuerint continuata. Sic in vnum collecta, nostra erunt etiam illa; nam quæ ab *aeterno* nostra esse non potuerunt habendo, in *aeternum* tamen nostra erunt gratulando.



Caput XI.

DE SOCIETATE IVCVNDISSIMA BEA-
TORVM, SOCIETATEM LABYRINTHI INFINI-
TIS REBVS SVPERANTE.

S. I. *Quantum boni sit in vicino, aut socio bono?
vel mali in malo?*



HEMISTOCLES clarissimus A-
theniensium dux arguti vir in-
genij, prædium quoddam ven-

I.

*Plutarch.
in Themis-
tole.*

diturus, cum id per præconem proclama-
ri iussisset, hoc quoque præconem iussit
addere, *quòd vicinos haberet bonos*: existima-
uit nimirum acerrimi iudicij homo, tanti
bonorum conuictum & consuetudinem
referre, vt prædium ipsum commendatio-
ne vicinorum longè vendibilius esset fu-
turum. Et apud Comicum quoque Lysimachus ait: *Nunc ego verum esse illud ver-*

*Plant. in
Mercat.*

*bum experior, aliquid mali esse, propter vici-
num malum.* Quemadmodum etiam Æto-
lis & Acarnanibus euenit, qui inter se fini-
timi cùm essent, mutuis se se cladibus e-
uerterunt. Ac sæpe contingit, vt qui læti
sunt animo, ipso tristium aspectu contra-
hantur. Neque enim libet nobis inter la-
chrymantes ridere; sicut etiam non raro

V

maſti

Hesiod. in
opera &
die.

II.

Plin. l. 36.
cap. 13.

Strabo
lib. 17.

Herodot.
lib. 2.

mæsti lætorum aspectu gaudijsque exhilarantur. Vno verbo, rectè cecinit Hesiodus, *vicinum vel noxam esse, vel maximam commoditatem*. Qualem igitur conuietum, qualesque vicinos habuere, quos celeberrimus ille habuit Ægyptiorum *Labyrinthus*? In primis omnes Ægypti Deos, seu potiùs lapides atque simulachra deorum. Deinde reges regumque, statuas. Tum *Præfectos & Satrapas*. Item *sacros viros ac mulieres*. Nec non *qui ius dicebant*, & vniuersim aulicos turbamque; appendicem, quæ solet aulicos vel necessitate, vel ambitione cõitari. Vt sunt cupedinarij, seplasiarij, popinarij, myrobaptrarij, myrobrecharij, manulearij, tibicines & tibicinæ, lanarij, patagiarij, indufiarij, flammearij, violarij, carinarij, propolæ, linteones, calceolarij, diabathrarij, solearij, molochinarij, stropharij, femizonarij, limbolarij, propolæ, & phylacistæ, & sexcenti de fæce infima mortaliū, immo & mortuorum. Nam & mortuos habuit *Labyrinthus*. Quippe præpositi Ægyptiorum dicebant, *in subterraneis Labyrinthi sepulchra esse tum eorum regum, qui edificandi Labyrinthi fuere autores, tum sacrorum crocodylorum*. Ita non homines tan-

tantum pulueri, & reges cadauerosi, sed & vermes etiam mortui ac deformes bestiarum exuiæ inter illas delitias condebantur. Quantum ergo gaudij ex conuietu Deorum, regum, satraparum, præfectorum, sacrorum virorum ac mulierum, iudicum, ac aulicorum potuit *Labyrinthi* incolis nasci; tantum luctus & mæoris nausæque & fastidij illis accessit ex conspectu cadauerum, & bestiarum mortuorum. Usque adeò nihil mærum est, quod mortales delectat. Mæsta lætis, mors ipsa vitæ permiscetur. Talis est totus iste terrarum orbis, semper bona ita serit, ut mala sint vicina, & in propinquo vna crescāt.

III.

*Mundum istum attendite, ait S. Augustinus, s. Augu-
decorem habet. Quem decorem habet terra, stinus in
mare, aer, cælum, sidera? Omnia hac, nonne P(al. 144,
omnem considerationem terrent? Nonne pul-
chritudo ipsa sic eminet, ut quasi pulchrius ni-
hil inueniri possit? Et hic viuus in isto decore,
in ista pulchritudine, propè iam ineffabili. Hic
viuunt tecum & vermiculi, & mures, & omnia
terra repètia & serpentina, ista tecum viuunt in
decore isto. Quale decus est illius regni, ubi tecum
non viuunt nisi Angeli? Non nisi Angeli, ait,
quia etiam homines in resurrectione neque.*

*Matth.
22.30.*

nubent, neque nubentur : sed erunt sicut angeli Dei in cælo.

§. II. *Beatorum quanam societas ? ibi quàm varij ? quàm boni ? quàm magni socij ?*

IV. Quanta ergo erit & hæc felicitas beatorum ? Non enim solùm regni maiestas, nec altissimæ sedis securitas, nec formosissimi loci amænitas, nec gaudiorum æternitas ; sed etiam Angelorum exoptatissima societas eos opulentabit. Hîc in terris *viuunt & vermiculi, & mures, & omnia terra repentia & serpentia*, immò leones & dracones : & quod his omnibus immanius est, monstra ipsis superis exosa ; fures, raptores, prædones & latrones, adulteri & venefici ; vt nescias inter quos incedas ; meritoque censeas in hoc Mundo *aliquid mali esse, propter vicinum malum*. Quod deque-
Iob. 30. 29. *stus Iob dixit : frater fui draconum, & socius struthionum*. Hinc *cutis mea denigrata est super me, & ossa mea aruerunt præ caumate. Versa est in luctum cithara mea, & organum meum in vocem flentium*. Nempe nullum terræ gaudium absynthio caret, non possumus enim sincerè lætari inter *dracones & struthiones*. Plena enim terra est miserijs, quia
 plena

plena bestiis : & eò plenior, quia etiam ipsi homines solent in bestias degenerare. Cœlestis igitur domus hoc ipso etiam nomine magis est appetenda, quòd in ea quisque non efferatas in hominum perniciem belluas, non *dracones* sanguinis sititores, non *struthiones* ferri cōcoctores, sed prorsus vicinos sociosque bonos sit habiturus. Quos autem vicinos? quos socios? Angelos ipsos, ipsum Dominum Angelorum, & quotquot vitam hîc angelicè traduxerunt.

In huius vitæ misera conditione sæpe contingit, ait S. Augustinus, *ut credatur vel amicus esse, qui inimicus est : vel inimicus, qui amicus est : quid nos consolatur in hac humana societate erroribus ærumnisq; plenissima, nisi fides non ficta, & mutua dilectio verorum bonorumq; amicorum?* Vbi ergo sunt veri, vbi boni,

S. Augu-
stinus lib.
19. de Ciu.
cap. 8.

V.

& soli boni amici? Respondet idem S. Pater : *In societate sanctorum Angelorum, quam Philosophi illi, qui nobis deos amicos esse voluerunt, quarto constituerunt loco, velut ad mundum venientes ab orbe terrarum, ut sic quodammodo complecterentur & cælum. Melius ipse S. Augustinus complexus est cælum, & veram cæli societatem, Hierusalem sanctam sic compellans : Non lucet in te lux lu-*

Eod. lib.
cap. 9.

Lib. Me-
dic. c. 25.

V 3

cerne,

cernæ, aut splendor Luna, vel iubar stellarum: sed Deus de Deo, lux de luce, Sol iustitiæ semper illuminat te. Agnus candidus & immaculatus, lucidum & pulcherrimum est lumen tuum. Sol tuus, claritas tua, & omne bonum tuum, huius pulcherrimi regis indeficiens contemplatio. Ipse rex regum in medio tui, & pueri eius in circuitu eius. Ibi hymnidici Angelorum chori, ibi societas supernorum ciuium. Ibi dulcis solennitas omnium ab hac tristi peregrinatione ad tua gaudia redeuntium. Ibi Prophetarum prouidus chorus, ibi duodenus Apostolorum numerus, ibi innumerabilium martyrum victor exercitus, ibi sanctorum confessorum sacer conuentus, ibi veri & perfecti monachi, ibi sanctæ mulieres, quæ voluptates seculi, & sexus infirmitatem vicerunt, ibi pueri & puellæ, qui annos suos sanctis moribus transcendunt, ibi sunt oues & agni, qui iam huius voluptatis laqueos euaserunt, exultant omnes in propriis mansionibus, dispar est gloria singulorum, sed communis est letitia omnium. Hæc de cœlesti societate S. Augustinus. Et S. Bonauentura, Ad contemplandam quietem omnium, inquit, de cœlesti Hierusalem aliquid balbutiendo prorumpam. Nam locus est altissimus, splendidissimus, latissimus, & firmissimus. Societas

VI.

S. Bonau.
lib. 3. sen
part. 3.
Stimuli
Amoris
cap. 20.

cietas est nobilissima, speciosissima, benignissima, purissima, incessabilissima, id est, nunquam cessabit, neque remittetur. Ibi habebimus Dominum potentissimum, excellentissimum, iustissimum, & liberalissimum, Patrem nobilissimum, ditissimum, prouidentissimum, & piissimum; fratrem simillimum, curialissimum, sapientissimum, & optimum; sponsum pulcherri-
mum, singulariter summum, suauissimum, & amore feruentissimum. Quantum ad nos, erit ibi aperta visio, firma tentio, consummata dilectio, continua laudatio, reuerentia profundissima, admiratio altissima, exultatio sanctissima, & deuotio intima; & in corpore erit agilitas, claritas, sublimitas, & impassibilitas. Ex prædictis omnibus consurget fruitio perfectissima, satietas sufficientissima, sobrietas sobriissima, voluptas pudicissima, cordialis diffusio, iucundissima amplexio, seu complexio, medullaris transformatio, centralis quietatio, omnis amenitas, omnis suauitas, omnis securitas, & omnis libertas: quia ibi liberi erimus ab omni iniuria, violentia, culpa, & miseria. Quid enim à Christo redemptore & coronatore, à Maria matre Virgine, à protectoribus Angelis & Archangelis, à triumphatoribus Patriarchis & Prophetis, ab Apostolis

in salutem nostram missis, à Martyribus de quorum sanguine nos creuimus in fide, ab Eremitis, à Doctoribus, à Confessoribus, à Virginibus ibi sanctis timeremus? cum ita ibi sint constituti, vt bonorum suorum nos participes facere velint, maiorum participes reddere non possint.

§. III. *Beatos Angelis, Christo, ipsi Deo fore similes, & quanam in re?*

VII. Et huiuscemodi omnes erunt beati; vt & omnes, & ab omnibus sint tuti. Nimirum verè erit societas Angelica, societas Christi, societas ipsius Dei. Nam vna erit tunc ciuitas & hominum & Angelorum. Quod autem Christus eos in perpetuos socios asciscat, ipse testatur: *Vbi ego sum, illic & minister meus erit.* Et rursum. *Pater quos dedisti mihi, volo, vt vbi ego sum, & illi sint mecum, vt videant claritatem meam.* Denique de Patre ait. *Si quis mihi ministrauerit, honorificabit illum Pater meus;* non vtique se illi subducens. Quare in cœlo non tantum inter se se, sed etiam cum Angelis, cum Christo, cum Deo beati sociabuntur. quis neget cum Deo quoque? cum beatitudo ipsa consistat in summa mentis,

tis cum summo bono coniunctione. His insuper etiam omnibus similes efficiuntur beati. Angelis quidem, quia *erunt, sicut Angeli Dei in cælo*. In quam re? in castitate, puritate, integritate, quia *neque nubent, neque nubentur*. Si ergo casta, si pura placent, si integritas in re omni sitientissimè appetitur, erit profectò, & quod placet, & quod tantopere approbatur, etiam in illa societate. Ac ne quis existimet animas tantùm sanctas similitudine hac Angelorum decorandas, docet nos Apostolus corpus quoque beatorum ut in terris patiundo, sic tunc splendendo, simile fore corpori Christi, dum ait: *Nostra autem conuersatio in cælis est, unde etiam Salvatorem expectamus, Dominum nostrum Iesum Christum, qui reformabit corpus humilitatis nostræ, configuratum corpori claritatis suæ secundum operationem, quâ etiam possit sibi subijcere omnia*. Vbi procliuc est intelligere, corpora sanctorum fulsura, sicut & Christi corpus fulsit in monte Thabor, immo sicut fulget in cælo, quamuis ut minores ipsi, ita & luce minore. *Sicut enim stella differt à stella in claritate, sic erit resurrectio mortuorum*. Et S. Augustinus: *In multis, inquit;*

Math.

27.30.

Marci

12.25.

VIII.

Phil.3.20.

1. Cor. 15.

41.

August.
de Virginitate
cap. 26.

quit, mansionibus honoratur alius alio clariùs. Nemo ergo clariùs Christo: cuius claritati in luce, non in tanta luce configurabimur; quemadmodum & in ceteris dotibus corporis gloriosi, immo in ipsa quoque visione. Nam Deus, ait D. Augustinus, totus adesse rebus omnibus potest, & singulis totus: quavis in quibus habitat, habeant eum pro sua capacitatis diuersitate, alij amplius, alij minus, quos ipse sibi dilectissimi templum gratia suae bonitatis edificat. Et teste Sancto Gregorio, in illa verba Iob; *Paruus & magnus ibi sunt: Quo hic alius alium merito superat, illic alius alium retributione transcendit.*

IX.

Ex quibus etiam clarum est, magnam, nequaquam tamen ad omnes mensuras parem sanctos cum Deo similitudinem, habituros. Non enim eadem est creaturae, quae Creatoris capacitas, non eadem, proportio finiti, & infiniti. Similes fore S. Paulus affirmavit his verbis: *Quos praesciuit, & predestinavit conformes fieri imagini filij sui.* Ac ne de filij humanae duntaxat naturae conformitate loqui videatur, ait alius Apostolus: *Charissimi, nunc filij Dei sumus, & nondum apparuit, quid erimus. Scimus, quoniam cum apparuerit, similes ei erimus,*

S. Augu-
stin. ep. 57.

S. Gregor.
lib. 4. mo-
ral. c. 43.
Iob. 3. 19.

Rō. 8. 29.

I. Io. 3. 2.

mus, quoniam videbimus eum sicuti est. Cui erimus similes? ipsi Deo, non tantùm humanæ filij Dei naturæ. In qua re erimus similes? *quoniam videbimus eum, sicuti est.* Ratio igitur similitudinis in visione consistet: quia visio Dei est quædam expressa diuinæ essentiæ diuinarumque personarum similitudo & imago, perquam beati Deo simillimi, tanquã dij quidam, vel filij Dei efficiuntur. Quippe etiam profana Philosophia ait, intellectionem fieri, per intellectus cum re intellecta assimilationem: quin etiam intellectum ipsum intellectione transformari, & fieri rem ipsam intellectam, quòd eius similitudinem induat, ei que non quidem naturæ conformitate, sed repræsentatione, sicut pictura prototypo, similis efficiatur. Quare etiam visio Dei, quæ est perfectissima intellectio, perfectissima assimilatione peragetur, mentemque nostram Deo similem, ac Deiformem efficiet. Quæ omnia eleganter confirmat S. Augustinus, cuius hæc sunt. *Om-*
nis secundum speciem notitia, similis est rei,
quam nouit. Et infra. *Habet ergo animus non-*
nullam speciei notæ similitudinem, siue cum ea
placet, siue cum eius priuatio displicet. Quocir-
ca in

S. Augu-
 stin lib. 9.
 de Trin.
 c. 10. c. 11.

ca in quantum Deum nouimus, similes sumus, sed non ad aequalitatem : quia non tantum eum nouimus, quantus ipse est. Atque alio in loco scribit. *In anima tunc perfectam fore Dei similitudinem, quando Dei perfecta erit visio.* In visione ergo consistet, hæc sanctorum cum Deo similitudo.

X. Si igitur omne animal diligit simile sibi : sic & omnis homo proximum sibi : Si omnis caro ad similem sibi coniungetur, & omnis homo simili sui sociabitur : Si similitudo est mater amoris : Si similis denique simili gaudet, quanta erit in cœlo inter tot similes & similitudines copia gaudiorum ? Quanta voluptate perfundentur sancti illi homines, cum viderint, se Angelis, Christo, ipsi Deo similes euasisse, tandemque longè meliùs recuperasse id, quod peccator Adamus amisit,

quem initio Deus *ad imaginem & similitudinem suam* creauit ? Neque vnusquisque tantum sua similitudine ista gaudebit, sed exhilarabit illum etiam eadem similitudo in alijs quoque conspecta, & quidem, quod maximè mirandum, in diuersissimis erit ista similitudo. Vt & similitudo pariter, & varietas delectet. Hinc S. Cyprianus omnes ad hanc societatem inuitans, *Patriam,*

S. Cyprianus.
l. de mortalitate,
in fine.

triam, inquit, nostram paradysum computamus, parentes Patriarchas habere iam cœpi-
 mus, quid non properamus & currimus, ut pa-
 triam nostram videre, ut parentes salutare pos-
 simus? Magnus illic nos charorum numerus
 exspectat, parentum, fratrum, filiorum fre-
 quens nos & copiosa turba desiderat, iam de suâ
 immortalitate secura, & adhuc de nostra salute
 sollicita. Ad horum conspectum & complexum
 venire, quanta & illis & nobis in communi
 nunc latitia est? qualis illic celestium regnorum
 voluptas sine timore moriendi, & cum aterni-
 tate viuendi? quàm summa & perpetua felici-
 tas? Illic Apostolorum gloriosus chorus, illic
 prophetarum exultantium numerus, illic Mar-
 tyrum innumerabilis populus ob certaminis &
 passionis victoriam coronatus, triumphantes il-
 lic Virgines, quæ concupiscentiam carnis &
 corporis continentiae robore subegerunt, remu-
 nerati misericordes, qui alimentis & largitio-
 nibus pauperum Iustitiæ opera fecerunt, qui Do-
 minica præcepta seruantes ad cœlestes thesau-
 ros terrena patrimonia transtulerunt. Ad hos
 fratres dilectissimi, auidâ cupiditate propere-
 mus, ut cum eo citò esse, ut citò ad Christum
 venire contingat, optemus. Hanc cogitationem
 nostram Deus videat, hoc propositum mentis &
 fidei

fidei Dominus Christus aspiciat, daturus eis gloria sua ampliora præmia, quorum circa se fuerint desideria maiora. Sic S. Cyprianus ad sanctorum variam similitudinem, & similem varietatem aspiravit, nosque aspirare voluit, ut & ipsi aliquando similitudine tali gauderemus. O quàm longè melius erit virginibus illis, confessoribus, martyribus, Apostolis, Angelis, Christo, ipsi Deo nos ibi similes effici; quàm in inferno Acheronticis illis monstris, Iudæ, adulteris, infidelibus, desperatissimis hominibus, immo dæmonibus assimilari? Et tamen his in damnatione assimilabuntur, quotquot nunc eorum similitudinem vita & moribus exprimunt; quemadmodum, & in cœlo erunt sicut Angeli Dei, qui in terra vixerunt ita, ut pro Angelis terrenis meritò possent haberi. Siquidem illam, similitudinem in altera vita continuabimus, quam nunc in ista inchoamus. *Papa, exclamat S. Chrysostomus, illine, qui ad dexteram Patris sedet, conforme fiet hoc corpus? illi, qui adoratur ab Angelis? illi, cui assistant incorporales illæ virtutes? illi qui est super omnem principatum, potestatem, & virtutes, illi conforme fiet? Si ergo totus orbis lachry-*
mis

Matth.

22. 30.

Marc.

12. 25.

S. Chrys.
in ep. ad
Philip. 3.

mis sumtis eos desleret, qui ab ista spe deciderunt, num dignè collachrymaretur; quòd cum promissio nobis sit facta, corpus nostrum futurum ita glorioso Christi corpori conforme, illi cum *Demonibus* abeunt? Quantò satiùs esset ita viuere, vt possemus beatam similitudinem sperare? Sed quoniam illis nos similes aut esse, aut fore, magis gaudemus, quorum maior est felicitas & bona excellentiora, perpendamus paululum, quales nam in anima futuri sint beati? de quorum corporeis voluptatibus non nihil supra diximus.

Caput XII.

QUALIS SIT FUTURVS INTELLECTVS

BEATORVM, SIMVLACHRA LABYRINTHI ORNATVMQVE SVPERATVRVS?

§. I. *Intellectus beatorum, ob vnionem cum summo bono, summè ornatus.*



B intellectu incipiamus. Is mihi similis videtur calici crystallino, qui quanquam per se lucet & pellucet, ac suapte natura commendabilem habet puritatem, longè tamen elegantior efficitur figuris adamante in eum incisis: quantoque ea, quæ inciduntur, plus artis & elegantiae habent, tanto &

I.

to & ipse formosior preciosiorque redditur. Quemadmodum & aulæ Babylonica, aut Sidonij tapetes acu Phrygia picti: illi enim tametsi materia ipsa præstent, multò tamen pluris fiunt, si heroum virtutes exprimant, & per Phrygiones figuris coloribusque scitè varientur. Quin & aulæ quoque Principum ac Regum aduentum oculos merentur præcipuè, admirationemque faciunt, si eas vndique splendidis imaginibus eruditus penicillus adornauit; aut si marmoreæ, æreæ, vel etiam de sumtuosiore materia factæ statuæ atria porticusque illarum circumsecus adimpleuerunt. Quocirca etiam qui *Labyrinthum* laudibus extulerunt, *columnas, statuas, pyramides, templa, Deorum simulachra, monstrosas effigies, circumcolumnia, tabulata, aulas, cryptas, marmora, lapidem album, sculptilesque figuras* dicere non omiserunt. Nempe his talibus rebus visendis etiam,

II. pulchra magis ornantur. Talis erit intellectus beatorum crystallo lucidior puriorque; atque, vt plus habeat claritatis, iucundissimo etiam *lumine gloriæ* collustrabitur. Insuper in eo ad ornatum quàm plurimi erunt, siue habitus siue actus scientia-

entiarum. Ibi rerum omnium figuræ, non adamante incisæ, non acu, aut penicillo pictæ, sed liberalissimo Dei dono prouenientes elegantissimè relucebunt. Quid multa? Deum ipsum, & in Deo omnia, quæ desiderari possunt, cognitionibus pulcherrimis mens beata videbit. Quid igitur pulchrius erit intellectu Deum vidente? Hæc visio efficiet, vt non iam socij & amici tantum, nec similes duntaxat Deo fiamus, sed vt ipsi Deo inseparabiliter iungamur & vniamur. Qua re nihil potest maius optabiliusue excogitari. Multum enim hallucinati sunt Philosophi gentiles, qui de extremo hominis fine disceptantes, beatitudinem summam vel in honoribus, vel in opibus, vel in voluptatibus, vel in re quapiam alia creata collocauerunt.

III.

Quorum opiniones Lactantius & Ambrosius ad denas, Augustinus autem, ex Varronis sententia, reuocat ad duodeenas. Et Aristoteles, *omnes*, inquit, *velle opiniones eorum exquirere, superuacaneum fortasse est*. Nulla earum ad summum bonum ascendit, nulla Deum infinitum attingit, qui solus veritatis & bonitatis suæ plenitudine explere potest infinitam hu-

*Lactant.
din. In-
stit. l. 3. c. 7
S. Ambr.
lib. 2. offi-
cior. c. 2. S.
August. 9.
de Cinit.
c. 1. Arist.
1. Ethic.
cap. 4.*

X

manæ

manæ mentis capacitatem. Qui quia etiam solus res illa est, qua obtenta verè beati reddimur, haud inconueniēter in scholis *beatitudo obiectiua* nominatur. Et de se ipse ad Abrahamum id testatur his verbis:

Gen. 15. 2. Ego protector tuus sum, & merces magna nimis; extra quam nihil est desiderio immortalis animæ dignum. Quocirca confide-

ps. 72. 25. ratè regius ille Dauid dixit: *Quid mihi est in cælo, & à te quid volui super terram?* Sectentur alij alias hæreditates, habeant sibi res suas, sit illorum pars pecunia, sit terra, sit dignitas duos, tres, immo triginta an-

psal. eod. v. 26. nos durans: *pars mea Deus in æternum; Qui replet in bonis desiderium meum. Hic est ve-*

ps. 102. 5. *rus Deus & vita æterna.* Siquidem, vt Irenæus ait, *gloria hominis est Deus.* Et teste S.

3. aduers. hæreses. Augustino, *sicut non est à carne, sed super carnem, quod carnem facit viuere: sic non est*

cap. 22. S. August. *ab homine, sed super hominem, quod hominem*

lib. 19. de ciuit. c. 25. *facit beatè viuere: nec solum hominem, sed etiam quamlibet potestatem virtutemq; cæle-*

et 26. *stem. Quocirca, vt vita carnis anima est, ita beata vita hominis Deus est. De quo dicunt sa-*

ps. 143. 15. *cræ litteræ Hebræorum: Beatus populus, cuius est Dominus Deus ipsius. Pulcherrimè D.*

S. Gregor. Nazian. Gregorius Nazianzenus: *Deus, ait, intelligi-*

gibi-

gibilium omnium summus est vertex, in quo ^{in orat. de} desiderium omne consistit ac defigitur, nec su- ^{laudib. S.} pra eum usquam fertur. Nec enim quidquam ^{Athana-} sublimius habet, aut omnino habebit mens vlla quantumvis philosophica & altissimè tendens, ac summè curiosa. Hoc etenim rerum omnium expetendarum extremum est, quo cum peruenimus, conquiescit omnis speculatio. Cui-cunque igitur corporis crassitie perrupta cum Deo commercium habere, ac purissimæ luci, quantum humana natura datum est, commisceri licuerit, is duplici nomine beatus est censendus: tum quod hinc seipsum extulerit, tum quod illius vitæ diuinitatem sit consecutus.

Summum igitur hominis bonum est, IV.
tam in hac, quàm in altera vita, vt Deo inhæreat, & Deus ipsi. Vnde absolutè Prophetæ dixit: *Mihi adherere Deo bonum est.* ^{Ps. 72. 28}
Adherere dixit: quia nulla res, licet summè bona, si sit à nobis diuulsa, potest esse summum nostrum bonum, aut nos facere beatos, nisi nos afficiat & nobiscum coniungatur, nobis applicata. *Adhæsiō* igitur summa, vniōque cum Deo summo bono, beatitudine nostra obiectiua, est quæ nos reddit proximè perfectèque beatos. Quāobrem & *beatitudo formalis* solet appellari;

estque ipsa *Dei visio* in intellectu beatorum existens, eumque ita, vti dixi, mirificè supra omnem crySTALLUM, supra omnia aulæa & aulas incomparabiliter altissimo mentis verbo, specieque, vt vocant, expressa adornans: Atque vt hoc ornamentum fiat maius, essentia ipsa diuina intellectui beato in vicem & modum speciei intelligibilis ac impressæ intima præsentia vnitur, ad quam tanquam ad actum primum, species expressa, seu operatio, vt actus secundus, cum accedit, ita intellectus perficitur & decoratur, vt nihil possit pulchrius à quoquam cogitari.

§. II. *Quanam mentis cum Deo vnione redamur beati?*

V. *Leff. de summo bono lib. 2. c. 1.* Quanquam enim variè Deus intellectui nostro vniatur, hæc tamen vnica *vnio est*, quæ nos efficere possit beatos. Vnitur sanè mens nostra suo Conseruatori arctissimè ipsa *conseruatione & dependentia*, sine qua non posset existere, cum ille *portet omnia verbo virtutis sue*. Verùm hæc conseruationis ac dependentiæ vnio omnibus est creaturis communis, & adeò etiam in ipsis damnatis, ac dæmonibus locum habet.

Quid

Quidquid enim est, mox in ventos solueretur, immo in momento nihil esset, nisi diuina manu sustineretur, vt sit aliquid.

S. Aug. in
Enchir.
cap. 27.

Quare in hac cum Deo vnione, quæ etiã lapidibus, quin & damnatissimis quibusq; competit, non potest consistere beatitudo.

Sed neq; in illa, qua Deus *virtute sua immensitatis ac subtilitatis* omnibus rebus infunditur atque intimè præsens est. Est enim illa non tam vnio, quàm quædam præsentia duntaxat, ratione eiusdem loci.

VI.

Vbicunque enim quidquam existit, Deus existit. Hæc præsentia si beatos faceret, profectò etiam nunc omnes essemus beati: *In ipso enim viuimus, & mouemur, & sumus: nec longè est ab unoquoque nostrum.* At quàm procul à beato illo statu absumus,

Aff. 17. 28.

lachrymæ, & gemitus, & lamenta quotidiana nimis testantur. Propiùs accedit

VII.

tertium illud genus *unionis per gratiam iustificantem*, quæ nobis Spiritum sanctum, seu diuinam naturam, veluti accidentale vinculum, ita coniungit, vt, tanquam diuinæ naturæ participes effecti, *filij Dei nominemur & simus*; à gratia quidem, vt à vinculo vniente, à diuinitate autem communicata, vt à forma principali & inhabi-

tante vitamque spiritualemente largiente. Magna hæc est vnio, ingens dignitas, & ferè summa, quæ potest in hac vita obtineri. Quare diuini voluminis oracula beatos pronunciant eos, qui sic Deo vniuntur. Nequaquam tamen completa perfectaq; beatitudo etiam in hac vnione consistit, cum in multis quoque miserijs versanti, & omni homini iusto, quantumuis carceri, vinculis, vncis, & mille incommodis vitæ, mille periculis animæ obnoxio conueniat, atque ad longè excellentiorem vnionem, cuius illa obtinendæ ius secum fert, ordinetur. Adhuc ergo nobilior vnio est, quæ Deus & homo in una hypostasi subsistunt: quæ, quanquam in suo genere sit vnionum maxima, haudquaquam tamen exigitur ad beatitatem. Alioqui solus Christus foret beatus, & lapis quoque aut lignum, si cum diuina natura hypostaticè vniretur, beatitudinis particeps esset. Quin neque Christus ipse, cui ob hanc vnionem beatitudo iure debebatur, hac, sed alia quadam vnione formaliter est beatus. Siquidem beatitudo aliquid vitale est, cum suauissimo quodam sensu, & gaudio de summo bono coniunctum. Cum ergo hypostatica vnio

neque

VIII.

neque sit aliquid vitale, neque eius sit naturæ, vt per illam summi boni suauitas possit sentiri; nequaquam etiam illa, sed alia quædam vnio mentis cum Deo est id, in quo sita est beatitudo. Superest igitur vltima illa vnio, *qua intellectus per visionem, & hinc deinde consequenter voluntas per amorem Deo coniungitur*: & quidem per *visionem*, atque *antorem* creatum; cum *videre*, & *amare*, sit quoddam viuere motioque vitalis, & operatio ipsius videntis, si rectè ratiocinemur. Atque per hanc solam operationem summum bonum percipitur, sentitur, & gustatur. Est enim, vel Aristotele teste, beatitudo non in habituali aliqua dispositione, sed in actuali, & vitali operatione posita. Necessè est autem vt illa operatio sit perfectissimæ facultatis, itemque vt perfectissimo modo, circa perfectissimum obiectum, versetur. Perfectius obiectum Deo non est. Perfectior quoque nulla est facultas, quàm intellectus & voluntas, inter quas ipsas duas facultates, præferunt iure intellectum Doctores. Intellectus igitur perfectissimo modo, hoc est, clarissimè circa Deum versans, eidemque cognitione excellentissi-

IX.

Aristot.
10. *Ethic.*
cap. 7.

ma vnitus, voluntatem quoque trahens & eidem vnice vnians efficit veram summam completamque beatitatem. Nihil enim aliud est beatitudo, quàm summi boni per *Visionem* apprehensio, & possessio. Itaque in hac apprehensione, possessione, visione vnioneque consistit *formalis nostra beatitudo*: quæ, vt tanto sit perfectior, amore quoque voluntatem Deo connectit: non quod beatitudinis essentia, sed

X. complementum in eo consistat. Id scripturæ & Patres egregie confirmant. Pau-

Pf. 29. 20. cissima attingam. Daud, *Ostende*, inquit, *faciem tuam, & salui erimus*. Salus ergo &

beatitudo nostra in diuinæ faciei ostensione consistit. Quod & Philippus Aposto-

Jo. 14. 8. lus agnouit, cum diceret: *Domine, ostende nobis Patrem, & sufficit nobis*. Sufficit, inquit,

cum aliud nihil sufficiat, neque satiet. Quade causa ille alter, sicut æstuans ceruus fon-

Pf. 16. 17. tes aquarum sitiens dixit: *Satiabor, cum apparuerit gloria tua*; putauit nimirum claram

diuinæ gloriæ apparitionem solam esse, quæ posset tam ardens desiderium satiare.

Et planè sola est, quia sola facit beatos.

Math. 5. 8. Hinc quando dicuntur *beati mundo corde*, causa non alia adijcitur, quàm *quia Deum*

vide-

videbunt. Et alio loco: *Hæc est vita æterna*, 1o. 17. 2.
ut cognoscant te Deum verum, hîc per fidem,
 ibi per claram manifestamque visionem.
 Nam fidei *visio*, tanquam imperfectæ co-
 gnitioni perfecta, ac veluti auroræ dies
 succedet. *Videmus nunc per speculum in æ-* 1. Cor. 13.
nigmate, tunc autem facie ad faciem. Nunc 12.
nondum apparuit, quid erimus. Scimus quo- 1. 1o. 3. 3.
niam cum apparuerit, similes ei erimus: cur si-
miles? quia beati: cur beati? quoniam vi- 1o. 17. 2.
debimus eum, sicuti est. Hæc est vita æterna,
 hæc beatitudo. Siquidem nomine *vita æ-*
ternæ, teste D. Augustino, semper solet S. Augu-
 vel inchoata, vel completa beatitudo si- stin. lib. 9.
 gnificari. de Civit.
 cap. 11.

S. III. Sanctorum Patrum de Visione Dei
 pronunciata.

Vis igitur palmaria & præcipua, qua Deo XI.
 ita coniungimur, ut beati efficiamur, con-
 sistit in *visione Dei*; & Deum clarè videre,
 est beatum esse. Atque hæc, ut dixi, vel so-
 la *visio* facit *essentialiter* beatum. Quod SS.
 Patres perspicuè docuerunt. S. Gregorius S. Gregor.
 Nazianzenus loquitur in hunc modum, Nazian.
 in orat. de
Illos lux omni oratione maior exceptura est, & plaga
sanctæ regięq; Trinitatis purius iam clariuscq; gradibus.
 X 5 collu-

collustrantis, totamq; se cum tota mente miscen-
tis contemplatio; quam quidem ego vel SOLAM
regnum cælorum potissimum esse arbitror. Sub-

S. Augu-
stin. lib. 1.
de Trinit.
cap. 9.
S. Th. 1. 2.
q. 2. a. 4.
Et omnes
Thomistæ
ibid. & 1
Et Vasq.
2. 1. 1. c. 3.
Et 4.

scribit eidem sententiæ S. Augustinus dum
ait: *In visione merces tota promittitur delecta-
tionis & desiderij nostri.* Quamuis enim
beatitudo, tanquã aliquid necessariò cõ-
sequens & coniunctum, ceu complemen-
tum aliquod, postulet & secum trahat a-
morem ac delectationem, præcipuè ta-
mẽ, ac essentialiter in solo actu intellectus,
tanquam in nobilissima operatione perfe-
ctissimæ potentix, consistit. Hac opera-
tione bonum summum possidetur, ex qua
deinde possessione in voluntate amor-
gaudiumque existit. Videre enim est possi-
dere. Quod pulchrè docet alter ille

XII.

S. Gregor.
Nyss. lib.
de beati-
tudinis.
in beati-
tud. 6.

Psal. 127.
Isa. 26.

Gregorius Nyssenus his verbis: *Beati mun-
do corde, quoniam ipsi Deum videbunt.* Pro-
missio certè tanta est, ut superet extremum
beatitudinis terminum. Quid enim aliud post
huiusmodi bonum quispiam desiderauerit?
cum habeat omnia in eo quem videt. Nam vi-
dere, usu scriptura idem significat, quod habe-
re; sicut illud, *Videas bona Ierusalem, idem est,*
quod, inuenias: Et, *Tollatur impius, ne videat*
gloriam Dei; per non videre, non participem
esse

esse Propheta significat. Ergo qui Deum videt, omne bonum, per hoc quod videt, adeptus est: vitam interminabilem, incorruptibilem, aternam, beatitudinem immortalem, regnum sine fine, latitiam continuam, verum lumen, gloriam inaccessam, perpetuam exultationem, omne denique bonum. Si igitur beatitudo nihil est aliud, quàm summi boni consecutio possessioque Dei desiderati, (sicut & in alijs rebus tum denum nos felices ac Beatos formaliter arbitramur, si id quod diligimus, aut desideramus, consecuti sumus) profectò beatitudo nostra in eo consistet, vt Deum videamus, quem aliter neque comprehendimus, neque possidemus. Neque aliter illum præsentem facimus, nisi per visionem; sicut & lumen per visum, odorem per olfactum, sonum per auditum nobis coniungimus, & possidemus.

Hinc & Irenæus scripsit, aternam vitam v-

*Iren. l. 4.
contra
hæres.
cap. 37.*

nicuique euenire ex eo, quòd videat Deum. Quemadmodum enim videntes lumen, intra lumen sunt, & claritatem eius recipiunt: sic & qui vident Deum, intra Deum sunt, percipientes eius claritatem; vinificat autem eos claritas.

Percipiunt ergo vitam, qui vident Deum.

XIII.

Itaque animæ beatæ egregia imago fuit Regina

gina

3. Reg. 10.

4.

gina Saba è longinquo profecta, & Ierusalem ingressa. Ibi enim videns regina Saba omnem sapientiam Salomonis, & domum quam adificauerat, & cibos mensæ eius, & habitacula seruorum, & ordines ministrantium, vestesq; eorum, & pincernas, & holocausta, quæ offerebat in domo domini: non habebat ultra spiritum. Atque ob hæc talia & se beatam aspectu censuit, & alios. Quapropter exclamauit: *Beati viri tui, & beati serui tui, qui stant coram te semper*, talia scilicet intuentes, & sapientiam eiuscemodi cum admiratione audientes. Sic anima è longinquo terræ istius in cælestem Hierusalem ingressa, videns Dei sapientiam, & domum quam adificauit diligentibus se; & cibos, quos ipse transiens conuiuiis suis ministrabit; & mansiones seruorum Dei, & ordines ministrantium Angelorum, sed præcipuè ipsum illum sapientiæ & infinitæ bonitatis fontem, tota in amorem rapietur, tota gaudijs & voluptatibus colliquescet. Scilicet *Mens illa beata*, ait S. Augustinus, *quæ ima deserit, summa petit, quæ ponit in arduis sedem habitationis suæ, & de summis rupibus contemplatur solem iustitiæ aquilinis obtutibus*. Atque ne visio hæc vilis videatur, luxque illa in

men-

S. Augu-
stin. lib.
Medit.
cap. 26.

XIV.

mentibus sanctorum oritura minùs afficiat desiderium nostrum, ait idem sanctus alio loco: *Ibi videbimus, in lumine tuo lumen tuum, quoniam apud te est fons vitæ, & in lumine tuo videbimus lumen, quale autem lumen? lumen immensum, lumen incorporeum, incorruptibile, incomprehensibile, lumen indeficiens, lumen inextinguibile, lumen inaccessibile, lumen increatum, lumen veridicum, lumen diuinum, quod illuminat oculos Angelorum, quod latificat iuventutem sanctorum, quod est lumen luminum & fons vitæ, quod es tu Domine Deus meus, tu es quippe lumen, in cuius lumine videbimus lumen, te scilicet in te, in splendore vultus tui, quando te videbimus facie ad faciem. Quid est videre facie ad faciem? nisi quod ait Apostolus, cognoscere sicut & cognitus sum, cognoscere veritatem tuam & gloriam tuam? hoc est, cognoscere faciem tuam, cognoscere Patris potentiam, Filij sapientiam, Spiritus Sancti clementiam, ipsius summae Trinitatis unam & indiuiduam essentiam, videre enim faciem Dei viui, hoc est summum bonum, gaudium Angelorum, atque omnium sanctorum, premium vitæ aeternæ, gloria spirituum, letitia sempiterna, corona decoris, brauium felicitatis, requies opulenta, pulchritudo pacis, in-*
timum

*Idem lib.
soliloq.
cap. 36.*

timum & externum gaudium, Paradisus Dei, Hierusalem cœlestis, vita beata, plenitudo beatitudinis, gaudium aternitatis, pax Dei quæ exuperat omnem sensum. Hæc est plena beatitudo, & tota glorificatio hominis, videre faciem Dei sui, videre eum, qui fecit cælum & terram, videre eum, qui fecit eum, qui saluauit eum, & qui glorificauit eum; Videbit eum cognoscendo, amabit diligendo, laudabit possidendo. Cur non amaret? cur non diligeret? cur non laudaret? Tametsi enim visio beata finitæ est perfectionis, sicut omnis creatura; infinita tamen pene est, si cum alijs visionibus cognitionibusque naturalibus vel hominum, vel Angelorum comparetur. Pone quidquid scientiæ omni æuo, omni ætate, omni labore, homines ingeniosissimi acquisiuerunt, nondum habebis nisi vmbra scientiæ illius atque visionis. Quæ cum supremi, hoc est, diuini sit ordinis, neque vlla etiam naturali intelligentia Angelorum, quantumuis sublimissimorum, quantumuis visionem in plures & plures gradus sine termino extendentiū, potest adæquari. Atque hac visione etiam minimus in cœlo rusticus clarebit, infinites proinde doctior, quouis huius mundi sapi-

sapiente. Qua visione tanta pulchritudo cernetur, ut quemadmodum in nonnullis historijs legimus, si omnes auri, argenti, florum, metallorum, gemmarum, terrarum, & cœlorum pulchritudines, & quidquid est, fuitque, aut erit uspiam venustum, in vnum confluerent: si omnes stellæ instar solis effulgerent, illaque omnium stellarum lux lucem vnicam ardentissimam efficeret: solq; tunc ipse in tantum adhuc splendore illas excelleret, in quantum nunc excellit, totusque ille lucis thesaurus in vnam pulchritudinē iungeretur; tamen etiam tum adhuc omnis illa pulchritudo non comparabilis esset, collata cum pulchritudine Creatoris.

10. Herold
in suo
Præpua-
rio Exem-
plor. lib. 6.
Et in l. 2.
Apum c.
17. n. 67.
Et apud
Caesaris
l. 5. c. 10.

§. IV. *Quanam in mente illa, quæ Deum videbit, cogitationes precedere, vel non precedere debeant?*

Quis igitur ad illam lucem non aspiret? **XV.**
quis intellectum suum hoc immenso thesauro nolit ornari & locupletari? Cuius cor non dicat semper: *Exquisivit te facies mea, faciem tuam, Domine, requiram, faciem Domini virtutum, in qua sola consistit tota gloria sempiterna beatorum. Quam quidem videre, vi-*

S. Augu-
stin. loc.
c. 11.

re, vita aterna est, & gloria sempiterna sanctorum. Latetur ergo cor meum, ut timeat nomen tuum, latetur cor quarentium Dominum, sed multò magis cor inuenientium. Si enim letitia est in quarendo, qualis letitia erit in inueniendo? Quaram ergo semper, ardentè, & indefinenter faciem tuam; si quando aperiatur mihi ostium & porta iustitiæ, ut intrem in gaudium Domini mei. Hæc porta Domini, iusti ingredientur per eam. Ingredientur autem tum, per alia opera, tum etiam maximè per fidem, per spem, per ardentia desideria. His rebus si mens nostra præparetur, visio clara succedet. Nunc quasi nictando videre incipimus, tunc, visu ad perfectum adducto, plenè cernemus. Quanquam enim, ait ardentissimus Augustinus, illa summa & incommutabilis essentia, lux vera indeficiens, lux Angelorum, à nemine conspici valeat in hac vita (quod præmium solis sanctis reservatur in gloria cœlesti) illud tamen credere & intelligere, & sentire, & illi ardentè inhiare, quodammodo illum cernere est, atque tenere. Sonet itaq; vox super Angelos, & homo intenta mente contempletur Deum; verbis quibus potest, suas illi dicat laudes, iustum namq; est, ut creatura suum laudet creatorem, ipse enim, ad laudandum

S. August.
 fin. lib.
 Medic.
 cap 27.

*dum se , nos creauit , qui nostris non indiget
laudibus , est autem virtus incomprehensibilis ,
nullius indigens , ipse sibi sufficiens. Magnus
Dominus Deus noster , & magna virtus eius , &
sapientie eius non est numerus , magnus Domi-
nus Deus noster , & laudabilis valde. Hunc
itaque mens diligat , lingua canat , manus scri-
bat , atque in his sanctis studijs fidelis animus
se totum exercent. Huius videlicet cœlestis
Theoriæ suauissimis dapibus , vir desideriorum
& cœlestium contemplator assiduè reficiatur , vt
hoc cœlesti pabulo saginatus , clamet clamore
magno , clamet totis medullis cordis , clamet in
iubilo , & ardentissimo mentis desiderio dicat :
O summe , optime , omnipotentissime , misericor- *ibid. c. 28.*
dissime , iustissime , præsentiissime , pulcherrime
&c. His cogitationibus , his ignibus , his **XVI.**
incendijs implendus est animus. Fide ad-
ornetur , vt *visione* felicitetur. Dei siqui-
dem laudibus , ad Dei laudes est ascenden-
dum. Quemadmodum etiam pictores ,
qualem penicillo ac colore in tabula posi-
turi sunt imaginem , talem creta , vel car-
bone antè designant. Stultissimi autem &
imperitissimi essent , qui Angelum picturi ,
diabolum priùs delinearent ; aut qui tabu-
lam destruerent ac defædarent , quam po-*

stea vellent precioso artificio perficere. Quis rex libenter illam manum, vel arcam serui, auro impleret, quam seruus ipse sordibus fœdissimis impleuisset? Aut quàm impudens esset seruus, qui vas balsamo & fragrantibus vnguentis imbuendum, fimo atque stercorebus, quasi de industria, contaminaret? Denique quis Cæsarem in domum suam & thalamum introducturus, boues prius & asinos, immo & porcos & vilissimas abiectissimasque bestias quasque intromitteret, vt non tam in aulam, quàm in haram eum admissurus videretur? Sic

Ezechiel.
8. 9.

ad Ezechielem Deus, cum ad templum Hierosolymitanum eum adduxisset, in quo ipse solus erat colendus, iustissimæ querelæ zelo dixit: *Ingredere, & vide abominaciones pessimas, quas isti faciunt hîc. Et ingressus, vidi, ait Propheta, & ecce omnis similitudo reptilium & animalium abominatio, & vniuersa idola domus Israël depicta erant in pariete, in circuitu per totum. Et septuaginta viri de senioribus domus Israël, & Iezonias filius Saphan stabat in medio eorum, stantium ante picturas: & unusquisq; habebat thuribulum in manu sua, & vapor nebula de thure consurgebat. Post quæ Propheta vidit etiam mulieres*

lieres sedentes & impurissimum Adonidem in illo loco sacrilegè plangentes, quem Salomon diuinis honoribus vnicè consecrauit. Quin vidit & viginti quinque viros *dorsa habentes contra templum Domini*, seque penitus à Deo auertentes. Ob quam abominationem dixit Dominus: *Ergo & ego faciam in furore: non parcet oculus meus, nec miserebor: & cum clamauerint ad aures meas voce magna, non exaudiam eos.* Pari prorsus pacto etiam magnis vocibus clamabunt frustra ad Dominum; *Ostende ps. 79. 10. faciem tuam*, qui ea mente Deum videre volunt, in qua nunc idola ponunt extremæ impietatis; quique expressam speciem summæ maiestatis ibi, tanquam in templo quodam, collocare cupiunt, vbi iam, ô superi, quid non delineant; quàm atro carbone omnia alia scribunt? Ipsum diabolum, ipsas Furias, ipsas laruas Auernales, ipsam Stygem, ipsas sordes, ipsas impuritates, cloacas, viperas, hydras, Chimæras abominationum mente illa effingunt, versant, noctes diesque volutant, in qua sperant se se Deum omni posthac æternitate habituros? Atque, vt nihil dicam, de **XVII.** tot suspicionum teterrimarum monstris,

de temerariorum iudiciorum inauditis prodigijs, de acerbissima meditatione vindictæ, de consilijs contra Ecclesiam, contra æquitatem, contra ipsam naturam illa mente identidem agitatis, qua diuinitas ipsa inexhausta æternùm cogitanda & penetranda, speratur beatitudinẽ & summã felicitatem allatura: illud non possum vlla ratione dissimulare, esse quàmplurimos mortales, qui illum cœlestem thesaurum confidunt in istum intellectum infundendum; illamque ambrosiam visionis beatificæ, & Elysijs amoris fragrantiam non dubitent in animum istum eundem immitte-
 tendam, in quem ipsi tot indignitates infundunt, & tam detestanda venena immittunt Venerearum cogitationum. Estne hoc regi cœlesti domum, estne hoc thalamum parare? Ne poculum quidem regi terreno porrigere auderes, quod, eo vidente & præsente, viliori prius libandum præbuissem: & cœlesti regi non erubescis mentem tuam offerre æternùm possidendam, atque summa felicitate, immo diuinitate ipsa implendam, quam prius nunc toties rebus vilissimis, turpissimis, execrandissimis offers, imple, & quasi templum

plum Numini dicatum, antè conuertis in domum & speluncam latronum, ac idolorum, vbi *in pariete, in circuitu per totum*, tam detestabiles abominations depinguntur? Nec enim iam tantum ibi, vbi Deus pingendus & exprimendus est, diabolus obiter delineas, sed prorsus etiam viuis eum coloribus expingis. Immo ipsi diabolo potestatem facis pingendi, quidquid Acherontici ingenij scelerisque extrema illi suggerit libido. Dicámne, an **XVIII.** tacebo, hoc seculi nostri nouum & planè summè erubescendum dedecus? Certat animus, & in animo indignatio cum pudore pugnat. Pudet enim fari, quod quosdam non pudet protestari. Et tamen hæc ipsa eorum tam inuerecunda protestatio meretur non parcentem indignationem. Si enim Deo non parcent illi, cur parcam ego illis? Illi opere, quantum in se est, Conditorem meum occidant, ego verbo non dehorte occidere molientes? illi intellectum à Creatore datum ad optima & saluberrima quæque cogitanda, tantis fæditatibus obstruant, & ego tam impias obstructions non destruam? Dicam profectò, & quamuis non sine proprio rubore,

tamen etiam ad istorum ruborem dicam, si tamen tam ferreæ frontes erubescere didicerunt. Sunt enim homines, sunt Christiani, sunt qui volunt inter ipsos Christianos & Catholicos esse non postremi, (non dico Sodales, sicut enim talem pro Sodali non haberem; ita nec quenquam Sodallem habeo pro tali; sed apud Sodales tamen talia dico, ut eos incendam ad tam nefanda scelera in alijs excindenda) sunt igitur, inquam, qui stant ante abominandas mentis suæ *picturas*, & unusquisq; habet *thuribulum in manu sua*, & Deus bone, qualis vapor nebulae de thure consurgit! Nempe Adonidem, Venerem, Numen Hellestiporiacum adorant, dum rebus spurcissimis & obscenissimis identidem cogitandis inhonestissimè immorantur. Quarum rerum ne fortè obliuiscantur, sed ut memoriam habeant perennem, inaudito sacrilegij genere, nouam linguam plus quàm nefariè excogitauerunt. Quam autè illam? non iam clauo, non vnco, sed æterna epulonis siti, æternoque incendio dignam: nempe ut quidquid dicant, quidquid loquantur, quæcunque denique verba proferant, ea omnia sint libidinis atque obsceni.

*Ezech. 8.
loc. cit.*

scænitatis incentiua & monimenta. Co- XIX.
 gor apertiùs loqui, non enim metuendum
 est ne doceam, quod iam antè tam est ma-
 nifestum. Inueniuntur tam protriti pu-
 doris homines, tam proiecti Veneris ne-
 potes, qui cum dicere volunt, *Sumpsì pran-*
dium, exhausti poculum, frequentaui hospitium,
 peruersissimo dicendi genere dicant: *Stu-*
prauì prandium, stupraui poculum, stupraui ho-
spitium: ita illis stuprum vbique cordi est,
 vt etiam in ore versetur, vtq; nihil velint,
 aut possint sine stupro aut agere, aut lo-
 qui. Et, quemadmodum plerique solent
 cibos nonnullos nunquam sine sale fume-
 re, ita istæ plus quàm Epicureæ pecudes
 nihil dicunt, quod non salaci verbo flagi-
 tiosè condiant. Quin eo vsque impieta-
 tis progrediuntur, vt ipsas quoque res sa-
 cras impurissima lingua sua profanare, &
 velut nouæ Harpyiæ, per sacrilegum sce-
 lus contaminare non erubescant. Itaque
 cum dicere volunt, *Adiui templum,* (non
 audeo cetera eloqui) aiunt, *Stupraui tem-*
plum. Sic istæ proiectissimæ animæ per no-
 uum & inauditum scelus, omnia profana
 & sacra stupris suis vndique implent; vt æ-
 uo nostro planè dici possit illud Ieremiæ: *Ierem. 2.*

Filij quoque Mempheos, & Taphnes constupra-
uerunt te vsque ad verticem, hoc est, spurci-
 tijs suis ac stupris, non tantum mensas, &
 conuiuia, aut angulos profanos, sed et-
 iam, quod caput & vertex est, res ipsas sa-
 cras incestauerunt. Sic, quod ne de hære-
 tico quidem villo audiuius, aut legimus,
 propemodum coram videmus audimusq;
 fieri à Catholicis. Videmus, & patimur?
 audimus, & non punimus? ob hoc ipsum
 meritissimò puniendi. Nam etiam Deus
 audit. Sed illi contemnunt audientem,
 rident minantem, suoque risu & sibi, &
 nobis pariter Deum irritant. Irritant, &
 adhuc nos non irritant? Adhuc immanif-
 simis istis stupratoribus non irascimur?
 Adhuc filias omnes non comportamus,
 vt tam Tartareas & à magis ortas blasphemias
 communi rogo concrememus? Nam prorsus
 sunt Tartaræ istæ, & vix aliæ, nisi magorum
 ac veneficorum linguæ. Si enim laudes Dei
 summas Apostolus
 1, Cor. 13. 1. linguas vocat Angelorum, cum ait. *Si lin-*
guis hominum loquar & Angelorum, cur non
 dirissimas has blasphemias linguas vocemus
Diabolorum? præsertim, cum nefandæ
 hæ loquendi formulæ, ex fædere, & pacto,
 & so-

& societate quadam, velut in stygia aliqua schola, discantur & exerceantur, & inter istos pudendos Christianos, illorum quidem institutione *Flores*, ac *Phrasēs* appellentur? O Deus, quales *phrasēs*! ô quàm tetri *flores*, Floralia illa ab omnibus SS. Patrum libris, immo ab ipsis etiam Ethnicis Catonibus extremè exagitata, multis modis, superantes! Quid aliud superest, nisi vt dum nos silentio nostro hæc quasi approbamus, dum ignibus parcimus, dum rogos non extruimus, quibus purpureos & cristatos Phœnices istos imponamus, Deus de cœlo picem & sulphur, & mille fulmina, & totos flammaram nimbos, & in istos ita peccantes, & in nos ita tolerantē immittat? Locrensiū rex Ajax, quòd, tanquam miles, capta Troia, per licentiam militarem, Cassandram in templo Minervæ violasset, id promeruisse dicitur, vt Græcis redeuntibus circa Caphareū promontorium adeò terrifica tempestas immitteretur, vt non solū ipse, verū etiam alij plerique vnā nauem frangerent, & in acutos scopulos affigerentur. Atque alij multi etiam hodie, qui non ipsa templa, aut sacra directè, sed idcirco tantū

XX.

*Virgil. 1.
Æneid.*

violant, quia alios in illis violant, quàm grauitè solent plecti? Isti autem ipsorum templorum sacrorumque Acherontici stupratores id impunè ferunt? An non ob istos meritò nobis famis, pestis, bellorumque, & omnium miseriarum tempestas immitteretur? Itane optimum, quod à natura habent, hoc est, rationem & intellectum, assidua rerum turpium mentione ac recordatione ignominiosissimè defa-

XXI. dant; & nemo est, qui vindicet? Erit, erit profectò, qui vindicet, Deus; quem sicut iam, hæc talia cogitando dicendoque, à mente sua proteruissimè excludūt, ita in æternum suo maximo malo exclusum persentiscent. Merito enim suo fennum esse iubentur, qui cum possent ambrosia vesci, contempserunt. Ob hoc ipsum miseri & miserandi, quia miserijs delectantur. At mens illa beata, quæ ima deserit, summa petit, quæ ponit in arduis sedem habitationis suæ, & de summis rupibus contemplatur solem iustitiæ aquilinis obtusibus. Nihil enim tam pulchrum atque iucundum, quàm ipsum solum mentis intuitu, & cordis auiditate contemplari Deum, & miro modo inuisibiliter cernere inuisibilem: sicquæ aliam, non istam gustare

S. Augu-
stin. lib.
Medit.
cap. 27.

intellect: Labyrin: pulchrior futururus? 347

stare dulcedinem, & inspicere aliam, non istam lucem. Lux enim ista, qua loco clauditur, tempore finitur, noctium interruptione variatur, & quam communem cum vermibus & pecoribus habemus, in comparatione illius summæ lucis, non est lux dicenda, sed nox, ait illuminatissimus sanctus. Quare alius quoque precatur: Emitte lucem tuam & veritatem, ut luceant super terram: quia terra sum inanis & vacua, donec illumines me. Effunde gratiam de super: perfunde cor meum rore cælesti: ministra deuotionis aquas ad irrigandam faciem terræ, ad producendum fructum bonum & optimum. Eleua mentem pressam mole peccatorum, & ad cælestia totum desiderium meum suspende: ut gustata suauitate superna felicitatis pigeat de terrenis cogitare. Quare nos præcipuè, qui singularem Mariæ Virginis cultum profitemur, Nostram, ut S. Ioannes Damascenus loquitur, memoriam repositorium Deiparæ faciamus. Hoc verò quomodo erit? Ea fuit Virgo, & amatrix Virginum. Si ergo cum corpore mentem quoque castam habuerimus, inhabitantem eius gratiam possidebimus. Vti & filij eius: qui ipse dixit: Beati mundo corde; quoniam Deum videbunt. Sicut ergo immundum cor, immundus insidet spiri-

Thom. de Kemp. l. 3. de mis. cap. 23.

S. Io. Damascen. Serm. de Assumpt. B. Mariæ Virg.

Mat. 5. 8.

spiritus; ita cor mundum mundus possidebit Deus. Quid autem sit cor mundum, capite sequenti fusiùs explicabo.

Caput XIII.

QUALIS SIT IN VOLVNTATE FVTV-

RA BEATORVM, SVpra LABYRINTHI HABITatores, felicitas, ratione amoris & gaudij?

§. I. Quid, & quale sit cor Beatorum?

I.



OR mundum est intellectus mundus, & voluntas munda. Prisci enim existimarunt, mentis sapientiæque *sedem*, aut certè *fontem* in *corde* esse; sicut est iræ fons, in *felle*; petulantia, in *splene*; amoris, in *iecore*. Quod vulgari illo versiculo est comprehensum:

Cor sapit, & pulmo loquitur, fel commouet iram,

Splen ridere facit, cogit amare iecur.

Quin & in diuinis litteris *cor*, pro intellectu, positum habemus. *Factus est Ephraim quasi columba seducta non habens cor*, ait Oseea: & Apostolus; *corde* inquit, *creditur ad iustitiam*. Quonam *corde*? corporeo illo, quale etiam bubalus habet? nequaquam. Sed *Intellectu*, cuius fides actus est, & *Voluntate*,

Oseea. 7. II.

Rom. IO.
IO.

tate, cuius pio imperio *Intellectus* res incuidentes, obscuras, difficilesque credit.

Quamquam autem vtraque potentia II.
cordis nomine intelligatur, præcipuè tamen intelligitur voluntas, quæ & ipsa, si de moribus agitur, in homine præcipuum habetur. Philosophi doctrina est, *cor esse fontem omnium sensuum, vitæq; ac sanguinis.* *Aristot. de partib. animal.*
Ac in prouerbio iactatur, *Cor ne edito*, curisue macerato: aut, vt est in sanctiore

prouerbio, *Omni custodia serua cor tuum: quia ex ipso vita procedit.* *Prou. 4.* Ita & *Voluntas* fons ²³

est, & morali æstimatione principium præcipuum actuum *humanorum*. Inde enim etiam *actus humani* à Theologis appellantur, suamque hauriunt libertatem. Neque homini quidquam vel in se, vel in altero charius est, quàm voluntas. Si est quod volumus, bene est; & ferè nihil est, quod voluntate non superemus. Si voluntatem alterius habemus, ipsum habemus, & quidquid est ipsius. Nec tam dolemus, si alij malè intelligant, quàm si malè velint. Sin quod volumus, volunt, nihil est, quod amplius velimus. Quare summopere gaudemus, si & alij volunt nobiscum. Quod num in *Labyrintho* experti sint gaudium

III.

reges

reges Ægyptiorum, non est necesse per diu inquirere: cum palàm sit, multas inibi voluntatum contrariarum pugnas extitisse, odijsque ac tristitijs, quin & insidijs, & perturbationibus sæpe omnia permixta fuisse. Quid enim aliud fieret in rebus humanis? in quibus, vt lapis lapidem, ita voluntas frangit teritq; voluntatem. Non

IV.

sic in cælo euenit. Ibi *Cor unum & anima una* est. Ibi beata illa societas non tantùm intellectu Deum intra se possidebit, *manè suum* adepta, de quo dicitur; *Manè a stabo tibi, & videbo*, sed etiam voluntate tota continebit, quidquid potest ea boni continere: cum, teste Boëtio, beatitudo sit *status bonorum omnium aggregatione perfectus*: aut, vt S. Anselmus definit, *sufficiencia omnium commodorum*. Pertinet ergo ad Beatitudinis perfectionem & integritatem, etiam perfectio voluntatis. Neque temerè dixit D. Augustinus, *beatum illum esse, qui habet quidquid vult, & nihil mali vult*. Nihil mali sanctos in cælo velle, aut velle posse, aut metuere, supra à nobis est demonstratum. Habere autem, quod volunt, inde est clarum, quòd Deum habeant, videndo Deum, extra quem nihil volunt.

lunt.

Aët. 4. 32.

S. Augu-
stin. 1. de

Trinit. c.

8. 9. &

seqq.

Psal. 5.

Boet. l. 3.
de Consol.
prof. 2.S. Ansel.
lib. de si-
militud.S. Augu-
stin. l. 13.
de Trinit.Supra c.
7. & c. 8.

lunt. Quoniam autem beatitudo est *status bonorum omnium aggregatione perfectus*, pertinebit utique ad status istius integritatem, ut quemadmodum intellectus videndo, cum Deo suaque felicitate coniungitur, ita & voluntas suis non careat bonis commodisque, quibus in sua beatitudine perficiatur. Quamvis enim D. Thomas, & qui illum sequuntur, totam beatitudinis essentiam rectè in sola visione Dei constituent; tamen, ex eorundem sententia, sicut substantiam solis lux & calor, tanquam aliquid necessario consequens, semper comitatur; ita cum beatifica illa claraque visione amor, tanquam calor, gaudiumque, velut quædam lætissima mentis lux, & complementum beatitudinis perpetuò connectetur. *Inebriabuntur ab ubertate domus tuæ, & torrente voluptatis tuæ potabis eos*, ait regius vates. Vino scilicet diuini amoris incalescent, & velut ebrij, curarum omnium obliti, affectum omnem in Deum plenissimè effundent: quem bono quidem affectu omni, magis tamen amore & gaudio amicitiae, quàm amore gaudioque concupiscentiæ prosequuntur. Itaque hoc amore pleni diuina

*S. Thom. 1.
2. 7. 3. 4. 3.*

V.
Psal. 35. 9.

uina quadam voluptate perfundentur.:

Apoc. 22. Hic *torrens voluptatis* S. Ioanni ostensus esse videtur. Ait enim: *Et ostendit mihi flu-*

I.

uium, aqua vitæ, splendidum, tanquam cry-
stallum, procedentem de sede Dei & Agni. In
medio plateæ eius, & ex utraque parte fluminis
lignum vitæ afferens fructus duodecim, per
menses singulos reddens fructum suum. Flu-

uius iste, quia erat ingens, in Arabico tex-
tu, *mare* vocatur. Est enim in cœlo qua-
dam immensitas & amoris, & gaudiorum.

Gen. 2.

Fluuius iste fonte Paradisi, & ligno vitæ
significatus, è throno Dei scaturiebat. In-
de enim amor oritur, quò reflectitur; &
lætitia sanctorum, est quædam participa-
tio diuinorum gaudiorum: quæ quidem
eiuscemodi sunt, vt cum *aqua vitæ*, seu
cum *aqua viua* meritò possint comparari.
Semper enim fluunt, nunquam deficiunt,
aut arescunt. Erit igitur res præcipua in
Sanctis, hoc est, voluntas, seu *cor* sancto-

psal. 26. 3. rum, quod *non timebit*; erit, quod intra

psal. 38. 4. sanctos *concalescet*, amoris flamma: erit,

psal. 44. 2. intellectus, qui *eructabit verbum bonum*:

ps. 72. 26. erit, qui semper dicat, *Deus cordis mei, &*

ps. 96. 11. *pars mea in æternum*: Denique erit *rectis cor-*

ps. 104. 3. *de lætitia*: & non iam *in terris*, sed in cœlis,

pax

pax hominibus bonæ voluntatis ; seu ijs, qui Dominum quærunt, Dominoque seruire concupiscunt. Hi namque vulgò *bonæ voluntatis* esse dicuntur ; digni proinde, qui pace lætitiaque perfruantur. Dignum est enim, vt *latetur cor quærentium Dominum.* *Ps. 104. 3.* Erit ergo *cor* sanctorum nihil metuens, omnes tribulationes excludens, summi boni amans, summa pace gaudens, & in Deo exultans : quale *cor* in nullo vnquam repertum est *Labyrintho*. Quoniam autem supra iam docui, in voluntate cœlestium nihil aut timoris, aut tristitiæ, aut peccati esse posse, superest nunc solùm, vt de amore, deque gaudio Beatorum nonnihil dicam.

§. II. *Ad beatitudinem pertinere amorem & gaudium.*
Et quomodo? Aut cur?

Inprimis verò statuendum est, licet amor, gaudiumque aliquid essentia beatitudinis sit posterius, tamen ad integritatem illius pertinere ; sicut ad integritatem hominis pertinet, vt manibus pedibusque constet, quantumuis essentia hominis, etiam sine his consistat. Qualis enim sit beatus, qui beatitudine sua non fruatur? hoc
Z. est;

VI.

*S. Augu-
stin. 8. de
Civit. c. 9.*

est, qui summum bonum videat, & non amet, neque de eo gaudeat? Siquidem *frui, est ex re amata & præsentì capere fructum, seu oblectationem.* Bellè S. Augustinus; Nemo, ait (perfectè) *beatus est, qui eo, quod amat, non fruitur: nam & hi, qui res non amandas amant, non se beatos amando putant, sed fruendo.* Igitur necesse est, ut amet, & amando gaudeat, quem volumus appellare beatum: videturque ipsa vis & natura beatitudinis exigere, ut sit bonum habentis summè amabile, atque ut perfectè satiet appetitum. Quippe ut ex luce solis, calor, ita ex illa *clarissima* summi boni *visione* ingens exardescit desiderium illius amandi, gustandique eius suavitatem. Quod tam ardens desiderium, si non expleatur, profectò animum affliget desiderantem. Cum ergo nihil affligere possit beatos, fit ut ament, quod vident; & fruatur eo, quod amant. Atque ita demum Deo perfectè similes efficiuntur, eique non intellectu solum, sed etiam affectu, arctissimè uniuntur. Profectò, quemadmodum maxima poena est damnatorum, carere beatificà visione, quod *pœnam damni* solemus vocare; ex qua summa
quæ-

VII.

quædam tristitia in voluntate eorum nascitur, quæ damnatos cruciat : ita *visio beatifica* ipsa, maxima est felicitas sanctorum; ex qua oritur summa quædam lætitia, quæ voluntatem eorum oblectat. Ob quam connexionis necessitatem, sæpe gaudium pro ipsa beatitudine, & tristitia pro ipsa damnatione vsurpatur. *Intra in gaudium* Matth. 23. *Domini tui*, ait Christus. Et S. Augustinus: S. Augu-
stin. l. 10.
Confess. *Omnes ipsum gaudium beatam vitam vocant;* est enim semper, ac necessariò cum vita cap. 21. beata coniunctum, tanquam effectus necessarius cum causa. Quamobrem nonnulli rectè dixerunt, visionem beatam, nō quidem formaliter, sed tamen causaliter omne bonum continere. Certè quando beatitudo dicitur *status bonorum omnium aggregatione perfectus*, vel beatitudo causaliter describitur; vel si formaliter definitur, tum ea definitione, non sola beatitudinis essentia, sed integer atque completus eius status explicatur, ut verior sententia habet. Quamquam utram quis sententiam amplectatur, *amorem* atque *gaudium* beatis concedere debebit, si quidem beatitudinem illis voluerit concedere. **VIII.** *Faciliùs Sol radios suos resorbere, lucemque*

nullam ex se diffundere potest, quàm Beatus, illud infinitæ excellentiæ bonum tam clarè intuens, *amorem* cohibere. Trahit alioqui quoduis bonum voluntatem affectumque nostrum; sed summum bonum summè. Vt enim maior magnes ferrum ad se potentiùs rapit; sic maius bonum, quò clariùs cognoscitur, vehementiùs amatur. Summum ergo illud *diuinæ essentia* bonum clarissimè visum, eum animo beatorum impetum imprimet, cui nō poterit reluctari. *Corpus pondere, animus amore fertur, quocūq, fertur.* Corporis pond⁹ potest impediri, si non sit nimis magnum: amor beatus nimis magnus est, impediri nō potest. Et quis voluntatem impediret, ne vellet amare bonum, quod ei intellectus proponit, vt summum? Quis charitatis tã immensæ incendium frenaret, in materia tam apta ad flammam concipiendam? Hæ enim duæ causæ ex parte potentiæ concurrunt ad *amorem* producendum, *Voluntas* scilicet, & *Charitas*; quemadmodum, *intellectus* & *lumen gloriæ*, ad *visionem*. Vt *amor* sit actus vitalis, & *vita animæ*, concurrat *Voluntas*: quæ quia ex se ad tam sublimem motum in Deum non est sufficiens,

S. Augu-
stin. l. II.
de Ciu. it.
cap. 28.

IX.

ciens, diuino dono *Charitatis* est perficienda. Quoniam autem amari incognitum non potest, præter *voluntatem & charitatem* ex parte potentiæ, necessaria est etiam ex parte obiecti *Visio*, & *Essentia diuina visione* apprehensa. *Visio* enim, per modum conditionis necessariæ, concurrit ad *amorem* elicendum. Et *Essentia diuina*, essentiam *amori* speciemque, tanquam obiectum actui, tribuit; *amoremq.* diuinum, per cognitionem, in anima excitat. Cum ergo ex his quatuor rebus *amor* existat, sanctique in cœlo habeant optimam *Voluntatem*, ardentissimam *Charitatem*, clarissimam *Visionem*, & *Essentiam diuinam* semper præsentem, quid aliud facere possent, quàm ut illa *Voluntate*, ista *Charitate*, hac *Visione*, æternos amores in *diuinam Essentiam* dulcissimè perpetuarent? hisque ipsis amoribus sine fine delectarentur? Memorat Aristoteles, piscem quempiam, quòd in stellæ modum, præclaro ludentis naturæ artificio sit efformatus, *stellam* nominari. *Brachij enim, quasi radijs quinque diffusus expanditur: in radiorum medio, os est sine gula: inde alimentum in quinque partes distribuitur. Aspectu pulcherrimus est, ob exquisitam partium*

X.

*Aristot.
lib. 5. de
animali*

358 Cap. XIII. *Qualis in cælo voluntas sit,*

compagem. Radiorum particula omnes vinculis connexa sunt. Hic tam mirabilis, rotundus, & venustus piscis in ipsis aquis habet tam igneum feruorem, ut omnia in mari contacta adurat, omnem cibum statim peragat. Et Dominus, qui tot beneficiorum radijs diffusus expanditur, & sanctos omnes, velut brachijs beneuolentiæ complectitur, ijsque tanquam vinculis funiculisque charitatis connectitur, ille, inquam, qui Mosi ap-
paruit in flamma ignis; quique in ignis specie holocausta consumsit, spiritumque amoris sui in linguis igneis misit; itaque in via discipulis suis etiam nondum beatis calidè locutus est, ut cor eorum ardens esset; denique qui, teste Apostolo, ignis consumens est; non omnia in cælo sanctorum corda contacta adurat, atque in dulcissimam quandam amoris flammam conuertat? hoc est, in se ipsum? Ut enim Visio ad se quodammodo trahit rem visam, ita Amor transfert amantem in rem amatam, affectuque in eam commutat.

Exod. 3. 2.

3. Reg. 18.

38.

Act. 2. 3.

Luc. 24.

32.

Heb. 12.

29.

§. III. *Qualis sit amor beatorum?*

XI.

Porro qualis sit iste Amor, ex Amore tereno licebit cognoscere, quem Poëta
pue-

puerum, tanquam imprudentem; *nudum*, tanquam impudentem & inhonestum; *tænia oculos velatum*, tanquam cæcum; *sagittis & pharetra instructum*, tanquam vulnera spargentem; denique *alas in humeris gerentem*, tanquam leuem, inconstantem, & in momento auolantem, depinxerunt. Omnia contraria habet diuinus *Amor*. Est ex altissimarum rerum scientia, quippe ex contemplatione certissima & euidentissima ipsius Dei oriundus. Est *pudicus, castus, honestus*. Est *oculissimus & oculatissimus*, quippe ex ipsa rerum diuinarum euidentia natus. Est *dulcis*, neque quenquam cum dolore vulnerat. Nam illud : *Vulnerasti cor meum*, non dolentis, sed laudantis & lætantis est sponsi. Est denique *constans & inextinguibilis*, neque à sanctis illis in cœlo potest auolare. Quamobrem rectè cœlestis & terreni *Amoris* pugna ac diuersitas exprimi potest, illis simulachris duobus, quæ, teste Pausania, quondam in Maltho Gymnasio conspecta fuerunt, *Erotis*, & *Anterotis*; quorum ille palmam tenebat in manu, hic infringere, & surripere nitebatur. *Amor* enim terrenus *Amori* cœlesti è diametro oppositus, prorsus contrarijs re-

*Pausan.
Eliac. lib.
posterio-
re.*

bus solet efficere, ne homines pertingant ad illam palmam *Amoremq;* cœlestem. Quade causa pulchrè S. Chrysostomus vtrumque *Amorem* describens ait: *Ille animi morbus est, & opprobrium: Hic anima latitia & exultatio. Ille bellum in animantium inuehit cogitationem: hic bello pacem substituit. Ex illo vulgari non modò nihil emolumenti, sed ingens quoque rei familiaris sumtus inanis, vite pernicies, adium denique à fundamentis subuersio. Ex honesto hoc, qui spectat animorum decorum, multæ opes bonorum operum, magna virtutum supellex. Bonam corporis formam adamantes, & ad faciei splendorem inhiantes; si turpes sunt & inelegantis formæ, nihil ad mutandam deformitatem ex concupiscentia lucrantur: in hoc contra fit amore. Quisquis amat animam sanctam, continuò talis erit, qualis est, quam amat, verè scilicet pulcher, æformosus. Hæc Chrysostomus de Amore puro & impuro; honesto, & inhonesto; spirituali & carnali. Quanto autem perfectior est purus, honestus, & spiritualis Amor, tanto maiorem parit anima latitiam & exultationem, & pacem, & opes. Quid ergo purissimus ille, honestissimus, & spiritualissimus Amor non faciet in cœlo? quanta in*

lati-

S. Chrys.
Homil. in
illud S.
Pauli:
Vtinam
tolerasse-
runt.

lætitia & exultatione, quanta in pace, quā-
tis in opibus beatos non collocabit? Et XII.
vel maximè idcirco, quia non cæcus erit,
sed *visione Dei* nitetur. Quem qui videt,
iam habet magnetem, à quo potentissimè
trahatur. Refert Pythagoricam fabulam
Plinius de herba, quam *centum capita* vo-
cant. *Portentosum est, inquit, quod de ea tra-*
ditur. Radicem eius alterutrius sexus simili-
tudinem referre, raram inuentu. Sed si viris
contigerit mas, amabiles fieri. Ob hoc & Phao-
nem Lesbium dilectum à Sappho. Maiorem
vtique, veriolemque, quàm herba ista *he-*
catoncephalos, vim habet immensa Numi-
nis bonitas, potentia, pulchritudo, quam
qui perspicuè videt, non potest non effli-
ctim amare. Ergo etiam quanto quis Deū
magis amat, consequens est, magis Deum
vel in via credere, vel in patria videre.

Plin. l. 22.
Hist. Nat.
cap. 8.

At è diuerso mundi *Amor* cæcus est, quæ XIII.
enim amat, non videt; si videret, non a-
maturus. Ita malæ merces in tenebris ven-
duntur, quæ in luce clara positæ emtorem
non inuenirent. Bellua igitur *Amor* ille est
immanissima, ac Pantheræ similis, quam
Solinus scribit praua cupiditate cæcam,
rabie furiosissima diuinam hominis effi-

Z 5 giem

giem detestari, stercus verò eiusdem amare: quemadmodum & illi faciunt, qui amore hoc capti, in res honestas, pulchras, divinas odia vibrant & detestationes; turpia autem, fæda, & ne pecore quidem digna magnis infantijs concupiscunt. Nam, te-

*S. Basil. de
Invid.*

ste S. Basilio, *Vita quidem claritatem & magnitudinem rerum gestarum nullo modo aspi- ciunt* (cæci enim sunt ad honesta) *at sordibus insistant*; ad quas proinde etiam ipsas sunt cæci. Non enim diligerent, si cognoscerent: iam non cognoscentes & cæcos

XIV.

*Ælian.
lib. 17. de
animal.
cap. 25.*

facile est capere. Sic simias capi testatur Ælianus. Nam *speculo etiam Indus venator in Simiarum conspectu utitur: cuius loco discedens aliud relinquit; & laqueum subitus addit validum. Simia verò accedens fixo obtutu in speculum intenta, imitatione hominis: radijs è speculo reflexis, ita afficitur oculis, ut hebetati illi palpebris, tanquam agglutinis, connueant. Itaque cacutiens facilimè capitur, ut qua fuga sibi consulere iam nequeat.* Talis est fulgor mundi, qualis speculi: excæcat, dum oblectat: dumque oculos adimit, adimit vnà vitam ac felicitatem. Aliter Amor divinus, qui vnà lumen affert, & calorem; ita enim amat, ut videat nihil magis aman-

dum

dum quàm Deum, quod *amor sui* non videt. Qua de causâ rectè S. Dionysius A- XV.
 reopagita ait : *Amor diuinus ecstasin facit,* S. Dionys.
non sinens amatores esse sui iuris, sed in ius eo- Arcopag.
rum, quæ amantur, penitus transferens. Ita de diuin.
 enim affectum cogitationemque amantis nom. c. 4.
 in rem amatam transfert, vt sui rerumque p. 1.
 suarum quasi obliuiscatur, & cogitatione
 affectuque quodammodo extra se egrediatur, totusque in rebus dilecti versetur:
 adeò vt iam non in se, sed in dilecto viuere videatur, ac cum Apostolo dicere possit:
Viuo ego, iam non ego; uiuit verò in me Chri- Gal. 2. 20.
stus: in quo, & in cuius causâ cogitatione
 atque affectu ita hæreo, vt eorum, quæ ad
 propria commoda, honorem, & vitam spectant; meritò oblitus videri possim.
 Hic amoris effectus in Apostolo *viatore*
 repertus, longè excellentiore modo erit
 in quouis *comprehensore*: qui cogitatione
 & affectu omni ita trahetur in Deum, vt à
 se ipso exeat, nihil de se suisque rebus aut
 amicis, aut fratribus, aut filiis, aut parentibus cogitans, vel concupiscens, nisi pro-
 ut id ipsum ad diuinam gloriam refertur.
 Igitur omni sollicitudine, motuque proprii amoris extincto, soli Deo viuet, vita
 qua

quadam diuina præditus, quæ est Deum videre, videndo amare, amando gaudere. Videt ergo Beatus *Amor*, quæ sunt videnda, immo tantum abest, ut à videndo impediatur, etiam incitat ad semper magis magisque videndum. Neque enim sine causâ

Psalm. 33. 9. dixit Psalmista : *gustate, & videte quoniam suavis est Dominus. Hæc in amore rota est: Vi-*

sus generat gustum, & gustus denuò excitat visum. Non igitur cæcus est, sed lim-

XVI. pidissimè *videns Amor beatus.* Quin ne-

que cum dolore vulnerantibus iaculis armatus venit, sicut *Amor terrenus*; qui sagittas felle linit, & ferè aliud nihil habet, quàm querimonias, iurgia, rixas, furores, bella, cruorem. Quemadmodum herba,

*Prolo. Her-
phas. l. 4.*

quæ è quercu, ad quam se Helena suspendit, enata, & idcirco *Helenium* appellata, rixas dicebatur olim prouocare, ne ab origine sua degeneraret: nam & ipsa Helena

*Catull. de
Nupt. Pe-
les &
Thet.*

fuit causâ bellorum. Nôrunt ineptè amantes, quàm *indomitos in corde furores*, quàm magnas procellas, & tumultus circumferant; quos gemitus, quæ suspiria, quas lachrymas, ne dicam, cædes & mortes patiantur. Non fert tales sagittas *Amor diuinus*, qui mentem cum Deo, cum vita

increa-

increata & æterna, cum pace, cum tranquillitate, cum gaudijs vnir. Summus enim *Amor* summam quærit gignitque vñionem: itaque est constitutus, vt, si fieri posset, amantem in amatum totum conuerteret. Cupit enim se totum impendere amato, atque cum eo perfectissimè vnire. Ex qua vñione à Deo trahit, quidquid est boni, vt ita dicam, succi in Deo: quantoque plus vnitur, plus trahit. Cum ergo nihil sit amari, nihil acerbi in summo bono, non potest *Amor* diuinus aliud secum afferre, quàm limpidissimas voluptates. *Amor* autem terrenus, quia se iungit rebus habentibus amarorem & acerbitatē, sine dolore nequit haberi. Si enim amans cum re amata fit vnum quid, profectò necesse est, tale fieri, quale est id, quod amat. Non potest ergo res felle tincta, amari sine sensu fellis; sicut neque Deus summe beatus & gaudijs plenus, sine beatitudine & sensu gaudiorum.

§. IV. *Quis è duobus contrarijs Amoribus sit preferendus?*

Mirissima proinde res est, homines, hos XVII.
duos sibi tam aduersantes *Amores* non expen-

pendere; diuinum non ardentius sectari,
 terrenum non constantius contemnere.
 Inchoatur enim *Amor diuinus* in hac vita,
 in qua etiam *Amor terrenus* inchoat æter-
 num amarorem. Si cui crumena, si arca,
 si vas esset, quod pro arbitrio, vel stercori-
 bus replere, vel auro posset; quis sibi tam
 malè vellet, vt stercora præ auro eligeret?
 Vas nobilissimum est *cor tuum*, & volun-
 tas tua. In hoc vase vel aureum illum Dei
Amorem collocare potes, vel istum terre-
 num, nihil secum nisi stercora afferentem:
 in quibus non nisi scarabæi amant habita-
 re. Certè homines non sunt, qui præ au-
 ro *stercora amplexantur*: vnde ab Ioële di-
 citur: *computruerunt iumenta in stercore suo*.
 Quænam autem sunt stercora ab istis ama-
 ta? Nempe corpora formositate fallentia:
 de quibus Sophonias ait: *effundetur san-*
guis eorum, sicut humus, & corpora eorum sicut
stercora. De his tamen identidem cogi-
 tant, hæc in votis, hæc in desiderijs ha-
 bent, vt corda sua stercoribus impleant,
 ne sit auro locus. Sicut alij vanis honori-
 bus, titulis, stemmate, dignitate toti sunt
 occupati. Quid autem sunt hæc omnia?
 Scripturam audi. *A verbis viri peccatoris,*
ne ti-

Thren. 4.
3. Ioel. I. 17.

Soph. I. 17.

1. Macha.
2. 62.

ne timueritis: gloria eius stercus & vermis est.

Et quid multa? Nonne Apostolus clamat? *Arbitror omnia ut stercora?* Cum ta- *Phil. 3. 8.*

men *Amor diuinus*, sit aurum ignitum, quod nobis suadetur, ut emamus: *Suadeo* *Ap. 3. 18.*

tibi emere aurum ignitum. Aurum, quia, ut

hoc est inter metalla optimum & excel-

lentissimum, ita Amor charitasque inter

virtutes, & opera virtutum. Aurum, quia,

ut hoc præ omnibus fulget; ita nihil est

tam splendidum, quàm Amor Dei; nihil

tam preciosum. Denique si ad fulgorem

ignis accedat in auro, bis fit splendi-

dum, nempe fulgore proprio, & fulgore

ignis. Est ergo & quidam naturalis *amor*

Dei, & quidam supernaturalis à vi super-

na, & igne S. Spiritus ad vim naturalem

accedens. Hoc auro cum *cor nostrum*, **XVIII.**

locupletare, & ornare possimus, atque co-

cœlestem illum, dulcissimum *Amorem* e-

mere, cur toties desistimus, cur scorias,

immo stercora præoptamus? Nimirum

quia precium illius non expendimus. Si-

cut ergo *inter indoctos etiam Corydus sonat*,

ita amore illo contenti sumus cui insue-

uimus, quantumuis amaro. *Omne primo-* *Exod. 13. 2*

genitum Deo offerre iubemur, & *sanctifica-*

re. Cum ergo cor ante alia membra in embryone primò formetur, meritò primogenitum vocari potest. Sanctificandum igitur Deo foret, ni Neriti similes essemus, hominum simul atq; Deorum formosissimo: quocum Venus etiam in mari se oblectauit, magno illum amore prosecuta. Quum verò iam tempus fatale aduenisset, & Venerem dijs cælestibus, iussu patris, inscribi oporteret: audio eam de mari exeuntem, ait Ælianus, Neritem quoq; delicias suas secum abducere voluisse: illum verò recusasse, quòd, inter parentes ac sorores viuere, quàm cælo potiri mallet. Et quum alas etiam quandocunque libuisset, ad volandum, sibi producere posset, hoc quoque munus à Venerere (ni fallor) acceptum; aspernatus neglexit. Quamobrem indignata Iouis filia illum in cochleam eiusdem nominis conuertit: comitem verò & ministrum illius loco Cupidinem, ipsum quoque iuuenem & formosum sibi delegit: & alis, quas Nerites habuerat, eundem induit. Quàm multi homines à Superis amantur, cum interea ipsi inferos amant, & malunt cum stilla mellis totum fellis Oceanum exorbere; quàm post vitæ istius tã brevis, quasi vnicam guttam fellis, illum in cælo immensum mellis Oceanum expectare? Offerit

*Ælian.
lib. 14. de
Animal.
p. 28.*

XIX.

fert illis Deus *alas*, quibus è mari hoc emergere possent, & euolare; sed illi *inter parentes ac sorores viuere, quàm cælo potiri malunt*; vt inter illos computentur, de quibus Christus ait: *Qui amat patrem, aut matrem plus quàm me, non est me dignus.* *Matth. 10. 37.* Igitur in *cochleam* abeunt, quæ tardè nimis incedit, & ad cælum perueniet, non nisi ianua clausa. Cum interea Deus alios deliget, quibus coronam istorum imponat, postquam, alis vsi, diuinæ vocationi celerius obediuerint, Deum præ mundo amantes, illique omne bonum internum externumque, hoc est, essentiam suam atque gloriam increatam, creatamque ex animo volentes, atque inter hæc etiam seipsos, quos præ omni bono creato Deus habere cupit, & Christus est promeritus: cui tanquam pio prædatori (dictum est enim illi: *Festina prædari*) cor meritissimò debetur. *1/a. 8. 3.*

Si enim accipitribus solet cor auium, quas prædantur, dari, quomodo potest id Christo negari? Negant autem id Christo, quicunque diabolo, mundo, aut concupiscentijs aperiunt, Amoremque proprium non extirpant. Vt enim *Amor proprius* ex fomite peccati, tanquam ex semine; ita ex

Ma amore

XX

amore isto nascuntur propensiones ad mala, tanquam ex radice; atque hinc rursus, tanquam rami quidam, perturbationes: unde, velut folia, protuberant habitus vitiosi: & fructuum instar, cogitationes, sermones, operationes malæ. In tali corde non potest habitare Christus. Non enim potest amari Deus simul, & hostis Dei. Si quidem talis est natura hominis, ut semper amet bonum aliquod, tanquam suum ultimum finem; & quidem si perfectus est amor, non patitur regni socium, solus in corde dominatur, omnia excogitat, subit, efficit, ut id, quod vult, consequatur, totumque hominem occupat in re concupita, atque in eandem illum transformat. Sic adeò fit, ut ipse homo talis fiat, qualis res est, quam amat. Si ergo malam rem amat, malus est homo. Quid Deo bonum cum homine malo? Quin proprium est Amoris rem aliquam, ut finem ultimum, amantis, ferri in illud bonum, seu finem, non propter aliud quidquam, sed propter ipsummet; atque etiam in alia omnia ferri propter ipsum, immo eatenus ferri, quatenus ad illud ultimum bonum conducunt: adeò ut illud, quod tanquam finis amatur,

fit

fit norma regulaq; , secundùm quã cetera vel desiderantur , vel vitentur. Si ergo *Amor terrenus* in corde tuo regnat , non potest is creaturas ad Dei creatoris gloriam referre, vti planè deberet: sed vice versa, eo ipso quia terras, & ea, quæ in terra sunt, vt pecunias , honores , epulas , Helenas, tanquam bonum finemque vltimum amat ; ad eadem cetera omnia reuocat , & ad eò etiam ipsum Deum. Hinc omnes vias eligit , quæ ad finem illum ducunt ; quidquid autem obstat , amouet. Cum ergo Deus obstat omni amori iniusto , amouetur è tali corde , quod omnes animi corporisq; vires eò contendit , vt abijciat , quidquid obstat cupiditati ; aut certè vt ad suum finem detorqueat. Non vult autem Deus bonum summum , ad alia bona infinities minora referri , cum sit absurdissimum famulis Dominum subijci : quare non potest in eodem corde inter *Amores* tam prauos habitare. Quid igitur mirum est, si cum illo pax, si gaudium, si tranquillitas exulat ? Nos ipsi in caussa sumus : amando amorem excludimus : & cum in conuiujs partes optimas summis præbeamus , id , quod optimum in nobis est , cor,

XXI. Deo negamus⁹. Nempe nescimus æstimare, quid sit verè bonum. Pueri riuulos æstimant, qui maria nunquam viderunt. Romæ, prope portam Collinam, olim dicitur Erycinæ templum fuisse, vbi Amor facem vndæ immergebat. Si nos animum in illud cœlestium gaudiorum mare immergeremus, profectò illico pax illicita omnis, omnisque intempestivus Amor extingueretur. Nam in cœlo, qui

*S. Ansel.
in Proso-
logo c. 25.*

hoc bono fruetur (verba sunt Sancti Anselmi) quid illi erit? & quid illi non erit? certè quidquid volet, erit: & quod nolet non erit. Ibi quippe erunt bona corporis & anima, qualia nec oculus vidit, nec auris audiuit, nec cor hominis cogitavit. Cur ergo per multa vagaris homuncio, querendo bona animæ tuæ & corporis tui? Ama unum bonum in quo sunt omnia bona, & sufficit. Desidera simplex bonum, quod est omne bonum, & satis est. Quid enim amas caro mea? quid desideras Anima mea? Ibi est, ibi est, quidquid amatis, quidquid desideratis. Si delectat pulchritudo, fulgebunt iusti sicut sol; si velocitas, aut fortitudo, aut libertas corporis, cui nihil obsistere possit; erunt similes Angelis DEI: quia seminatur corpus animale; & surget corpus spirituale, potestate uti-

Matth. 13.

1. Cor. 15.

que,

que, non natura. Si longa & salubris vita, ibi sana est eternitas, & aterna sanitas; quia iusti in perpetuum viuent, & salus iustorum à Domino. Si satietas, satiabuntur, cum apparuerit gloria DEI. Si ebrietas, inebriabuntur ab ubertate Domus DEI. Si melodia, ibi Angelorum chori concinunt sine fine DEO. Si qualibet non immunda, sed munda voluptas, torrente voluptatis tue potabis eos, DEVS. Si sapientia, ipsa DEI sapientia ostendet eis seipsam. Si amicitia, diligant DEVM plusquam seipsos, & inuicem tanquam seipsos, & DEVS illos, plusquam illi seipsos: quia illi illum, & se, & inuicem per illum, & ille se & illos per seipsum. Si concordia, omnibus illis erit una voluntas: quia nulla illis erit, nisi sola DEI voluntas. Si potestas, omnipotētes erunt suæ voluntatis, ut DEVS suæ: nā sicut poterit DEVS, quod volet per seipsum; ita poterunt illi, quod volunt per illum; quia sicut illi non aliud volent, quàm, quod ille; ita ille volet, quidquid illi volent; & quod ille volet, non poterit non esse. Si honor & diuitiæ, DEVS seruos suos bonos & fideles supra multa constituet: immo Filij DEI & Dij vocabuntur, & ubi erit Filius eius, ibi erunt & illi, hæredes quidem DEI, cohæredes autem Christi. Si vera securitas, certè ita certi erunt, nunquam &

Sap. 5.

Psal. 36.

Psal. 136.

Psal. 35.

Psal. 35.

Luc. 12.

Rom. 8.

*nullatenus ista, vel potius istud bonum sibi de-
futurum, sicut certi erunt, se non sua sponte
illud amissuros, nec dilectorem DEVM illud di-
lectoribus suis inuitis ablaturum: nec aliquid
DEO potentius inuitos DEVM & illos separatu-
rum. Gaudium verò quale & quantum est, ubi
tale, aut tantum bonum est? Cor humanum, cor
indigens, cor expertum ærumnas, imo obrutum
ærumnis, quantum gauderes si his omnibus ab-
undares? Hæc Anselmus.*

Caput XIV.

LABYRINTHI, AN COELI SIT LAE-
TIORE FELICITAS?

§. I. *Rerum fluxarum gaudia non esse
amanda.*



MIRABILIS quorundam infan-
tium est natura; dormire in
cunis & quiescere non pos-
sunt, nisi identidem agitentur, & iam in
hanc, iam in illam partem trahantur. In
vno loco constituti vagirent; dum rotan-
tur, cessant plorare. Ita illis motus ipse est
pro quiete: & lætari, est mutari. Quæ pue-
rilis lætitia etiã Ægyptijs, immo omnibus,
quotquot ad Ægyptium *Labyrinthum* spe-
ctandum confluxerunt, arrisit. Quid enim
aliud

aliud in *Labyrintho* illos delectauit, quàm perpetuus quidam ambitus, & vicissitudo ædificiorum, ac flexuum, per quos, veluti naso, circumducebantur? vt irent, redirent; & quà paulo priùs exierant, mox iterũ intrarent. Sic *in circuitu ambulabant*, mo- Psal. 11. 9.
 tu delectati, & varietate murorum atque ædificiorum; seque ipsos fallentes, vt, in paruis ambagibus, existimarent se magna itinera confecisse. Quibus pares sunt II.
 homines sanctitate *paruuli*, vt *paruuli sapientes, vanitatemq; & mendacium quærentes*, I. Cor. 13. II.
 hoc est, bona fugacia, & sæpe etiam falsa- Psal. 4. 3.
 amantes, atque ex illis gaudia inania & fluxa captantes. Quæ cum per se sint leuia & breuia, sæpe tamen pariunt æternos grauissimosq; cruciatus. *Egrediuntur*, ait Iob, Iob. 21. 11.
quasi greges, paruuli eorum, & infantes eorum exultant lusibus. Tenent tympanum, & citharam, & gaudent ad sonitum organi. Ducunt in bonis dies suos, & in puncto ad inferna descendunt. Scilicet errore ducti, choreas, epulas, diuitias, voluptates, dignitates magni æstimant. At hæc, licet vulgò bona nominentur, apud Christianos tamen, tantum abest, vt bona sint, vt etiam (quia malorum caussa sunt) mala, &, quæ illis

contraria sunt, bona censeantur. Quare nonnulli prauo iudicio hæc peruertentes
Isa. 5. 20. meritò audiunt : *Va qui dicitis bonum malum, & malum bonum ; ponentes tenebras lucem, & lucem tenebras :* qui iudicatis stantia & æterna bona moueri, mota autem & fluxa stare arbitramini ; atque idcirco illa, quasi fugitiua fugitis ; hæc tanquam stabilia & semper duratura obuiò amplexu quæritatis. Grauiissimus error est, contraria pro contrarijs aspicere. Quem errorem Christus cum exemplo, tum verbo insigniter detexit. Si enim ille *sciuit eligere bonum, & reprobare malum*, cur illa non elegit, quæ vulgus amat, & in quibus gaudet ; sed potius contraria, paupertatem, humilitatem, labores ? Immo cur *pauperes, & eos, qui lugent, qui persecutionem patiuntur, beatos* pronunciauit ? Nimirum, quia terrena illa bona, sæpe magnum obijciunt virtutibus impedimentum ; quod per contraria tolli solet ; quæ vtique viam aperiunt ad patientiam humilitatemque Christianam ; amoremque diuinum nutriunt, quem extinguunt plerumque ea, quæ illi opponuntur, eo ipso, quia amorem vitiosum nutriunt. Et tamen adhuc
 ista

ista bona, illa mala iudicantur? hæc durantia & immortalis animæ amore digna, illa fugitiua censentur, & quæ odium novercale mereantur? Cur è glacie calices

IV.

non facimus? Res inutilis est glacies, & quæ ad quemuis calorem liquefcit. Cur niueas domos non extruimus? Vix ad aliquot dies starent, hyemis tantum, non etiam æstatis patientes. Quin & in ipsa quoque bruma, tanquam nimis frigida, inutiles essent ad habitandum. Et gaudia terræ amamus, glacie fragiliora, niue fugaciora, hyeme ipsa frigidiora? Et quidem ita frigida, vt calorem diuinum opprimant & extinguant. Quærit Alexander

*Alex. l. i.
Problem.
20.*

Aphrodiseus: *Quam ob causam qui lætitia exultant, resoluantur?* Et respondet. *Quoniam vitalis vis & insitus calor foras ad rem lætabilem immodicè profluens dissipatur, ac interit. Vnde fit, vt & sudent, & rubeant sanguinis aduentu. Calorem enim natium, ignemq; ipsum, vt per loci sui appetitionem sursum efferri, sic per alimenti desiderium inape-tere necesse est. Igitur vtralibet mouendi ratione peremta, calor insitus interit, & vis omnis vitalis euanescit. Eadem est ratio gaudij terreni, in quod omnis vis amoris nostri*

Aa 5

effun-

effunditur, dissipatur, & perditur. Hinc calor cordis nostri nec sursum ad diuina & coelestia potest tendere, nec hominem inferiorem alimento spiritali vegetare. Fit ergo vt toti frigidi reddamur, & vi vitali perditæ, nec gaudia præsentia diu retineamus, nec futura consequamur. Non potest enim diu retineri vitæ huius lætitia tot alioqui spinis implexa; etsi ad extremum vsque halitum sæpe saltem amor illius retineatur, tandem tamen & ille euanescit. Vt proinde magna sit Mundi istius, felicitatisque eius, cum humano caduere similitudo. Aiunt Græcos mortuis

ita habetur in Crusij Turcogracia.

ter iusta persolvere, *die Tertia, Nona, Quadragesima. Tertia, quòd mortuus die tertio immutatur, agnitione faciei amissa: Nona, quòd nono die totum corpus diffluit, præter cor; Quadragesima, quòd quadragesimo die ipsum cor quoque perit. Sic gaudium omne humanum, vix vnquam sincerum perseuerat dies tres, & iam statim vultum mutata corrugat. Die nono quoties totum diffluit, & in luctum vertitur? Vltimum est cor, & amor gaudij humani, qui tamen & ipse tandē perit, cum pereunt vana amantes. Quis ergo hac se glacie, ista niue, quæ tam citò liquitur, capi patiatur?* §. II.

§. II. *Amoris, Gaudiij, cælestis ac beati
æternitas.*

Longè alius est *Amor Beatorum*, & gaudia
ex illo nata. Amor ille verus est, sicut &
rerum verarum. Amor constans est. A-
mor pater gaudiij nunquam terminandi.
Amor excludens omnem culpam, om-
nem mutabilitatem, omnem calamita-
tem. Ægyræ quondam simulachrum *A-*
moris terreni Volucer Cupido, exquisito con-
filio, cum Fortunæ simulachro iunctus.
Quia in *amore humano* Fortuna dominatur,
leuibusque pennis auolat, quò cum impe-
tus fert & libido. Longè alius *Amor* est in
cælo. *Ibi est lux sine defectu*, ait S. Grego-
rius, *gaudium sine gemitu, desiderium sine pæ-*
na, amor sine tristitia, satietas sine fastidio,
sospitas sine vitio, vita sine morte, salus sine
languore. Ibi sancti & humiles corde, ibi spiri-
tus & animæ iustorum, ibi cuncti Cælestis pa-
triæ Ciues, & beatorum spirituum ordines Re-
gem in decore suo videntes, & in gloria virtu-
tis eius exultantes. Perfecta viget in omnibus
Charitas, una omnium letitia, una iucundi-
tas. Bone IESV, Verbum Patris, splendor pater-
næ gloriæ, in quem desiderant Angeli prospice-
re, doce me facere voluntatem tuam, ut à spiri-

VI.

Pausan.
in Achai-
ciæ.

S. Gregor.
in fine 7.
Psal. Pa-
nisi.

tu tuq

tu tuo bono deductus, ad beatam illam perveniam Civitatem, ubi est dies aternus, & unus omnium spiritus: ubi est certa securitas, & securā aternitas, aterna tranquillitas, & tranquilla felicitas; felix suavitas, & suavis iucunditas: ubi tu DEVS cum Patre & spiritu sancto vivis & regnas per infinita seculorum

VII. *secula. Hæc Gregorius. Itaque non volaticus est Amor cœlitum, neque imperio Fortunæ subiectus. Nec voluptas quoque fluxa est, aut alata. Etenim si voluptas ex amore necessitate quadam nascitur, non potest non gaudium illud continuum esse, ac sempiternum; cum amor quoque stabilis ac immutabilis sit futurus, saltem qua parte circa bonum Dei intrinsecum versatur. Quippe & visio Dei est immutabilis, ex qua amor ille, non pro arbitrio amantium, sed necessitate quadam effundetur. Certa ergo & constans visio, certum pariet & constantem in Beatis amorem: atque hic rursus certam & semper durantem voluptatem; cum qua quies erit coniuncta. Cessabit enim desiderij motus, bono gaudioque obtento; quia nihil habebit animus, quod ulterius desideret, si gaudium persentiscat. Quod proinde*
com-

complementum est, & vltima perfectio eorum motuum, qui in animo existunt. Igitur si sanctis semper erit quies, si in summa perfectione semper erunt, si bonum semper obtinebunt, quod amant; profectò etiam semper, ac sine vlla intermissione gaudebunt. Est enim gaudium nihil aliud, quàm *quædam vitalis suauitas, ad præsentiam boni amati per modum proprietatis resultans, necessarioq; emicans*; quod etiam de oblectatione sensuum suo modo est intelligendum. Quapropter Beati, vt rectè S. Anselmus dixit, *vtiq; tantum gaudebunt, quantum amabunt, (& tam diu gaudebunt, quàm diu amabunt) rursusq; tantum amabunt, quantum cognoscent. Quantum te cognoscent Domine tunc, & quantum te amabunt? Certè nec oculus vidit, nec auris audiuit, nec in cor hominis ascendit in hac vita, quantum te cognoscent & amabunt in illa vita.* Quousque autem cognoscent, amabunt, gaudebunt? An tres dies? aut tres annos? aut tres ætates? vel tria secula? Ignoscite, si non respondeo. Non potest tempus aut terminus nominari in æternitate.

vide s.

Th. 1. 2. 9.

31. 4. 3.

S. Ansel.

Prolog.

cap. 26.

§. III.

VIII. Ex quibus palam est, quanta sit excellentia cœlestium gaudiorum. Quânto enim causse gaudendi sunt maiores, tantò necesse est etiam ipsa gaudia magis excellere. Quatuor vniuersim ad gaudium causse concurrunt. Boni præsentiæ, Boni amor, cognitio præsentiæ, Anima ipsa, seu eius potentia, quæ bonum percipit. Quin & Bonum quoque ipsum quod esse præsens, amari, cognoscique & sentiri potest, varium solet esse. Quò igitur isthæc sunt sublimiora & diuiniora, eò gaudium nascitur præstantius. Siquidem magnitudo delectationis crescit, quantùm ipsum bonum crescit, quod delectat; perfectiorq; potentia, cognitio, ac amor perfectiorem trahit voluptatem. Igitur hæc omnia in cœlo cum sint summa, summam quoque ibi esse voluptatem oportet. Nulli vnquam auaro tam sui nummi sunt præsentes, quàm Beatis Deus. Nulla potentia est perfectior intellectu, quem lumen gloriæ illustrat; hac autem potentia sancti summum Bonum possident, præsentissimumque esse cognoscunt. Sed & visionem clarissimam, amor inflammatissimus
sequi.

sequitur: & obiecta, quæ ibi delectant, alia sunt infinitæ venustatis, suauitatis, bonitatis; alia plurima, saltem infinitâ pulchritudine, dulcedine & perfectione, participatione quadam, imbuentur. Primò & primariò gaudebunt de ipso Deo, cuius interna bona eos, super cetera omnia, ineffabili voluptate perfundent. *Primum enim virtutis erit*, ait S. Augustinus, *ipse, qui virtutem dedit, & qui se ipsum, quo melius & maius nihil possit esse, promissit. Quid enim est aliud, quod per prophetam dixit; Ero illorum Deus, & ipsi erunt mihi plebs: nisi, ego ero unde satientur; ego ero quacunque ab omnibus honestè desiderantur, & vita, & salus, & victus, & copia, & gloria, & honor, & pax, & omnia bona? Sic enim & illud rectè intelligitur, quod ait Apostolus, ut sit Deus omnia in omnibus. Gaudebunt ergo ante & super omnia sancti de SS. Trinitate, de quæ omnibus cælis bonis, quibus infinitè amabilis erit. Cernent enim euidentissimè infinitam illius potentiam, sapientiam, bonitatem, virtutem, pulchritudinem, immensitatem, æternitatem. Perspicient eum esse omnium conditorem, finem, exemplar, conseruatorem, gubernatorem. Videbunt*

omne

S. Augu-
stin. l. 22.
de Cinit.
cap. 61.

omne in illo bonum eminentissimo perfectissimoq; modo contineri. Et quia Deū sine comparatione plus amabunt, quàm se ipsos; sine comparatione etiam, illi hæc talia bona volentes, de illis maius gaudiū concipient, quàm de suis. Vnde hæc sola gaudiorum caussa illis sufficeret, sicut Philippus sufficere iudicauit, cum diceret:

10.14.8. *Domine, ostende nobis Patrem, & sufficit nobis.*

Cui enim Deus non sufficit, in quo est omne bonum, & quidem modo perfectissimo, illi nihil sufficit.

X.

Secundò gaudebunt de extrinsecis Dei bonis, de quæ ijs ampliùs, è quibus amplior Dei gloria relucet; vt est humanitas Christi, & vniò hypostatica.

10.17.3.

Hæc est vita aterna, vt cognoscant te solum Deum verum, & quem misisti Iesum Christum.

Si enim gaudere solent homines, quòd è sua familia nominare possint, qui Episcopus, qui Princeps, qui Cæsar fuerit: si mater filiorum Zebedei tam libenter vidisset, vnum à dextris, & alterum filiorum suorum à sinistris Christi sedere: quantum homini gaudium erit intueri, naturam suam ad tantam dignitatem euectam, vt idem, qui est homo, sit Deus, ipseq; sit frater eius hominis, qui est Deus,

& in

& in quo vita beata consistit? *Non confunditur fratres eos vocare, dicens: Narrabo nomen tuum fratribus meis, in medio Ecclesie laudabo te.* *Heb. 2. 11. Ps. 21. 23.*

Præter hoc ex Christo percipiendum gaudium erit & illud, quod sancti ex aspectu corporis illius pulcherrimè gloriosi conciliabunt. Tertium gaudium XI.

sentient de gloria, quæ in Deum ex ipso statu, & amænitate loci redundabit. *Erit* *Isa. 30. 26.*

enim lux lune, sicut lux solis, & lux solis erit septemplex, sicut lux septem dierum.

Nox ergo, & tenebræ tristitijs aptæ ibi nō erunt, sed lætitiæ mater lux copiosissima voluptatem incendet. Quartò gaudium gignet multitudo saluandorum. Gaudemus quippe, si multi sint pro nobis, aut ex parte nostra. At ibi turba magna erit, quam di-

numerare nemo poterit. Sicut ergo duæ faces lumen efficiunt maius, & centum faces, centies clariùs lucent, ita maxima multitudo maximam afferet delectationem. XII.

Nec multitudo tantum, sed quintò etiam nobilitas illius beatæ societatis magnos gaudiorum nimbos quaquà diffundet. Ibi augustissima Dei mater, ibi Angeli, Archangeli splendidissimis agminibus XIII.

occurrentes, ibi Patriarchæ, Prophetæ,

B b

Reges,

Reges, Duces, Principes, Apostoli, Martyres, Doctores, Eremitæ, Confessores, Virgines, Viduæ & toti exercitus amicorum, fratrum, consanguineorum, parentum sua nos beatitudine beabunt. Quos omnes quantò pluris facimus, tantò cum maiore animi voluptate sumus contemplaturi; eorum corpore splendido nouisque dotibus exornato pariter, & anima di-

XIV. uinis donis plena delectandi. Sextò gaudebunt intuitu admirabilis structuræ, & prouidentię, qua fundata Ecclesia in terris militans gubernatorem auctoremque suum laudauit; immo & totius Vniuersi sapientissima œconomia Deum laudans

XV. illis causſa erit lætandi. Septimò gaudebunt etiam de proprijs bonis, de propria visione & possessione summi boni, atque

Psal. 118. infiniti thesauri, *super aurum & topazion;* de proprio honore, de propria dignitate, de propria pulchritudine, fulgore, velocitate, immortalitate, de proprijs gaudijs,

Io. 16. 22. quæ *nemo tollet* ab ipsis; de proprijs virtutibus summam iam perfectionem adeptis; de proprijs scientijs; de securitate, in qua erunt, & de periculis innumeris, quæ scient se euasisse; præsertim cum aspexerint

rint æternas illas gehennæ pœnas, & formidanda inferorum incendia, multitudinemque innumerabilem, ac penè infinitam eorum, qui ardebunt, atque in illos ardores inciderunt non alijs periculis, quàm quibus etiam illi expositi fuerunt, qui tunc se ad felicem securumque beatitudinis portum peruenisse cernent. E tot fontibus gaudij, quantum necesse est voluptatis promanare? In compendio

XVI.

id indicauit S. Vigilantius, cui, vt est apud accuratissimum Heribertum Rosvveydū, martyrio laureatus apparuit in somnis S. Astion, rogitans eum, vt adiret parentes suos, eosque adhuc gentiles ad Christum conuerteret, ac eis suam mortem martyriumque dexterè nunciaret. Parui: S. Vigilantius, ac vt parentum dolorem de filij morte leniret, initio rem dissimulauit, dixitque Astionem adhuc viuere. Roganti matri, in qua regione & vrbe, qua ratione & modo viueret, respondit: *Regio robustorum, seu fortium virorum est. Plures ibi & valde nobiles degunt, quorum possessio paradysus dicitur, quorum tabernacula ex lumine sunt constructa, quorum vita DEVS est, & conuersatio immortalis existit: quorum vestes*

In Vita S. Astionis, qua extat apud Heribertum Rosvveydum in Vita Patrum

sanguine sunt respersa, & in capite corona de auro purissimo cum gemmis varijs fabricata. Rex eorum potentissimus, cuius nomen DEVS Deorum, & Dominus Dominantium; cuius Angeli nuncij dicuntur iustitia, quorum vestis una est omnibus, & tactus illorum igni assimilatur urenti. Senatus huius Imperatoris valde clarus habetur: media pars Prophetæ nuncupatur, alij verò Apostoli pronuntiantur. Ciuitas valde præclara, nomenq; eius Christipolis, cuius murus ex auro purissimo habens portas duodecim, & in ipsis singula dependent Margaritæ, atq; singuli ex senatoribus per singulas sedent. Prima porta dicitur Petri, secunda Pauli, tertia Andrea; quarta Iohannis, quinta Iacobi, sexta Philippi; septima Bartholomæi; octaua Thomæ, nona Matthæi; decima Thaddæi; undecima Simonis; duodecima Mathiæ. Pergit templum eius describere. Sed & templum mirificum est in ea, habens sancta sanctorum & altare aureum, ante cuius conspectum vir astat mirificus tenens decem chordarum psalterium, ac iugiter ibidem degentes ad laudem Regis illius cohortatur dicens Laudate Dominum de Cælis, laudate eum omnes Angeli eius, laudate eum omnes virtutes eius. Huius itaque nomen David, filius Iesse pronuntiat. Sed & platea huius

XVII.

hæius Ciuitatis ex auro purissimo sunt strata : cuius fluuius vitam æternam emanat ; cuius pomifera per singulos menses reddunt fructus suos , & folia eorum ad medicamentum procedunt Animarum : cuius lumen inenarrabile est , & portæ nunquam clauduntur , eò quòd nunquam ibi nox erit , nec vlla tenebra ; sed semper gaudium & perpetua latitia ibidem commoratur.

S. IV. Quàm stultè agant , qui caduca gaudia æternis anteponunt ?

Nonne hoc est gaudium plenum ? de quo XVIII. meritò S. Anselmus dixerit : Inueni gaudium quoddam plenum , & plus quàm plenum. S. Ansel. in Prolog. c. 26. Pleno quippe corde , plena mente , plena anima , pleno toto homine gaudio illo ; adhuc supra modum supererit gaudium. Non ergo totum illud gaudium intrabit in gaudentes , sed toti gaudentes intrabunt in gaudium Domini. Pro hoc gaudio quid non faciendum ? quid non deferendum ? Ridiculus Xerxes ille est , ait Ælianus , quòd cum mari terrisq̃ , Iouis operibus posthabitis , noua itinera , & insolitam nauigationem sibi parasset , seruiuit platano , & arborem coluit. In Lydia igitur , ut rumor fert , cum vidisset proceram platanum , integrum

Ælianus. lib. 2. Sarric. c. 14.

diem ibi comoratus est, nulla postulante necessitate, & castra posuit in solitudine circa platanum. Sed & multiplicem, & pretiosum ornatum ex ea suspendit, torquibus armillisq; ramos veneratus; & curatorem ei reliquit quasi custodem, & propugnatorem amasiæ. Sed quid tandem ex his ad arborem emolumenti rediit? Nam ornatus apposititius, & nihil ad ipsam pertinens frustra pependit, neq; ullum momentum ad arboris pulchritudinem attulit. Nam in arboribus commendantur generosi rami, comæ densa, stirps firma ac stabilis, radices in profundum actæ, ventorum agitatio, umbra ex iis procedentis amplitudo, cedentes inuicem anni partes; aqua partim alueis inducæta ad alendum, partim missa de cælo ad irrigandum. At Chlamydes Xerxis, & aurum barbari reliquaq; munera, neque ad Platani, neque ullius alterius arboris generositatem quicquam faciunt.

XIX.

Hanc Xerxis stultitiam, cum tanto exercitu, tanto sumtu, subsistentis, ut vnius arboris, vel à bipenni, vel à vento deijciendæ, & in ignem iniijciendæ umbram captare posset, mirantur historici, rident Christiani, & tamen penè imitantur vniuersi. Rex est homo si vult, *seruire enim Deo regnare est.* Hic rex non modò ad exemplū, sed

sed super exemplum Xerxis noua itinera per maria & montes, sed etiam per totum Mundum, ad cœlum vsque facere potest. Illuc debet secum quendam totum exercitum ducere talentorum à Deo acceptorum. Ibi gaudia, ibi triumphos quærere, ac dicere deberet: *Quidquid mihi, præter Deum est, dulce non est: quidquid mihi vult dare, Dominus meus, auferat totum, & se mihi det.* At ille cœli oblitus, platano, vmbraeque seruit, *ibi commoratur, nulla postulante necessitate, & castra ponit in solitudine circa platanum.* Quid enim omnes fluxæ deliciae aliud sunt, quàm platani vmbra, cum sole declinata? & vbi senectutis bruma, aut pruina mortis virorem vigoremque illis ademerit, quid ex vmbra ista relinquetur? Et tamen in hac vmbra, & vita tã multi, quidquid habent preciosi, quidquid opum, quidquid valetudinis, quidquid virium, quidquid ingenij, indolis, ætatis, suspendunt, dicant, consecrant? Icon igitur humanæ stultitiæ est Xerxes?

Immo superat stultitia Xerxem, qui, vt XX.
S. Laurentius Iustinianus loquitur, *hanc peregrinationem pro patria diligit: nam profecto, inter dolores, dolere nescit, & ad maxi-*

ma natus ac factus à Deo, non vno duntaxat die, sed tota sæpe vita, vilissimarum rerum amore cogitationes suas inquinat; ea enim amat, quæ vel non possunt, vel non volūt redamare. Quin singulari studio afficitur, & ornamentis maximis colit, quæ ab omni ornamento maximè sunt aliena.

*S. Bern.
epist. 103.*

Quàm isti tali rectè dicit S. Bernardus? *Si sapias, si habes cor, si tecum est lumen oculorum tuorum, desine iam ea sequi, quæ & assequi miserum est.* Nam quid profunt diuitiæ (ait pulcherrimè S. Innocentius III.)

*S. Innocent.
lib. 3.
de contē-
ptu Mun-
di c. 1.*

quid epulæ, quid deliciæ? non liberabunt à morte, non defendent à verme, non eripient à fetore. Quid-

quid ergo diuitiarum corradis, quoscunque thesauros colligis, folia sunt platani, sub initium hyemis casura. Quidquid epularum ac deliciarum carpis, umbræ arboris comparatur. Quid umbra vanius? Fugit, & in æstu destituit dormientem. Ita epulæ deliciæque facient. Fugient, & in morte te relinquent. Optimus igitur earum vsus est, vt priùs relinquuntur; & non iam in platano, sed in cruce Christi appendantur. Sic enim consulit Apostolus dicens: *Qui Christi sunt, carnem suam crucifixerunt, cum vitiis & concupiscentiis suis; omnibus*

Gal. 5. 24.

nibusque rebus concupitis. Hoc enim Amori diuino trophæum statuerunt. At **XXI.** qui non statuerunt, *qui carnem suam cum vitiis & concupiscentiis suis, non crucifixerunt*, illi meritò agnoscunt se Christi non esse, neque regnum cœlorum possessuros. Siquidem *simile est regnum cœlorum homini* Matth. 13. 46. *negotiatori, quærenti bonas margaritas. Inuenta autem una pretiosa margarita, abiit, & vendidit omnia, quæ habuit, & emit eam.* Quænam illa *preciosa est margarita?* An Cleopatæ? quæ duos vniones habuit valentes sexcenties sestertium, id est, duodecies centena millia Philippicorum, ut Plinius affirmat. Qui & ornatum Lollia Plin. l. 9. cap. 35. Paulinae margaritis constantem, quadringenties sestertium, id est, octingētis millibus Philippicorum æstimauit. Magnum precium in vnicam feminam impensum, quæ fortè ipsa ne teruncio quidem fuerat æstimanda. Longè preciosior est gemma, multò nobilior margarita, qua Deus animam beatam in cœlo ornat. Hanc gemmam qui inuenit, prudens utique est negotiator, si pro ea *omnia vendit, quæ habet, ut emit eam.* Nam in comparatione illius cetera omnia sunt contemnenda: non cu-

S. Bern.
serm. 1. de
diversis.

randæ voluptates, non metuendi labores;
non refugiendum, quidquid est in hac vi-
ta durum & asperum. Quippe S. Bernardo
teste, in hac vita, *guttatim pœna bibitur, li-
quando sumitur, per minutias transit: nam in
remuneratione torrens est voluptatis, & flu-
minis impetus, torrens inundans letitiæ, flu-
men gloriæ, & flumen pacis. Flumen planè
est, sed quod affluat, non quod fluat, vel effluat.
Flumen vocatur, non quod transeat, vel per-
transeat, sed quod abundet.* Si igitur bona
querimus, illa diligamus, quæ sine fine habe-
bimus: si autem mala pertimescimus, illa ti-
meamus, quæ à reprobis sine fine tolerantur,
ait Sanctus Gregorius. Quid sub arbore,
quæ mox arefcet, sub vmbra, quæ mox
fugiet, cum Xerxe quiescimus? Illa bona
diligamus, quæ sine fine habebimus; quæque
comparatione æstimata infinitè sunt ma-
iora & suaviora, quàm omnia, quæ in hac
mortali vita inveniuntur. Si enim uni-
uersa mundi gaudia, si cunctæ sensuum o-
mnium oblectationes, quæ in terris pos-
sunt contingere, in vnum conflarentur,
& sine fine semper magis magisque auge-
rentur; nunquam tamen eo ascenderent,
ut possent gaudijs Beatorum coæquari;

quæ

XXII.
S. Gregor.
lib. 6. re-
gistr. ep.
190.

quæ superioris, nempe diuini, sunt ordinis, quare etiam suauitatem habent ordinis longè altioris. Hinc adeò fit, vt illa cœlestium voluptas omnem huius mundi voluptatem plus dulcedine sua excedat, quàm totus Oceanus vnicam pluuiæ guttam. Gutta namque ita multiplicari posset, vt tandem in Oceanum excresceret: à quo sola differt quantitate. Sed Mundi huius deliciæ licet infinities congeminentur, & multiplicentur, cum sint diuersæ rationis ac naturæ, nulla vnquam congeminatione, & multiplicatione possunt ad magnitudinem cœlestium gaudiorum, perducì. Itaque non modò bona illius **XXIII.** status infinities antecellunt huius vitæ bonis, sed etiam ipsa voluptas, quæ de illis percipitur, infinities est præstantior omni huius Mundi voluptate. Ex quo consequens est, vt cum S. Leone dicamus: *Laudetur Deus, qui hominum vsui tam multa donauit: sed agnoscat rationalis anima maiores delicias menti datas esse, quàm carni.* Agnoscat, & minora maioribus non præferat; neque ita vmbras diligat, vt obliuiscatur eius, qui est super omnia diligendus. Grauius S. Laurentius Iustinianus: *Cum omnia,* ait,


S. Leo
serm. 4. de
seculo.
Pent.

ait, *non amentur, nisi quia bona sunt, pudeat hominem, eis inhaerendo, non amare bonum ipsum, unde bona sunt.* Immo, si vel maximè hæc sensuum gaudia amat, amet ea, vbi sunt maxima; nempe ibi, vbi cum bono maximo sunt coniuncta. Scribit Origenes, & historici nonnulli, inter conchylia esse vnum quoddam maximum, & pulchritudine margaritæ intra se reconditæ venustissimum, quod quasi ducem cetera conchylia turmatim sequantur. Igitur vorinatores hoc maximum, præ ceteris, studio peculiari venantur, eo enim capto, faciliè vnà capiunt reliquum totum agmen, omnesque in eo agmine inclusas margaritas. Hanc artem voluptates capiendi docet Christus omnes gaudiorum captato-

*Origen.
tract. 13.
in Matth.
Et Plin.
l. 9. c. 35.*

*Matth. 6.
33. Luc.
12. 31.*

*is, dum ait: Querite primùm regnum
dei, & iustitiam eius: & hæc omnia
adijcientur vobis.*



Caput XV.

VT IN LABYRINTHO MAGNVS FVIT
NVMERVS DOMICILIORVM, ITA ET MAGNVN ESSE
eorum, qui, superatis mundi periculis, ad
cœli gaudia securitatemque perue-
niunt.

S. I. *Quàm præ omni terreno habitatore felix sit,
qui habitat in domo Domini?*



SCRIBIT eruditus & grauis au-
ctor Plutarchus, in septem sa-
pientum symposio iniectum
esse aliquando sermonem, & problema
positum istud: *Quenam maximè felix do-
mus foret?* Ad hanc quæstionem septem
sapientes septem reddiderunt responso-
nes. Primus Solon pronunciauit, *illam do-
mum maximè fore felicem, in qua pecunia ha-
berentur cum triplici conditione.* Sed condi-
tiones posuit admodum difficiles, & quæ
rarò cum pecunia sociatæ inueniuntur.
Prima erat, *ut pecunia illa bono essent modo,*
hoc est, sine vi, sine fraude, sine dolo com-
parata. Altera, *ut earum pecuniarum custo-
des non essent infidi.* Tertia, *ut pecunias illas
erogatas pœnitentia non subsequeretur.* In ta-
li domo diuites Solon, *quasi diuos* aliquos
deosque fore existimabat. Bias autem eam
domum

I.

Plutarch.
in sympos.
7. Sapiens.

domum arbitrabatur maximè fore felicem, *in qua dominus existeret talis per se, qualis extra domum est ex lege.* Thales illam domum ceteris prætulit, *in qua pingui ocio domino perfruiliceret.* Cleobulus illam, *in qua plures multo essent, qui dominum amarent, quàm qui reformidarent.* Pittacus illam, *quæ tum necessarijs, tum redundantibus superflueret.* Chilon, *quæ administrationi regie similis esset.* Lycurgus, *quæ democratice.* Ita isti

ps. 143. 15. *beatum dixerunt populum & domum, cui hæc sunt.* Quis eorum ad scopum quæstionis & veritatis propiùs accesserit, longum es-

II.

set disputare. Ego longè veriùs dicam, illam maximè domum fore felicem, in qua hæc, aut pleraque, aut omnino omnia perfectissimè reperiantur, atque insuper alia longè optabiliora. Et quidem talis est domus Domini, domus servorum Domini, omniumque beatorum. Ibi merita sanctorum, quibus cælum emerunt, instar optimæ sunt monetæ, iustissimo vti-que titulo sanguinis Christi acquisitæ; & ita expensæ, ut non modò cœlites meritorum suorum non pœniteat, sed ut, si cuiusquam illos rei pœnitere posset, illius solum pœniteret, *non plus expendisse.* Iam

verò

verò custodes ibi tam sunt fidi, vt nihil sit prorsus ab vllius rapina, aut furto metuendum. Quamobrem ipsa veritas ait: *Nolite thesaurizare vobis thesauros in terra: vbi arugo, & tinea demolitur: & vbi fures effodiunt, & furantur. Thesaurizate autem vobis thesauros in cælo: vbi neque arugo, neque tinea demolitur; & vbi fures non effodiunt, neque furantur.* Habet ergo domus Domini felicitatem à Solone requisitam. Sed & Biantis. Nam *in ea talis existit Dominus per se, qualis extra eam, & vbique est, ex æterna lege.* Idem enim vbique est, qui immutabilis est. Nec ex lege duntaxat est bonus, qui supra legem est, immo qui ipse est lex ceterorum. Quem & ceteri sancti imitantur. Si enim *Gentes, quæ legem non habent, naturaliter ea, quæ legis sunt faciunt, &, eiusmodi legem non habentes, ipsi sibi sunt lex: quanto magis iusti, & præcipuè illi, qui sunt in iustitia & omni virtute confirmati? Apud nullos enim magis valet illud: lex iusto non est posita, sed iniustis.* Est igitur in domo sanctorum etiam innocentia, quam Bias exegit ad domus alicuius felicitatem.

Nec innocentia tantum, verum etiam pingue illud Thaletis ocium. Ocium quidem,

III.

Rom. 2. 14.

1. Tim. 1. 9.

IV.

- Ps. 45. 11. dem, quia idcirco dicitur: *Vacate, & videte, quoniam ego sum Deus*. Nulla usquam vacatio suauior est, quàm in cœlesti patria, in qua Deum patrem licet videre. Ibi pingue illud est ocium, ad quod Davidis
- Ps. 62. 6. anima anhelauit, cum diceret: *Sicut adipe & pinguedine repleatur anima mea: & labijs exultationis laudabit os meum*. Quàm pingue ocium, vbi anima adipe frumenti & panis, qui de cœlo in Bethlehem, hoc est, domum panis descendit, saginata, & velut amore ebria cantare incipit, atque labijs exultationis Dominum laudare? Itaque
- V. & Cleobuli votum in cœlo impletur: vbi omnes in Domino exultant, & sine dubio plures sunt, qui eum ament, quàm qui reformat: cum omnes ament, nemo reformat.
- I. Io. 4. 18. Si quidem *timor non est in charitate: sed perfecta charitas foras mittit timorem: quoniam timor pœnam habet; qui autem timet, non est perfectus in charitate*.
- VI. Neque Pit-taci desiderium deest. Quippe in benedicta illa terra, omnia & necessarijs, & abundantibus superfluunt. Ego veni, ait Seruator, ut vitam habeant, & abundantius habeant. Quam abundantiam ut haberet, & quidem securissimam, tanquam in turribus, identidem
- ora-

orauit rex ille Propheticus: *Fiat pax in virtute tua: & abundantia in turribus tuis.* Et de sanctis: *Memoriam abundantia suauitatis tuae eructabunt: & iustitia tua exultabunt.* Ps. 121. 7. Ps. 144. 7.

Denique erit ibi & Chilonis regia, & VII
Lycurgi democratica administratio. Et facta Ap. 11. 13.
sunt voces magnæ in cælo dicentes: *Factum est regnum huius mundi, Domini nostri & Christi eius, & regnabit in secula seculorum.* Ecce regia potestas. *Qui non adorauerunt bestiam, neque imaginem eius, nec acceperunt charactere-rem eius, in frontibus aut in manibus suis, & vixerunt, & regnauerunt cum Christo.* Ecce democratia. Et quis ad tale regnum non aspiraret? quis in tam felici domo non concupisceret habitare? *Beati qui habitant in domo tua Domine, in secula seculorum laudabunt te.* Psal. 89. 3.
Illa ergo regia domus felix est & beata, præ omni domo à septem Græciæ sapientibus descripta. Illa per huius Mundi *Labyrinthum* quærenda, & inuenienda.

§. II. *Quàm miserum sit à beatorum domo, in quam pauci intraturi dicuntur, eliminationem metuere?*

Maximi utique res est solatij, domum, VIII
cernere tam feliciter præparatam; longe-
Cc que

que maius est solatium, spem habere talis domus adipiscendæ : quemadmodum etiam nihil tristius est, quàm de ea adipiscenda desperare.

*S. Prosper
De gloria
regnorum
sanctorum.
cap. I. &
scqq.
Psalm. 26.*

Quocirca S. Prosper in libro De gloria regnoque sanctorum, hoc flagello impios potentissimè frequentissimeque verberat, dum ait : *Credo videre bona domini in terra viventium : Hac impij non videbunt. Sancti, omnis ætas & uterque sexus, cum gloria Christi ad tricennalem iuventutem (in qua Christus dominus passus) transibunt, cum ipso rege suo, quem impij non videbunt. Hierusalem noua & libera erit, in qua malum nullum erit : & huius patriæ gloriam impij non videbunt. Tunc iusti fulgebunt sicut Sol, &c. & hanc gloriam impij non videbunt. Diuersis honoribus sine inuidia decorabuntur : impij non videbunt. Quo sequantur virgines, impij non videbunt. Accipient sancti mirifica gaudia : Sancti cum hac acceperint, impij non videbunt. Quemadmodum sancti videant Deum, Trinitatem, patrem in filio, filium in patre, spiritum sanctum & in patre & in filio, impij non videbunt. Gloriam sanctorum impij non videbunt : Regnum sanctorum impij non videbunt. Cantica sanctorum impij nec audient, nec videbunt.*

Et

Et quod vel pijs horrorem potest incu- IX.

tere, etiam ij, qui hæc videbunt, pauci futuri esse dicuntur. *Quàm angusta porta, & Matth. 7. arcta est via, quæ ducit ad vitam,* ait ipsa vita, ¹⁴

& PAUCI sunt, qui inueniunt eam? Et alij eum interrogantes: *Domine si PAUCI sunt,* ^{Luc. 13. 23}

qui saluantur? idem responsum retulerunt.

Nec vlla iustior est caussa doloris timoris-

que, quàm ne, si pauci sunt electi, à tanta

paucitate excludamur, & inter *vocatos* tã-

tum *multos*, non etiam inter *paucos electos*

inueniamur. Profectò enim tam grande

est malum, esse de numero reproborum;

vt si nobis constaret, in quauis ciuitate vel

prouincia vnicum tantum esse à Deo re-

probatum, atque à tantis in cœlo gaudijs

in omni æternitate arcendum, sufficien-

tissimam caussam haberemus metuendi;

quemadmodum & Apostoli metuerunt

contristati valde Christo dicente: *Vnus ve-* ^{Matth. 26. 12}

strum me traditurus est. Ita enim à prodi-

tionis illius scelere abhorruerunt, vt quã-

uis conscientia eos non accusaret, tamen

in hoc se nondum iustificatos arbitraren-

tur. Quid ergo animi illis esse debet,

qui & conscijs sibi multorum facinorum

sunt, & multos esse audiunt, ad gehennæ

404 Cap. XV. Labyrinthi & Mundi beatioris
flammas damnandos, paucosque ad beatorum gaudia admittendos?

§. III. *Non ita paucos saluandos esse, ut non etiam maxima sit multitudo futura, si per se consideretur.*

X. Verùm noluit Christus nos pusillanimes fieri, ob istam paucitatem. Pauci dicuntur, quia quod preciosum est, rarum esse debet, & parum, si cum viliori comparatur. Pauci itaque sunt beati comparatione eorum, qui perire voluerunt; quorum utique plures sunt. Hinc vel apud Poëtas *ad plures ire*, est tendere ad Acherontem. Ceterùm si illi, quorum erit in cœlo locus, sine comparatione aspiciantur, non erunt profectò pauci, sed multi, sed plurimi, sed quodammodo innumera- biles. Ut proinde rectè Christus suos consolaturus dixerit: *Nolite timere pusillus grex, quia complacuit patri vestro dare vobis regnũ.*
Luc. 13. 32.
Io. 14. 1. Et alio loco: *Non turbetur cor vestrum: quia in domo Patris mei mansiones multe sunt.* Et utique plures quàm olim in Labyrintho, de quo Herodotus ait. *Duodecim eius aulae sunt, tecto operta, portis oppositis altrinsecus* (sicut duodecim in cœlesti Hierusalem portæ fuerunt) *sex ad Aquilonem contiguae,*
Herodot. lib. 2.
toti-

magnusné sit futurus numerus ? 405

*totidem ad Austrum vergentes, eo extrinsecus muro præclusa. Bifaria in eo sunt domicilia, una subterranea, altera superiora illis imposita, utraque numero tria millia quingenta. Quorum ea quidem, quæ superiora sunt, ipsi vidimus, & quæ aspeximus, enarramus. Subterranea verò auditu dicimus. Ad eundem penè modum S. Ioannes scribit: Quod vidimus, & audiui-
mus, annunciamus vobis. Quid vidisti, Apostole? Vidi turbam magnam. Immo ipse Dei filius, qui vidit, annunciauit, in domo Patris sui mansiones multas esse. Quorsum mansiones multæ? si non multos incolas sunt habituræ? Hæc optima consolationis causa est, & per plurimum refert, ut sperare possimus, quòd nomina nostra scripta sint in cælis, & ut verè intelligamus, quàm facilè è tam immenso beatorum numero esse valeamus. Sic famelici & conuiuiorum sectatores prætrepidi gestiunt, si nòrint multas in triclinio sedes apparari. Sic milites mirificè accenduntur ad obsessam urbem capiendam, si iam videant multos è sua cohorte in summos muros euasisse, & vexillum fixisse. An non multi iam è terra hac in cœlestis Hierusalem arces ac mœnia ascenderunt? Vidi tur-*

L. Io. 1. 2.

*Luc. 10.
20.*

XL

Apoc. 7. 9.

406 Cap. XV. Labyrinthi & Mundi beatoris
bam magnam, ait S. Ioannes, quam dinume-
rare nemo poterat: ex omnibus gentibus & tri-
bubus, & populis, & linguis, stantes ante thro-
num, & in conspectu Agni, amicti stolis albis,
& palma in manibus eorum: in signum victo-
riæ, quam de tot periculis insidijsque re-
portauerunt. Quam Apostoli sententiam,
(quia omnibus Dei amicis maximum me-
ritò solatium affert, instar pignoris cuius-
dam, quod sint de innumerabili ac felicis-
simo hoc numero) aliquot rationibus
confirmabo.

§. IV. Ex loci capacitate intelligi, multos esse ad
cælum peruenturos.

XII. Atque in primis tametsi *arcta via*, &
post arctam viam etiam *angusta* esse dicitur
porta, non tamen idcirco non multi per
eam incedunt: immo hoc ipso dici potest,
multos per eam incedere, quia & *viam* &
portam ipsa arctat multitudo. Quanquam
meo iudicio, *arcta via*, arctam vitam, & *an-*
gusta porta mortis, easque quas quiuis in iu-
dicio experietur angustias significet. Ni-
hil autem obstat, vt has angustias multi et-
iam saluandi experiantur. Alioqui cur *du-*
decim in superna illa ciuitate *portæ* esse di-
ceren-

cerentur? An vt portæ terreſtris Hieruſalem exprimantur, quas totidem fuiſſe affirmat Adrichomius! At eæ tantum nouem fuerunt, vt teſtantur & probant alij ſcriptores. Tam multæ igitur inibi portæ conſpectæ ſunt, quia tam multi per eas ex Oriente & Occidente, & omni plaga mundi intromittuntur: ac præſertim, quia duodecim tribubus Iſraël, itemque duodecim Apoſtolis reſpondent. Nec pauci ſanè ex quauis tribu ſignati memorantur. Neque enim duodecim millium numerus *Apoç. 7. 4* eſt paruus, qui cuius tribui eſt aſcriptus. Denique *centum quadraginta quatuor millia ſignati ex omni tribu filiorum Iſraël* recensentur; qui magnum numerum tunc demum conſtituere videbuntur, ſi doctiſſimos interpretes audiamus, qui docent, eos tantum ex omni tribu Iſraël numerari, qui Apoſtolici, hoc eſt, qui præconum inſtar Deo & religioni fuere: vel certè per duodenarium numerum, innumerum numerum ſignificari. Neque enim de nihilo eſt, quod Ioannes ait. *Vidi turbam magnam, quam dinumerare nemo poterat.* Et cur non XIII. ſit turba magna, quæ tam magnum occupatura eſt regnum? Fuit Philoſophus qui

spiam, qui sibi persuadere non poterat, vnicum in immenso illo spacio imaginario esse mundum; eo quòd absurdum esse id arbitraretur non minùs, quàm si in ingenti agro, aut campo vnica spica poneretur, aut germinaret. Quanto æquius est ita de loco ad habitandum destinato ratiocinari? At quis locum illum magnum esse ne-

Baruch. 3. 24. get? *O Israël*, ait Baruch, *quàm magna est domus Dei, & ingens locus possessionis eius?*

Apoc. 21. 16. Quàm ingens autem? Bonus geometer Angelus arundine id accuratè est dimensus.

Terrestris Hierosolymæ ambitum adiunt complexum quinquaginta stadia, quæ si in quatuor partes & latera diuidantur, erunt, pro quouis latere, duodecim stadia

Vide Videlalandū in Apparatu Urbis & Templi part. 1. l. 2. c. 20. cum dimidio. At cœlestis Hierosolymæ longè maior est amplitudo, nam in ea prædictus numerus per mille est multiplicatus: ait enim S. Ioannes quodlibet cœlestis illius ciuitatis latus duodecim millia stadiorum continere. Quia igitur ciuitas illa *duodecim* in sui ambitu habuit portas,

oportuit ab vna porta ad aliam vsque fuisse intercapedinem mille stadiorum. Octo porrò stadia conficiunt milliare Italicum.

Ita Cornel. à Lap. in Apoc. 21. Cum ergo ambitus ciuitatis contineat duo-

duodecim millia stadiorum, continebit 1500 milliaria Italica. Alij hoc spacium in quadruplum exaugent; eo quòd censeant longitudinem duntaxat ab vna porta ad aliam oppositam esse mensuratam. Ex quo conficitur, solam longitudinē huius ciuitatis, fuisse duodecim mille stadiorum integrorum, hoc est, 1500. milliarium Italicorum; eandemque latitudinem extitisse.

Quid aliud hic ingens ambitus, & hæc XIV. tam magna amplitudo designat, quàm ingentem cœlestis Hierusalem capacitatem? Et quamuis immanis visā sit hæc ciuitas, quæ tot milliarium spacia ambitu suo amplectebatur, adhuc tamen imago fuit spacij in cœlo empyreo longè diffusioris. Siquidem cœlum empyreum terræ globum, non millies, nec centies millies, sed plus quam decies centies millies continet. Quot igitur, & quantos hominum milliones locus tam immanis capiet? Et sanè capiet, neque enim aliqua in cœlo empyreo erit solitudo, neque beati illi incolæ adeò inter se disiungentur. XV. Quam enim alij quoque nonnulli, sicut ex Apo. 14.
v. 20. alio scripturæ loco coniiciunt, inferni capacitatem quaquauersum extendi ad 1600

Cc 5 stadia,

stadia, id est, ad milliaria Italica ducenta; ita pariter doceant locum beatorum in cœlo extendendum duntaxat quaquauer-sum ad 375. milliaria Italica; minùs tamen mihi persuadeo, beatos intra certos cœli cancellos coërcendos & constringendos. Totum cœlum nostra est patria: totum, cœlum ab hominibus erit occupandum. Nam si totum, hominum viatorũ causa, est conditum, cur non sit totum etiam conditum causa hominũ *comprehensorum*? Certè horum hominũ potiùs causa factũ est, quàm Angelorum; qui cum sint spiritus, non magnopere corporeo loco indigebant, in quo manerent. At homo qui glorificatum corpus erat habiturus, locum debebat habere, qui gloriæ corporis conueniret, & capax esset multitudinis vniuersæ. Quia ergo cœlum empyreum, adeò est vastum, vt terra ad id comparata sit instar puncti, quàm necesse est esse innumerabilem numerum prædestinatorum, quorum corpora illud occupabunt?

XVI. Vnusquisq; enim prudens architectus in ea magnitudine domum extruit, quæ necessaria est numero eorum, qui in domo illa sunt habitaturi: qui si semper paruo nume-

numero essent futuri, quàm indecenter
rari nantes in gurgite vasto apparerent?
Quod si ergo sapiens architectus magnam
quampiaĩ domum ædificat, argumento
id est, futuros multos, quos in eam est in-
troduciturus. Itaque manifestum est diui-
num quoq; illum architectum, in porten-
tosam istam ciuitatem multos, immo in-
numerabiles ciues admissurum. Sicut nec
politicus Princeps magnam ciuitatem ara-
tro designat, in quam non cogitat ma-
gnam ciuium multitudinem introducere:
nec nauarchus paucos vectores in ma-
gnam nauem, aut classem imponit.

*S. V. Ex Dei sapientia, bonitate, iustitia, misericordia,
maiestate; utemq; ex Christi & sanctorum charitate,
& felicitate colligi, innumeram hominum tur-
bam esse saluandam.*

Porro sicut locus ipse, & sapientia ar- XVII.
chitecti, ita & bonitas infinita eiusdem,
charitasq; quæ fons est & radix operum
eius, ostendit, plurimos fore ciuitatis illius
habitatores. Siquidem tanta bonitas non
potest non quàm maximè propendere ad
gratiæ gloriæq; suæ thesauros hominibus
communicandos. Itaque ex sua parte,
cupit omnes saluos, & thesaurorum illo-
rum

rum participes fieri. Quare maximè etiam decebat, vt quasi innumerabilis hominum multitudo eos thesauros reipsa consequeretur. Ita enim immensa illa bonitas & misericordia (cuius virtutis titulos præ reliquis amat Deus) æternū erat in beatis triumphatura.

XVIII.

Quod si diuina iustitia infinitum inuēnit numerū, quem ob sua mala facinora reprobaret & plecteret, atque ita in eis excellentissimè emergeret; quis ambigere potest, sociam eius misericordiam itidem non reperisse grandem numerum illorum, quibus aditum ad viscera sua opesque inexhaustas referaret? Ergo sapientia, ergo bonitas, ergo misericordia, ergo iustitia Dei vult exigitque, vt ingens sit

XIX.

beatorum multitudo. Quin & gloria ac maiestas Numinis id ipsum exigit. Æquissimum enim est in diuina aula plurimū esse de precioso, aulicosque eo numero, qui tantum regem deceat. Siquidem *in multitudine populi dignitas regis; & in paucitate plebis ignominia principis.* Qua de caus-

*Pron. 16.
28.*

Dā. 7. 10.

*S. Dionys.
cel. hier-
arch. c. 14.
S. Th. 1. p.
q. 50. a. 3.*

sa & Angelorum millia millium, & decies millies centena millia assistunt Deo. Quin etiā si S. Dionysio, S. Thomæ Aquinati, alijsque doctissimis Theologis credimus, tot sunt

sunt Angeli, quot vnquam & aues in auris, & pisces in vndis; & pecudes in campis, & vermes in terris, & arbores in siluis, & lapides, & flores, & frutices in toto mundo extiterunt. S. Thomæ verba sunt: *Dicendum est, quòd etiam Angeli, secundum quod sunt immateriales substantiæ, in quadam multitudine maxima sunt omnem materialem multitudinem excedentes*, Et S. Dionysij illa sunt: *Multi sunt beati exercitus supernarum mentium, infirmam & constrictam excedentes nostrorum materialium numerorum commensurationem*. Quod si tanta est multitudo Angelorum Numen honorantium, cur exiguus futurus sit numerus hominum, qui & Deum, & Christum hominem Deum erunt honoraturi? Immo cur Christus ipse suam prosapiam familiamque sic non honoraret? cur Deus præstantissimam, post Angelos, creaturam, in paucis tantum nobilitaret? Nam, vt S. Anselmus tradit, non fuerunt homines ex occasione lapsus malorum Angelorum prædestinati, vt eorum sedes occuparent; sed quamuis illi non cecidissent, tamen homines fuissent & creati, & prædestinati; eò quòd vellet eos Deus honorare, atque ex eis triumphan-

XX.

*S. Ansel.
lib. I. Cap.
Deus ho-
mo. c. 12.*

tem

tem Ecclesiam condere, quam in sponsam ducendo infinita ipsius charitas eluceret. Vnde in decretoria illa sententia non dicitur: *Venite benedicti Patris mei possidete regnum* Angelis alioqui antehac paratum; sed *paratum vobis à constitutione*

Math.
25.34.

S. Th. 3. p.
7. 1. a. 3.

Mundi. Et quamuis, ex veriore S. Thomæ sententia, Christus non venisset, nisi peccatum antecessisset, tamen ita diuinum

Heb. 2. 16.

Verbum homines dilexit, vt nollet *Angelos apprehendere: sed semen Abrahae*, quis ergo non iudicet, huic tanto amoru conuenientissimum esse, vt sicut vidit immensas Angelorū cateruas in cœlo triūphaturas, ita vellet etiam maximos hominum exercitus ibidem lætam agitare æternitatem? Præsertim autem supposita Incarnatione, post præuisum peccatum futura: cum ad gloriam eius non parum momenti addat, vt fratres innumeros habeat, qui fructu laborum eius perfruantur. Nam caput prædestinatorum est Christus, quos eius meritis Deus *elegit in ipso, vt esset ipse primogenitus in multis fratribus.* Nemo nescit quanti valoris precijque sanguis eius extiterit. Nempe si infiniti homines peccauissent, infinitos sufficientissimè redemisset.

Eph. 1. 4.
Rō 8. 29.

XXI.

set.

set. Hunc ergo tam preciosum sanguinem cum incensissimo cordis affectu pro omnibus hominibus obtulit, ut omnes eo abluti & purpurati triumpharent, si non ipsi nonnulli triumphari à peccato maluissent. Voluit igitur amantissimus illius Pater, quantum quidem per homines illi licuit, filij sui desiderium exsaturare. Itaque infinita merita eius, innumera prædestinatorum multitudine remuneravit. Nam apud Isaïam dicitur: *pro eo quod laboravit, anima eius videbit, & saturabitur: in scientia sua iustificabit ipse multos, ideò dispertiam ei plurimos*, ait Dominus. Isa. 53. m

XXII.

Quid quòd etiam ipsorum sanctorum interest, ut quàm plurimi in cœlo degant? Nam præter societatem, varietatem, & maiestatem, maximum bonum est beatorum, ut sint multi. Et enim, quia nullis invidiae stimulis agitantur, sed flagrantissima charitate ita sunt inter se copulati, ut quisque de alterius bono, non secus gaudeat, atque si proprium esset, fit ut eorum gaudia eò magis augeantur, quò magis augetur ipse numerus beatorum. Singuli enim omnium, & omnes singulorum gaudijs perfunduntur, ut supra ostendimus. Immo quoniam unusquis-

quisque ardentissimè Deum deamat, sum-
mopere etiam delectatur, quòd videat
Deum à tanta multitudine amari & ho-
norari. Cum igitur nullum honestum
bonum statui beatorum deesse oporteat,
necesse est, cœlestes illos homines etiam
ex hac parte esse beatos. Atque idcirco

Apoc. 7. 9. dixit Apostolus: *Vidi turbam magnam, quã
dinumerare nemo poterat: ex omnibus genti-
bus, & tribubus, & populis, & linguis, stantes
ante thronum, & in conspectu Agni. Hi om-
nes omnia pericula diaboli & Mundi vita-
uerunt: hi omnes vt numerum beatorũ,
sic beatitudinis immensitatem auxerunt.*

S. Bonan. Ita enim & Bonauentura testatur scribens:
in Srim. *Et quoniam tantum gaudebimus de bono alte-*
dinm. A- *rius, quantum diligimus eum; & ibi verè dili-*
mor. c. 20. *gemus omnes alios, sicut & nos, & Deum perfe-*
ctissimè plus quàm nosmetipsos: ideò multipli-
cabitur gaudium nostrum secundum inæstima-
bilem numerum Angelorum, & sanctorum, de
quorum gaudio gaudebimus, sicut de nostro.
Facit ergo multitudo sanctos beatiores.
Quare rursus meritò æstimare possumus,
sanctos hoc ipso esse multos, quia noui-
mus esse beatos; & vt sint beatiores, velle
Deum, vt sint numerosiores.

§. VI. In-

S. VI. Inductione ostenditur , innumerabilem esse
turbam eorum , qui saluantur.

Sed enumeremus hanc turbam. Atque **XXIII.**
ut eos , qui Christum magno numero ante-
cesserunt , omittam , neque repetam ,
quem S. Ioannes prius duodecim tribuum
numerum assignavit , cui deinde primùm
adiecit : *Post hæc vidi turbam magnam* ,
&c : quantam , vix nato Christo , turbam
Herodes immolauit ? Eius enim crudele
mandatū *mittens* (carnifices) *occidit omnes*
pueros , qui erant in Bethlehem , & in omnibus
finibus eius , à bimatu & infra. Hos pueros
non paucos fuisse facilè cogitabit , qui ra-
tionem inire volet puerorum , in tota ali-
qua non vrbe , sed regione per integrum
biennium nasci solitorum. Nec , nisi ob
multorum puerorum cædem , *ploratus &*
ululatus multus auditus est. Quocirca di-
citur : *Vox in Rama audita est , ploratus &*
ululatus multus , Rachel plorans filios suos , &
no- luit consolari , quia non sunt. Vbi per Rache-
lem regio duarum tribuum , Iudæ , & Be-
niamin , intelligitur. Hæc tota regio non
tantùm modò natos , sed omnes omnino
& bimestres , & trimestres , & semestres , &
vnus , & duorum annorum pueros , &

Matth. 2.
16.

D d quot-

quotquot intra duos annos nati sunt, Christo per Herodis ferrum victimauit.

XXIV. Hi ergo omnes cœlum adiêre. Post hos quanta martyrum agmina sunt secuta? Tota legio Thebæorum. Tota classis S. Vrsulæ. Totus exercitus in Armenia.

*S. Augu-
stin lib.
18. de Ciu.
cap. 52.*

Vndecies mille martyres. Quot Neronis persecutio in cœlum promouit? quot Domitiani imperium, Traiani gladius, Antonini sententia, Seueri seueritas inaudita, Maximini furor, Decij immanitas, Valeriani rabies, Aureliani impietas? Solus Diocletianus decem continuis annis in Ecclesiam Dei ita grassatus est, vt omnis ferè sacro martyrum cruce orbis infectus esset. Damasus refert 17. millia Christianorum intra vnum mensem ab hac bellua esse interfecta. Et Eusebius addit, ea tempestate adcò fuisse omnes carceres plenos

*Damas.
in Vita
Marcel-
lin. Euseb.
lib. 8. c. 6.*

martyribus, vt nullus relinqueretur locus facinorosis; quo etiam tempore passim tot martyrio coronatos refert intra bien-
nium, vt impossibile sit, eorum numerum inire. Hi tamen omnes cœlum iniêre. Hos ergo solos si vidisset Ioannes, vidisset *turbam magnam, quam dinumerare nemo poterat.* Fuerunt tamen alij longè plures, qui reli-
gioni

gioni Christianæ sanguine suo subscripserunt, & quidem tanto numero, ut Linda-
nus scribere non dubitet, Ecclesiam, si omnium martyrum natales mortesque celebrare vellet, per totum longum annum quotidie, plus quam triginta millia martyrum, habituram. Et ponamus triginta tantum millia esse, cum ergo annus dies habeat 365. totius anni numerus ascendet ad decem milliones nongenta & quinquaginta millia martyrum. Nonne hæc est turba magna? Et quamvis dinumerata, attamen nec martyres solum sunt in cœlo. Habet illa beata sedes etiam ingenti numero Confessores: habet tota anachoretarum, religiosorum, prælatorum, clericorum examina: habet innumerabilium virginum & viduarum choros. Et, si in vno sæpe cœnobio simul vixerunt quinque aut septem millia virorum, quanta tot sæculis conficietur sanctissimorum cœnobarum multitudo? Quin ingens fuerit semper per mille sexcentos annos Catholicorum numerus, & usque ad mundi finem futurus sit, nemo est qui nesciat. At

In Psal. 12.

XXV.

*Cornel. à
lapside in
Apoc. cap.
21. v. 16.
Ludov. de
Ponte;*

tom.1. de
Christiã.
Perfekt.
tractat. 1.
c.1. §. 3.

maior pars Catholicorum saluatur; quanta ergo saluandorum multitudo confurget? Nec ratio deest, quæ id suadeat. Plerique enim, peneque omnes morituri sacramentis muniuntur, quæ *ex attrito contritum* facere consueuerunt. Atque cum ad hunc vitæ articulum perueniunt, etiam maximi peccatores, ex timore gehennæ, iniustas opes, inueteratas inimicitias, impuras pellices, aliasque peccati illecebras relinquunt, & ad futuram vitam anxia se cogitatione disponunt. Facile ergo id a-

Luc. 23.

43.

XXVI.

gunt, vt cum *latrone in paradisum* admittantur. Accedit, quòd tertia, vel quarta hominum pars moriatur in infantia & innocentia, & ipsa baptismi sanctitate inter sidera collocetur. Alij, si non è cunis ad sepulchrum efferantur, vix pueri esse incipiunt, cum iam desinunt esse viui. Itaque & hi antè plerique præmia sanctorum reportant, quàm possint supplicia mereri impiorum. Quin etiam si ætate sint & intelligentia robustiores, tamen vt plurimum ita in timore Dei à parentibus educantur, vel à præceptoribus, confessarijs, concionatoribus instituuntur, vt difficulter in scelera consentiant. Quia autem cum,

eum, quo semel est imbuta, odorem testa diu seruat, & prima semina pueris impressa plerumque per omnem deinceps vitam hærent; facile isti viam virtutis, quam initio arripuerunt, possunt continuare. Quod si adolescentum ætas lubrica est, & in biuio, atque inter syrtes versatur, habent sanè & illi socios, à quibus ad bonum alliciantur: habent Congregationes, habent B. Virginis præsidium, habent Confessarios, habent Præceptores. Denique quàm XXVII. multi simplices, plebei, agricolæ, opifices, coniuges probi ac timorati, in summa inopia, labore, vilitate, fame, morbis, miserijs adhuc Deo pro beneficijs quotidie gratias laudesque ex animo dicunt? Quis hos non censeat vitam feliciorē promereri? Quanta autem istorum omnium est multitudo? Et si vel maximè beati non totum cælum empyreum, sed illud duntaxat spaciū in eo essent occupaturi, quod ciuitate Hierusalem est ab Apostolo eiusque interpretibus descriptum, satis profectò numerus ille excresceret. *Ad urbem, Vide Cornel. loc. cit.* inquit Alcazar, *tanta magnitudinis, quanta hic describitur cælestis Ierusalem, incolendam, requiri videtur maior ciuium multitudo, quàm*

D d 3 quæ

que occupare possit vicies centena millia urbium, Hispalin (quæ Monachio quater esse maior dicitur) magnitudine adequantium. Innumeri enim paruuli, etiam inter hæreticos & schismaticos saluantur: atque ex adultis plures, quàm multi opinantur. Curat enim Christus, qui suum sanguinem pro animabus fudit, ut illa, quas tantopere amat, saluentur; ne sanguis pro eis incassum sit effusus. Quocirca si mundus staret per sex millia annorũ, uti multi opinati sunt, quibuslibet mille annis tot saluarentur, quot incolere possent trecenta triginta tria millia urbium Hispalin adequantium: quolibet verò anno saluarentur tot, quot possent incolere trecentas triginta tres urbes Hispalin adequantes. Quolibet verò die penè tot (annus enim penè totidem, scilicet paulo plures, continet dies, nimirum 365.) saluarentur, quot incolere possent Hispalin. Incolere dico, non tantum quoad ades, sed etiam quoad prædia, hortos, viridaria. Hæc calculatio locum habet, si exiguum tantum & vix sensibile in cœlo spacium beatis attribuat. Quis numerus prodibit, si totam cœli aulam sanctis pandamus? Quàm verè turbam magnam reperiemus, quam dinumerare nemo possit?

S. VII. *A multitudine beatorum, homines contra pericula summo opere animari.*

Itaque quàm tenuis vmbra erunt *Labyrinthi* habitatores, si cum cœli incolis cōferantur? Et tamen ad huius palacia, per tot errores & anfractus mortales cupidissimè aspirarunt. Quis non potiùs illuc aspires, quò tot perueniunt? Quis vel cœlum aspiciens, vel cœlestes mente voluens non intimis medullis exiliat, & speret, se quoque aliquando illuc euolaturum è terris, & vnum ex numero tam magno futurum? Omnes quotquot stabant *ante thronum & in conspectu Agni* erant *amicti stolis albis* innocentiae, puritatis, castitatis, & *palma in manibus eorum*; quia pericula, quia tentationes, quia hostes, quia se ipsos vicerunt. Sic illi in hæc mœnia ascenderunt, sic urbem illam ceperunt. Per tela, per pugnas sunt sequendi. O beatos nos, si ex hoc mundi *Labyrintho*, ad tam beatas sedes attingamus! O miseros, & iterum, iterumque miseros, si inter tot triumphantes, nos vinci, inter tot saluandos, nos damnari patiamur! Et possumus omnino ad beatas illas sedes attingere, possumus hostes, possumus insidias in hac vita occurrentes?

D d 4 vin-

- vincere ; possumus trophæa statuere , &
XXIX. bello feliciter debellato triumphare. Omnibus siquidem in hoc Mundi *Labyrintho* constitutis, & inter sacrum ac saxum stantibus, aut inter viam & errorem, inter pericula & auxilia ambulantibus ingens illa turba, & incredibilis multitudo beatorum de cœlo tanquam de summa cauea, acclamat, atque ad se vocat; testaturque, quidquid est in Mundo discriminum, posse superari. Vt enim qui in vltiore ripa consistunt, ipso exemplo loquuntur & dicunt, flumen aut transuadari, aut tranari, aut nauigando transiri potuisse: sic illi qui cum palmis virentibus, & stolis splendentibus in cœlo conspiciuntur, clarissimè ostendunt, nihil tam in hoc mundo occurrere periculosum, nihil ad salutem cunctis obijci tam illecebrosū, quod cum diuina gratia non possit euitari, sperni, superari.
XXX. *ri.* Pulcherrimum eius rei exemplum in S. Augustino nobis est datum. Is enim cum & ipse in æquilibrio esset, & satis diu in Mundi istius *Labyrintho* fuisset vagatus, tandem lumen vidit ad se è *nomo*, & regia illa tutissima vibrari, quod illum docuit posse sequi, quò tot millia hominum præcess-

cesserunt. *Aperiebatur, inquit, ab ea parte, qua intenderam faciem, & quò transire trepidabam, casta dignitas continentia, serena, & non dissolutè hilaris, honestè blandiens, ut venirem neque dubitarem, & extendens ad me suscipiendum & amplectendum pias manus, plenas gregibus bonorum exemplorum. Ibi tot pueri & puella, ibi iuventus multa & omnis aetas, & graues viduae, & virgines anus, & in omnibus ipsa continentia nequaquam sterilis, sed facunda mater filiorum gaudiorum de maritote, Domine. Et irridebat me irrisione exhortatoria, quasi diceret: Tu non poteris, quod isti & ista? An verò isti & ista in semetipsis possunt, ac non in Domino Deo suo? Dominus Deus eorum me dedit eis. Quid in te stas, & non stas? Proijce te in eum, noli metuere, non se subtrahet, ut cadas. Proijce te securus, excipiet te, & saluabit te. Siquidem ille idem Deus, cuius immensa benignitate, tam innumerabilis multitudo ad portum securitatis appulit, similem & tibi opem pollicetur. Quin vnumquemque nostrum, quotidie, & penè singulis momentis ad coelestem gratiam non repudiandam hortatur, & monet: quin & rogat propemodum, ut auxilium suum & consilia tam sa-*

lutaria suscipiamus. Quod si multæ sese nobis opponunt, eæque graues molestiæ: non idcirco cessandum est; sed generosè audendum: nimirum felicibus auspicijs Christi ducis nostri: qui infinitis vitæ suæ ac mortis meritis ingentes nobis spiritus ac vires fideliter dimicantibus suppeditabit: sicut suppeditauit tot sanctis, qui eadem qua nos naturæ fragilitate, iisdem vitæ perturbationibus & molestijs, nonnulli etiam maiore, quàm nos peccatorum pōdere pressi tamen vicerunt: & nos quoque vincere posse exemplo suo dicunt.

Caput XVI.

NIHIL DIVINIS LAUDIBVS OFFICERE,
 QVOD, SICVT IN LABYRINTHO, ITA ET IN
 mundo vias in diuersa ducentes
 constituerit Deus.

§. I. *S. Ephraemij de duabus diuersis Mundi vijs
 vera ac salutaris doctrina.*

L



DEM, quod ad Augustinum, ad omnes homines dicit Virt⁹, quæ nos per viam rectam parata est ducere. Nam duæ sunt in hoc *Labyrintho* viæ: vna quæ ad domum regiam, iucundam, securam; altera quæ ad Minotauros, ad Hy-

ad Hydras, ad Harpyias, ad Icones, ad dracones, ad ipsam perditionem ducit. Itaq; contendite, ait S. Ephræm, intrare per angustam portam quæ ducit ad vitam. Per hanc fratres ambulemus viam, ut vitam æternam hereditate possideamus. Qui enim hanc ingreditur, proculdubio æternæ vitæ possessor euadet. Cum hæc ipsa via sit vita. Et licet pauci sint, qui inueniant illam, nos tamen charissimi non frustremur ea. Nullus nostrum extra hanc ambulet, ne ad perditionem abscedat, sicut & à Propheta dictum est: Ne quando irascatur dominus, & pereatis de via iusta. Audiamus Dominum dicentem: Ego sum lux. Ego sum Pastor bonus. Ego sum vita. Ego sum ostium. Per me, si quis introierit, saluabitur. Ego sum via: qui sequitur me non offendit: sed habebit lumen vitæ. Hanc igitur beatam insequamur viam, quam cuncti ambularunt, quicunque desiderarunt Christum. Huius quidem ingressus cum tribulatione atque pressurâ iuncti sunt, sed requies beata; huius ingressus austeri, ac tetrici; at retributio, gaudium. Huius ingressus angusti sunt, verum diuersorium latum atque amplum. Huius viæ incessus, ieiunium, oratio, compunctio, vigilia, humilitas animi, paupertas spiritalis, contemptio carnis, cura animæ,

humi-

S. Ephr.
tract. de
variis
tormētis
Infern.

Psal. 2.

Io. 1. 8. 9.

Io. 12. 14.

II.

humicubatio, aridorum ciborum comestio, illuvies, fames, & sitis, ac nuditas: misericordia, lachrima, luctus, angustia, gemitus, genus flexiones, ignominia, persecutiones, direptiones, alapa, labores manuum; pericula, insidia; maledicta atque conuitia ab alijs sufferre, odio haberi, & non odisse, mala perpeti & bona pro malis reddere, remittere debitoribus debita, animam suam pro amicis ponere. Denique autem

III.

sanguinem pro Christo fundere quando occasio ferret. Hi angustae portae & stricta via sunt gressus atque incessus, qua felicissimam sibi vendicat retributionem, ipsum regnum caelorum, cuius non erit finis unquam. Lata autem est porta, & spatiosa via, qua deducit ad perditionem; cuius gressus sunt, pro praesenti quidem lati ac hilares, sed illic tristes; hic dulces, at ibi felle amariores; hic leues, isthinc graues, & dolore pleni. hic apparent velut nihili, cum & nihil sint: illic autem, sunt ferae siluestres, circumdant obeuntes, & non poenitentes, iuxta dictum

Psal. 48.

Propheta, qui ait: In die mala, in iniquitate calcanei mei circumdabis me: hoc est malitia vitae huius, lata scilicet via gressus atque incessus, quos & Apostolus sigillatim expressit, atque enumeravit, cuiusmodi sunt: Fornicatio, Adulterium, Lasciua, Idololatria, Veneficium, Inimici-

Gal. 5.

Eph. 5.

Col. 3. &

1. Thess. 4.

micitia, contentio, amulatio, Ira, dissidia, Inuidia, & id genus alia, quæ sunt lata via gressus. Similiter verò & nimij risus, vociferationes, cithara, voluptates, tibia, chorea, balnea, mollia indumenta, sumptuosa prandia, manuum applausus & tumultus, somni absq; sollicitudine, lecti molles, & mensarum diuersitas, inexplēbilis edendi voracitas, fraternum odium, quodq; peius est, impænitentia, & nunquā meminisse sui ex hac vita excessus. Hi difficilis illius via sunt gressus, per quam ambulant multi. Verum & diuersorium inuenient accommodatū, pro delicijs famem, pro ebrietate sitim, pro requie dolorem, pro risu luctum, pro citharâ planctum, pro corpulentia vermem, pro otio, atque torpore mentis dolorem, pro tripudijs commercium cum demonibus, pro tabularum lusu, ut hi ipsi demonibus adficientur, abominationis huiusmodi auctores: pro curiositatibus, & incantationibus, reliquisq; exercitijs prauis, tenebras exteriores, gehennam ignis, & his similia, quæ sunt stipendia mortis, ubi suas ipsa depascit oves, suos discipulos, amicosq; suos, qui latam & spatiosam ingressi sunt viam, secundum illud Prophetæ dictum: sicut oves in inferno positi sunt; Mors depascet eos. Illos scilicet qui viam latam ingressi, per gaudia,

IV.

Psalm. 42.

dia, ad supplicia tetenderunt. Nam vt S. Hieronymus ait, *Difficile, immo impossibile est, vt & presentibus quis, & futuris fruatur bonis; vt & hic ventrem, & ibi mentem impleat; vt de delicijs transeat ad delicias; vt in utroq; seculo primus sit; vt & in cælo, & in terra appareat gloriosus. Hoc homines cum nōrint, non pereunt, nisi volentes.*

§. II. De one, an homini culpa sit ascribenda, si à via cæli aberratur?

V. Ex quibus manifestè intelligitur, nullam esse Deo attribuendam culpam, si qui

Ps. 106. 4. viam ciuitatis habitaculi non inuenerunt.

Inuenit enim eam S. Catharina Senensis, quæ Christo geminam manu coronam offerente, vnā fulgidam, alteram spinis rigidam, cum optionem facere iuberetur, sponsi coronam elegit; malens per spinas ad aurum, quàm per aurum ad spinas tendere. Inuenerunt quoque eam alij, & quidem, vt vidimus, omnis generis homines multi. Inuenire ergo & ipsi potuissent, nisi error *Labyrinthi* magis placuisset, quàm *via ciuitatis*, & regia domus Dei. So-

lum peccatum, ait S. Augustinus, *viam obstruit ad cælum.* Peccatum autem à Domi-

no non

no non est, sed à peccatore. Sibi ergo peccator imputet, si perit, vel pericula non consideranti, vel non agnoscenti, vel temerè contemnenti. Pericula certaminis & victoriæ sunt occasio, quare, non vt hominem vincerent à Deo sunt permissa, sed vt ipsa ab homine vincerentur. *An non meritò coronabitur*, inquit S. Bernardus, *qui sic certauerit, mundum abijciens promittentem, irridens inimicum tentantem, & quod gloriosius est, de semetipso triumphans, & crucifigens concupiscentiam pruriientem?* Coronabitur ergo, si certauerit viceritque: vincet, si cum Deo, vt aiunt, manum mouere voluerit. Victus dicere non poterit cum Ethnico illo: *certissima circumuenta virtutis nostræ excusatio est; quoniam decepti magis, quàm victi fuimus.* Neminem decipit, qui omnibus succurrit Deus. Itaque nō diuinæ incuriæ, sed nostræ ignauix est, si superamur. Qui secus sentit, cum Epicureis sentit. Nam hi, teste Saluiano, *sicut voluptatem cum virtute, sic Deum cum incuria ac torpore iunxerunt: vt appareat, eos qui ita sentiunt, sicut sensum Epicureorum atque sententiam, ita etiam vitia sectari.* Quapropter non Deum, sed semetipsos accusant, si pe-

*S. Bern.
serm. 1. de
omnibus
ss.*

*Valer.
Maxim.
lib. 5. c. 4.*

*Saluian.
lib. 1. de
Gubernat. Dei*

si pericula accusant, damnationemque suam peruerfissimo occasionum mantelo purgare conantur. Quasi æterna illa bonitas eos ideò in tot salutis discrimina cōieciſſet, quia ſaluos eſſe noluiſſet, quod impium eſt cogitare. Coniecti fuerunt enim etiam alij in pericula, ſed porrecta de cœlo manu, cum magna laude victoriæ e ducti ſunt. Omnibus diuina manus è cœlo porrigitur, ſed non omnes eam apprehendunt, aut nutum ſequuntur. Igitur ſi pereunt, ſua voluntate pereunt. Siquidem

*S. Proſper
reſpon. 3.
ad cap.
obſect.
Galliſcar.*

vt D. Proſper egregiè docet: *Non ex eo neceſſitatem pereundi habuerunt, quia prædeſtinati non ſunt; ſed ideò prædeſtinati non ſunt, quia tales futuri ex voluntaria præuariicatione præſciti ſunt.*

§. III. *Tot in Mundo periculofis vijs, non errandi, ſed merendi occaſionem præberi à Deo.*

VI. Nemo in *Labyrintho* Ægypti à palacio regis aberrauit, qui peritum viæ ducem eſt ſecutus. Pauci rectum iter, aut nulli tenuerunt, qui ſine ſocio, ſine ductore illuc ſunt ingreſſi. Omnibus in hoc Mundo itidem ducem assignat Deus. Bonus dux eſt ratio, peritus dux eſt Angelus: certus dux eſt

est ipse Christus, & quem misit, S. Spiritus. Cum hoc omnes possumus ac debemus ad cœli regiam arcem attingere, quemadmodum iam tot millia hominum attigerunt. Nostro vitio erramus, si hunc ducem repudiamus. *Ecce ego mittam Angelum meum, ait, qui præcedat te & custodiat in via, & introducat in locum, quem paraui. Obserua eum & audi vocem eius, nec contemnendum putes: quia non dimittet, cum peccaueris, & est nomen meum in illo.* Hunc talem aliosque tales duces qui sequitur, nã ille certò perueniet, quò tendit. *Excelsa est patria, ait ille, humilis via: patria est vita Christi (cui conformabimur in cœlo) via est mors Christi: patria est mansio Christi, via passio Christi. Qui recusat viam, quid querit patriã?* Mundus sanè, sicut *Labyrinthus*, erroris occasionem habet, & veritatis. Sed occasionem veritatis habet à Deo, non erroris. Si ergo occasio erroris est in Mundo, non est ea à Creatore, sed à corruptore Mundi, seu à peccatore, qui Mundum corrumpit & deprauat. *Qui timet Deum, faciet bona; & qui continens est iustitiæ, apprehendet illam, & obuiabit illi quasi mater honorificata.* *Homi-*

Exod. 23.

20.

S. Augustin tract. 28. in Io.

VII.

Ecclesi. 15. 1. 1.

Ibid. 6. 7.

Ee

nes

nes stulti non apprehendent illam, & homines sensati obuiabunt illi; homines stulti non videbunt eam: longè enim abest à superbia & dolo. & viri mendaces non erunt illius memores: & viri mendaces inuenientur in illa, & successum habebunt usque ad inspectionem Dei. Post vitam enim, cum eos iustè iudicans Deus inspexerit, tum demum iustitia memores erunt, cum eam sentient, & in illa, hoc est,

VIII. *in pœna effectui illius inuenientur. Quocirca quisquis in hoc Mundo per deuia & auia te ruere animaduertis, non dicas: Ille me implanauit: non enim necessarij sunt ei homines impij. Omne execrumentum erroris odit Dominus, & non erit amabile timentibus eum. Deus ab initio constituit hominem, & reliquit illum in manu consilij sui. Adiecit mandata, & præcepta sua: si volueris mandata seruare, conseruabunt te, & in perpetuum fidem placitam facere. Apposuit tibi aquam & ignem: ad quod volueris, porrige manum tuam. Ante hominem vita & mors, bonum & malum: quod placuerit ei, dabitur illi: quoniam multa sapientia Dei, & fortis in potentia, videns omnes sine intermissione, Oculi Domini ad timentes eum, & ipse agnoscit omnem operam hominis.*

Nemi-

*Ecclesi. 15.
12. seqq.*

Nemini mandauit impiè agere, & nemini dedit spacium peccandi: non enim concupiscit multitudinem filiorum infidelium & inutiliū.

Quòd si quos *seruos inutiles, infideles, & nequam*, aut filios impios inueniat, non minùs iustus est, quàm bonus; æquè eum plectere decet merentes, ac præmia sanctis decernere. Hinc ita Mundum istum condidit, sicut prisci illi reges *Labyrinthum*; in quo errari potuit, & via recta obtineri: pari enim modo voluit Mundum ita esse constitutum, vt in eo aliorum quidem mortaliū sapientia & virtus, aliorum autem stultitia & temeritas diuinam vel bonitatem atque misericordiam, vel iustitiam atque æquitatem faceret manifestam. *Eos enim*, vt S. Isidorus ait, *expectat gloria, quibus fuerunt laboriosa certamina.* Quæ ipsa vincentium gloria, in Dei gloriam redundet. Sed in hoc libro satis ostendimus, esse aliquam eamque magnam in huius Mundi *Labyrintho* Conditoris gloriam, intrantium iucunditatem, habitantium securitatem; alio libro etiam ad pericula illius declaranda accedemus. Interea aspectu Mundi à Deo in hominum vtilitatem &

IX.

Matth. 18.

32.

*S. Isidor.
lib. 2. de
summo
bono, c. 39.*

Ec 2.

salu-

Tob.8. 7. salutem conditi, cum Tobia iuniore in-
calescamus, & dicamus: *Domine Deus pa-
trum nostrorum, benedicant te cæli & terra,
mareq; & fontes, & flumina, & omnes
creature tue, quæ in eis sunt.*

Amen.

F I N I S.

APPROBATIO

Opus hoc, quo magni Mundi machina, cum veterum
AEgyptiorum Labyrintho comparatur, eiusque nobis
laudes ob oculos ponuntur; cum Orthodoxæ Fidei con-
sonet, optimaque præcepta morum complectatur, meri-
tò ac vtiliter lucem publicam videbit.

ita censeo

LEO MENZELIVS S.
Theol: D.Prof:& Fa-
cultatis Decan:&c.

INDEX

INDEX CAPITVM, ET PARAGRAPHORVM.

CAPVT I.

LABYRINTHV M ESSE VERAM MVNDI
IMAGINEM, PRIMO RATIONE INCERTI EXITVS.

- §. 1. *Varios, & in Labyrintho, ita & in Mundo, esse ambitus & exitus.*
- §. 2. *Exemplis docetur, quàm sint incerti in hoc Mundi Labyrintho ambulantium exitus.*
- §. 3. *In omni genere Vita ac morum Varios esse, tanquam in Labyrintho, flexus & reflexus.*
- §. 4. *Nec deceptiones Labyrinthi decesse quibusdam, in Mundo, cum falsa persuasione, ambulantibus.*
- §. 5. *An, & quomodo incerta Mundi Via erroresq; diuinam gloriam manifestent?*

CAPVT II.

MVNDVM ET LABYRINTHV SECVNDV
ESSE IN HAC RE PARES, QVOD FACIANT AD AVTO-
RVM SVORVM MAIESTATEM.

- §. 1. *Per Mundum, Mundi auctorem; per Labyrinthum Verò, Mundum cognosci posse.*
- §. 2. *AEgyptius Labyrinthus Variè à Variis descriptus.*
- §. 3. *Auctores, artificesq; Labyrinthi & Mundi inter se conferuntur.*
- §. 4. *Quis Labyrinthi, quis Mundi condendi finis, & scopus fuerit?*

CAPVT III.

LONGE MELIVS DEO REDIRE GLORIAM
EX MVNDI, QVAM REGIBVS, EX LABYRINTHI, MA-
GNITVDINE, FIRMITATE, CELSITATE.

- §. 1. *Parna deridiculo, magna admirationi esse.*

I N D E X

- §. 2. *Magnitudo vastitasq; Labyrinthi & Mundi inter se expenduntur.*
- §. 3. *Labyrinthi & Mundi quanta firmitas?*
- §. 4. *Tam Labyrinthi, quàm Mundi praeclara altitudo.*

CAPVT IV.

EX ORNATV TAM MVNDI, QVAM LABY-
RINTHI QVALIS, ET A QVIBVS GLORIA IN AVCTO-
RES EORVM REDVNDET?

- §. 1. *Labyrinthi & Mundi ornatus quàm sit aptus ad auctores suos commendandos?*
- §. 2. *Quo pacto Mundus iste Gloriam DEI propaget?*
- §. 3. *An, & quid anima Mundus ad notitiam Dei conferat?*
- §. 4. *Exempla eorum, qui ex Mundo in DEI cognitio- nem laudemq; ascenderunt.*
- §. 5. *De ijs, qui Creaturis vel tanquam virtutum ma- gistris vsi, vel tanquam vitiorum instrumentis ab- usi sunt.*

CAPVT V.

MVNDVM ET LABYRINTHV ETIAM
RATIONE HABITATIONIS COMPARARI.

- §. 1. *Reges in parte aliquâ Labyrinthi fuisse, DEVM in toto Mundo, longeq; gloriosius habitare.*
- §. 2. *Quinam, & quid ex DEI in hoc Mundo ubiq; habi- tantis praesentia discant?*
- §. 3. *Cum DEVS in toto Mundo existat, cur tamen potis- simùm dicatur in Cælo habitare?*
- §. 4. *Etiam amicos DEI in Cælo habitationes mansio- nesq; habere.*
- §. 5. *Murium fabella ostenditur, quàm sint insipientes, qui habitationi caelesti terras anteponunt.*

CAPVT

C A P I T V M.

C A P V T V I.

LONGE IVCVNDIVS, IN COELO, DEI,
QVAM, IN LABYRINTHO, ALIISQVE PALACIIS ET DE-
LICIIIS, REGVM AMICOS HABITARE.

- §. 1. *Cur Mundus iste in beatas Cæli sedes terrarumq;
miserias sit diuisus?*
- §. 2. *Cælestis Voluptatis quinam sint testes?*
- §. 3. *Cælum nouum instar sponsæ ornatum, lucidumq;.*
- §. 4. *Cælum aureum gemmeumq;, cum profanorum re-
gum aureis gemmeisq; palatys comparatum.*
- §. 5. *Ipsius etiam Salomonis adificijs longè splendidissi-
mis, Christum suis seruis pulchriorē locum parasse.*
- §. 6. *Vtrum Vera gemma in Cælo sint futura, Veriq; cam-
pi, flores, silua, &c.?*
- §. 7. *Exempla eorum, qui cælestis Ierusalem pulchritu-
dine incensi, mortalia contempserunt.*
- §. 8. *Quid ex hac secura iucunditate etiam nos disca-
mus? Et alia de cælestium gemmarum virtute ex-
empla.*

C A P V T V I I.

QVANTO SECVRIOREM SVIS AMICIS
DEVS IN COELO, QVAM REGES IN LABYRINTHO,
FECERIT HABITATIONEM?

- §. 1. *Labyrinthi, aliaq; munitiones hominum, in qua-
nam re cedant munitioni cælesti?*
- §. 2. *Scriptura sacra testimonia cæli securitatem indi-
cantia.*
- §. 3. *A quibusnam rebus cælestis regia habitatores, pra-
terea incolis sint securi?*
- §. 4. *In cælo non esse tristitiam, aut dolorem, neq; tri-
standi aut dolendi causam.*

I N D E X

C A P V T V I I I.

LABYRINTHI MVNITIONIBVS C O E L V M

ETIAM IN HOC PRAESTARE, QVOD NIHIL

IBI PECCETVR.

- §. 1. *Beati in caelo à peccatis, sicut quidam in nonnullis terris à veneno immunes, celebrantur.*
- §. 2. *Scriptura sacra, & SS PP. testantur beatos à peccato esse securos.*
- §. 3. *Causa, ob quas beati à peccandi periculo securi redantur?*
- §. 4. *Quantum sit bonum à peccato esse immunem?*

C A P V T I X.

LABYRINTHI CADAVERA QVANTVM

DISTENT A BEATORVM IMMORTALITATE,

ET AETERNITATE?

- §. 1. *Labyrinthum, sicut pro mortuis & mortalibus fuit extructus, ita & ipsum mortalem extitisse.*
- §. 2. *Beatorum in Caelo statum verè esse aeternum, seu sine cariturum: contra Origenis sententiam.*
- §. 3. *Causa, ob quas status Beatorum sit aeternus.*
- §. 4. *Quid ex comparatione rerum mortalium & immortalium discamus?*

C A P V T X.

AN PROPRIE DICTAM OBTINEANT

AETERNITATEM BEATI?

- §. 1. *Vanitatem & aeternitatem diversorum affectuum, esse causam.*
- §. 2. *Quid sit aeternitas?*
- §. 3. *Proprie dictam perfectamq; aeternitatem soli DEO competere, quantumq; ea sit bonum?*
- §. 4. *Qualem beati aeternitatem obtineant? & Unde ea oriatur?*
- §. 5. *Quinam fructus ex meditatione aeternitatis colligantur?*

C A P V T

C A P I T V M.

C A P V T X I.

DE SOCIETATE IVCVNDISSIMA BEATORVM, SOCIETATEM LABYRINTHI INFINITIS

REEVS SVPERANTE.

- §. 1. *Quantum Boni sit in Vicino, aut socio, bono? Vel mali in malo?*
- §. 2. *Beatorum quanam societas? quàm multi? quàm Varij? quàm boni? quàm magni socij?*
- §. 3. *Beatos Angelis, Christo, ipsi D E O fore similes, & quanam in re?*

C A P V T X I I.

QUALIS SIT FVTVRVS INTELLECTVS BEATORVM, SIMVLACHRA LABYRINTHI, ORNATVM-

QVE SVPERATVRVS?

- §. 1. *Intellectus Beatorum, ob Vnionem cum summo bono, summe ornatus.*
- §. 2. *Quanam mentis cum D E O Vnione reddamur beati?*
- §. 3. *Sanctorum Patrum de Visione D E I pronunciata.*
- §. 4. *Quanam in mente illà, qua DEVM Videbit, cogitationes precedere, Vel non precedere debeant?*

C A P V T X I I I.

QUALIS SIT IN VOLVNTATE BEATORVM, SVpra LABYRINTHI HABITATORES, FELICITAS, RATIONE AMORIS ET GAVDII?

- §. 1. *Quid, & quale sit cor Beatorum?*
- §. 2. *Ad beatitudinem pertinere amorem & gaudium. Et quomodo? aut cur?*
- §. 3. *Qualis sit amor Beatorum?*
- §. 4. *Quis, è duobus contrariis amoribus, sit praefendus?*

C A P V T X I V.

LABYRINTHI, AN COELI SIT

LAETIOR FELICITAS?

- §. 1. *Rerum fluxarum gaudia non esse amanda.*

Ec 5

§. 2. Amo-

INDEX CAPITVM.

- §. 2. *Amoris, Gaudijq; cælestis ac Beati eternitas.*
- §. 3. *Causa cælestium gaudiorum.*
- §. 4. *Quàm stultè agant, qui caduca gaudia æternis anteponunt?*

CAPVT XV.

VT IN LABYRINTHO MAGNVS FVIT NV-
MERVS DOMICILIORVM, ITA ET MAGNVM ESSE EO-
RVM, QVI SVPERATIS MVNDI PERICVLIS, AD
COELI GAVDIA, SECVRITATEMQUE
PERVENIVNT.

- §. 1. *Quàm, pra omni terreno habitatore, felix sit, qui habitat in domo domini?*
- §. 2. *Quàm miserum sit, à beatorum domo, in quam pauci intraturi dicuntur, eliminationem metuerè?*
- §. 3. *Non ita paucos saluandos esse, ut non etiam maxima sit multitudo futura, si per se consideretur.*
- §. 4. *Ex loci capacitate intelligi, multos esse ad cælum peruenturos.*
- §. 5. *Ex DEI sapientia, bonitate, iustitia, misericordia; itemq; ex Christi & Sanctorum charitate, & felicitate colligi, innumeram hominum turbam esse saluandam.*
- §. 6. *Inductione ostenditur, innumerabilem esse turbam eorum, qui saluantur.*

CAPVT XVI.

NIHIL DIVINIS LAVDIBVS OFFICERE,
QVOD, SICVT IN LABYRINTHO, ITA ET IN MVNDO
VIAS IN DVERSA DVCENTES CONSTITVERIT

DEVS.

- §. 1. *S. Ephramij, de duabus diuersis Mundi vijs, vera ac salutaris doctrina.*
- §. 2. *Deone, an homini culpa sit adscribenda, si à via cæli aberratur?*
- §. 3. *Tot in Mundo periculosis vijs non errandi, sed merendi occasionem præberi à DEO.*

INDEX

INDEX RERVM ET VER- BORVM.

C. CAPVT, N. NVMERVM CAPITIS
DENOTAT.

A.

- Ab solon Labyrinthum quomodo expertus? c. 1. n. 9.*
Actium Cynosura praesentia DEI. c. 5. n. 4.
Adolescentia & mortis commercia. c. 1. n. 16.
Aegypti Deus quomodo vocetur. c. 2. n. 1. fecunditas c. 7. n.
15. Labyrinthus c. 2. n. 4. similitudo cum mundo. ib.
Aegyptij Deum per Mundum cognoscences. n. 2. n. 1.
Afflictio est arrha caelestis thesauri c. 6. n. 39.
Aenei serpentis vis. c. 8. n. 4.
Apostoli palmites. c. 6. n. 9.
Aesopus quo ires incertus, Mundanorum typus. c. 1. n. 6.
Aeternitas quid? c. 10. n. 6. 7. 9. cubas in meridie c. 10. n. 6.
quomodo ad tempus comparata se habeat? c. 10. n. 7. non
potest cognosci nisi comparatione c. 10. n. 8. cur dicatur
interminabilis ista tota simul possessio c. 10. n. 9. eius com-
paratio cum tempore imaginario c. 10. n. 8. cum circuli
puncto & rupe ib. cum guttis maris, arenis, atomis c. 10.
23. Dei omnia anteceperit. c. 10. n. 11. nulli nisi Deo conuonit.
c. 10. n. 6. & caelestibus c. 7. n. 2. Beatorum qualis? c. 10. n. 13.
25. eius stimulus ad virtutem c. 10. n. 21. 22. 24. deside-
rium sui accendit c. 10. n. 2.
Aethiopum Christianorum antiquus mos. c. 9. n. 1.
Agnestis vox c. 5. n. 9. castitas c. 6. n. 34. contemptus terrene-
rum. n. 34. apparentis pretiosa vestis c. 6. n. 31.
Asiacis pena c. 12. n. 20.
Alphonfus Arragonius maledicenti quid? c. 5. n. 7.
Altitudo adificiorum antiquorum c. 5. n. 13. Labyrinthi. c. 3.
n. 9. Mundi. n. 10. Caeli n. 12.
Aman Labyrinthi egregius ambulator. c. 1. n. 10.
Amanda sola caelestia. c. 13. n. 21.
Ambitus Ierusalem caelestis quot caperes. c. 15. n. 27. quot
urbium ambitum in se comprehenderet ib.
Ambulamus quo, nescimus. c. 1. n. 7. & seqq.
Ambulare coram Deo quid? c. 5. n. 5.
Amici vertin solo Caelo c. 12. n. 5. 6.

Ampli-

INDEX R E R V M

- Amplitudo cæli* c. 3. n. 5. *Babylonis* ib.
- Amare Deum* & *Mundum* nemo potest simul c. 13. n. 20.
- Amor* omnia vincit c. 8. n. 11. *Dei* omnia propter Deum amat. c. 4. n. 22. eius effectus ib. quantus in S. Ignatio Loiola? c. 8. n. 15. facem aquæ mergens symbolon est amanti Deum. c. 13. n. 21. aurum est ignitum. n. 17. ad eum paranesis n. 17. & seqq. Beatorum. n. 6. Unde n. 7. quam necessario sequatur visionem n. 8. 9. qualis sit. n. 11. & c. 14. n. 6. quantus. c. 13. n. 12. constans est & perfectus. c. 14. n. 6. beatitudinis complementum est. cap. 12. num. 11. eius motus circulo comparatus. cap. 4. num. 25. in hac vita inchoatur. cap. 13. num. 17. cur praferendus terreno amor? n. 17.
- Amor* diuinus contrarius est amoris proprio cap. 4. num. 14. amoris Venereo c. 13. n. 11. eius descriptio ib. cū cupidine pugna ib. non est cæcus n. 12. illuminat. n. 15. ecstasim facit ib. caret iaculis dolorem inferens ib. n. 16. Unionis est causa ib. ei cur terrenus praponatur. n. 18. 20. 21. eius incitamenta. num. 21.
- Amor* Mundi cæcus c. 13. n. 13. similis *Panthera* ib. excæcat ib. felle sagittas inficit. n. 16 hic inchoat æternum amorem. n. 17. vitrum caruleum est. c. 1. n. 18.
- Amor* proprius contrarius amoris Dei. c. 4. num. 14. *Visiorum* omnium origo ib.
- Amor* terrenus cur diuino praponatur? c. 13. n. 18. 21. exformite peccati ortus. num. 20. propensionum malorum est causa. ib. cum diuino simul stare nequit. ib. à cæli obli-dione nos reuocat c. 7. p. 11. eius remedium sunt calamitates ib. simulacrum illius *Aegyra* cum *Fortuna* iun-ctum. cap. 14. num. 6.
- Angelorum* copia c. 15. num. 19. societas quantum addat cæli pretium c. 11. n. 4. prius legium immutabilitas in deterius c. 8. n. 7.
- Angusta porta cæli* qua? c. 15. n. 12.
- Animalium* varietas, pulchritudo, concinnitas c. 4. n. 6.
- Anima* beata typus regina Saba c. 12. n. 13. quid præcipue mirabitur in cælo? ib. eius praece est *Mundus* c. 4. n. 9.
- Animus* cælo quis aptus? c. 5. n. 18. ineptus? ib. effaminatus cum *Murib.* comparatur. ib.
- Anselmus* quantum peccatum fugeret cap. 8. num. 15. eius electio ib.

Anti-

ET VERBORVM.

- Antistites Aethiopum cur praeiret crux, & vas aureum terra repletum?* c. 9. n. 1.
- Apollonius in quam pretiosam & generit porticum?* c. 4. n. 5.
- Apologus de muribus* c. 5. n. 18. 19. 20. 21. 22. 23.
- Apparitus S. Agnetis facta parentibus.* c. 6. n. 31.
- Aqua & vita fluvius est Galaxia caelestis* c. 5. n. 17.
- Aqua & vita cur Beatorum affectus in Deum dicatur?* c. 13. num. 5.
- Aranea est & vita nostra.* c. 1. n. 2.
- Arces cur olim montibus impositae.* c. 7. n. 1.
- Architectus Labyrinthorum* c. 2. n. 11.
- Architectura Dei quam hominum est excellentior* c. 9. n. 5.
- Arctia & angusta porta caeli quomodo dicatur?* c. 15. n. 12.
- Arguere de peccato quid* c. 8. n. 1.
- Arrha thesauri caelestis obtinendi est afflictio* c. 6. n. 39.
- Ars capiendi voluptates* c. 14. n. 23.
- Artifex mundani Labyrinthi Deus.* c. 1. n. 3.
- S. Astion apparet S. Vigilantio* cap. 14. num. 16 quid ab eo peteret. ib.
- Atheniensium ara Ignoti Dei* c. 2. n. 1.
- Athenocles obsidionem quo stratagemate soluere conatus?* c. 7. n. 10. nec quicquam.
- Attali numisma.* c. 9. n. 18.
- Auarolis iusta videtur, non est, unde?* c. 1. n. 19.
- Auerfionis diuina ab hominibus causa.* c. 12. n. 16.
- Augustinus quomodo conuersus* c. 15. n. 30.
- Aula salus Libani* c. 6. n. 16. cur miranda? ib.
- A. Fulvius filium cur occiderit?* c. 7. n. 20.
- Auto Vitreo cur caeli palatium obductum* c. 6. n. 12.
- Autor Labyrinthi:* c. 2. n. 8. & 9. similis semper peregrinanti aut nauiganti. n. 14. gloriam quasit, non inuenit n. 17. quo spectarit c. 5. n. 1. ille Deus in Mundo praesentior est. n. 3. Mundi per mundum potest cognosci c. 2. n. 2. 3. praestantior est autore Labyrinthi Aegyptij n. 10. 11.

B.

- Babylonis munitio* c. 7. n. 1. occupatio. ib. amplitudo c. 3. n. 5. comparatio cum Calo ib.
- Baculi curiosa descriptio* c. 4. n. 15.
- Baculus noster sunt Creaturae* c. 4. n. 15. 16. exemplo Davidis ib. trium Iuuenum. v. 19.
- Beata*

INDEX RERV M

Beata Vita non est, nisi perpetua c. 9. n. 16.

Beatitudo in quosita? c. 12. n. 9. 10. 11. 12. c. 13. n. 4. *quantum crescat ex beatorum consortio?* c. 11. n. 4. 5. 6. *eam sequitur amor & Voluptas.* n. 5. *cum aqua & vina comparatur.* ib. *eius Vita non est felicitas huius Vita.* c. 1. n. 21.

Beati sunt qui nihil mali volunt. c. 13. n. 4. *tristes esse non possunt, quia ebrii sunt.* c. 7. n. 15. *ex dolore damnatorum gaudent* n. 17. *odium eorum est sine dolore.* n. 18. *cur gaudeant alienis malis?* n. 19. *cur pacem habeant?* c. 9. n. 11. 12. *quomodo à Viatoribus differant?* c. 8. n. 11. *cur peccare nequeant?* n. 9. 10. 11. *quapropter gaudisuri?* c. 14. n. 9. 10. 11. 12. 13. 14. 15. *tantum gaudebunt, quantum amabunt* c. 14. n. 7. *omnes & ab omnibus tuti.* c. 11. n. 7. *erunt socij Christi* ib. *Angelorum* ib. *eorum corpora similia erunt corpori Christi* n. 8. *habebunt magnam cum Deo similitudinē.* n. 9. *in Elia & Henoch significantur* c. 10. n. 13. *sunt Oliua* ib. *quid considerent?* n. 14. 15. *sunt humiles* ib. *se totos Deo submitunt.* n. 16. *in propria causa, non morerent.* c. 7. n. 22. *afficiuntur peculiariter erga propinquos.* n. 20. *cur ex eorum calamitate non crucientur?* n. 19. 20. 21. *in Calo habent optimam voluntatem, ardentissimam charitatem, clarissimam visionem, & sempiternam essentia diuina presentiam.* c. 13. n. 9. *redduntur per Unionem cum Deo* c. 11. n. 4. *eorum oculi quo intenti?* c. 5. n. 5. *Unde ament, & quantum?* c. 13. n. 6. 7. 12. *quàm necessario ex Visione delectentur?* n. 8. 9. *quomodo ament?* n. 11. *eorum in Calo ornatus & splendor* c. 6. n. 7. *diuersus est; crysallo comparatur* ib. *incapaces sunt peccati quanto suo bono?* c. 8. n. 2. *eorum ad Labyrinthi mundani incolas clamor.* c. 15. n. 9. *corpora quomodo oblectanda?* c. 6. n. 25. 26. *eorum aternitatu qualis?* c. 10. n. 13. 25.

Benedictio Rosa à S. Pontifice quando fiat, & cur? c. 7. n. 14.

Benedictus, quid de Roma praxerit c. 9. n. 19. *eius Visio* c. 10. n. 2.

Benedictus S. Pont. Henrico Imp. Insigne Imperij pomum dat. c. 4. n. 4.

Blasphemiarum insania. c. 4. n. 24. *quam magna!* ib. *castigatur* ib.

Bobadilla dictum ex fractura Calicis Crystallini c. 9. n. 4.

Bona

ET VERBORVM.

Bona cælestia excedunt infinities huius Vita bona c. 14. n. 23.
Brachium adium Vestibulo præfixum quid? c. 5. n. 6. Symbo-
lon est à Deo sua domus præfixum ib.
Buccula Myronis c. 2. n. 12.

C.

Cadaver simile Mundo eiusq³ gaudijs c. 14. n. 5.
Cacitas quorundam mundanorum. c. 6. n. 38. & tronea nemi-
nem excusat. c. 1. n. 26.
Cæco iter facturo, quis ductor datus? c. 4. n. 15.
Cacilia quam generose locuta? c. 6. n. 33.
Calamitates amoris terreni remedium sunt. c. 7. n. 11. quàm
fecunda? ib.
S. Caprasius visione ad martyrium animatus c. 6. n. 40.
Cassius filium necat cur? c. 7. n. 20.
Catharina Senens. spinas rosas præfert. c. 16. n. 5.
Catholicorum maior pars saluatur, non improbabiler. c. 15.
n. 25. cur? ib. & n. 26. 27.
Carmen de S. Ignatij Loiola itinere per Creaturas ad Deū
c. 4. n. 21.
Causa impeccabilitatis qua sit? c. 8. n. 11. I.abyrinthi c. 2. n.
9. timoris in calo nulla est. c. 7. n. 16. gaudijs sunt quatuor.
c. 14. n. 8.
Christus Vera Vitæ c. 6. n. 9. Via ad cælum. c. 16. n. 1. per eam
incessus n. 2. peccatis incapax c. 8. n. 1. immunitatem à
peccato est cælo meritus n. 4. architectus Ierosolyma cæle-
stis c. 6. n. 21. quanto tempore eam perfecit, & quanto
pretio? ib. exemplo suo mundanorum curas castigat. c. 14.
n. 3. cur elegerit pauperes? ib.
Christi quis sint? c. 14. n. 20. qui non sint n. 21. sanguis quàm
pretiosus? c. 15. n. 21. corona spinea quid portenderit. c. 7.
n. 3. sanguinis pretium c. 6. n. 21. hieroglyphicum c. 2. n. 2.
Christo spinis confixo non decet rosas nos coronari cap. 7. n. 13.
Chrysostomi de peccatis gravitate sententia. c. 8. n. 15.
Circulo comparatur motus diuini amoris c. 4. n. 25.
Civitas nulla à culpâ satis munita c. 8. n. 13.
Cleopatra margarita. c. 14. n. 21.
Cneph Aegyptiorum Deus, & eius statua. c. 2. n. 1. quid hoc
nomen significet? n. 2. eius expositio ib. Christi hierogly-
phicum ib.

Cælum

INDEX RERVM

- Cælum malitia & molestia omnis expers.* c. 8. n. 16. eius magnitudo à S. Ioanne descripta explicatur. c. 3. n. 5. concava superficies eius quanta? n. 10. altitudo eius maximè autè aculos habenda n. 12. est liber Idiotarum c. 4. n. 7. quibus sordet? n. 22. gaudij sedes. c. 7. n. 15.
- Cælum quàm desideratum S. Dorothea! cap. 6. num. 32.* S. Cæsilia. n. 33. S. Agnes! n. 34. securatur habitatio! c. 7. n. 6. 7. & c. 9. n. 7. perpetua ib. n. 8. 9. 10. 11. 12. 13. 14. cur non pateat malis? c. 6. n. 26. comparatur templo Salomonis n. 21. paradiso n. 27. significatum in rationali Pontificis n. 24. cur incorruptibile? c. 9. n. 10. incolas quàm beer? c. 13. n. 4. omnia est. n. 21. regnum eius simile homini quarentis margaritas. c. 14. n. 21. pretiosa est margarita. ib. coinquinatum nihil admittit. c. 8. n. 6. portas cur duodecim habeat! c. 15. n. 12. eius ambitus c. 15. n. 14. magnitudine est proportionatum multitudinis incolarum futura. n. 16. ad illud cur via arcta? c. 15. n. 12. totum occupabitur à Sanctis c. 15. n. 15. est nostra patria ib. quàm sit contra malum munitum? c. 8. n. 2. illud Deus peculiariter dicitur inhabitare c. 5. n. 9. cur? ib. & n. 10. 11. 12. 13. 14. solum est à culpa & insidijs immune. c. 8. n. 14. est sicut sponsa ornata. c. 6. n. 7. cælum novum, est nova Ierusalem n. 6. eius descriptio, & quàm novitate sua iucundum? ib. cur dicatur descendere? 5. auro & streo, cur obductum? n. 12. eius felicitatem pauci videbunt. c. 15. n. 9. eius pretium ex Apocalypsi n. 9. omnibus bonis maximè refertum c. 5. n. 2. cur non palatium, sed tabernacula Dei dictum? n. 14. terrenis anteferendum. c. 6. n. 9. hoc qui possidet. quid possideat? c. 5. n. 17. meritis in sedem electum à Deo ib. domus est herosbus deputata. ib. ei quis animus aptus? n. 18.
- Cælestis Ierusalem descriptio à S. Vigilantio c. 14. n. 16. templi n. 17. muri cur iassus material? c. 7. n. 4.*
- Cælestia sola aterna.* c. 7. n. 2. & 3.
- Columna in templo S. Maria ex sphengite Roma.* c. 6. n. 14.
- Conversio à peccatis laboriosa quomodo vincatur?* c. 6. n. 39.
- Consideratio Creaturarum S. Ignatij Loiole, carmine scripta* c. 4. n. 21.
- Cenchyion & num ceteris excellentius, & dux est.* c. 14. n. 23.
- Concionis ad Monachum fructus.* c. 5. n. 25.

Conner-

ET VERBORVM.

Conuersio S. Augustini Unde ? c. 15. n. 30.

Contemptus rerum terrenarum ob breuitatem. c. 9. n. 22.

Cor mundum quid ? c. 13. n. 1. est sedes sapientie ib. pro intellectu, maxime pro voluntate sumitur. n. 2. cor ne ediso quid ? ib. cur primogenitum ? n. 18. Beatorum quomodo comparatum ? n. 5. Vas est, quous implebile. n. 17. amare simul cur Deum & Mundum nequeat ? n. 20.

Corona Christi spinea quid portenacrit ? c. 7. n. 3. cui debeatur ? c. 16. n. 5.

Corpus Christi a quibus crederetur in sole collocatum ? c. 5. n. 14. Beatorum simile est corpori Christi c. 11 n. 8. aliud magis, aliud minus assimilabitur Christi corpori ib. quomodo oblectandum ? c. 6. n. 25. 26.

Creatura summam in suo artificio continent sapientiam c. 4. n. 7. sunt liber idiotarum. ib. baculus & ductor noster ad Deum n. 15. 16. 17. testimonium Dei ib. & n. 18. 19. Doctores sunt n. 20. impio sunt, quod stulto gladius. n. 24. earum cum peccatore comparatio, doloris de peccatis excusandi est fomes n. 23. Videntem Deum quam videantur angusta ? c. 10. n. 2 3. 4. sunt muscipula. c. 5. n. 24. non necessariè existunt, cum Deo comparata. c. 10. n. 14. earum quotidianus clamor. c. 4. n. 25.

Crocodylorum s. p. uicrum Labyrinthus c. 2. n. 13.

CrySTALLUS comparatur ornatus & luci cælestis c. 6. n. 7.

CruX impiorum ob cæli felicitatem non perspectam c. 15. n. 8. cur pralata Aethiopum antistiti ? c. 9. n. 1. in ea dedicanda; qua habemus. c. 14. n. 12.

Culpa perditionis nulla Deo attribuenda. c. 16. n. 5. 6. 7. sed peccatori. ib.

Cupidinis descriptio Poëtica, & expositio. c. 13. n. 11. cum diuino amore pigna symbolicè proposita. ib.

Cur Deus ab hominibus auertatur ? c. 12. n. 16.

Cyrus quomodo Babylonem cepit ? c. 7. n. 1.

D.

Damonibus assimilabuntur damnati. c. 11. n. 11.

Damna peccati & luxuria. c. 6. n. 38.

Damnatorum supplicia etiam corporalia. c. 6. n. 29. similisnudo cap. 11. n. 11.

Darius luxus, & infausus finis c. 6. n. 8.

Ff

David

INDEX RERUM

David quantas Salomoni in templum impensas reliquerit ?
c. 6. n. 19.

Delicia Persarum. c. 6. n. 8. *somnia sunt* n. 9.

Desiderari aeterna, cur ? c. 10. n. 2. *calum à S. Augustino.* c. 7. n. 9. *à Dorothea* c. 6. n. 32. *à Cecilia.* n. 33. *ab Agnete.* n. 34. *Visionem beatificam.* c. 12. n. 15.

Delicati stultè secuta in periculis via. c. 1. n. 21.

Deus Labyrinthi mundani auctor c. 1. n. 3. *Et* c. 2. n. 10. *celerissimus* n. 11. *solus.* ibi. *facillimus* ibi. *Est instar maris.* n. 15. *Cur altissimus dicatur ?* c. 3. n. 11. *in mundo ludit.* c. 1. n. 25. *quomodo ludat ?* n. 26. *Cur quorundam voces non audiat ?* c. 12. n. 16. *omnibus creaturus imaginem suam impressit, cur ?* c. 3. n. 8. *Et* c. 4. *à n. 10.* *Malos cur toleret ?* c. 7. n. 16. *solus nostrum summum bonum.* c. 12. n. 3. *Et* 4. *immensus est.* c. 5. n. 2. *Et* 3. *prasens est omnibus se toto quomodo* ibi. n. 3. *Et* 4. *Peccata odit sine dolore.* cap. 7. n. 18. *inuat ad cælum* c. 5. n. 17. *Vbi potius quarendus.* c. 5. n. 12. *Vbi esse dicatur.* n. 14. *præcipue in cælo* n. 9. *cur ?* n. 10. *Et* seqq. *habitat etiam in mundo* c. 5. n. 2. *Eius presentia magnus virtutis stimulus.* c. 5. n. 4. *corrigit peccatores.* n. 8. *Eius sermo ad homines, quis ?* c. 9. n. 22. *Eius excellentia crescit quia aternus est.* cur ? c. 10. n. 11. *gloria duplex.* c. 4. n. 8. *etiam elucescit eius virtus ex errore hominum.* c. 1. n. 27. *Et* c. 16. n. 5. *Dei thronus cur gemmeus ?* c. 6. n. 13. *cur sol ?* ibi. *Illi adhaerere summum bonum* c. 12. n. 4. *Culpa Deo ex perditione non tribuenda.* c. 16. n. 5. *Et* seqq. *Deorum habitatio Labyrinthus Aegyptius.* c. 5. n. 1.

Diabolus explorator cæli. c. 6. num. 38. *mendax, Et tamen à multis auditur.* ibi. *à cæli obsidione quomodo nos reuocet ?* cap. 7. num. 11.

Differentia operum Dei Et hominum. c. 3. n. 8. *Via cæli Et inferni.* c. 16. n. 1. *Et* seqq.

Dionysij templum magnificum. c. 6. n. 10. *cælo pariat.* ibi.

Diuersorsa Babylonis, viuentium domus. c. 9. n. 4. *cur in istis struendis negligentiores Babylonij ?* ibi.

Diuina mens quanta capacitatis ? c. 10. n. 12.

Doctores sunt creatura, Iacobi Patriarcha. c. 4. n. 20. *S. Ignatij Loyola.* n. 21.

Dolor de peccatis ex consideratione creaturarum. c. 4. n. 23.

Domus

ET VERBORVM.

Domus cælestis securè diues. c. 15. n. 2. qualis in ea dominus. n. 3. ocij plena. n. 4. gaudiij. n. 5. & amoris. ib. omnibus necessariis abundat. n. 6. regia est & Democratica. num. 7. Quàm multiplex in Labyrintho domus? c. 5. n. 1. qua aterna Babylonis? c. 9. n. 4. aua Salomonis. c. 6. n. 16. qua maximè felix ex septem sapientum sententia? c. 14. n. 1. Dei felicissima. c. 15. n. 2. Etiam mundus est domus Dei. cap. 5. n. 2. Domus Principum quale brachium, & cur appingatur? cap. 5. num. 6.

Domus ante porticus illustris c. 6. n. 12.

S. Dorothea desiderio cæli in tormentis constans. cap. 6. n. 32. mittit poma Theophilo. ib.

Dux itineris baculus. c. 4. n. 15. item ratio, Angelus, Deus. cap. 16. num. 6.

E.

Ecclesia quale Latare? c. 7. n. 14. triumphus in cælo. c. 11. n. 4 & 5.

Effeminati muribus similes. c. 5. n. 18.

Effectus visionis beatifica c. 8. n. 11.

Egesti strati Elei catenarum impatientis factum. c. 7. n. 10.

Elias beatorum figura c. 10. n. 13. Oliua. ib.

Eliguntur præstantiora, præterquam in salutis negotio. c. 9. num. 21.

Empyrei cæli concava superficies, quanta? c. 3. n. 10.

S. Ephraim quomodo impudicam conuerterit? c. 5. n. 8.

Error parvus in principio, magnus in fine. c. 1. n. 22. seqq. impiorum à scopo suo, Mundi, Dei, c. 4. n. 25. Voluntarius est. c. 1. n. 25. in Labyrintho inuoluntarius ib. sape à malo initio bene terminatur. c. 1. n. 14.

Erycine templum quale, & ubi? c. 13. n. 21.

Exempli & c. 15. n. 30.

Exequia Græcorum quales? c. 14. n. 5.

Exilij mundani fastidium. c. 6. n. 37.

Exitus mundani Labyrinthi cur incertus? c. 1. n. 4.

SS. Exules Oetisingani mira multa patrant. c. 7. n. 11.

F.

Fabula Gigantum cælum oppugnantium, c. 7. n. 2. Platonis de coloribus duodecim terra beata. c. 6. n. 24. murus c. 5. n. 18. Neritis. c. 13. n. 18. Helenij. n. 16. Hecatoncephalos. n. 12.

INDEX RERVM

- Famillarum ornatus in publico, ad ostentationem.* c. 5. n. 3.
Fastidium mundi. c. 6. n. 37.
Febrienti similes impij. c. 4. n. 25.
Felicitas huius vite, non est via ad cælum. c. 1. n. 21. plerumq;
 infelicitate mutatur ib. Vna ad multa exorta trahit. 22.
 cæli à paucis videnda. c. 15. n. 9. *quanta?* ob septem conditio-
 nes. n. 1. ib. ad eam homonatus. c. 6. n. 1.
S. fides Vnigo quàm in tormentis constans! c. 6. n. 40.
Fides, spes, anteambules visionis & fruitionis beata. c. 12.
 n. 15. & 16.
Finis honoris terreni quis? c. 9. n. 22. *finem qua habent, mor-*
dent. c. 9. n. 1.
Firmitas Labyrinthi. c. 3. n. 6. *mundi.* n. 7.
Floralia exagitata à SS. PP. c. 12. n. 20.
Fluvius aquæ vitæ quis? cui ostensus? cap. 13. n. 5. *cælum iri-*
gans c. 7. n. 15. *galaxia similis.* c. 5. n. 17.
Fons salutaris SS. Exulum O Eringensium. c. 7. n. 11.
Forma Labyrinthi artificiosa. c. 4. n. 2.
Fortuna templum nobile. c. 6. n. 11. *Via ad laqueum.* c. 1. n. 10.
Franciscus quidam à qua voce conuersus? c. 6. n. 39.
Fructus veri an in cælo? c. 6. n. 26. *aterna securitatis qui*
fructus? c. 10. n. 18. & seqq.
Fuga peccatorum, via ad cælum. c. 8. n. 2.
Fundamenta 12. cælestis Ierusalem, quid? c. 8. n. 5. *cur ex*
Iasside. ib.
Furus quam angusta domus dominus! c. 3. n. 1.
 G.
Galaxia est velut fluvius aquæ vitæ. c. 5. n. 17.
Gaudium ex aliis cum nostra voluntate concordia. c. 13. n.
 2. post iudicij diem tristitia succedet. c. 7. n. 6. *quale bea-*
torum? c. 13. n. 6. *Vnde.* n. 7. *quàm necessario ex beatitudi-*
ne sequatur. n. 8. & 9. *quid?* c. 14. n. 7. *Vnde crescat?* n. 8.
cuius quatuor causæ. ib. *superabundantia.* c. 7. n. 22. *ple-*
nnum quod? c. 14. n. 18. *de quare?* c. 14. n. 9. & seqq. *Terre-*
num quàm fluxum? c. 15. n. 4. *simile cadaveri.* n. 5.
Gemma martyrum ubi nascantur? c. 6. n. 10. *hominum sape*
sunt vitia. n. 40. *Vera an in cælo?* à n. 22. *rerum cælestium*
sunt hieroglyphica. Vnde dicta ib. *earum copia.* à n. 9.
Gigantum superos oppugnantium fabula. c. 7. n. 2.

Gloria

ET VERBORUM.

Gloria diuina firma c. 3. n. 8. *exerrantibus* & rectè *viuentibus* augetur. c. 1. n. 2. c. 16. n. 5. *Est duplex externa* & interna c. 4. n. 8. & c. 2. n. 16. *cur à Deo spectetur?* ib. & n. 17. *eius praco est mundus.* c. 4. n. 9. *maior mundi, quàm Labyrinthi auctoris.* c. 4. n. 25. *beatorum per peccatum amitti non potest.* c. 9. n. 14. *Humana amitti potest.* c. 3. n. 8. immo c. 6. *Via Labyrinthi.* c. 1. n. 9. & 10.

Græcorum exequia, quales! c. 14. n. 5.

H.

Habitatio Regum, aulicorum, Deorum in Labyrintho c. 5. n. 1. *cælis secreta, cur.* c. 9. n. 7. *perpetua.* ibid. n. 8. & seqq.

Hæresici in Labyrintho ambulant. c. 1. n. 23. *cur illis recta initio videatur sua via?* ibid. *De corpore Christi in sole relicto somniant.* c. 5. n. 14.

Hector murus Troia. c. 7. n. 3.

Helenium herba cur rixas excitare dicatur? c. 13. n. 16. *Est Amoris terreni symbolum.*

Henoch & Elias Beatorum figura. c. 10. n. 13. *sunt dua olus.* cur? ibid.

Henricus in signe Imperij pomum à quo, quando, cur, accepit? c. 4. n. 4.

Herba centum capita dicta amoris divini Umbra. 13. n. 12.

Herculis magnitudo quomodo à Pythagora deprehensa? c. 5. n. 2.

Heroum domus qua, & ubi olim credita! c. 5. n. 17.

Hibernia serpentes necat. c. 8. n. 4.

Hierusalem terrestris ambitus c. 15. n. 13. *cælestis ambitus* ib. n. 27. *nona* c. 6. n. 6. *non est caduca.* c. 19. n. 5. *quando reedificanda.* c. 9. n. 19. *cælestis à Christo, quanto tempore & precio adificata?* c. 6. n. 21. *eius materia, gemma an vera?* ibid. n. 22. & seqq. *eius fructus an veri?* ibid. à n. 26.

Hirundines ubi non nidificent? c. 9. n. 20.

Homo natus cælo suspiciendo c. 4. n. 18. *cur ἄνθρωπος dictus?* c. 3. n. 13. *quis talis?* ibid. *Iustus aliò, quàm peccator ruetur* ibid. *Incola mundi* c. 5. n. 15. *incola cali* ibid. n. 16. *est rex, si vult.* c. 14. n. 19. *felicitati natus* c. 6. n. 1. *cali oblitus* *Umbra* *sestans Xerxi similis.* c. 14. n. 20. *non perit, nisi Solens.* c. 16. n. 4. *Deo similis.* c. 2. n. 17. *navi similis.* c. 1. n. 15.

INDEX RERV M

eius structura mirabilis. c. 4. n. 12. *eius domus instructissima mundus.* c. 4. n. 8. *heteroclitia pictura.* c. 12. n. 17.
Horror peccati quantum in S. Ignatio, Anselmo, Chrysostomo.
 c. 8. n. 15.

I.

Iaspis cur cælestis muri materia? c. 7 n. 4. *eius doses ibid.* § c. 8. n. 5.
S. Ignatius Loiola à mundo § *creaturis ad Deum ascendit.*
 c. 4. n. 19. § *seqq. eius imitatores.* n. 22. § 23. *quid ei in inferno grauisimum.* c. 8. n. 15.
Illum anno decimo captum quid doceat. c. 7. n. 2.
Imandis sepulchrum Labyrinthus. c. 2. n. 6.
Immensitas Dei quanta? c. 5. n. 2. § 3.
Immortales Beati, quomodo? cur? c. 10. n. 16. § 17.
Impeccabilitatis Beatorum qua causa? c. 8. n. 8. § 11.
Imperatorum brevis dignitas, mors, miseria. c. 9. n. 22.
Impij similes febricenti. c. 4. n. 25. *creaturis utuntur, et amens gladio.* c. 4. n. 24. *stellis et abutantur?* ibid.
Incertus exitus Labyrinthi § *mundi.* c. 1. n. 4. § 6.
Incola Labyrinthi quis? c. 11. n. 2. *mundi.* c. 5. n. 15. *cali ibid.*
 n. 16.
Infantibus motus est pro quiete. c. 14. n. 1. *quos significant?*
 ibid.
Inferni supplicia etiam sunt corporalia. c. 6 n. 29 *pæna qua?*
 c. 13. n. 6.
Infortunium via Labyrinthi. c. 1. n. 11.
Initium via peruersa cur multis rectum videatur? c. 1. n. 22.
est velut semen. ibid.
Iniuria Deo inferenda in Inferno inter maximas pænas
computantur à S. Ignatio c. 8 n. 15.
Innocentia est contra Venena § *serpentes.* c. 8. n. 2. § 3.
Intellectus similis est crystallo, aulæ, § *aulis pictis.* c. 12. n. 1.
Beatorum quomodo ornandus? ibid. n. 2 § *seqq. per visionem*
Deo utuntur. ibid. n. 9. *in eo consistit beatitudo.* ibid.
 n. 11. § *seqq. quibus cogitationibus sit preparandus, vel*
non preparandus. ibid. a n. 15.
Inuitat nos ad cælum Deus. c. 5. n. 17.
Inuisibilia Dei. qua. § *quomodo cognoscantur?* c. 4. n. 13.
Ionas nesciens quò iret, Labyrinthi imago, c. 1. n. 7.

Iosephus

Iosephus Patriarcha Labyrintho circumductus c. 1. n. 12.

Iustitias iudicabit Deus quas? c. 1. n. 19.

Iustorum vota c. 5. n. 11.

K.

KvηΦ Aegyptiorum Deus qua forma fuerit expressus &
quid significarit. c. 2. n. 1. & 2.

L.

Labyrinthi nomen non semper male ominatum. c. 1. n. 28 descriptio. c. 1. n. 1. & seqq. c. 2. n. 5. & seqq. comparatio cum mundo. c. 1. n. 2. ob habitatores. c. 5. 1010 & c. 6. n. 3 ob securitatem. c. 8. n. 13. auctores. c. 2. n. 7. 8. 9 causa. n. 9. architecti varij. c. 1. n. 3. & c. 2. n. 10. & 11. finis, securitas, maiestas, difficultas. n. 13. quin & sepultura regum, & crocodilorum, c. 9. n. 3. & cap. 2. n. 7. 13. & 14. scopus c. 5. n. 1 materia preciosa. c. 4. n. 1. forma. n. 2. firmitas c. 3. n. 6. supellex. c. 6. n. 10. securitas c. 7. n. 1. & c. 8. n. 13. capacitas caelo comparata. c. 15. n. 28. magnitudo. c. 3. n. 3. quae comparatur mundi magnitudini ibid. n. 4. & caelo n. 5. infirmitas. c. 9. n. 2. ac 3. altitudo. c. 3. n. 9. laus, est laus caeli c. 1. n. 28. & mundi discrimen. c. 1. n. 25. & cap. 16. a n. 3. incola c. 11. n. 2. mundani deceptiones. c. 1. num. 17. Via duplex. c. 16. n. 1. & seqq. quot habuerit Aegyptius Labyrinthus regias? c. 5. n. 1. quot domos? ibid. quadruplex fuit. c. 2. n. 4. suo ambitu etiam homines oblectabat c. 14. n. 1. symbolum mundanorum. n. 2. multis tamen vicissitudinibus incolae affecit. cap. 13. num. 3.

Labor à peccatis recedendi, quomodo fiat facilis? c. 6. n. 39.

Latere cur in quadragesima institutum? quomodo Roma celebratum? c. 7. n. 14.

Latissia caeli. c. 7. n. 15. c. 13. toto & c. 14. toto. naturalis & terrena cur dissolvatur? c. 14. n. 4.

Laus operis, laus artificis. c. 4. n. 10. creatura est Creatoris. ib.

Legitimos ab illegitimis dignoscendi mos Pfyllorum. c. 8. n. 2.

Liber idiotarum mundus, creatura, caelum. c. 4. n. 7. hunc qui legere non potest cecus est. n. 11. ex eo quo modo Deus legatur? n. 12. libri huius argumentum & scopus. c. 1. n. 28.

Liberum arbitrium erit in caelo & tamen non poterunt peccare sancti. c. 8. n. 7. 9. & seqq.

Licentia blasphemandi. c. 4. n. 24.

INDEX RERV M

- Lingua nova, impia, c. 12. n. 18. & seqq diabolorum. n. 19.*
Lollia Paulina, quàm preciosus ornatu? c. 14. n. 21.
Lucius Brutus cur filius non pepercerit? c. 7. n. 20. L. Fulvius
in publico periculo coronatus punitur. c. 7. n. 12.
Ludet Deus in mundo sine illusione. c. 1 n. 25.
Lumen gloria necessarium, austerum. c. 10. n. 17.
Lupi pradium ridiculè angustum. c. 3. n. 2.
Luxuria infania. c. 6. n. 38 signa & damna ibid.
S. Lidvina qua arte hominè à vitis abstraxerit? c. 10. n. 20.

M.

- Magnares materia laudis. c. 3. n. 2.*
Maledico quid Alphonsus dixerit. cap. 5. n. 7. praesentia Dei
formidanda. ibid.
Mali cur calo excludendi? c. 6. n. 26.
Malum quàm grande, esse reprobum. c. 15. n. 9.
Mansio, cur dicatur caeli habitatio? c. 5 n. 16.
Mardocheus Labyrinthi exemplum. c. 1 n. 11.
Mare Labyrinthus Pharaonis. c. 1. n. 8. cur non cum nova
caeli ciuitate apparuerit? c. 7. n. 5. an sub finem mundi ex-
siccandum?
Margarita Cleopatra. quanti? c. num. 14. 21. qua comparan-
da? ibid.
Marsi à Veneno immunes. c. 8. n. 2.
Martyrium S. Caprasij & aliorum. c. 6. n. 40.
Martyrium numerus quantum? c. 15 24.
Materia laudis res magna. c. 3. n. 2. Labyrinthi preciosa c. 4.
n. 1. Mundi n. 3. muri caelestis, cur lapsus? c. 7. n. 4.
Melanuri indoles in periculo c. 7. n. 22.
Melissa Veneno cur careat? c. 8. n. 4 eius gleba salutaris ibid.
Memoria peris quarentium Vanitatem. c. 3; n. 8 rerum pra-
teritarum quàm acerbata? c. 9. n. 22.
Mempheos conditor, quis? c. 9. n. 4.
Mendes Aegypti rex, quid admirandum in vita egerit? cap.
9. num. 3.
Menophanu ridiculus ager. c. 3. n. 1.
Mens diuina quanta capacitatis? c. 10. n. 12. Deo seruanda à
Vitis. c. 12. n. 17.
Mensa Rudolphi secundi mirifica, c. 6. n. 15.
Melissae visio. c. 6. n. 28. maledicentia tacta. c. 5. n. 7.

Miner-

Minerua arces Atheniensium condit. c. 7. n. 1.

Miraculis plena omnia. c. 4. n. 13.

Miseria humana. c. 6. n. 37 & 38.

Myro ob bucculam celebris. c. 2. n. 12.

Monetis Reginaldis concione conuersus. c. 5. n. 25.

Norbarum fecunda parens terra. c. 7. n. 11.

Mors quid? c. 9. n. 7. *qua anima mors?* ib. *omnes obsides vias* c. 1. n. 15. & *seq. eius memoria apud Aethiopes,* & *Aegyptios* c. 9. n. 1 & 3.

Motheradis regia c. 2. n. 13.

Multitudo magna saluanda. c. 15. n. 11.

Mundana omnia stercus. c. 13. n. 17. *strepitus manus plauden-* *ris* c. 10. n. 1. *deceptio* c. 1. n. 17. *mundana quietes* *qua?* c. 14. n. 2. & 3.

Mundus describitur. c. 1. n. 2. & *seqq. est domus instructissi-* *ma.* c. 4. n. 8. *anima prae.* n. 9. *Dei etiam domus* c. 5. n. 2. *templum diuinitatis* n. 3. *Hominis stadium in caelum* & *terram tributum* c. 5. n. 15. *Lata tristibus miscet.* c. 11. n. 3. & 4. *duas vias habet* c. 16. n. 1. & *seqq. Est similis cadau-* *ri.* c. 14. n. 5. *ono.* c. 2. n. 3. *ducit ad Deum.* c. 4. n. 19. & n. 25. *est* *liber idiorum.* n. 7. & 8. *est tabula* & *speculum.* n. 13. *Et* c. 2. n. 2. & 3. *Esus emblemata* c. 4. n. 4. *materia* c. 4. n. 3. *pul-* *chritudo* ib. *firmitas.* c. 3. n. 7. *altitudo* n. 10.

Muri caelestis materia cur lapsus? c. 7. n. 4. *Spartanorum* *qualis?* c. 7. n. 3. *item Trojanorum* ib. *Semiramidis.* c. 7. n. 1.

Murium fabella. c. 5. n. 18. & *seqq.*

Musica in luctu importuna narratio. c. 7. n. 12.

N.

Nauis hominis viam incertam representat. c. 1. n. 15.

Nerites formosissimus cui compareretur. c. 13. n. 18.

Nilus Aegyptum facundat. c. 7. n. 15.

Nisthocris Euphratem Labyrinthico ambitu deriuat. c. 7. n. 1.

Nonissima Via cur dicantur potius ducere ad interitum, *quam initium?* c. 1. n. 22.

Numisma Attali. c. 9. n. 18.

O.

Oblitio quorundam & *cacitas.* c. 6. n. 38. *Omne?* n. 28.

Occasio peccati in mundo, occasio est praeij. c. 1. n. 26. *meriti,* *non erroris in mundo est à Deo posita* c. 16. n. 78.

INDEX RERV M

- Oftauum Mundi miraculum.* c. 6. n. 15.
Oculus impij cur fit nequam? c. 4. n. 25. *sapientia cur incipite suo?* c. 5. n. 5. *Beatorum quo intentus.* ibid.
Odium peccatorum est in Deo & sanctis sine dolore. c. 7. n. 18.
Vnde? n. 19.
*OEttingenses sancti, exules vulgò, miraculoso fonte quot sa-
nent?* c. 7. n. 11.
Oliua est Elias, Henoch, Beatic. 10. n. 13. *symbolon est victo-
ria, felicitatis, aternitatis.* ib.
Operarum numerus in structura templi Salomonis. c. 6. n. 20.
Operum Dei & hominis differentia. c. 3. n. 8.
Ophiozemes venena pellant. c. 8. n. 2.
Opulencia Persici thalami. c. 6. n. 8.
Oratio S. Dorothea ad Carnificem. c. 6. n. 32. *S. Cacilia n. 33. S.
Agneta ad procum.* ib.
Origenis error de viciisitudiue Beatorum & Angelorum
c. 9. n. 6.
Ornatus mulsebris. c. 5. n. 3. *ingenij humani exemplum est.* ib.
Ouidij querela de tempore. c. 5. n. 10.
Ouum Mundi symbolon. c. 2. n. 3.

P.

Pacem cur Beati habeant? c. 9. n. 11. 12.
Palatium Cæli cur auro & streo obductum. c. 6. n. 12.
Palatia cur in Labyrintho structa? c. 6. n. 2. *Mundi, splendi-
da sunt n. 8. somnia n. 9.*
Palmities Apostoli. c. 6. n. 9.
Panthera indoles. c. 13. n. 13.
Paradisus figura Cali. c. 6. n. 27.
Parua contemptui sunt. c. 3. n. 1. *materia cachinnorum.* n. 2.
Patres in filios reip. causa acerbi. c. 7. n. 20.
Patria cuique dulcis. c. 5. n. 11.
Pauci cæli felicitate gaudebunt. c. 15. n. 9. *cur?* n. 10.
S. Paulus testis cælestis voluptatis. c. 6. n. 4. *cur à Vipera illa-
sus.* c. 8. n. 3. *eius ecstasis ex amore in Deum.* c. 13. n. 15.
Pauperes cur Christus elegerit. c. 14. n. 3.
Paupertatis poetica descriptio. c. 3. n. 1. *Ciceroniana.* n. 2. *Lu-
ciliانا n. 1. Catulliana ib. Martialis.* n. 2.
Peccati origo tantum est à peccatore. c. 16. n. 5. *occafio, est occa-
fio meriti.* c. 1. n. 26. *damna.* c. 6. n. 38. *horrer quantus in S.*
Ansel-

ET VERBORVM.

- Anselmo. c. 8. n. 15. symbolon sanguis. n. 5. menstruum. ib. fuga. securitatis cœlestis & a n. 2. remedium presentia Dei consideratio. c. 5. n. 7.*
- Pecuniarum feliciter possidenarū condiciones tres. c. 15. n. 1.*
- Persecutiones Ecclesia c. 15. n. 24.*
- Perseuerantia ratio aternitatis consequenda c. 9. n. 15.*
- Perfica regum delitia c. 6. n. 8. diuisa cubiculares ib. somnia sunt. n. 9.*
- Phaon Lesbicus cur Sappho dilectus? c. 13. n. 12.*
- Pharao ignarus ad interitum properat. c. 15. n. 12.*
- Phidias Minerva sua scuto imaginem suam imprimit. cur? c. 4. n. 10.*
- Philosophi ex Creaturis Deum agnoscunt. c. 4. n. 17. alij errant n. 19. eorum varia de beatitudine sententia c. 12. n. 3.*
- Phoca martyr in serpentes potestas c. 8. n. 4.*
- Piscis quidam cur stella dictus? c. 13. n. 10. eius descriptio, & & ib. symbolon est diuina flamma ib.*
- Platanus Xerxis c. 14. n. 18.*
- Plato cur Moses dictus! c. 6. n. 24. eius sententia de duodecim terra beata coloribus. ib.*
- Pœna damnatorum maxima, pœna damni. c. 13. n. 7. summam ijs causat tristitiam. ib.*
- Pœnitentia & passionis tempore non decet gaudere. c. 7. n. 13.*
- Pomum Imperiale & inde. c. 4. n. 4. cur cruce insigne? ib.*
- Porta cœli cur duodecim? c. 15. n. 12.*
- Porseena regis Labyrinthus Italicus sepulchrum est c. 2. n. 14.*
- Porticus Domitiani illustris. c. 6. n. 12. marmorea Roma cur Paradisus dicta? n. 27. Apollonio & isa, quàm pretiosa! c. 4. n. 5.*
- Pradium Lupi. c. 3. n. 2.*
- Prærogatiua & na Christi, de peccato argui non posse. c. 8. n. 1.*
- Præfens Deus omnibus & singulis est se toto c. 5. n. 2. 3. quomodo? n. 4. eius consideratio stimulus ad virtutem. ib. & n. 7. ac 8.*
- Pretium sanguinis Christi c. 15. n. 21.*
- Primogenitum Deo offerendum: hinc, & cor c. 13. n. 18.*
- Principum Vestibulis cur appingatur brachium? c. 5. n. 6.*
- Problema: quam domus maxime felix! c. 14. n. 1.*
- Psylli & inde dicti. c. 8. n. 2. medentur morsu serpentum. ib.*

Pudic

INDEX RERVM

Pudicitia conciliatrix est Dei praesentia. c. 5. n. 8.
Pulchritudo agri mecum est quid? c. 4. n. 3.
Pusillanimes nos fieri non vult Christus. c. 15. n. 10.
Pythagora ingeniosa de Herculis magnitudine ratiocinatur. c. 5. n. 2.

Q.

Quarendus Deus ubi? c. 5. n. 12.
Querela Ouidij de loco & tempore. c. 5. n. 10.
Quies in motu infantibus. c. 14. n. 1. *in terris non maior,*
quàm in mari. c. 7. n. 5. 6. & 7. *in caelo quarendum ibi.* qua-
li? n. 23.

R.

Ratio dux Via nostra. c. 16. n. 6.
Rationale Pontificis caeli typus. c. 6. n. 24.
Regia Motherudis, c. 2. n. 13. *Salomonis.* c. 6. n. 16. *triplex,* &
ubi sit. ibi. quàm splendida? n. 17. *tempus adificandae eam.*
n. 18. quotuplex in Labyrintho? c. 5. n. 1.
Regina Saba anima beata typus. c. 12. n. 13.
Reginaldiconcione Monetius conuersus. c. 5. n. 25.
Regum Persia delicia. c. 6. n. 8. *diuitia in cubiculo.* ib.
S. Remberti oratorium semper virens. c. 7. n. 23.
Remedium peccati, praesentia Dei. c. 5. n. 7. *amoris terreni*
calamitates. c. 7. n. 11. *veneni qua terra.* c. 8. n. 14.
Res omnis, si caduca, minus aestimatur. c. 9. n. 4.
Rex esse potest homo. c. 14. n. 19.
Roma à quibus aeterna creditur? an vere? c. 9. n. 18.
Rosam quando Pontifex benedicat? c. 7. n. 14.
Rudolphi II. mensa. c. 6. n. 15.
Romulus fratrem proprium libens necat. c. 3. 20.

S.

Saliva humana serpentibus exitialis. c. 8. n. 2.
Salomon 7. annis qualem domum adificavit? c. 2. n. 11. *dupli-*
cem. c. 6. n. 16. *templum eius. ibi. regia. triplex, quam splen-*
dida? ibid. & n. 17. *quam diu adificata?* n. 18.
Salus Libani aula miranda. cur? c. 6. n. 16.
S. Salinus redinius, quid de caelo? c. 6. n. 35. *qualem deinde*
duxerit vitam? n. 36.
Sanctorum in terris oculi, quò insenti? c. 5. n. 5.

Sanguis

ET VERBORUM.

- Sanguis peccati symbolon. c. 8. n. 5. Christi quàm preciosus: c. 15. n. 21. & c. 6. n. 21.*
- Sapientum ad Deum vox. c. 4. n. 23.*
- Sardanapali monumentum. c. 10. n. 1. statua. ib.*
- Sardinia serpentes non fert. c. 8. n. 4.*
- Saul nesciens quò iret, Labyrinthi exemplum. c. 1. n. 13.*
- Saulus perdere volens, à Deo inuentus est. c. 1. n. 13.*
- Scopus Paris marmorarius quàm celebris? c. 2. n. 12.*
- Securitas quid sit. c. 7. n. 6. Vbi sit, & ubi non sit n. 7. & seqq perfecta in solo cælo, & quàm preciosa. c. 8. n. 14 & 15. Labyrinthi. c. 7. n. 1. cur in cælo? c. 9. n. 7. est perpetua n. 8. seqq. mundi est in medio periculorum. c. 1. n. 19. id exemplis docetur. num. 20. & seq. Vnde in cælo sit vera securitas. c. 10. num. 16.*
- Semiramidis muri. c. 7. n. 1.*
- Sepulchrum in Labyr: nitho. c. 9. n. 3. Sardanapali c. 10. n. 1. quàm sollicitè Babylonij struxerint, & quomodo appellarint, aut cur domum æternam? c. 9. n. 4. Meridis. c. 2. n. 13.*
- Sermo Dei ad homines c. 9. n. 22.*
- Serpentis anes Vis c. 8. n. 4.*
- Similitudo inter hominem & Mundum c. 5. n. 12. inter animam & Deum. ib. Beatorum magna, sed impar est cum Deo. c. 11. n. 9. in quo sita. ib. ob eam orietur gaudium, & lætitia, & coniunctio 10.*
- Simulacra in Maltheo Gymnasio Erotis & Anteræis, symbola diuini & Veneres amoris. c. 13. n. 12.*
- Societas Angelorum quantum addat Beatitudini? c. 11. n. 4.*
- Solatiū ex fec. scis domus visionis. c. 15. n. 8. spe ib.*
- Sol Corporis Christi habitaculum à quibus dictus. c. 5. n. 14.*
- Sparsa cur non muro cincta? c. 7. n. 3.*
- Spinea Christi corona quid portenderit? c. 7. n. 3.*
- Splendor Beatorum & ornatus in Cælo c. 6. n. 7.*
- Sponsa ornata cur Cælum comparatum? c. 6. n. 7. ornamenta. ib.*
- Statua Sardanapali symbolon humanarum rerum. c. 10. n. 1.*
- Stella impijs hodie blasphemiarum aqua proportio. c. 4. n. 24.*
- Strategema Strategemate superatur. c. 7. n. 10.*
- Stultitia peccantis mortaliter ex æternitate pœnarum, & gaudiorum alterius saculi perpenditur. c. 10. n. 20. 21. 22.*

Sum-

INDEX RERVM

- summum bonum cur solum amandum?* c. 13. n. 21. *omnia continet.* ib. *solus est Deus.* c. 11. n. 3. 4.
- Summus Pontifex Dominica Latere rosam benedicit.* cur? c. 7. n. 14.
- Supplicia inferni etiam sunt corporalia.* c. 6. n. 29.
- T.
- Tarquinius superbus templum quale adificasse credatur.* c. 9. n. 18.
- Temerariorum in Labyrintho via periculosa.* c. 1. n. 20.
- Templum Salomonis.* c. 6. n. 16. *Cælo comparatum.* n. 21. *quantis impensis extructum?* n. 19. *quot operarij?* n. 20. *Fortuna ex Sphengite.* c. 6. n. 11. *Dionysij gemmeum.* n. 10. *cæleste describitur.* c. 14. n. 17. *Dei, est mundus eius præsentia sanctus.* c. 5. n. 3.
- Tempus Imperij breue quibus?* c. 9. n. 22. *iudicij quos motus in elementis facturum.* n. 20. *quadragesima cur Latere admittat?* c. 7. n. 14. *Passionis gaudia respuit.* n. 13.
- Terra post iudicium noua,* c. 7. n. 5. *cælo comparata punctum.* c. 3. n. 4. & c. 10. n. 2. & seqq. *quàm stultè cælo præferatur?* c. 13. n. 18 & 19. *securitatem cur non præstet?* c. 7. n. 8. *obnoxia est casib.* n. 9.
- Terrena omnia fluxa.* c. 9. n. 21. *qui amat, stercus amat.* c. 13. n. 17.
- Testimonium Dei sunt creatura.* c. 4. n. 17. & 18.
- Testis cælestium bonorum S. Paulus.* c. 6. n. 4. *Ioan. ib.*
- Thalamus Persarum diues.* c. 6. n. 8. & 9.
- Themistocles domum venditurus, quomodo laudavit?* c. 11. n. 1.
- Theophilus à S. Dorothea conuersus.* c. 6. n. 32.
- Thesaurus pro templi fabrica relictus Salomoni.* c. 6. n. 19. *cæli quantus.* n. 39. *eius arrha afflictio.* ib.
- Thomas Morus breuitatem terrenorum considerans vitam contemnit.* c. 10. n. 4.
- Thronus Dei cur gemmeus.* c. 6. n. 13. *cur sol dicatur.* & *quàm splendidus!* ib.
- Timor ex paucitate saluandorum.* c. 15. n. 9.
- Titis Manlij in filium proprium sententia.* c. 7. n. 20.
- Torrens voluptatis.* S. Ioanni ostensus. c. 13. n. 5.
- Tristitia cogitatione finis mitigatur.* c. 9. n. 17. *oritur ex amore.* c. 7.

ET VERBORVM.

re c. 7. n. 16. illi succedet gaudium post hanc vitam n. 6.

V.

Vanitas rerum omnium. c. 9. n. 21.

Varronis fundus, est funda minor. c. 3. n. 2.

Vaticinium S. Benedicti de Roma. c. 9. n. 19.

Vchoreus Memphis conditor quas regias, & quare adificavit. c. 9. n. 4.

Venenum pellunt Ophiogenes & alij. c. 8. n. 2. in quibus regionibus non sit? n. 4. eius remedia. n. 14.

Veneratio templorum c. 5. n. 3.

Vestibulis Principum brachium cum securi, cur appingatur? c. 5. n. 6.

Via est Vita humana. c. 5. n. 15. eadem multorum dispari exitu c. 1. n. 14. duplex. c. 16. n. 1. & seqq. *Ad cælum est Christus.* c. 16. n. 1. & 6. *Ad beatitudinem non est felicitas.* c. 1. n. 21. *qua ducat ad perditionem?* c. 16. n. 31. *Mundana in periculo videtur securo.* c. 1. n. 19. *exempla huius securitatis.* n. 20. & 21. *cur peruersa multis recta videatur?* c. 1. n. 22. & 23. *cur nouissima potius dicatur ducere ad interitum?* c. 1. n. 22. *Errorum declinat subinde in regiam Virtutem.* c. 1. n. 14.

Viatorum & Comprehensorum differentia unde? c. 8. n. 11. *cur quidam impeccabiles.* ib.

Vicinus bonus precium rei addit, malus detrimentum affert. c. 11 n. 1.

Videri magnum hominis incentiuum c. 5. n. 3. *praesertim à Deo* n. 4.

Vigilantius videt apparentem S. Aftionem. c. 14. n. 16. *describit cæli regionem* ib.

Vipera S. Paulum innoxie mordens. c. 8 n. 3.

Virtutum Via saepe in Vitiis desecit. c. 1. n. 14. *ijs muuisti non fugit bestias, sed fugat; exemplis ostenditur.* c. 8. n. 3.

Visio S. Benedicti c. 10. n. 2. *militis.* c. 6. n. 28. *beatifica sola facit essentialiter beatum.* c. 12. à n. 9. *quid? quàm perfecta? quârum desideranda? quomodo comparanda?* ib. *beatifica Visionis effectus* c. 8. n. 11.

Vita humana, est Via c. 5. n. 15. *aranea similis* c. 1. n. 2. *Sera non est, nisi beata.* c. 9. n. 16.

Vitia in homine. c. 12. n. 16. *Deum auerunt.* n. 17. *Estamen sa-*
pe ha-

INDEX RERVM ET VERBORVM.

- pe habentur pro gemmis* c. 6. n. 40. *eorum origo est amor proprius* c. 4. n. 14. *eorum gradus & consequentia ib.*
Vitis vera & preciosa Christus c. 6. n. 9.
Vnio cum Deo varia est c. 12. à n. 4. *quam perfecte faciat beatos* ! à n. 9.
Voluntas cordis nomine maximè intelligitur c. 13. n. 2. *beatorum omni bono replebitur* n. 3. & seqq. *erit libera etiam in beatis* c. 8. n. 7. & 9. *cur à peccatis in beato securi* ! n. 10.
Voluptas beatorum non est fluxa c. 14. n. 7. *est summa* n. 8. *erit etiam in corporibus* c. 6. n. 26. *qualis* n. 8. *terrena est spernenda* c. 14. n. 1. & seqq.
Vota iustorum c. 5. n. 11.
Vox sapientum ad Deum c. 4. n. 23. *Beatorum ad homines* c. 15. n. 29. *magna de throno Dei quid?* c. 6. n. 15. *impj* c. 4. n. 24.
Vtilitas Labyrinthi Aegyptij c. 5. n. 1.
Vulgi de via ad beatitudinem fallax iudicium c. 1. n. 21.

X.

- Xerxis regis sub platano subsistentis, & arborem preciose irnantis extrema stultitia* c. 14. n. 18.

Y.

- Y. Pythagora littera de duabus &ys diuersis à S. Ephram luculente exposita* c. 16. n. 1. & seqq.

Z.

- Zona Cneph Aegyptiorum Dei in manu retenta, quid significarit?* c. 2. n. 1.

Omnia ad maiorem DEI & Beatorum gloriam.

